

**SIXTH LEGISLATIVE ASSEMBLY OF MIZORAM
(ELEVENTH SESSION)**

LIST OF BUSINESS

FOR NINTH SITTING ON FRIDAY, THE 27th JULY, 2012
(Time 10:30 AM to 1:00 PM and 2:00 PM to 4:00 PM)

QUESTIONS

1. *Questions* entered in separate list to be asked and oral answers given.

LAYING OF PAPER

2. **Pu C. RAMHLUNA** to lay on the Table of the House a copy of Statement of Action taken on Action Taken Report of Public Accounts Committee.

PRESENTATION OF REPORTS

3. **Pu C. RAMHLUNA** to present to the House the Eighteenth Report of Public Accounts Committee on the Report of Comptroller & Auditor General of India for the year 2007-2008 relating to Health & Family Welfare Department.
4. **Pu C. RAMHLUNA** to present to the House the Nineteenth Report of Public Accounts Committee on the Appropriation Accounts for the years 2008-2009 & 2009-2010 (Excess Expenditure)

FINANCIAL BUSINESS

DISCUSSION AND VOTING ON DEMANDS

5. **Pu LALSAWTA**, Minister to submit to the Vote of the House Various Demands under his charge.
6. **Pu NIHAR KANTI**, Minister to submit to the Vote of the House Various Demands under his charge.
7. **Pu P.C. LALTHANLIANA**, Minister to submit to the Vote of the House Various Demands under his charge.

NGURTHANZUALA
Secretary

....

S P E A K E R : “Naupang chu a kalna awm kawngah chuan zirtir ula, a upat hun pawhin a thlah lovang”

Thufingte 22:6

Tunah zawhna leh chhanna hun kan lo la leh anga, Starred Question No.141-na zawt turin Pu R.L. Pianmawia ilo sawm ang.

Pu R.L.PIANMAWIA : Pu Speaker, Power & Electricity Department enkawltu Minister zahawm tak chhan atan ka zawhna :

- (a) P & E Department a J.E. indaihlohna hi sutkian thuai tumna a awm em?
- (b) RGGVY hmalakna hi chak zawka kalpui anih theih nan sorkar in engtin nge hma a lak?
- (c) RGGVY hmalakna atana sum ruahman zat – hman tawh leh ala bang engzat nge? tih a ni e.

S P E A K E R : A chhang turin a changtu Minister, Chief Minister hi a awm lova, amaherawhchu, a ai awhin Pu R.Lalzirliana ilo ko ang.

Pu R.LALZIRLIANA, MINISTER : Pu Speaker, member zahawm tak Pu R.L.Pianmawia zawhna (a)-na P&E Department a J.E. indaihlohna hi sutkian thuai tumna a awm em? tih a ni a. A chhanna chu – P&E Department-a J.E. indaihlohna sutkian tuma hmalak mek a ni. Mahse, post ruak 44 lai a awm avangin a hnawhkhah phalna sorkar in a pek a ngai. (b) RGGVY hmalakna hi chak zawka kalpui anih theih nan sorkarin engtingge hma a lak? A chhanna chu – RGGVY hmalakna hi chak zawka kalpui anih theih nan contractor te hna thawk chak tura nawr reng a ni. (c) RGGVY hmalakna atana sum ruahman zat – hman tawh leh ala bang engzatnge? A chhanna chu – RGGVY hmalakna atana sum ruahman zat chu cheng nuai 26,765 leh 580 (zanga sawmriat) a ni a. May ni 31, 2012 thleng a hman tawh zat chu cheng nuai 22,904 leh 50 (pawisa sawmnga) a ni a. A la bang chu cheng 3,886 leh 08 (pawisa pariat) a ni.

S P E A K E R : A pawisa azawng khan kan kal a, kan hrethiam hram ang chu? Zawhbelhna kan siam lovang a, tunah Starred Question zawhna No.142-na zawt turin Pu K.Liantlinga.

Pu K.LIANTLINGA : Pu Speaker, ka lawm e. Disaster Management & Rehabilitation Minister zahawm tak, ka zawhna Starred Question No.142-na -

- (a)-na Kum 2011-2012 chhung khan thli, ruah leh leimin avanga chhiatna tuarte engzatnge awm? District wise-in min hrilh thei em?
- (b) Heng chhiat tawkte tanpui nan hian kan sorkar hian sum engzatnge a sen? District wise-in min hrilh thei em?

S P E A K E R : A chhang turin a changtu Minister zahawm tak Pu Nihar Kanti ilo sawm ang.

Pu NIHAR KANTI, MINISTER : Pu Speaker, member zahawmtak Pu K.Liantlinga zawhna (a) na – Kum 2011-2012 chhung khan thli, ruah leh leimin avanga chhiatna tuarte engzatnge awm? District wise-in min hrilh thei em? a chhanna chu – Hrilh thei e, kum 2011-2012 chhunga thli, ruah leh leimin avanga chhiatna tuarte chu District wise-in hetiang hi a ni e.

1.	Aizawl	-	Chhungkua 113
2.	Lunglei	-	Chhungkua 170
3.	Saiha	-	Chhungkua 186
4.	Lawngtlai	-	Chhungkua 508
5.	Champhai	-	Chhungkua 389
6.	Kolasib	-	Chhungkua 254
7.	Serchhip	-	Chhungkua 104
8.	Mamit	-	Chhungkua 372

An vaiin chhungkua 2096 an ni e.

(b) Heng chhiat tawkte tanpui nan hian kan Sorkar hian sum engzatnge a sen ? District-wise in min hrilh thei em tih chhanna chu -

Heng chhiatna tawkte tanpui nana Sorkar in sum a sen zat chu hetiang hi a ni e -

1.	Aizawl	-	Rs. 8,65,000.00
2.	Lunglei	-	Rs. 26,53,000.00
3.	Saiha	-	Rs. 13,93,000.00
4.	Lawngtlai	-	Rs. 40,25,500.00
5.	Champhai	-	Rs. 29,50,500.00
6.	Kolasib	-	Rs. 47,53,500.00
7.	Serchhip	-	Rs. 12,00,000.00
8.	Mamit	-	Rs. 19,97,375.00
	A vaia hman zat		Rs. 198,37,875.00 a ni e.

S P E A K E R : Pu K. Liantlinga zawhbelhna, chutah Pu Lalduhoma.

Pu K. LIANTLINGA : Pu Speaker, ka lawm e. District-wise a an expenditure te kan han hria a. Tin, Chhiatna tuar zat te kan han hre bawk a, a lawmawm hle a. Helai-ah hian engzatnge sum an neih a ? Unspent balance hi District hrang hrangah hian engzatnge awm tih kha, min han hrilh thei em aw ka ti a. Theih rih loh pawhin nakinah pawh a pawi lova. Nakinah Session chhunga min hrilh theih chuan a lawmawm tho a.

Tin, pakhat lehah chuan, heng atan hian silpauline leh poly-tarpaulin lei nan hian sum engzatnge hman a nih ? Silpauline hi Chhiat tawhna engemaw atang hian engzatnge procurement an siam tih leh poly-tarpaulin-ah hian engzatnge tih kha ka'n hre duh a, a rate ve ve nen.

Tin, tuna Tender an kohah hianin HDPE an ti a, an kohah hian GSM-ah hian 70 vel leh 90 hi hman lar a ni a. Amaherawhchu, a vai mai a 120, 140, 160 thleng a an ko vek hi, an lei vek seng dawn em ni ? An mamawh tawk ang kha koh mai awm a ni a, GSM nasa tak maia, a vai a koh vek mai kha, lei vek tumna a awm em tih kha ka'n zawt belh duh a ni e.

S P E A K E R : Pu Lalduhoma i lo ko ang.

Pu LALDUHOMA : Pu Speaker, Sairang leh a chheh vel a tuitla han buaipuina tur hmanrua eng eng emaw kan Sorkar hian min pe tawh a, a lawmawm kan ti a. Kan hmanng tangkai khawp mai a. Chung zingah chuan Rubber boat a tel a. Rubber boat min pek hi a lian lutuk a. A tangkai tho a, ama'rawh chu, lui mawng lamahte an han khalh thla vang vang a. Tun ang hunah chuanin current kalh zawng a han kalh chhoh te kha a lo buaithlak em em a.

An hman zawh tawh kha chuan vaukamah an ti thep a, an keng mai thin a. Pa pali in zawn a ngai a, a rit lutu a. Chuvang chuan, mi pahnih lek chuan theihna ang chi hi kan mamawh a ni. Chutiang chu pahnih pathum min pek leh dan min ngaihtuhsak thei a ngem tih kan zawt duh a. Tin, oxygen tank liluhna atana hman ang chi kha kan han hmang dawn a, a mask te leh a part engeng emaw kha alo kim lova hman theih lohin a awm reng a ni. Khu khu tangkai thei tak tur a ni a, repair pawh a nilo a, a part kimlo sa anih vanga hman theih loh a ni a. Chu chu a rang lamin min lo tih thatsak thei a ngem tih kan zawt bawh a ni.

S P E A K E R : Tlai deuh takin Pu Lalthansanga a phar a, mahse a ni hi a mal deuh si a i tih sak ang aw, Pu Lalthansanga.

Pu LALTHANSANGA : Pu Speaker, ka lawm e. Kan inthlahrung deuh a, I dinglam a mite hi an phar em aw ka ti a, phar turah kan ngai deuh a, an lo phar lo a. Hei Serchhip District aiawh a sawi fo ve mai hi a ngai a, kan House Leader hi kan Chief Minister a ni bawh si a. Tin, Pu K.Lianzuala hi a inti Tuikum deuh riau mai a, keini Serchhip paltlang ngei ngei ngai bial kan nih avangin. Hei ka bialah hian chhiatna kan tawh zeuh zeuh reng mai a khimi Tuichang, a hming reng reng pawh hi Tuichang a ni a mihring hi a chang reng mai a ni. Englai pawh hian man tur ang hi a ni mai a, a hming atang ringawt pawh khian a rapthlak khawp a, Sairang tih te ai chuan rapthlak tak a ni. Chutiang ang lui awm nate leh khitah Tiau te, Tuipui te a awm a, chutiang ang lai hmun chu a ni a. Hmanni lawk pawh khan Tuipui ah Tiau-ah te khan Sailulak mi a tla hlum a, Tuichangah pawh khan an tla hlum a ni a. Tin, kan hma deuh hlek pawh khan Khawlailung tlangval kha a tla hlum a. Khami bo zawnah pawh khan Sairang ho kha an zuk pun ringawt mai a ni Sumo khat hian an rawn tlan chho a a, chutiang chuan min rawn zawnpui a ni a. Tui te kan thiam lo bawh a, tin kan awmna khua khian a hlat deuh avangin Sairang ang em in kan thiam lova. Chuvang chuanin Rescue Equipments ho hi District tinah emaw te leh hetiang lai area deuh bik, a prone area i ti mai teh ang tui tlak tamna laiah te hian min dah sak ve thei a ngem tih kha kan zawt ve a ni, ka lawm e.

S P E A K E R : A chhang turin a changtu Minister ilo ko ang.

Pu NIHAR KANTI, MINISTER : Pu Speaker, ka Department chan hi a buaithlak khawp mai a. Kan hriat theuh angina vanduaina tuar tute chhawmdawl na hi kan Disaster Sept., hna ber a ni a. Kumtin eng emaw chhiatna hi kan tawh fo thin a ni, a pawh ka ti khawp mai a. Disaster Department Act, 2005 in a sawi angin Chief Minister kaihhraina hnuai ah State Disaster Management Authority hi chak takin kan ding bawh a. Chumi hnuah District tinah, District Disaster Management Committee D.C., kaihhraina hnuai ah kan din bawh a ni. Nichina zawhna neitu Pu K.Liantlinga zawhna “Balance engzatnge awm” tih erawh kha chu tun maiah chuan kan hrilh thei lova, balance tur pawh a awm ka ring lem lova. A chhan chu tunlai hian chhiatna hi hmun hrang hrangah kan tawh nasa a. Emergency a balance awm tur pawh District tinah kan zawt a, balance an neih loh thute min hrilh a. Pu Speaker, kan hriat theuh angin Silpauline hi Mizoramah a lar em em a, kumtin hi approximately-in vaibelchhe 3 leh 4 inkar hi Silpauline kan lei thin a. Kan leichhan ber chu leimin ven nan a ni a, tlangram anih avangin Silpauline hi kan hmang tangkai em em a ni.

A rate chungchang erawh chu approve nei ve thin a. Hei GSM hrang hrang approve inangin kan lei thin a ni. Le, Pu Speaker, Pu Duha sawi erawh chu a dik khawp mai. A sawi ang ang kha chu kan lo ngaihtuah dawn a ni. Pu Lalthansanga zawhna a dik khawp mai a, kumtin hi vanduaina kan thleng fo thin a. Hei tui tlate hi a awm nual a, ka bialah pawh kar hmasa khan mi pathum (3) lai hi

tui tla an awm a. Chuvangin, hemi tui tlate chhanchhuahna hmanrua chu district tinah a theih ang ang kha kan dah a ni. Pu Speaker, ka lawm e.

S P E A K E R : Le, zawhna 143-naah kan kal ang a. Chumi zawt turin Pu C. Ramhluna ilo sawm ang.

Pu C. RAMHLUNA: Pu Speaker, ka lawm e. Labour Employment and Industrial Training Department Minister zahawmtak chhan atan ka Starred Question No.143 chu hei hi a ni.

- (a) The Mizoram Building and other construction workers welfare fund hnuai hian member engzatnge awm?
- (b) Member zingah hian Mizo engzatnge awm ve?
- (c) He fund hnuai atang hian hamthatna engtenge awm?
- (d) Heng hamthatna hi mi engzatin nge chhawr tawh?
- (e) Welfare fund atan hian contractor lianten an hnathawhna cost atanga 1% an thawhkhawm sum hi engzatnge tlingkhawm? tih a ni a.

Pu Speaker, tlem tein, kan Minister zahawmtak hian a Department kha kan sawi tawh a. A wine-up tawh na a, hei hi a rawn sawi chhuak viai viai a. Hei hi thiltar rawn tihchhuah a ni a, ka lawmpui khawp a, Mizoram tan pawh a tha dawnin ka hria a. chuvang chuan member-te pawhin an hriatzau theihna tur atan hei hi chianguang deuh hlekin min hrilh se kan duh a ni e. Ka lawm e.

S P E A K E R : Le, a chhang turin Minister zahawmtak Pu Lalrinliana Sailo i lo sawm ang.

Pu LALRINLIANA SAILO, MINISTER: Pu Speaker, member zahawmtak Pu C. Ramhluna zawhna –

- (a) The Mizoram Building and other construction workers welfare fund hnuai hian members engzatnge awm? tih hi written-a kan ziah kan rawn chhannaah hian 265 tih a ni a. Mahse, Pu Speaker, tuna a rawn sawi ang khan a dik tak sawi a thain ka hria a. Nitinin an rawn inti thar ta a, tunah hian 513 member an ni ta a ni.
- (b) 513 member zingah hian Mizo engzatnge awm? tih hi hei pawh hi nimina rawn register-te nen khan chhiar ta ila a that ka ring a. Tah hian Mizo hi 509 an ni a. Mizo nilo hi 4 an awm ve a. Hemite hi Gurkhali Lawipua rim taka hnathawkte an ni.
- (c) -na hi kan chhang nghal ang a;
- (d) -na hi kan chhang ang a. Heng hamthatna hi mi engzatin nge chhawr tawh? tih hi a hmian 5 tih kha ziaak a ni a. Tunah hian 17-in an chhawr tawh a, Rs.27,500/- kan pe tawh a ni.
- (e) -na hi Welfare fund atan hian contractor lianten an hnathawhna project cost atanga 1% an thawhkhawm sum hi engzatnge tlingkhawm tawh? tih hi a latest-in chhang leh mai ila Pu Speaker, a thain ka ring a. Rs.5,56,07,981/- a ni. Tin, (c)-na kha he fund hnuai atang hian hamthatna engtenge awm? tih hi tuna a rawn zawh ang khan member-te hriatah chhang dawn ta ila. Kan sawi tawh a, hmanni khan member nih a ngai a, member nihna turin Rs.25/- registration fee pek phawt a ngai a. Tichuan, security certificate te, Birth certificate te, tin, Baptisma an channa certificate-te pawm a ni a. tin epic pawh kha pawm a ni a. Tichuan heng mite hi House a hrilh a thain ka ringa, hei un - skill kan han ti a, chhu chawrh chawrh pawl, a pu deuh tawrh tawrh pawl, a hnuk deuh pawrh pawrh pawl hi semi-skill, alai tawrh tawrh pawl an ni a. Tin, semi –

skill kan ti leh a tlema chungho kaihruai thei chu semi-skill kan ti leh a, tin Skill – II kan ti leh a hei hi chu tlema changkang tawh LDC te, meter reader kan tih ang chi te, data operator te computer thiam chin te kha an lo ni tawh a. Tin, skill – I hi chu heng ang sawrkar policy te ang pawh man pha thuak thuak tawh chin, B.E kan tih te, Engineer-te an lo ni tawh a. Tin, mi an in register chuan hamthatna engtin nge awm thei tih kha, mi an thih in member chu kum 60 a tlin hma a a boral chuan a chhungte hnenah cheng Rs 15,000 thleng pek theih a ni a, tin a hnathawhna hmuna a chetsual chuan Rs 50,000 thleng pek theih a ni. Tin, member chu hnathawhna hmuna alo chetsual avanga ram tui leilo a alo awmin cheng Rs 25,000 thleng pek theih a ni a, tin, khami boral te an lo awm khan an nupui emaw pasal emaw an fate kum tlinglo an la nihin tih te leh an chhungkua atang khan pek theih a ni bawk. Tin, damloh leh chetsual tawh palha hamthatna dang la awm te chu, Damdawi in a an awmin dah ni atanga ni nga chhung kha ni tin Rs 300 an pe thei a, tin a piah lamah nitin Rs 50 in anlo dawn chhunzawm anga cheng Rs 10,000 thleng pek theih a ni dawn a ni. Tin, member-te hi hnathawhna hmun kher lo a, eng emaw vanga hnathawk thei ta lo a, khatianga an lo awm khan Rs 20,000 thleng pek theih a ni. Tin, hmeichhe tan hian a tha riau a, kum khat member an lo nih tawh khan nau neihsin Rs 2000 thleng pek theih a ni a, amaherawhchu, hei hi fa pahnih chuah thleng pek theih a ni ang. Tin, member kum khat tal ni tawh fate chuan High School Leaving Certificate chung lama an zirnaah Tribal Scholarship pek bakah hianin hei special provision kan siam a, scholarship an nei thei dawn a ni. Tin, member kum khat ni tawh a fa, Higher Secondary alo pass in district khata mark hmu sang ber kha incentive-ah khan Rs 3000 thleng pek theih a ni. Tin, member pahnih chin school admission pawh hi tih sak theih a ni dawn a ni. Heng hi chu Central in norms a rawn siam ang thlapin kan kal anga, tin, chu bakah member te an lo thihin an chhungkua te, ruang sawngbawl nan Rs 1000 thleng pek theih a ni a, tin member lo ni tawh kum 60 tlin nana kum 15 la neite, la pension lo deuh te an nih chu hemi te hi insakna atan Rs 50,000 thleng loan a pung tlem chi in an pe thei dawn a ni. Tin, member fate zinga mi professional course entirnan Engineer te, Doctor-te an zirin incentive ti mai ila an mahni tanpui nan Rs 5000 thleng kan pe thei a ni. Tin, member kum thum ni tawh kum 55 la tlinglo te chu an hnathawh nana bul tan nan, hemi tools leh equipment lei nan hianin Rs 10000 thleng a pung tlem chi in pawisa kan puk tir thei dawn a ni. Tin, ala nawi leh deuh chu Pu Speaker, hemi member anlo nih hianin Rs 25 registration fee kha alo ni ang a, khami tih nun nan khanin member-te khan thlatin Rs 10 kha an deposit anga, tin, vawi khatah pawh a pek vek theih a hei hi . Chu chu an lo pension khan an la let leh vek thei dawn ani. Chutiang chuanin kut hnathawktute an sector te leh an chanvo ang chi reng reng te hi , tuna kan zawttu zahawm takin a rawn sawi ang khanin thil thar ani a, kan bul tan ani a, engang in nge kan kal chhoh theih zel dawn kan hre lova, kan tang khawp mai tih hi ka chhanna a ni e.

S P E A K E R : Zawhbelhna Pu Lalduhoma leh Pu Lalthansanga, Pu Ramhluna pawh. Pu Lalduhoma.

Pu LALDUHOMA : Pu Speaker, kan ngaihtlak tak ang khan he thil hi thil thar ani a, a tha em em mai a. Ka bialah chuan kan Minister zahawmtak leh kan Director nen kan pathumin bazarah mipui kan ko khawm a, campaign kan nei tawh ani. Bial mipui te an duhsak awm ani. Chuvangin tun aia nasa in awareness hi tih dan kawng a awm em ? tih ka zawt duh a. A chhan chu mi tam takin kan hre lo tlat a ni thil tha ni si hi. Tin, kan Director hi a tui em em a, theih tawp a chhuah a, a form fill up dan thiamlo leh khatianga zawng zawng pawh kha office-ah an lo pui thei vek ani. Khatianga kha anih avangin tun aia nasa in awareness hi tih a ngaiin ka hria. Thil tha ni mahse kan hre tlatlo ani, tam tak hian, kan thi mek reng ani, kan inhliam mek reng ani, engmah dawng si lo hian. Chuvang chuan media

lamah te pawh campaign ang zawngte pawh hian hmalak theih dan a awm lawm ni ? tih kan zawt a ni.

S P E A K E R : Pu Lalthansanga i lo ko ang.

Pu LALTHANSANGA : Pu Speaker, ka lawm e. Kha a scheme kha tunah khanin an sawi a, atha hle mai a. Khatiang ang Rules te kha Mizo tawng a siam ni sela, House-ah te pawh hian min pe ta sela, chutiange chu keini chuan kan MLA Fund atang te pawhin kan lo multiply ang a. Tichuan, chu bakah chuanin khawtin a VC te hi Agency ang deuhvin hmang ta sela. Kha tuna registration rawn ti 509 leh non-Mizo 5 an awm a. 518 vel bawr an han ni ta a, chu chu Aizawl ami deuh vek an ni nge Aizawl District pawn an awm em ? tih kha kan zawt duh a. Tin, Aizawl District pawnah kan Saiha changtu zahawm tak Pu P.P Thawla hian Saiha District a awm pawh a fuction tha lo tiin a zawt fo niin ka hre deuh va. Chutiang chuan in staff strength te pawh hi a tlem hle avang hian in, khatiang anga District hrang hrangah te leh khaw hrang hrangah, a bikin Civil Sub Division velah te hian tih theih ni ta sela. Chutiang chuanin registration te bakah hian khami registration tih nunna te pawh kha tam tak alo englo ang a, thildangah te pawh invest theih turah ngai ta ila. Chutiang chuan District hrang hrang bakah hian Sub Division-ah te tih dan a awm em? tih leh khami a Rules hi House-ah te leh VC hnenah te pawh pek ni sela, Mizotawngin tih kha kan ngen bawk a ni.

S P E A K E R : Pu C. Ramhluna.

Pu C. RAMHLUNA : Pu Speaker, hei hi sawi tak ang khan thil thar ani a. Kan Minister zahawm tak hi ka fak duh a, hei hi lawmawm ka ti a, tha ka ti a. Chuvang chuan nachin a an sawi ang khan awareness kha nasa deuh hlek a kan tih a ngai dawn tih kha kan hria a. Kha, Pu Duha te chuan an lo hmang tangkai hle tawh kha ani a, keini kan hre thar ve chauh kha ani a. Chuvang chuan hre hmasa deuh pawlte kan awm thin a, hei hi eng tizia nge ni ang aw ? ka ti a. Engpawhnise, ka'n duh chu Pu Speaker, hetiang benefit atana pawisa lut hi ti hmasa ta ila cheng vaibelchhe 5 leh nuai 5 leh sing 6 aia tam zet mai chi khawi bank-ah nge dah ani a, Aizawl ah bik hian nge dah anih a, District-ah te pawh hian an lo dah ve thei zel ? tichuan, eng bank nge an hman tih te ka hre duh a. Tichuan, District dang a mi khan hei hi lo hmang tangkai ve dawn ta sela, Aizawl atanga permission lak zel a ngai nge an mahni DEO emaw a tu emaw, a tu hnenah nge an va claim ang ? tih lai tak a kha. Entirnan damlo te ni ta ang se, Doctor certificate te hi a ngai kher em ? Ti khan ka damlo va, chuvang chuan ka mamawh e tih mai kha kan pawm dawn nge ? Doctor khan a rawn certify ang a, "Hei dam lo ngei a ni e" tia Doctor certificate ngai tur thil te nge anih ? Mithi te pawh kha lo awm ta ang ni sela, death certificate kha a ngai kher em ? Khatiang khan a Rules hi kan en hianin henghi chipchiar takin a sawi lem lo tlat a. Thingtlangah chuanin kan harsatna ani thei dawn in ka hria a. Kha kha chiang deuh hlek zawkin Pu Speaker, min hrilh leh thei se ka va duh em.

SPEAKER : Chhang turin Minister i lo ko ang.

Pu LALRINLIANA SIALO, MINISTER : Pu Speaker, Member pathumte zawhna kha , a zawhna neitu Member zahawm tak Pu Rama leh Pu Duha zawhna kha a inang deuh a, kha kha kan buaipui mek a ni a. Pu Speaker, kan sawi leh sawi hnu he Department, Labour & Employment hi Department lian a ni lova. Amaherawhchu, danin a phal angin hemi State Welfare Board hi a ding a, chumi ina a phal angin khami chhung atang khanin staff tepawh kan lakbelha, tichuanin kan han tichho tan a ni a.

Tin, Pu Lalthansanga zawhna kha chhang kawp ilangin tha in ka ring a. Hei hi Mizotawngin kan siam tawh a, Member tepawh kan la pe lova, kan la pe ang che u ang a, bial tinah. Tichuan, awareness hi nasa zawka tih nise kan ti a, tunah rih hi chuan bultan te kan la nih avangin establishment pawh kan la in remfel mek chauh anih avangin District dang hi kan la pakai thei lova, mahse, District a kan Labour & Employment Officer ho hi kan ring chho phawt ang a, agency atan pawh V/C te, YMA te ring turin kan in ruahman tawh a, kan siam tawh a.

He thil hi hun reitak ata lo awm tawh a ni a, amaherawhchu implement leh bul han tan hi a huphurhawm em em mai a. Kuthnathawktute hi a thawk tam ber leh a thlantla tam ber zawk an ni a. Tin, an chanvo, an right a hi an hre silova tiin bul kan han tan rawih a ni, a lehlamah chuan paukhauh a ngai khawp mai, Member-tena thahnemngaia in rawh zawh ang khanin theihtawpa hemi awareness hi campaign chhoh kan tum dawn a ni. Tin, District dangah khan tih chhoh zel tur a ni a, tunah pawh hianin District danga mite khan registration an neih chuanin tanpuina kha pek theih an ni reng a. Tin, Bank kha State Bank of India kan dah a, Bajaj Allianz chu kan dahlo anih chu, a him berin kan hria a.

Tin, damlote kha Doctor certified a ngai an tih kha chu a ngai ang a, danin helaia kan han chhiarah khan a ziak chiaho anih pawhin hei hi chu tlang hriat turah ngai ta ila a tha in ka ring a. Tin, Death Certificate pawh kha kan insists loh chuanin..... a tawk mai em.

S P E A K E R : Zawhna No. 144-na zawt turin Pu Lalduhoma ilo sawm ang.

Pu LALDUHOMA : Pu Speaker, Power & Electricity Department changtu Minister zahawm tak chhan atan ka zawhna No. 144-na.

- (a) RGGVY hnuaiah Tualpui khua electrification hi engtika zawh tura ruahman nge a nih ?
- (b) Ban engzatnge phun a nih ?
- (c) Tunah thawh zawh a ni tawh em ?
- (d) RGGVY hnuaia Melriat - Phunchawng eng pek tum hi engtikah nge zawh a nih theih ang ?
- (e) Tuna a dinhmun enge ?

S P E A K E R : A chhang turin Pu R. Lalzirliana ilo sawm ang.

Pu R. LALZIRLIANA, MINISTER : Pu Speaker, Member zahawm tak Pu Lalduhoma zawhna -

- (a) RGGVY hnuaiah Tualpui khua electrification hi engtika zawh tura ruahman nge anih ? Chhanna - RGGVY hnuaiah Tualpui khua electrification hi August, 2012 chhunga zawh hman tura tih a ni a. Amaherawhchu, harsatna eng engemaw an tawh avangin an zawh hman hi a beiseiawm vak loh a ni.
- (b) Ban engzatnge phun anih ? Chhanna - Ban 35 phun a ni a, hetah hian 11 kv line ban 6 leh LT line ban 25 avaia phun a ni.

- (c) Tunah thawh zawh ani tawh ani em? ati a, tunah thawh zawh ala nilo.
- (d) RGGVY hnuaiia Melriat-Phunchawng eng pek tum hi engtikah nge zawh anih theih ang? Chhanna RGGVY hnuaiia Melriat-Phunchawnga eng pek tum hi quantity variation hmuh anih hunah thawh ani anga, zawh thuai tum ani ang.
- (e) Tuna a dinhmun enge? Tun dinhmunah chuan hnathawh ala awm lo tih ani e.

S P E A K E R : Le, tunah zawhna 145-na hi Pu B. Lalthlengliana zawhna ania Pu Ramhluna a pe amahse kan kal kan mai ang. Tikhanin 146-na Pu John Siamkunga ilo sawm ang.

Pu JOHN SIAMKUNGA : Awle, Pu Speaker, ka lawm e. Starred question 146-na chhang turin Power &Electricity Deptt. Minister ka zawt e.

(a) Tuirial Hydel Project 60 Mega watt pe chhuak thei tura duan hi engtikah nge an zawh ang? Tin, Pu Speaker a tawpna ber ani bawka zawhbelhna hi a awm thei dawn silova kan zawt thei mai ang em?

S P E A K E R : A changtu Minister a awm lova, a chhang turin Pu R. Lalzirliana ilo sawm ang.

Pu R. LALZIRLIANA MINISTER : Member zahawmtak Pu John Siamkunga zawhna, Tuirial Hydel Project 60 mega watt pechhuak thei tura duan hi engtikah nge zawh anih ang? Tuirial Hydel Project hi kum 2014-a zawh tura tih ani. Kan chhunzawm leh atanga thla 36 a zawh tura beisei ani e.

S P E A K E R : Zawhna 147 na hi a zawttu Dr. R. Lalthangliana a awm lova, kan kalkan anga, 148 naah kan kal anga, a zawt turin Pu C. Ramhluna ilo sawm ang.

Pu C. RAMHLUNA : Pu Speaker, Higher & Technical Education Deptt. Minister zahawm tak chhan atan ka zawhna chu hei hi a ni-

- (a) Mizoram Scholarship Board hi deptt. danga dah puan ani tawh em?
- (b) nita se engtikah nge puan anih?
- (c) tunge Secretary Mizoram Scholarship Board hi?
- (d) Higher & Technical Education Deptt. Officer ani em? anih chuan seniority list-ah engzahna nge anih? supplementary question kha ka nei lovang a, vawiinah a deptt. kan sawi dawn avangin. Chu chu ka zawhna ani e.

S P E A K E R : Awle, a chhang turin a changtu Minister zahawmtak Pu Lalsawta ilo ko ang.

Pu LALSAWTA MINISTER : Pu Speaker, Member zahawmtak, Pu C. Ramhluna zawhna (a) na “Mizoram Scholarship Board hi deptt. hrana dah emaw, puan emaw ani tawh em?” tih chhanna chu “Mizoram Scholarship Board hi deptt. hran ni lovin Higher & Technical Deptt. hnuaiiah tho establishment hrana dah a ni tawh” Tin, (b) “Nita se engtik hunah nge dah emaw puan emaw a nih?” tih chhanna chu “February ni 16 kum 2010 atang khan establishment hrana dah a ni” tih ani a, tin (c) na, “Tunge Secretary Mizoram Scholarship Board hi?” tih chhanna chu, “Secretary chu Dr. R. Rualthansanga a ni” tih ani. Tin (d) na, “Higher & Technical Deptt. Officer a ni em?” tih chhanna chu “Secretary Mizoram Scholarship Board hi Higher & Technical Education Department Officer a ni e”

tih ani. (e) “Engzatna nge anih” tih chhanna chu, “Dr.R.Lalthansanga hi seniority list-ah 97-na” tih a ni.

Pu K. LIANTLINGA : Pu Speaker, Scholarship Borad hi Department hrana dah a ni a, centralization scheme kha Department hrang hrang ten technical a zirte tan Scholarship Board-ah pek khawm tur a tih a ni a, a tirah chuan an dah tam thei viau a Department a dah kha centralize tur anih avang khan a tlem ta riau mai a, tunah hian kha scheme kha kal tlangpui tumna a awm tak tak em? nge kan sut leh mai dawn em ni” tih kha kan zawt belh a ni e.

Pu LALSAWTA MINISTER: Pu Speaker, ka lawm e. Pu K.Liantlinga rawn zawh belhna centralization of Scholarship kha tih zui zel ani a, tunah pawh hian tunhma ai khan kan changtlung tawh a, tin, remchang lo thenkhat a awm a. A tirah pawh khan Cabinet decision-a tih a ni a, ti a an sum leh an mahni thuneihna tura rawn transfer tura kan tih pawh khan kan beisei ang chuan a rang vak lova, thil remchang vak lo a awm a. Tunah hian cabinet a ngaihtuah nawn leh turin kan buatsaiha. Tin, Scholarship anih avangin School Education Pre-matric thleng pawhin khawih vek tawh tur an ni a, chungah te pawh chuan engemaw chen kha kan lo in ring thul deuhva. A chhan chu anni Higher lam daih an ni a, a pakhat zawka a kha School Education Department ah Secondary level a awm te an lo ni hlawm si a, churang chuan tuna kan han thuikhawm hian kan buatsaih chho fel thui tawh hle a. Kumthar lam atang hi chuan fel takin a kal theih tawh kan ring a. Mahse chutih rual chuan Department thenkhat te phei hi chu stipend leh book grant chungchangah remchang zawk tur ni a kan beisei avangin leh a that zawk pawh kan rin avangin centralization han tih a Department zawng zawng lawr khawm vek kher lova exception tlem a zawng tulin kan hria a. Tin, kan member-te pawn an hriat a tha ka tih chu, a zawhna khan a sawi chiah lo na in seniority han zawh tel kha a ni a. Hengah hian a thawktute zingah lo hre deuh tur leh khawihhnema kan hriatte pawh hi a senior ber ber lem lo te pawh kan dah ve tho ani tih kha House hian min hriat pui ve se, tu emaw duhsak ringawt dah lovin, hnathawh tur kan nei a, kan hnathawh tur hi tha taka kan thawh theih nan chuan kan hriat china tling leh tha nia kan hriat a hi kan hmang ve mai thin a tih kha kan sawi duh a.

Tin, Scholarship leh Stipend chungchangah hian Stipend anih hi chuan a ceiling-te a awm lova, scholarship anih hi chuan nu leh pa te income atanga teh a ni a, stipend atanga pek hi chuan kan Pplan Fund hi a tibuai riau mai a. Churang chuan tunah hi chuan scholarship hi a tam zawk hian an la tho thova, churang chuan uar ta zawk ila, Plan Fund-a kan hman tam tak hi chu kan ‘save’ thei ang tih ngaihtuahna te kan nei ve a, chutiang deuh chuan kan inbuatsaih chho ve a ni.

S P E A K E R : Zawhna No. 149 zawt turin Pu K. Lianzuala.

Pu K. LIANZUALA: Pu Speaker, ka starred question No. 149, Power & Electricity Department changtu Minister zahawm tak chhan atan - Tuirial Hydel Project sorkar hmasain a hluihlawn tawh, tun sawrkara bul a tan that leh hi engchenge hna thawh a nih tawh? tih ka zawt e.

S P E A K E R : Chhang turin a changtu Minister zahawm tak Pu R. Lalzirliana i lo ko ang.

Pu R. LALZIRLIANA, MINISTER : Pu Speaker, Pu K. Lianzuala zawhna kha pakhat chauh ani a kan hre mai anga a chhanna chu – Tuirial Hydel Project hna hi 62.01% vel thawh tawh a ni. (Hei hi January, 2012 thla a Progress Report-a a landan a ni a, tunah chuan hei ai a tam hi an thawh ngei beisei a ni).

S P E A K E R : Le, zawhna No. 150-na zawt turin Pu Lalduhoma ilo sawm ang.

Pu LALDUHOMA : Pu Speaker, Higher & Technical Education Department changtu Minister zahawm tak chhan atan -

- (a) National Institute of Technology dahna tur hmunah hian engchenge hma lak a nih tawh a, engtikahnge an luah theih ang ?
- (b) Discipline hrang hrangah Faculty Member engzatnge awm ?
- (c) Hostel-a chengte mamawh hrang hrang pek an ni tawh em ? tih a ni.

S P E A K E R : Chhang turin a changtu Minister zahawm tak Pu Lalsawta i lo ko ang.

Pu LALSAWTA, MINISTER : Pu Speaker, Pu Lalduhoma zawhna chhanna -

- (a) National Institute of Technology dahna tur hmun hi National Institute of Technology hotute nena en ho leh zirchian ngai tak a nih avangin leh Land Revenue & Settlement Department te nena thawhho leh tihfel ngai anih bawh avangin hma chak taka lak leh tihfel mai theih a ni lo a, mahse tihfel tep tawh niin, Land Survey leh demarcation te tih zawh thawkhat tawh a ni e.
A ram tihfel a luah theih hun tur chu a la sawi theih loh.
- (b) NIT Mizoram-ah hian zirna Branch 3 (pathum) a awm a, chungte chu Electric & Electronic Engineering (EEE), Electronic & Communication Engineering (ECE) leh Computer Science Engineering (CSE) te an ni. Tun dinhmunah chuan branch pakhat zel hi faculty pakhatin a enkawl a, faculty hi mi 11 (sawmpakhat) an awm mek a ni.
- (c) Kan lo hriat theih chinah chuan ni tawh e tih a ni.

S P E A K E R : A kal kan theih mai lawm ni, hmannah khan kan sawi hrep tawh a, han sawi zau leh deuh i duh em ni Pu Duhom ? Anih Pu Lalduhoma chiah kan ko mai ang midang chu ko lo ila, hmanni khan kan khel vak tawhin ka hria.

Pu LALDUHOMA : Pu Speaker, hei hi kan State sorkar hnuai a awm ani em em lo tih chu kan hria a. Amaherawhchu, kan zir lai tam tak te hna hmu lova an awm laiin NIT a zirchhuak te hi chu hna hmu ngei ngei tur placement hmu tura ngaih an nih avangin a tir te atang khan kei ka ngaipawimawh em em a. A hmun kan zawh nachhan pawh hi Mentor Institute, Nagpur in a hmun kan neih hma kan inpeih hma, kum 5 (nga) min hmui thei reng a, a hmun hma engmah building pakhat pawh pindan pakhat pawh, kan neih hma hmain helaiyah kan ti thawt thawt a, khata tang khan a that hi ka ring lo sa reng a, kan hmanhmawh lutuk avang khan tunah hian thil hi a buai niin ka hria a. Tuna a hmun a tih kha khawilai nge min hrih

lova chuvangin khawilai nge ka zawt duh a. Thenzawl lamah khan tih tur ani tih ani a tunhnaiah Lengpui tih ani leh a, hmanni a kan sawi ang khan. A tir atang khan Lengpui hovin compensate la miah lovin kan pe thei reng ani an ti ngawih ngawih a, chutah tho tho chuan a tawpah kan thle let leh niin a lang a, a hmun a tih leh survey-tu a tih vel khu khawilai chu nge ni, Thenzawl chu nge Lengpui zawk chu tih te kha ka'n hrechiang duh a. Kum 5 chhungin inpeih tura min beisei ang hian a hmun dik takah he Zirna In pawimawh tak mai hi kan peih hman dawn em? tih ka'n zawt duh bawk a ni.

S P E A K E R : Le, chhang turin a changtu minister i lo ko ang.

Pu LALSAWTA, MINISTER : Pu Speaker, kan House leader zahawm tak khan hman niah khan a sawi tawh tho a. Hei hi Central sorkar, Ministry of Human Resource Development ta a ni a, amaherawhchu, keinina kan tih chin chu ram hi a free in kan lo pek chin hi a ni deuh mai a, a ti a. Mahse, chutichung chuan Zirna sang hi kan it a, kan duh a. Hei lo pawh hi neih belh zel kan la duh a. Chuvangin a rawn kal hmasa ten an sim lohva, an zawngchhang theih hi kan duh em em mai a. Chuvang chuan kan Chief minister pawh hian a tir te atangin hei hi chu a ngai pawimawh em em a. 'Ram a awm loh chuan ka bialah te pawh sawn a zawn theih ang a, zawng ula, in hmuh loh chuan' a ti a. Kan zawng kan zawng a. Kan officer te pawh an vak hah viau a. A tawp a tawpah chuan Thenzawlah hmuah chuan kan han inngai deuh a. Anni pawhin tha takin min lo buai pui a. An inhawng em em a. Tin, ram hi a uihawm zia chu, Pu Speaker, kan hriat vek a ni a. Chutiang chung chuan Thenzawlah te pawh min pe thei a. Mahse, Lengpui atang hian, 'Lengpuiah hian kan nei asin mawle' tih thawm ri feih feih hi a awm reng a. Hetiang thawm awm reng karah hian keimahni'n kan zuk ngaihven loh pawh hian Ministry of Human Resource Development atanga lo kal, an kal thawm lo hriain anmahni pawhin lo nangching vein remchang an lo la ve thin a. Chungah chuan an lo in kawhhmuh a. Chung an in kawhhmuhnaah chuan keini hianin Thenzawlah nei tawh ang hiala kan inngaih tawh avangin kan ngaihven lo a ni. Ngaihven pawh kha tul kan ti lo a ni. Sawlamah phal em emin leh inhuam em emin an lo awm reng tawh si a.

S P E A K E R : Ngawi rawh aw. khatia i din lawk lai khan Thenzawla hmun va hmuh deuh hma khan Lengpuiin thawm an nei i tih kha tu hnenah nge thawm an neih? In hnen an rawn thleng lo em ni?

Pu LALSAWTA, MINISTER : Chanchinbute hi kan hmuh chu a ni mai a. Tin, kan hnenah te pawh an rawn thehluat a ni mai thei. Lehkha hi kan hmu tam a. A eng a pawh nise, keiniah chuan Pu Speaker, kan hriat theuh angin Lengpui chu khawpui a ni a. Tunah hian khulai bulhnaiah khuan acre 300 chuang hi a awm theih hi kan ring lova. Experience chhe tak kan nei a, Mizoram sorkar hian. Khuta University kan din dawn khuan khulaia miten a ram neitu te pawhin Affidavit te nen vek Compensation kan dil miah lovang an ti a. Chutiang taka kan tihna karah pawh chuan in an han sak dawn a, an han chet dawn meuh kha chuan intelkhawmin an rawn ti ta chiam chiam a. Chutiang karah chuan nuai 1700 chuang Compensation pek ngaiin a lo awm a. Chu pawh chu Ministry of Human Resources Development hian a pe hreh em em a. Ram man hi kan seng ngai lo, keini chuan. 'Central Institute dahna tur hian ram man kan seng ngai reng reng lo. Amaherawhchu, hei hi chu exception in kan tih ang che u' an ti a. Chutiang chuan zah pawh zahthlak ang reng tak karah ..

S P E A K E R : Ngawi rawh aw. Chu chu M..U chungchangah khan a ni ta a. Kum eng tik lai velah nge ni awm, chu chu?

Pu LALSAWTA, MINISTER : University kan din kha Kum 2000 vel a din a ni a. Chumi hma daih atang tawh chuan a inur chho tawh a ni. Amaherawhchu, an lehkha ang vela kan han en hi chuanin kum 1997, 98 chho vel atang pawh khan, NEHU awm lai atang tawh khanin din tumna a lo awm tawh a. Chung kar zawng zawngah chuan, Compensation nei tur hian an beisei che u in, Pu Speaker, ka'n sawina chhan chu, "Compensation a awm lovang" tichung pawha Compensation, Central in nuai 1700 chuang an pek tawh bawk si karah Lengpuiah hian a awm mai kan rin loh vang hian kan ngaihven vaklo ve bawk a ni. Kan ngaihven vak ngamlo a, kan chesual leh ang tihte pawh kan hlau ve a. Chutiang karah chuan 'a a awm e', an rawn tih tak sia, Ministry of Human Resource Development Officer-te an lo kal a, Lengpui lamin an rawn kawh hmuh a. "Helai hi a ni a", an rawn tih khan chuan an ni MHRD khanin a tha an tia, a hnai bawk sia, chuvang chuan an rilruah khan a lut ta ngut ngut a, wawihih lai an lokal hian kan officer te phei chu an zuk tel ve nain khulai an envel a khu chuti tak chuan kan phur pui em em lo a ni. Chetsual leh kan hlau a ni. Amaherawhchu, tun hunah chuan sorkar level ah Land Revenue and Resettlement Department ten, "Chutiang compensation pek tur a awm love" an tih takah chuan helam pang hi khulam atanga lokal thin office te hian an nger tlat a, an duh tlat tih hi hai rual a nilova. Kei pawhin wawiduailo khutah ka sawi a, a hawn te pawh min hawn sak ula kan tih khan 'Lengpui bulah khilai Airport bula in tih theih hunah kan la rawn hawng ang' an ti a. Tunah pawh hian kan Secretary Delhi a cham mek chuan October ni 13 emaw ni 14 ah emaw rawn hawng turin Kapil Sibil-a rawn kal a tum e, a tia. Chuvangin a zawhbelhna ami kha chu khatiang teh nuaih karah khan helaia mi, remchang alo awm tak bawk anga a lan tak siah leh a document lamte alo felfai theih dawn tak bawk siah chuan

S P E A K E R : Ngawi rawh aw, i din lai mek khan hmanni House Leader khan "Thenzawl in kawh hmuh lai khan ram kha duh zau deuhin in sawi a. Tunah Lengpuiah in sawiah chuan ram mamawh in sawi kha a zim leh ta kek si" a ti deuh lo maw ?

Pu LALSAWTA, MINISTER : Chutiang chiah chuan a sawi lova Pu Speaker, a sawi dan zawka chu "Khulaia in hmuh theih chuan 100 acre pawhin tlem se kan thei thovang" an tia tih a ni. Chumi awmzia chu khulai khu an duh em avangin 300 acres chuang an ngiat naah khanin 200 chuang hret pawh nise kan tithei tho zel ang an tia, anmahni khanin khami remchang kha min siamsak zel ve bawk a.

S P E A K E R : Acres 300 chuang duha an insawi lai kha chuan nangnin 300 chuang Lengpuia zawn chu in huphurh hle a ni maw ?

Pu LALSAWTA, MINISTER : Mahse, tuna mi-ah hianin 317 acres emaw ni a awm an rawn ti thova. Chuvang chuan anmahni lampangin a khulai an tin em avanga 100 acres pawhin lo hniam sela kan ti thei thovang tih kha House Leader-in a rawn sawi mai zawk a ni. Mahse chung avang chuan 100 acres khan a tlem dawn ta tihna pawh a nita chuang lo, tuna min pek tura hi 300 acres chuang anih kha chuan 300 acres chuanga kha NIT atana hman tho kha kan duha.

Tin, a zawhbelhna kan member zahawm takin a sawiah khan 'in hmanhmawh lutuka' a tihah te khan kan hmanhmawh a ni mai lova, Ministry of Human Resource Development khu a hmanhmawh em em a. Chuvang chuan keini hi, "Ram min pe thei em?" ti rawh u, "Heti hian ti thuai ula, anihloh leh rented House ah tal ti rawh u", tiin helaia mawhphurtu awm mang silo karah khan keini hi Nodal Department kan nihna ang hian khalaiia mawhphurhna la lo thei lovin kan awm a. Chuvang zawk chu a ni a, tin, hetiang hian

hmun dangah pawh an ti ve thova. Tin, “Nagpur-a awm a, helaia mi an peih var nghah chhuah” a, tih kha chu kan han sawi ve pawh hian min sawi hmuh lo. “Chutiang chuan ngaihtuah lovang, a tir lamah chuan a harsa anga, a famkim lovang ala phuai deuh anga. Mahse a bul tanna a nia, in la tha mai ang, chuangin hetiang hian ti ve phawt ula, a tirah chuan anih tur ang chu a nipa lovang tih kan hriatpui che u alawm, Faculty chungchangah te, Infrastructure chungchangah te” tih khan min hrilh a, kan nawr lo pawh a ni bik lo, Pu Speaker, chulai chu kan hriat tlan a tha berin ka hria a ni. Ka lawm e.

S P E A K E R : A chiang deuhin ka hria , thil kalphung chu wawiinah hian kan zawhna hun alo tawp ta a, member lokal thei lote hi Pu Lal Thanhawla a zin alo la thleng lova. Pu B.Lalthlengliana a damlova, S.Laldingliana hi chhungte damlohna avangin Lungleiah a kal a.

Paper Lay-na kan lo nei anga, Pu C.Ramhluna, member zahawm takin ‘A Copy of Statement of Action Taken On Report of Public Accounts Committee’ hi House dawhkanah rawn lay sela, i lo ko ang.

Pu C. RAMHLUNA: Pu Speaker, i phalna leh remtihain Statement of Action taken on action taken report of Public Accounts Committee relating to Taxation Department on the report of the Comptroller & Auditor General of India for the year 2004 -2005, 2005 – 2006, 2006 – 2007 hi he House zahawm takah hian ka Lay e. Ka lawm e.

S P E A K E R : A copy kha han sem rawh ule. Tunah Report present-na hun kan lo hmang leh ang a. Pu C. Ramhluna Member zahawm takin ‘Eighteenth Report of Public Accounts Committee on the Report of the Comptroller & Auditor General of India for the year 2007 – 2008 relating to Health & Family Welfare Department’ leh pahnihna ‘Nineteenth Report of Public Accounts Committee on the Appropriation of Accounts for the years 2008 – 2009 & 2009 – 2010 (Excess Expenditure)’ te hi House dawhkanah rawn present turin i lo sawm ang.

Pu C. RAMHLUNA: Pu Speaker, i phalna leh remtihain Eighteenth Report of Public Accounts Committee on the Report of the Comptroller & Auditor General of India for the year 2007 – 2008 relating to Health & Family Welfare Department leh Nineteenth Report of Public Accounts Committee on the Appropriation of Accounts for the years 2008 – 2009 & 2009 – 2010 (Excess Expenditure) te hi he House zahawm takah hian ka present e.

Pu Speaker, i phalna leh remtihain hemi PAC reports hi State dangah te i phalnain kan zin a, an tih thin dan a kha follow ve ila kan ti a. Chuwang chuan House-ah “ka report e” tih deuh mai loh hian eng chiah nge an nih tih kha sawifiah thei vek lo mah ila, eng lampang hawi te nge an nih tih kha han sawi ve hrim hrim hi tha in ka hria a. Member hote pawhin kha kha kan duh dan ani a. Maharashtra-ah te, Karnataka-ah te, Kerala-ah te pawh an lo practice ve kha a nih avangin tun tumah hian ka han dil che a, min phal sak avangin PAC member hote pawh kan lawm hle a ni. Ka rei lovang.

Vawiina Eighteenth Report ka present tur hi CAG Report 2007 – 2008 a Health & Family Welfare Department hnuai NRHM hmalak dan chung chang ani a, para hrang hrang ani a. Health Department hian para thenkhatah chauh comments an

pe a chungte chu Committee-in an exam a, a then te phei chu comments pek miah loh te anni a, hei hi Committee-in a ngaih serious em avang leh Department chhannate a duh tawk loh avangin Departmental Evidence lak nise a ti a. Tichuan ni 3.4.2012 ah khan Departmental Evidence lak ani a, chung para te chu - Para 3.1.9.3 : Routine Immunisation : Routine Immunisation chungchangah total number of live birth ngaihtuahin hridanna pek tur nausen awmzat target an fix chu 2005 -2008 thleng khan a mumal lo hle a ni. Kum 2007 – 2008 chhung khan Department chuan 97% achievement angin tarlan nimahse, a taka an achievement chu an ruahmanna aiin a tlem daih bakah, No. of total live birth atanga chhutin naupang 4114 lai chu telh loh an ni ta a. Immunisation atana AD Syringe leina tur sum tam tak dawn a nih laiin re – useable glass syringe hman a ni. Tichuan, PAC recommendation ah chuan tunhnuah chuan Department-in report dik tak leh rintlak an maintain tur ani a. Department in Project te, Scheme-te hmalaknaah planning mumal tak an nei hmasa ang a Official-te inkarah inkungkaihna tha siam in thuneitute’n monitoring leh supervision mumal tak an kalpui tur a ni a. Tin, tun hnuah chuan natna inkaichhawn theih laka kan lo him zawk nan automatic disposable syringe hi hman tawh ni se tih kha recommend a ni.

A pahnihnaah chuan para 3.1.9.4-ah khan Pulse Polio Immunization, kum tinin round hnihin intensive Pulse Polio Immunization hi State-ah neih tur anih laiin base line survey a neih that tawk loh avangin department in target a fix leh achievement-a inmil loh thu tarlan a ni a, hei hi Department pawhin an pawm a ni. Chu chu PAC chuanin heti hian a recommend a - “Tun hnuah chuan Mission hnuai a scheme-te project atana an target an siam rem hma in base line survey an nei thin tur a ni” a ti a.

Para 3.1.9.5-ah chuan Mismatch of data between State mission and test checked Districts – hei hi District hrang hrang a CMO-te report leh Directorate report kha a in mil lo nasa a, chuvang chuan, hei hi an ngai serious khawp a, PAC chuanin achievement figure hi a dik lovin kan hria a. Chuvang chuan, District tina Chief Medical Officer-te’n District level-ah records an vawn that leh that loh ngun takin an en thin ang a, tichuan, data rintlak leh information dik tak department-ah an thehltut thin tur a ni. Tin, “Web portal a function theih nan hma lak ni nghal rawh se” tiin recommendation a siam a.

Tin, para 3.1.13-ah chuan damdawi chungchang thu Availability of Medicines a ni a. Damdawi supply tlai chungchang thu a ni a, Firm pakhat nen MoU sign a ni a, damdawi 152-ah items 85 chauh a supply a. He ti chung hian Firm hi penalty chawi tir a ni lova, medicines 47-ah manufacturing date a chuang lova, expiry date a awm lo bawk a ni, tih a ni a. Chumiah pawh chuan PAC-in heti hian recommendation a siam a - tun hnuah chuan Department-in Corporation-te, Firm-te an offer an pawm hma in fimkhur taka kal in ngaihtuahna thiam tak an nei hmasa tur a ni a. Department-in agreement, terms and condition-in Government interest a venghim ngei ngei tur a ni, a ti a. Tin, a pahnihnaah chuan, Department-in tun hnuah chuan Committee-in information a mamawh chu a rawn pe ngei tur a ni. Tin, pathumnaah chuan Department-in Stock register-ah a ziahluh hma leh payment a tih hmain a thil dawn damdawi emaw bungruate emaw a endik hmasa tawh tur a ni e, tih kha recommendation a ni a.

Tin, Diversion of funds, Procurement of instruments-ah hian - Community Health Centre (CHC) pakhatmah First Referral Unit (FRU)-ah upgrade anih hmain Mission Director-in FRU pakua tan equipment hrang hrang 1.14 crore man a lei a. Heng a leina chhan hi Director hian a sawifiah thei si lova, heng an thil lei te hi kumhnih aia tam hman lohva a awm bakah a productive lo a ni. Hetiang bawh hian instruments hrang hrang 1.49 crore tender ko lo leh market rate ascertain lo leh mamawhna assessment awm lovin a lei bawh a ni, tih a ni a. Chumi-ah chuan ti hian PAC-in recommendation a siam a - Department-in tun dinhmun a CHC, First Referral Unit a hlankai te, FRU tina equipments an dah te leh an dahna hmun Committee hriattir tur a ni a. Tin, pahnihnaah chuan tun hnuah chuan a tul lova thil lei leh hloh a awm loh nan Department-in khawl leh hmanrua-te a mamawh chauh a lei theih nan codal formalities thlir chungin fimkhur takin a kal tur a ni. Unnecessary purchase and lose a mawhphurtu hi zawn chhuah a a chungah action lak ni bawh rawh se, tih te. Tin, District tin a CMO-te'n an awmna theuhvah theihtawp chhuah a monitoring leh evaluation kalpui tur leh NRHM hnuaiyah scheme implementation chianguang zawk a hma lak a nih theih nan instruction pek ni rawh se a ti a.

Tin, Para 4.4-ah hian Construction of Sub-Centres - State Mission in Sub-Centre 130 sak nan December 2006 khan 7.80 crore a hmu a. Tichuan, Mission Director chuan 6.56 crore chu 145 Sub-Centres cum- Quarters sakna'n a hmang tih a sawi a. Amaherawh chu, heng in sakna'n hian government buildings te hman a ni a, hei hian Gov't of India Norms/Guidelines a kalh a. Tin, pawisa 24 lakh pawh bank ah hman lovin dah a ni tih a ni a.

Tichuan helai-ah PAC-in recommendation a siamah chuan heng hi mumal tak leh tangkai taka hman chhuah a nih theihna'n department in construction hna a kalpui hma in mimal emaw khawtlang ina ram an pek chu neih hlen tura hmalak ni rawh se. Tin, department in theih tawp an chhuah chungin Sub-Centres 145 sakna leh repair chungchang a dinhmun dik tak committee an hriattir theihloh avangin, committee in a ngai serious hle a. Chuvangin, hemi chungchang hi chu investigation leh a tul anga hmalakna'n ACB-ah thlen ni rawh se, tiin, hetah hian recommendation a siam ani. Tichuan, 19th Report ah erawh chuan, Report hi department thenkhatin budget provision aia tam an hman regularize a ngai a. Heng department te hian han chhiarin in hmu mai ang a, Budget Estimate leh Revised Estimate ah sum awm silo Salaries & Allowances a tante hman a ni a. Tin, Medical Bill refer case a tam hle bawh a. Tin, Finance department in-a head diklo-a an book avang te leh AG office in-a expenditure a book diklo avang te a ni a. Chuvang chuan department-te bawhzui turin, committee chuan observation/recommendation report hrang hrang a siam a. A recommendation-ah chuan: 1) Department zawng zawngin AG office nen-a reconciliation neih anih hma in, Treasury Office ten department figures an record leh an figure a inmil/milloh endik hmasak tur a ni.

2) Department tin ten sum hman tur zat, Assembly in a passed chhungah sum an hmang tur a ni a, hriatlawk ni lo sum hman a ngai anih pawhin Supplementary Demands ah dil belh tur a ni.

3) AG office in, department tin te Detailed Appropriation Account thehluk hun a tih hunah thehluk theuh nise, accounts final anih hmain diklo a awm palh pawhin siam thatna hun a awm theih nan.

4) Re-appropriation tih hunah Savings leh Excess adjustment tilo department thenkhat an awm a. Hei hian sumhanna tur khuahkhirh leh hmalaknaah inthlahdahna a siam a ni, tih a tarlang a. Department tin-te re-appropriation nei a, tangkai taka hma la theuh turin a recommend bawh a ni.

5) Accounts Book diklo a awmlloh nan expenditure te thliar hranga, heads of account dik taka hmang theuh turin a recommend a.

6) Kum tam tak atang tawh khan School Education hnuaiia zirtirtute hlawh indaihlohna avangin budget aia tam sum an hmang thin a. Chuvang chuan Budget Estimate-ah chuan sum indaih tawh dah ni se, chhan leh vang awm a sum indaih tawh tur a awmlloh pawhin, Revised Estimate ah tal pek ni se, tiin Committee chuan recommendation a siam a ni. Pu Speaker, ka lawm e.

S P E A K E R : Awle, PAC Report kha, a copy kha pahnih khan a rualin sem ni se.

Financial Business-ah kan lo kal tawh ang a. Vawiin hian Minister pathumte Demand kan la dawn a, kan tih thian dan angin kan la rual leh mai turah ka'n ngai a. Remtih lohna a awm lemlo maw? La rual leh mai ang aw – Pu Lalsawta leh Pu Nihar Kanti Chakma leh Pu P.C. Lalthanliana te an ni a. Tunah Pu Lalsawta Minister zahawm takin a demand No. 4na, 12na, 20na leh 21na a demand cheng vaibelchhe 721, nuai 71 sing 6 sang 3 hi House-ah rawn submit se.

Pu LALSAWTA, MINISTER : Pu Speaker, Governor recommendation leh i phalna in leh House remtihna in demands a hnuaiia mite hi House-ah hian ka rawn submit e.

1. Demand No. 4-na Law and Judicial Department – cheng vaibelche 18 nuai 73 leh sing 7 (Rs. 18,73,70,000.00)
2. Demand No. 12 Parliamentary Affairs Department – cheng nuai 45 (Rs. 45,00,000.00)
3. Demand No. 20 School Education Department – cheng vaibelchhe 578 nuai 20 leh sing 9 (Rs. 578,20,90,000.00)
4. Demand No. 21 Higher & Technical Education Department – cheng cheng vaibelchhe 124 nuai 32 leh sang 3 a zavaia belh khawmin cheng vaibelchhe 721 nuai 71 leh sing 6 sang 3 (Rs. 124,32,03,000.00) ka lawm e.

S P E A K E R : Pu Nihar Kanti Chakma, Minister zahawm takin a demand no 30, 34 leh 41, a vai belhkhawm cheng vaibelchhe 160 nuai 77 sing 2 sang 8 te House-ah rawn submit ve leh sela. I lo ko ang.

Pu NIHAR KANTI, MINISTER: On the recommendation of the Governor of Mizoram and with your permission Sir, I move the demand no. 30, 34 and 41 for rupees hundred sixty crore, seventy seven lakhs twenty eight thousand for meeting expenses during 2012-2013 in respect the following departments.

1. Demand No. 30 Disaster Management and Rehabilitation Department - 16 crores 78 lakhs 38 thousand
 2. Demand No. 34 Animal Husbandry and Veterinary Department – 119 crores 52 lakhs 35 thousand
 3. Demand No. 41 Sericulture Department- 24 crores 46 lakhs fifty five thousand
- Total - 160 crores 77 lakhs 28 thousand. Thank you

*Speech not corrected.

S P E A K E R : Pu P.C. Lalthanliana, Minister zahawm takin a demand No. 19 leh 29-na amount chu vaibelchhe 109 nuai 94 sing 7 sang 7 hi House-ah rawn submit ve leh sela. ilo ko ang.

Pu P.C. LALTHANLIANA, MINISTER : On the recommendation of the Governor of Mizoram and with your permission Sir, I move the demand No. 19 and 29 for rupees 109 crore 94 lakhs 77 thousand for meeting expenses during 2012-2013 in respect of the following department -

1. Demand No. 19 Local administration Department – 42 crores 47 lakhs thirteen thousand;
 2. Demand No. 29 Social Welfare Department – 67 crores 47 lakhs sixty four thousand;
- Total – 109 crore 95 lakhs 77 thousand. Thank you.

*Speech not corrected.

S P E A K E R : Le, kan Minister pathumten an demand House-ah an rawn submit ta a, kan lo sawiho leh ang a, kan pass pui thei dawn nge dawn lo te, tichuan minute 10 inpe ila a tawk mai maw, minute 8 ah khan warning bell inpe ila chuan minute 10 ah chuan zawh ngei tum ila. Tichuan tunge han sawi hmasa leh dawn le, ngaihnaawm deuh in i han sawi leh teh ang. Tunge han phar hmasa Pu R. Lalrinawma maw, ani hi a hmasa ber lamah a sawi zel thei a, a lawmawm hle a ni.

Pu R. LALRINAWMA : Pu Speaker, a hmasa berah ka'n sawi leh mai ange. Department pakua Minister pathumte demand kan sawi dawn a. An department-a an hnathawhte, an thawhthat tam tak sawi tur a awm laiin kan sawi vek senglo anga.

Law & Judicial ah hmasawna leh hnathawh that tam tak awm zingah Law zirna kan neih chhun Law College te, sorkarin an enkawl chhova, private-a kum tamtak lo kal tawh kha tunah chuan sorkarin an enkawl chhova, Government chiah la ni lo mahse, hei hi a lawmawm khawp maia, building-te pawh tunah an mahni pual tur sak mek a ni a. Hei hi hmasawna ropui tak niin ka hria a. Law department hi helaiah Assembly-ah Bill engengemaw kan han pass a kan ngaihtuah lai hian, Law department-ah Law-in an vet thin si a, a va phuai ve, tihte a awm thin a, Pu Speaker i hriat angin. Hetah hian Law vetting chungchangah a thawktu te, a officer lampang hi an tlem khawp mai a, an indaihlo ang reng khawp mai a. Tin, department hrang hrangah Law Department representatives hi committee hrang hrangah leh meeting hrang hrang ah heng SPAB kan tihah te an tel a ngai bawk si a, chutiang chuan an la indiah lova, hma kan la sawna tur chuan Legislative cell emaw a hrang a awm a, Legal Department leh (duhthu sam pheih chuan) Legislative Department-te hi a hrangin nei ila, chutiang chuan kan ram hmasawna tur zel a ni dawn a, chungte chu Law Department chungchangah hian ka'n sawi lang duh a.

Tin, hei High Court tunhnai lawkah Parliament-in North Eastern State pahnihte High Court hrang neihna tur an pass a, keini pawh High Court hrang nei turin Remna thuthlungah te ziah a ni a, tin, Constitution pawhin min phalsak sa ani a, hemi tur hian kan Minister pawhin hma nasa takin a la niin ka hria a, tin, a hmun te pawh pekfel a ni tawh a. Amaherawhchu, tun thleng pawha a hmun pawh buatsaih a la ni lo te hi an muang ang reng mang e ka ti a, hei hi High Court lampang tihur niin ka hria a.

Tin, Parliamentary Affairs-ah hian, Parliamentary Affairs Department hian Parliamentary Practice and Procedure chung chang training hi buatsaih tam thei sela, vawiinah Assembly-a Committee hrang hrangte leh Assembly leh sorkar chungchangah hian kan official-te fel tak tak an awm rual hian, an felloh vang pawh nilova, Practice and Procedure hriat loh vang a an tihur tih nachang hriatlohte tam tak a awm a, chu chu Committee-in kan hnathawhna kawngah pawh (Speaker : Chair kan han in thlak lawk ang aw) chutiang chuan Pu Deputy Speaker kan thawhhona kawng ah Legislature-te leh

Executive-te thawhona ram tana thawhna kawngah hian Parliamentary Practice and Procedure hi official-te ah tun aia zing zawka training pek te hi a tul hlein ka hria a.

Education-ah hian kan Minister chak takin Education siamtha tur hian hma an la chhova, Education Reform Commission-te siam chhovin khatiang khan vawiinah hian Department hi alo kal chho tawh a, Department lian leh mihring enkawl an ni a, chuvang chuan buainuai anga lan chang te an awm a, hei hi thil chinfel chhohna tur a thil kal chho a ni a, khawvar dawna thim chhah, khawfing chat, khatiang deuh khan vawiin ni a khatiang thil han awm anga lang te pawh hi chinfel tumna vang a ni a. He Education-ah hian sawi lan ka'n duh chu Zemabawk Govt. High School saw zirlai an ngah khawp mai a, tin, an result pawh a tha thin a, tunah hian zirlai 287 an nei a, class Nine ringawt hi Section 4-ah an then a, class Ten hi section 2-ah an then a. Zirtitru 13 chauh an nei a indaihloh nak alaiin, midang an duh belh nak alaiin tun July ni 2 khan English Teacher pakhat chu transfer a ni a. Hei hi a pawh khawp mai a, an indaihloh viau tawh laia hetiang thawksa laksak an ni hi, chuvang chuan min dah let sak turin Local Council te, khawtlang hruaitute dilna tukinah Minister zahawm tak hnenah hian ka hlan a. Tichuan Minister zahawm tak hian min lo hriatsak a min dahlet sak turin ka ngen nghal duh a.

Tichuan Department a tam si a, tlem te te han sawi ka duh a, Demand No.30-na Disaster management-ah hian, an hnathawh a ropui a, tanpuina relief an tih dante mumal takin an kalpui chho tan a, a lawmawm ka ti a. Hetihlai hian an relief thawh a hi a agency tak takah hian D.C tinte hman a ni a, hengte nen hian tun aia coordination tha zawka an kal hi a tul hle a. A chhan chu District hrang hrangah relief an pek, chhiatna in angah relief pek dante a inanglo phung mai a, chung ang chu mumal zawka an kal theih nan coordination tha zawkte a tul hle in ka hria a. Vety Department hian hmasawwna tha tak kan Minister hian a kalpui a, Dispensary-te pawh an han sa chho a, ka bial Sihphir ah pawh Dispensary tha tak min han sak sak a, lawmthu he House kal tlang hian ka hrih duh a. Sericulture hmasawwna pawh kan hmu chho zel a, thawktu, rei tak dahngheh loha awm thinte pawh tunah hian dah ngheh chhoh an ni mek a. Infrastructure-ah building lamte pawh tihchangtlun a ni a, ka bial Zemabawk North-ah sawn Sericulture complex a awm a, building te pawh an sa mup mup a, hma an sawn hi lawmawm ka ti a.

Chutichuan, Social Welfare hi Anganwadi naupang te te atanga tar Old age thlenga enkawltu an ni a, tin, NGO zawng zawngte tan pawh Department pawimawh tak mai leh mipuite pawh nghawng leh mipuina kan chhawr em em an ni a. Hma an sawwna leh tar pension an tihpun te, a dawngtu tur an tihpunte a department hnathawhah lawm awm ka ti hle a.

Local Administration Department-ah, V/C te enkawltu an ni a, khawtlang roreltute local self government enkawltute an ni a, khawtlang hmasawwna mamawh hrang hrang an thawhna kawngah keini ang thingtlang bial nei tel te chuan kan tangkai pui em em a, Urban Area in a huam lohte. Hemiah hian han sawilan ka duh chu, Department thawh that leh an chungaw lawmthu sawi tur tam tak a awm laiin lawm lohna sawi tel ngai awm hi vawiinah han sawi tel ka duh a. Pu Dy.Speaker, Sihphir village council boundary chungchangah hian Session hmasa 8th Session, 11th July, 2011 khan starred question 18-naah ka zawhna, "LAD Minister zahawm takin, Sihphir Village Council Boundary hi a diklo a siamthat kan tum a ni" tiin min chhang tawh a. Tichuan tun Session-ah hian siamthat a ni ta em tih ka zaawt leh a, starred question 69-naah a lo chhuak a, siamthat a la ni rih lo, siamthat tumin hma lak mek a ni" tih a ni leh ta a. Hemi chungchangah hian Pu Dy.Speaker ka'n sawi duh chu, ka zawh hmasak, nikuma min chhannaah leh supplementary chhannaah pawh khan, 'a diklo hi

sorkarin a hria a, siamthat tum a ni' tih a ni tawh a. Chuti chungah a diklo siamthatna atana kumkhat lai mai Department-in an hmang erawh hi chu kawngdangah an thawh that tehlul nen engatinge ka ti deuh a ni. Hei a Notification diklo chu Pu Dy.Speaker i phalna in ka'n chhiar lawk anga, - 'Sihphir Village Council Boundary Aizawl to Silchar road km 15 (post) starting point a hmangin, chuta tangin chhuah lamah Lungdai nena inrina Ramri luih chhukin, Ramri luiin Lungdai lui a finna atanga Lungdai lui zawh thlain, Lungdai luiin Kawrbel lui a finna atanga Kawrbawr lui zawh thla lehin, Kawrbel luiin Tuirial a finna atanga chhim lam hawia Tuirial zawh chho lehin Kawrbel luiin Tuirial lui a finna atanga Kawrbel lui zawh chho lehin, a thui deuh hlek a, a tawp lam hi kan chhiar leh ang e. Mualkhang kawng hluia zawh chho leh a, Chawilung kawnah tan liamin Ngawisuarah Dur lui a man leh a, Dur lui khawchhak lam hawi zawngin a zawh leh a, chuta tangin Sakawrhmutuai tlangsang lai taka chhovin, chuta tanga chhuk lehin Aizawl to Silchar road starting point a man leh a ni, tih a ni ta a. Hei a starting point Aizawl to Silchar road km 15 post starting point a ti a. Starting point kha arawn man leh chiah a. Sakawrhmutuai tlangsang lai tak atanga chhuk thlain Silchar road. Kha kha chiang em em in a boundary description-ah hian a awm a, a dik lo ta a chu, tunhmaa 15 miles tia a mel tiha kha khilai Sakawrhmutuai tlang khi Aizawl atanga mel 15 a ni a. Chu chu a chhu chhawngtute hian 'km' tiin an lo chhu a, hei hi a 'km' tih hi 'mel' tiha thlak mai emaw, a figure zawka hi khilai figure dika kha thlak mai emaw thil harsa a ni lova. Chuvang chuan kum khat chhung, 'la en mek' reng mai hi enge a awmzia ka ti a. A chhan chu Lungdai hian he a dik loh avang hian an ramri hi anrawn chuh a, khimi Sethup kawn kan tih, Aii Puk lar deuh, khimi bul thleng khi anrawn chuh ta a. Km 15 thleng hirawn chuh nise chu Sihphir khaw pum deuh thaw khi Sihphir khaw pawna awm ang ani, hemi ang hi chuan. Sihphir bazaar han thlen dawn, Sihphir Coopertive han thlen hma khikhi km 15 chu a ni a, chuti anih chuan Sihphir khaw pum deuhthaw kha boundary pawna awm ang a ni, tih hi a hmasa pawh khan chiang takin ka sawi tawh a. Chuvangin helai thlak mai hi a dikna ani a, boundary description hi Court-ah pawh kal ila In hmun buai reng rengah, a area a figure aiin a boundary description-a hi court pawhin a pawm a ni. Chuvang chuan hei hi a wind-up naah pawh min hriat sak a hma a rang lama min lak sak turin ka'n ngen duh a ni e, ka lawm e, Pu Deputy Speaker.

DEPUTY SPEAKER : Tilai khi a ngaih pawimawh awm khawp mai, hmanah pawh a sawi tawh a. Anmahni an buai pawh a ni lova, a 'mel' a leh a 'km' a kha a buai a ni mai a, khatihlai kha Session hmasa pawhin sawi a nih tawh kha. In lo hriat sak dawn nia. Pu Hmingdailova.

Pu HMINGDAILOVA KHIANGTE : Speaker, ka lawm e. Vawiin hian kan Minister zahawm tak tak 3-te Demand kan sawi dawn a, sawi kim a har viau dawn a. Tin, keini thingtlang MLA te hi chuan, an bawngnute in loh lam hi sawi a awl zawk a, kan duhthawhna te leh kan mamawhna te avangin min lo ngaithiam sela ka'n sawi duh a ni.

A hmasaberin Pu Lalsawta Demand Law Vetting-ah hian sawi tur tawite ka nei a, 2002 kuma he House zahawm tak ina Mizoram State Sports Council an passed tawh hnu khan khatih laia sorkar Sport Minister khan Executive Order-in Mizoram State Sports Council kha a thiat tawp mai a, chutah chuan Law vetted tih kha an chhuang viau a, an sawi ber a. Amaherawhchu, ka hmaa mi ten anrawn sawi zawk ang lam ni lo khan Law vetted ni lo khan Court-ah kha chuan a tla leh thung a. Kan Law Department khan ngun takin lo en leh se, hetiang hi hetiang Executive Order hian thiah chi a ni lova, an lo ti kha an tihdan tur niawm tak niin ka hria tih kha ka'n sawi ve duh lawk a, ka hriat ve chhun lai, ka tawngsual chuan min lo ngaithiam ula.

A dawtleh, Demand 20-na School Education. School Education hi ram pumpui huap satliah mai nilo, mi zawng zawng huap a ni a. An hma a zau hle mai a. Tin, keini thingtlang MLA-te hian kan mamawh lehzual a maw ni, Directorate hi kan phone deuh reng mai a, englai pawh hian. Kan mite anlo leng a, 'ka pu, chutiang khatiang', a tia. An indaihlo hle ani tih hi kan hmuhdan a ni a. An meeting tihte, an damlo tihte, eng eng emaw a tam a. Tin, kut zungtang han chhiar pawh hian an indaih lovin ka hria a. Chu chu kan Minister zahawm tak hian a hrechiang zawkin ka ring a, ka'n remind a ni e.

Tin, pakhat lehah chuan Inspection lam hi engtizhia nge an uar ta vak lova. Keini MLA-te hi Inspecting Officer kan ni deuh ber ta mai a, kan bei nasa khawp a, thingtlangah hian, kan bialte hi kan by-heart deuh vek tawh mai a. Harsatna kan sawite hi min tihsak zar zar phei selang chuan a, dingleh dawn ila chakawm zak khawp hian kan awm a ni. Amaherawhchu, harsatna Directorate te leh kan Minister zahawm tak hian a ni ang, harsatna kan tawk nasa hle a. Heng hi min hriatsak sela tih hi wawiinah hian ka sawi duh a ni. Chutiangah chuan a mal te tea sawi vek theih a ni lo anga. A thente han sawi ila, tawi deuhvin. Tunah chuan nikum ai chuan School zirtirtu lamah ka bial chu ka ziaawm viau va. Sawithui lovin ka ziaawm lohna khaw pathum (3) chauh kan sawi ang a. Chu chu Primary School, Dilzauah hian School naupang 78 an awm a, zirtirtu 1 kan nei a ni. Tin, Tiauzauah School naupang 63 an awm a, chu chu zirtirtu 2 in an ho a ni. Khamrangah hian hei 1 ka nei reng a, hei 2 minrawn dah ta a, zirtirtu 73 ka nei a ni tih hi min lo hriatsak sela. Tin, Dilzauah hian Hindi Teacher hi an dah a, an dah tirh pawn kan hria. A zawm chiah a, a kal leh ta lo ania kan tia, vawi engzatnge ka report ang aw ka hre lova, wawiin ni thleng hian kan la nei chuanglo. A ban chu an ban ta niawmin ka hria. A hming pawh ka hria, sawilo mai ila. Dilzau a Hindi Teacher kha kum 1 aia tam a ruak ta anih chu.

Tin, SS Teacher ah hian sawitur kan ngah hle a, SS Teacher anlak ah hian qualification inang tho si, a khua amite kha duhsak turah ka lo ngai deuh va. Hei hi kan Minister zahawm takin min hrih theih chuan ka lawm hle ang a. Ramdang ami an lo lut deuh ber a, a hreawm hle. An MLA nih a zahthlak khawp mai tihte kan sawiduh a. Chu chu min hriatsak se ka ti tawh a. Tin, tunhnai khan ka bial ami SSA zirtirtu 7 Aizawlah attachment-in min dahsak a, kan ui hle mai. Aizawl dai vela School khan an mamawh anih chuan a hranpa a lak ve mai awm kan ti deuh va. Ka bial ami 7 zet mai an lak chhoh kha kan ui khawp mai a. Kan Minister zahawm tak hian min dah kir sak leh thei sela kan lawm hle ang tih kha ka'n sawiduh bawka ni.

Tin, chuloh lehah chuan, budget lamah enloh chuan kumin chu School Education lam pawh a lungawi thlakin ka hria a. Kan House Leader-in a sawi angin, hnathawktuten hna an thawh avangin hlawh chu an hmu tur a ni, a tih kha ni ngei tur a ni. 223.32 crores dah a ni a, an tha ngei turah ngai ila, an lawmpui awm a. Tin, Higher & Technical Education ah pawh kan tha chho turah ngai ila, 52.29 crores an dah a. Scholarship Board kha an lawmpui awm berin ka hria a, Vaibelchhe 5.23 an hmu a. Chanchinbuah College naupang ten Scholarship an la thei lo tih reng mai kha a awm tawh loh a rinawm a.

Tin, Demand No. 30-na Pu Nihar Kanti-a Demand kha tawite han sawi ve ila. Disaster Management & Rehabilitation-ah hi chuan sawi tur tam tak ka nei lova. Hna an thawk tha a. Tin, Zoram-ah hian he Department hi kan mamawh tual tual dawn a. Namen lova an intihhriam chhoh zel a tul a ni tih kha ka'n sawi ve duh a. Tin, tun hnai maiah khan Rehabilitation atan pawh Nuai khat atangin Nuaikhat leh singnga tanpuina a lo nita te pawh kha a lawmawm hle a ni. Tin, chhiatrupna hi khawi hmunah pawh englaipawh a thleng thut

thei a ni tih kan hria a. Equipment chi hrang hrang pawh hi an nei nual tawh niin kan hria a. Khawi khawiah te nge an dah tih hi a Bialtu MLA te pawhin kan hriat ve pawh a tha viauin ka hria, kan ngaihven tur a nih rualin.

Tin, han sawikai zel ila, nichin khan Member zahawm tak Pu Lalduhoma khan Rubber boat kha a lian lutuk a ti deuh a, ka lo chang mai ang chu ka ti lek lek a, Hortoki atan khan ka it deuh a. Nimin piah khan ruang pakhat Hortoki daiyah Tlawng Luiah an chhar a. Tlawng hnar lam atanga rawn tla thla a ni a. Luangmual pa an ti a. Hortoki-ah khuan khatiang ang kha kan tawng hnem viau a. Tin, Hortoki ah khuan Lui kal te leh thing zai tur te an rawn tla thla hnem ve viau mai a. Chung ho chu an tla mek mai a. Kan inzawng buai deuh reng a. Chung enkawl na atan chuan equipment kha kan mamawh ve a ni tih kha kan Minister zahawm tak hi ka'n hrih ve duh a ni.

Tin, Demand No. 34-na Animal Husbandry & Vety hi Department thang duang pawl tak a ni awm e. Zoram in kan chhawr hle bawk a. Amaherawhchu, ka'n sawi duh chu mahni Bial mamawh lam ka'n sawi duh a. VFA hi kan mamawh nasa khawp a. Ran kan vulh dawn a nih chuan VFA tel lo chuan tih chi a ni lo. Ka Bial Hmar Chaltlang, Serkhan atanga Bukpui thlang-ah sawn tunah sawn VFA pakhatmah kan nei lova. Kum hnih kal tawhah khan Nisapui a mi min lak sak a. Tin, tunah hman ni lawk khan Bukpui a mi min lak sak leh a. Chuvangin, kan Minister zahawm tak hi ka'n request a. A rang thei ang bera pakhat tal chu min rawn dah sak loh chuan, kan dinhmun a chhe hle dawn a ni tih kha ka'n sawi a, ka'n request nghal bawk a ni.

Tin, chu lo lelah chuan Demand No. 19-na Pu P.C.Lalthanliana Ministerter zahawm tak Demand hi kan sawi leh duh a. LAD hi a tangkai hle mai a. Village Council enkawl-tu an ni a. A lehlam takah chuan an chhangchhe phian awm e. Housing te, Town & Village Development te an enkawl a. Amaherawhchu, sum hi an nei tlem deuh a. RE lamah te chuan tam thei turah beisei ila, a lawmawm hle ang.

Pu Dy.Speaker, ka'n sawi duh talh chu Social Welfare hi ka ngaihtuah vang vang a, ka tehkhin chu nu fel tak, chhangchhe tak niin ka hria. A enkawlho te hi ICDS hnuaiah naupang vanduai hrang hrang, hnuchham, broken home fa te leh nu thenkhatten an tlanbo san te an enkawl a. Tin, chu lo lelah naupang rualbanlote an enkawl bakah tar pension-te an ngaihtuah a, an pe bawk a. Chungte chu an enkawl avang chuan he Department hi an chhangchhe hle na-a, an tangkai em a. Kan naupan laia kan tih thin ang khan 'Ka nu, ka nu duhtak chu' tih dinhmunah khan an dingin ka hria. Tin, After Care Centre te khatiang khan Sethawn an cheitha bawk a, an enkawl bawk a. Chung chu Social Welfare in an thawh hlawm a ni a, azawng a za kan sawiseng lova. Kan Minister zahawm tak tak te Demand 3 enkawl hi waviin niah hian a detail in sawi vek theilo mah ila ka support a, pass ngei tur niin ka hria, ka lawm e, Pu Deputy Speaker.

DEPUTY SPEAKER : Waviin chu Minister 3 Demand kan sawi a, kan hun kha ngai a reng minute 10 tho kan ti si a, tlemin sawi chak deuh ila a tha awm e. Pu Robiaka ilo sawm ang.

Pu LALROBIAKA : Pu Deputy Speaker, Minister 3 Demand sawina hun min pek avangin ka lawm a. Sawi tur a tam khawp mai a, in adjust thiam dan kha a har thin khawp mai a. School Education, Demand 20-na tang hian han sawi ve dawn ila a tha in ka ring a. Kan education system a hi he sorkar thar alo din atang khan siamthat dan ngaihtuahin nasa takin kan Minister a nachang hria in hma an la a. Tunah pawh hian hma kan sawn tawh

khawpin ka hria a. A thalo lai leh a tha vak lo lai eng emaw laite chu la awm bawk mahsela. Tin, thil introduce anih reng reng hian a tir atanga thiam sa a awm lova. Chuvang chuan harsatna deuh te tuna zirna system tharah te pawh hian a awm ang tih ka ring a. Amaherawhchu, thil than na na na chu damdawi pawh kha mahsela kan damna tur anih miau avangin a khakna lama kha kan ngaihtuah lova kan ei mai a ni. Chutiang deuh chuan vawiin niah pawh hian kan education system thar introduce a hi nasa zawk a hma la turin Dept., te pawh kan fuih thar duh a. Tin, nu leh pate pawh an lawmin ka hria a, naupang an inthlahdah hman lova, zan tin lehkha an zir a, exam dawna tunhma anga tih tlut tlut ngai lovin vawiin niah chuan kan kal chho tawh a ni tih kha kan sawiduh a.

Tin, ka hma ami khan a sawi tawh nual a keini Dampa bial hi zirtirtu lamah kan harsa khawp mai a. SSA zirtirtu lak dawn te khan an han en vang vanga a candidtate te khan. Khaw mak deuh leh khaw hming eng emaw deuhah khan diltu an awm lovang tiin an dil te pawh niin ka hria Aizawl a mite pawhin. Amaherawhchu, Minister-in min hriatpui tura ka'n duh a chu, kan bialah hian Bangladesh border te a ni a Tuikuk, Chakma te kan awm a. Chung khuaah te chuan an han dil a, joining report an pek bak la kallo hi vawiin niah hian an awm nual a ni. Tin, a tam zawkin a bikin Silsuri kan han tih te, Beka Beki kan han tih te, khaw tam tak Chakma khuaah leh Tuikuk khuaah kluan joining report pe a, Aizawl-ah emaw, Mamit-ah emaw transfer dil nghal a kherh nghal char char tun thlenga la kallo te pawh hi an awm a ni. Chuvangin heng pawisa duh si, hna duh si, thawk peih si lo ang hi chu kan Minister hian min lo hriatsak se, an hming pawh kan rawn thehltu thei ani tih kha min lo hriatsak se. Amaherawhchu, eizawnate intih chhiatsak a tha lo a, khawi hmunah pawh thawk thei kan ni ti a dil kan nih chuan kan thawk mai turah kan ngai a. Khatiing khan vawiin niah hian kan tum ang leh kan beisei angin SSA-ah pawh zirtirtu kan nei thalo a ni tih kan sawiduh a. Tin, a bik takin kan Deputy Speaker pawh hi sawi a rem lo na a kan case ang tho kha a ni. Ani pawh Tuikuk leh Chakma te a kawi khawm ve a, tawng dangte an lo ni a, hna duh siin kallo tam tak an awm a ni. Chutih rual chuan ka hmaa sawiin a sawi ang khan a post nena lak chhuah SSA zirtirtute keini bialah pawh hian 11 nge 12 lai kan nei a ni. Khang ang chi kha Official-te hian in hriatpui em? tih kha kan zawt duh che u a, a post an lak ang a thawk mai turin Minister ka ngen duh a ni. Tin, nichina ka sawi ang khan Education reform kalpui chhoh zel a ni a, hei hi thingtlang chengker berah pawh kan chhawr tangkai a ni tih kha kan sawi duh a. Hetiang hian kal chho zel ila a tha ngawt ang, Education Standard hi hmun kilkhawrah pawh khawpui nen inthlahna em em awm lovin kan kal chhoh pui thei dawn a ni tih hi kan sawi duh a ni.

Tin, Demand No. 21-naah khan Higher & Technical Education-ah hian ka han sawi ve duh chu naupangin an zirna atanga Scholarship an lak ve theih, la thei lo ang chi te, chanchinbua kan hmu fo mai te hi a vanduaithlak a. Tin thla hnih thla thum hlawh an la thei lo ang chi te kha vawiinah chuan an mamawh ang tawk pek a lo ni ta hi a lawmawm ka ti a. Tin, zirtirtute pawhin kan zirna ti tha thei tur leh standard maintain tha turin sorkarin beiseina nei chung a hetiang hi pek an ni tih hi hria se a thain ka hria a.

Tin, Parliamentary Affairs Department-ah hian kan lut leh zawk ang a, Demand No. 12-naah khan. Kan sawi fo thin a, Parliamentary Affairs Department hian training-te han buatsaih fo thin se kan ti thin a. A hminga MLA hote hi Subject Committee-te P.A.C-ah kan han kal a, a hmuna kan kal mai bakah lehkhah zawhna han in pekte leh thil chi hrang hrangah hian Directorate atanga an rawn tih ang angt, District atanga an rawn tih ang ang te, a forwarding letter siana Secretary-ten Assembly Secretariat-a rawn thawn mai te kan awm fo thin a ni. Khatiing kha kalphung a nilo a ni tih hi vawiinah hian ka'n sawi nawn ve leh duh hrim hrim a. A kalphung tur a nihdan ang hian kal thei ila, vawiinah hian kan

ram/kan hnam kan develop thei dawn a ni tih hi helai Demand kan sawi lai hian ka han sawi duh a.

Tin, Demand No. 30-na Relief & Rehabilitation-ah hian kan budget hi atam viau lo nain a tawh thawkhat viauin ka'n hriatpui a. Tin, hma pawh an la nasa a, khawtinah. Amaherawhchu mipuite hian hriat sual deuh leh harsatna kan han tawh a tana equipment-te hi kan hman tur a ni tih hre em em lova, a bikin keini thingtlang lam bialtute hi chu kan han rak em em khawp a, silpaulin chungchangahte, buh seng hun a ni dawn tawh a, silpaulin kan mamawh ani han tih ngawt mai ang chite, amaherawhchu, helai atang ni lovin keimahni fund-te leh a remchang ang ang atang tea kan han meet sak bawrh bawrh a, chutiange chu kan dinhmun a ni a. Engpawh nise, mipuiten hengte hi chhiatrupna leh eng emaw chhiatna bik atan a dah a ni tih hi House kaltlang hian kan inzirtir a ni tithe pawh hi kan sawi duh a. Tin, kan hmaah hian eng nge ni thil awm dawn tih hi kan hre lo va, mihlimten chhiatrupna a thleng dawn a ni, Chanmari atangin Bawngkawm a hmuh tlang theih dawn a ni, tih te kha thawk khat lai khan sawi a awm a, thenkhat chu an chi ai em em a, heti hian ka ti thin a, "Mizote hi kan nun a ngeth lo a ni, engvangin nge kan hlauh ? Hlau lo tur chu kan ni hauh lo na chungin kan chi ai hma viau maite hi kan hnam naupan vang leh kan rilru ngheh loh vangte pawh a niin ka hria" ka ti thin a, chutiang chuan Disaster Management-te hnathawh hi fakawm ka ti a, nasa zawka thawk tur pawhin duhsakna kan hlan duh baw a ni.

Tin, kan kal duai anga Demand No – 19 na hi Local Administration Department Budget Rs 42,47,13,000 lai mai an han nei a, amaherawhchu kan ngaituah pui vang vangin an hnathawhna tur atan a beitham mai awm mang e aw, kan ti a. Local Administration hi kan ram siamtu tak tak tunah phei chuan an ni tih hi kan sawi duh a, an pawimawh hle a, tin, kan nun kal chho zelah hian harsatna chi hrang hrang leh thil mak tak tak te kan tawh fo a, chungchu an ni Local Administration hian anlo siamrem thin a ni a, khua, village kan han tih ah te village council te an han enkawl a, tin, khang atanga in zirtirna hrang hrang te leh, tunah phei chuan hei Finance Commission sum te pawh an sem mek a ni, khatiange te kha a ni a, Local Administration ah hian kan sum dah erawh hi chu a lungawithlak loh tih erawh hi chu a mawiloin ka ringa, amaherawhchu a tlem deuh niin kan hria a, engpawh nise tlem deuh pawh ni sela a thawk tute, a Minister ten nasa zawka tan la a an kal pui hi ka duhsak a ni tih hi kan sawi duh a.

Tin, Social Welfare hi kan sawi leh hram duh a, kha bell a ri tawh a, sawi tur tam tak awmin ka hria a, Social Welfare hi amah a Minister bawh hian sawi dan a thiam a, 'Sports Minister hi chu chaklo chi a ni hleinem, a ni chu khaw tina a chak chak lakkhawm kha a hote kha an ni a, keini te chu bengngawngte, putar te, tawngtheilo te, upate kan enkawl a nia, churang chuan han chak vak ngaihna a awm hleinem' a ti a, amaherawhchu chung zawng zawngah chuan kan Minister hi a fakawm hlein ka hria a, hei he Ministry an lak hnuah hian hmasawanna tam tak kan nei a, tin, abik tak pawhin Mamit District, MLA kan nihna ang pawh hian a chungah hian lawmthu kan sawi duh a ni. Vawiiinah hian MSDP kan ti a, MSDP-ah hian sum tam tak ama Ministry kaltlang hian sum kan han nei a, Pu Dy.Speaker, tawi te, chumi hmang chuan school chhia Education Department in min cover theih loh te kan han siam tha a, tin, Girls hostel kan han tih te leh thil chi hrang hrang electric eng, tui in tlak an neihna tur atana minority area a sum tam tak min han pe hi a lawmawm ka ti a, a bik takin a chungah pawh lawmthu kan sawi a. Tin, hmeichhia pasal sun te, widow ho tana sum tam tak an han pe te leh thil chi hrang hrang nutrition programme te, tin, tam tak sawi tur a awm a chungte chu vawiiinah hian kalpui mek a ni a, an department chungah hian a bik takin harsatna tawkte tan, nun lamah pawh harsatna

tawk te, an nun a that ve zel na tur atana 'Home' han tih ang chi te tam tak an enkawla, khang ang tan khan, he hnam tan hian nasa takin hna an thawk a ni, tih kan sawi duh a, sawi tur a tam khawp maia Pu Dy.Speaker, amaherawhchu, ka sawi vek seng lo anga, hunin min daih bawk lo a,heng mi chhumchhia te, mi harsa te 'Pa' department an ni hi a lawmawm ka ti a, a Minister chak takin a ho khawm a, department officer leh official-te efficient zia te, an inpek zia te han hmuh fo hi damna tling a niin ka hria a, he budget kan sawi zawng zawng te kha lawmtakin pass pui turin ka support na kan sawi tel a ni e, ka lawm e.

DEPUTY SPEAKER : I sawi tha khawp mai, khawthlang lam i rawn hrut tha bawka ka pe belh deuh hlek che a nih kha. Tunah Pu K.S Thanga.

Pu K.S THANGA : Pu Dy.Speaker, ka lawm e, nimin piah leh niminah thiante ka kian deuh a, vawiin chu sawi hmasa lamah kan tang ve teh ang ka tia, tin chawhnu lamah pawn lamah chhuah leh ka duh avangin chu chu kan dil nghal che nisela. Sawi tur a tam a, Minister pathum chanvo kan sawi dawn avangin, minute 10 chhung chuan tih ngaihna tak tak a awm lo a, pawimawh em em vek an nih avangin, mahni bial concern deuh pawimawh deuh eng emaw bika chauh kan sawi mai lo thei dawn lo a ni, tih kha Minister te pawn min lo hriatsak turin kan ngen duh a.

A hmasa berah chuan Demand -20 na, School Education chungchang hi sawi kan duh a, kan Minister chak tak leh Parliamentary Secretary chak tak te, Mizo ah pawh kan chhuanvawr ve ve te enkawl na hnuai ah Department hneh takin an engkaw l a, hmasawna tam tak Mizoram hian an zarah kan hmu ani. Education-ah hian kawng chi hrang hrangin kan thang ani tin hi vawiinah hian a hriatpuitu te kan ni tih ka hria a, chutih lai chuan thil engkim hi kan duh angina a famkim thei lo va, harsatna kan bial ang a kan tawh te vawiin ni ang ah hi chuan a sawi chhuah loh theih lova, min lo chhinchiah sak tur pawhin ka'n ngen duh a. Hei, kan bial ah hian khaw 26 a awm a, in 50 atanga 500 chuang khua ani a, kan population hi a tam hle a. Tichuanin khaw tin mai ah khan sikul te an duh a. Primary phei chu engemaw zat awmna ani a, middle school te pawh chutiingin High school te a awm a, kha tiang kha kan ni a. Zirtirtu indaih lohna hi a tawk nasa ber pawl kan ni angem aw ka ti a. Vawiinah hian khatiang kha rawn sawi chhuah vek sen anih loh rualin kan harsatna tawh thenkhat kan sawi hmasak duh chu: Lunglengah hian zirtirtu pakhat natna benvawn khirh tak mai nei chu a nghet kan neih chhun ani a. A kal thei lova, zankhat mitchhin tawk mai thei dinhmuna ding ani. Chutih lai chuan Hindi teacher pakhat kan nei leh a. Tichuan a khua in zirtirtu an ruai a, mahse an tlin lova. Hei thla 6 chu keima hlawh atangin kan chhawk ve tawh a. Hei kan Minister zahawm tak hian min ngaihtuah sak dawn ni in ka hria a. Chutiang chuan harsatna kan tawk nasa viau ani. Tin, Sialsuk hi matric exam centre anih na a rei hle tawh a, tunah hian hun engemaw chen atang tawh khan Peon te, LDC te kan nei lova, exam a lo ni leh ang a, engtingge kan kal ang tih hi. A zirtirtu indaih lohna hi chu engtin tin emaw la in hmui hram hram lai kha chu a eng pawh lo ni sela, khatiang ang Peon te, LDC te engmah exam paper han buatsaih tur leh thil engemaw han chhut ngai te; tin, han tirhkah tur reng reng an mahni an in Peon chawp vek mai ani. Khatiang khan hun rei tak mai an kal tawh a, hei hi kan thlen thin tawh a, exam a thlen hma hian hei hi min ngaihtuah sak hram hram turin kan duh bawk a. Chutiang chuanin sum leh pai indaih lohna te kan hria a, kan theih angin. Sateekah te pawh sikul a chim a. Education Department atangin grant kan hmu a mahse a chung tur a daih loh avangin keimahni fund lam atang te pawh in kan lo tanpui ve a. Khatiang khanin sikul te pawh vawiin lamah chuanin an kal leh thei ta a. Chutih lai chuanin Pu Dy. Speaker, hei Thiakah hianin Department-ah pawh kan report tawh a, middle school-ah class V leh class VI, an school kha a min tep a, a chhuat kha a chim vek a, awih pang deuhva dawh zawl kha a ni a. Chu chu kan report tawh a, vawiin ni thleng hian Department lam sum indaih

lohna te pawh a ni mai thei a. Class a kal theih lohva, a then chawhmaah an kal a, a then chawhnuah an kal a. A mangan thlak hle a ni. Chawhmaa kal pawl leh chawhnuah kal pawl khan exam an han bei ve dawn a ni a. An zir khan engtak thleng ang maw tih ka ngaihtuahnaah a awm deuh va. Chutiang harsatna te chu kan tawk ani. Hei hi Department lam pawh vawi engemaw zat kan hraitir tawh a, ngaihtuah dan hi a awm thei hram lawm ni? Naupang nilenga an school kal dan pangngai an kal leh theih hi. A Department, a Minister lamte pawhin min duhsak ang tih kan ring a, chu chu kan han sawi duh ani. Vawiinah hian kan bial harsatna kan sawi nual a, Pu Dy. Speaker, kan Minister zahawm tak leh Parliamentary Secretary-te pawn minlo hriat sak kan duh chu, Aizawlah hian hei kan han hmuhah pawh sikulah hian zirtirtu hi an in daih ani. Thingtlang a kan indaih loh em em lai hian an awm nghek nghuk a. A upa lam tawh leh a tar chaklo lam te hi chu thudangah ngai tai la, thalaite pawhin ka chumi khami ka enkawl a ngai, ka nu a damlo tih vanga chhuanlam kan siam a thingtlang a, kan naupang te kan ram mamawhna, lehlamah nangni bang ula midang kal tur kanla a nge tih theih bawk si loh, hetiang ringawt mai hi chu ngaihtuah na thar hman a tha in ka hria a, thingtlang bialtu zawng zawng hi helaiah hian kan mangang ani, chuvang chuan Aizawl a thalai deuh chuan ram in a mamawhna hi hriain, he House kaltlang pawh hian in volunteer sela hlawh te an la a, he ram tan hian thawk tura an inpe anih chuan Aizawl a awm kher tum lo hian, Minister-te tan pawh an lu tihai lo hian an ngaihtuahnate an hmang ve thei lawm ni? tih hi a ngen in kan in ngen tawh a ni. Chutilochuan kan han sawi a, tu ten emaw ni, an chhungten hei chuti khati tiin chhuanlam an rawn siam a, damlo na deuh chhuanlam tur an chhungte enkawltu awmlo ang mai khan, khatiang te khan an han sawi thin a ni a. Chuvangin Education ah hian kan Minister te, kan hotute thahnemngaihna pawh hi a kal theilo thin niin alang a, chuvang chuan kan vaiin helai a rorel khawl te leh sorkar a mawhphurtute pawh hi kan tan tlan a ngai niin ka hria a, thingtlang mipui harsatna hi a nasa em em ani tih hi kan sawi duh a ni. Tuna kan sawi bik a kha chawp leh chilh a action lak ngai tak tak anih avangin min hriat sak turin kan ngen ani. Khati chin kha ni mai sela hun a kal leh duai tawh a.

AH & Vety ah hian thil tam tak sawi ka duh lova, hei tunlai hian NLUP avangin hmasawna tam tak kan hmu a, Pu Dy. Speaker ni hnih ka sawi lova min pek belh deuh hret turin ka ngen che a, chuvang chuanin kan ram ah bawngnhute tha ei turin depts. in tan an la a, NLUP hmangin hma an la a, han insawi chhianate a awm a, amaherawhchu, vawiinah hian depts.hian sincere tak leh ngaihtuahna thuk tak hmangin, mihring an ni a, tihsual chu an nei mai thei, mahse he ram tan hian thil tha an ti a ni. Tin, vawiina bawng hri leng an han tih foot and mouth disease tih angte pawh hi keipawh ka bialah pakhat chu a thi ve a, mahse bawng dangte an thi chuang lo, chuvang chuan a hri a kha ani ngawt thei lova, hmannah pawh kan ngaitla tawh a, chuvang chuan Apex Board Meeting-ah ngei pawh an supplier te kan ko a, kan hmu a, an chanchin te kan ngaitla a, chuvangin vawiinah hian heng a thahnem ngai taka an tih a hi kan ram tan ani a, he ram hian a thatpui dawn ani tih hi kan beiseipui a, tha lehzuat a an kal naturin, mihring hriselna atana bawngnhute kan mamawh te kham khawpa min pe turin thahnemngai takin an ti a. Chutih rual erawh chuan ran te thingtlangah a lo pung nasa dawn em em a, vawk te, bawng te, ar te, VFA te indaihlohna nasa lutuk puhruk tur erawh chuan helama tan lak dan te rawn ngaihtuah hram hram turin ka duh a ni. Atawpna a ni tawh mai ang, Pu Dy. Speaker, Local Administration Deptt. demand NO. 19-naah hian Minister zahawm takin min lo ngaihtlak sak a, a min lo chhinchhiah sak tura ka duh chu, khi Hmuifangah khian Tourist Centre leh Resort ang deuhin ruahmanna an buatsaih a, hma a sawn zel a, an ti lian zel dawn nite pawhin a lang a, amaherawhchu, khi khi ngaihtuahna thui zawk nei lo deuh hleka ruahman ti mai ila, sorkar hmasa lam hun ami te a lo ni a, thing leh ngaw, kan ngaw tha duh aiin kan thiat a, a pawl hle mai a, khang kha kum 100 te kum 200 te a up ate ani a, kanti lo thei tawh

lova, amaherawhchu, hei LAD hian chutiang hmun deuh tho chu arawn buatsaih ve a, a lawmawm a, khawtlang mipuite pawhin an welcome a ni, a tirah chuan. Amaherawhchu, vawiina an kal zel danah khian khi Hmuifang Tourist Lodge, a hmun in han thlen a, khilai centre khi in han kal chuan veilam zawng khi Hmuifang ram ani a, kawng lehlam zawng khi Thiak ram, khutah Chamring thlengin a ni. Thiak ho khian an ramah khian in pakhat mah an la sa lova, V/C pass an nei a, kei ngei pawh ka unaupa ngei hi Thiakah kum 30 dawn kal ta a VC ani a, Tourist Lodge sir ami khi, 'I duh leh nei rawh', min ti a ni. Mahse ti khian a tha tawk, a hlu a, a mawi a, helai tlangdung hi a ti mawi ani', ka ti mai a ni. Mahse chutih lai chuan VC hmasa te khan a leh lam kawng an rawn pe ta a, a Department thawktu, a Officer ngei ngei pawhin tikhan ngaw kha an rawn kit phei a, hmun pakhat a in an saknaah phei chuan ka thianpa nen kan zin lai a ni a, thingkung 14 puiltling tawh an kit a, tunah chuan a khaw mipui pawn na an ti tawh a ni. Chuvang chuan kan CM zahawm tak te, Revenue Department te pawhin khilai khi ka ta emaw tiin, 'I ram khi sorkarah surrender la', an ti a. A neitu nihna ka la chuang lova, VC pass kha a ni mai a. Ka ta pawh nisela tun sorkar a kan leader-in ram a veina te, forest chhia te siamtha tura thahnem a ngaihna ang hian nakina lokal leh zel turte hian an vei dawn anih tih hria ila chu ka pe ngam a ni. Mahse kan hma a sorkar kan hmuh te leh chutiang mihring te kan la hmu leh dawn a nih chuan sorkar a pek kher tul ka ti lo a ni. Thenkhatte ai kha chuan keini tam tak hi chuan ram hi kan humhalh tha zawk mai thei a ni tih hi ka ngaihtuahna a ni. Chuvang chuan khinga LAD-in hma a lak mekah khian a khaw neitute ngei ngei pawh an rilru natna - attention pek deuhlek a, an khawtlang kha leh chen an lo inhumhalh, tu VCP mahni hma sial lovin an thil lo tih te pawh khi ennawn that leh deuh te pawh LAD lam hian min ngaihtuah sak sela tih kha kan sawi duh a ni e, Pu Deputy Speaker ka lawm e.

Pu LALTHANSANGA : Pu Deputy Speaker, ka lawm e. I dinglam ami hlir khan an sawi chuan a ngaithlatu beng te pawh alo kham ang e. A hmasa berin Law and Judicial hi an budget pawh a tam hle mai a, revenue an chhun luh tur pawh hi nuai 250 lai mai a ni a. Law and Judicial-ah hian High Court Judge turte pawh hi dah tum deuh a ni a, chumi a recommend-na son of the soil ni tura kan ngaih deuh laiin helai ni chiah lo laiah hian han recommend a awm emaw ni aw? tih kha kan Minister hian a wind up hunah min hrilh fiah thei sela. Tin, Law Secretary time extension-ah pawh buaina lek lek han awm a, zirlaite pawh a office a han luh deuh rap rap, service thla hnih khat lek han extend tur a tana a pawimawh na em em kha enge ni? tih kha hriat hi mipui hian kan chak deuh hlek a, kha pawh kha kan hre duh a.

Tin, budget kan en hian professional service tih hi a awm deuh nual mai a, public prosecutor head-ah han en hianin a tam ang reng tlat mai a, engatinge maw ni heti lai hi eng atan nge maw an hman thin nih professional service-ah hian nuai 91.50 lai mai kha a awm a. Justice awm theihna tura mitin mai kha mi englo tur khan kan ti a, hemi hi CSS anih deuh na chungin budget-ah hian a nil ta a hmabak kha a awm deuh nual mai a, chutiang chuan vawiin ni a kan budget-ah hian engmah mai hi awm lovin a nil ta mai baw si a, central lam pang hian a rawn tui pui ta vak lo nge, "Justice chu nangmahni khan lo ti ve mai mai teh u" min ti ta emawni aw? tih te kha rilruah an awm deuh baw k a, chu chu Demand No. 4-na Law & Judicial-ah chuan kan sawi duh a ni a.

Demand No. 12-na Parliamentary Affairs-ah hian hei orientation training kan zuk neihah khanin kan ngaihtuah kan ngaihtuah a, hei Pathian leh bial mipuite zarah MLA kum 4-na kan lo hmang zo ve leh tep ta a, khami kan training tuma Parliament Secretariat-a an General Secretary, a thu ber ina min training tuma khutilai an Secretariat administration a hi Mizoram ah te hian introduce dan a awm angem le ? zirchian deuh te kha ni ta sela for example-ah, Mizoram te pawh he kan Assembly Secretariat-te pawh kan han kal a, la lian zel turah ngai ila, mihring kan pung tam zela, hei 2001 census-ah phei chuan eng ang hian nge kan pun tawh tih pawh hi a hriat chiah lova, chutiangah chuanin Secretary kha tam tak an awm a, Senior Secretary-te pawh an awm rual khanin khata General Secretary tura kha chu anmahni kha mifel tak an nih a ngai a, efficient leh accountability atang khanin appointment hi an pe a ni, chu chu Speaker hian a thlang ani a. Khatiang anih kha chuanin seniority claim emaw leh engemaw ang chi tur pawh kha nisela, khami provision kha an dah tlat si avang khanin Parliament Secretariat khu chu an efficient em em mai a ni. In duh hi min dil ula minutes 5 minutes 10 ah in duh hi chu in hmu em em ang, nikhatah an ti a ni. Rawn lut ula in duh reng reng hi min dil rawh u tih kha min challenge-na a ni, khami kan zuk training tum khan. Kha kha a challenging hlein ka hria a, khami min hrilh vek kha engnge niang aw ka ti a, kan ramah hianin efficiency leh accountability hi han uar rawh u min tihna em ni ang aw tih hi ka ngaihtuahaah a awm deuhhlekk a. Hei department hrang hrang han en ila, kan CAG Report hrang hrangah te hianin department khawi khawi emaw hi chuanin vawiinni thlang pawha report la pe thei lo, an pek pawh dik lo leh khatiang ang kha nichinah pawh PAC Report-ah khan an rawn sawi teuh mai a ni. Chuvang chuan khatiang ang hawi deuh khanin engtingge ni kaldan te hi a awm ang em ? tih dana hi (a concern angem aw tih chu ka hre chiah lo na a) hetilai Assembly Secretariat han sawi na azarah hianin kan sawi duh a. Chutiang anih chuanin Mizoram a kan work culture chhe tawh lutuk a hi kan siamtha anga, kan official atanga kan siamthat chuanin mipuiaah pawh hian a tha ngei ang, chumi anih loh chuanin a buaithlak chho hle zel mai dawn ani a, chu chu Demand No. 12-na ah kan sawi duh a.

Demand No. 20-na School Education. School Education Demand a hi hei an budget pawh hi a tam hle mai a, kumin chu hlawhah hianin a pung nasa hle mai a thawktute tan phei chuanin challenge ropui tak niin ka hria a mahse chuti chung chuanin Tuipuiral zirlai, Tuichangral zirlai, khawthlang zirlai, khawi khawi nge kan Minister te leh kan Parliamentary Secretary te leh kan MLA te bial reng reng pakhatmah hi vawiinniah hian lawm kan awm lo a ni. Engatinge tih chuanin hemi CAG Report ah pawh khanin Primary Teachers-ah leh Middle School Teachers-ah khanin kan excess nasa em em mai a zirtirtu kha, kan neih tur zat aia kan excess-na kha a sang hle a ni a figure kha ka lo chhinchhiah chiah lo na a. Vawiinniah hian kan hriat duha chu kan Minister hi mi zawng zawng hian kan dem a, a chak lo anih hi kan ti a, kan Minister mawhphurh hi ani em aw tih hi vawiinniah hian ka sawi duh a ni. Kan Education Minister mawhphurhna ni hian ka'n hre lo deuhhlekk ta anih chu, a chhan chu engatinge kan tih chuanin tukin zingah pawh VRS a pension ho Golden handshake te, full pension leh engkim an hmuh ve theihna tur atana an mangan zia thu te, min rawn then chungchanga education reform commission hemi ina a recommend-na (avail hman leh avail hman lo chungchangah) te pawh an buai hle, High Court kal te pawh an tum hial a ni a, heng em thlang lo hian tih sak nise, chumi rual chuan kan Minister hi a mawhphur ber ani em aw tih hi ka rilruah a awm a. A chhan chu ka bial Lungkawlhah khianin zirtirtu a rawn awm a, ni li chiah a thawk hman a, transfer ani leh a. Kan Home Minister zahawmtak bial ami,

Thingsul ami a ni a. Kha kha kan Chief Minister zahawm tak pawh khan, ‘thei fal deuh hi an awm a’, a ti a ni. Vawiih hian he House-a thu ho hian mawh kan phur tlat, hemi chungchangah hian, Transfer & Posting hi.

Chuvang chuan vawiih ka’n hriat duh chu kan Education Minister zahawm takin nakina a wind up a, min han hriattir a ka duh chu Aizawl khawchhungah hian sikul hrang hrang, Middle leh Primary engzah nge awm a, chumi sikul hrang hrangah chuan sikul naupang e.g. Zarkawtah te, Chanmari West angah te engzah nge sikul naupang awm a, engzah nge teachers awm? Chumi chu kan hriat si loh chuan vawiih niah hian thingtlanga awm kan hreh vek. Ka hma chiah a rawn sawi tu khan a sawi tha khawp mai. Thalaite challenge a rawn siam a ni. Chumi rual chuan vawiih niah hian Aizawla awmkhawm ringawt kan tum mai a ni. Vote hmuh loh kan hlau si a. Vote ringawt hi kan ngaihtuah deuh em ni? Nge khati zawng a pressure min rawn pek chuan kan rilru kha kha khan a hliah thin tih lai kha ngaihtuah tham a awmin ka hria a. Chumi atang chuan vawiih niah pawh hian khaw hrang hrang leh khatiang anga, Tuipuiral, Tuichangral tih ang zawnga vawiih nia kan buaina zawng zawngte, khawthlang lam pang kan buaina pawh kha, kha khan a solve theiin a rinawm tlat. Vawiih khatiang anga excess teacher tam lutuk te, vawiih Central sorkarin Norms a rawn siam chhuah tharah chuan zirtirtu pakhatin naupang 30 a enkawl tur a ni tih ang zawngin a rawn siam a. Chutiang ang Norms a awm laia khatiang a excess tam lutuk ang chi kha chu Pu Deputy Speaker, vawiih hian sorkar hian a zuk en a, chumi anga vawiih niah rationalization introduce a sawi te, Community empowerment a sawi te kha a tih theih hian a rinawm tlat a ni. Chumi Rationalization tih ang a kal duh lo te chu engah nge a thlakna tur mithiam tak tak kan ngah alawm. He House in a kan rel a, kan pass tawh te chuan engnge theih loh awm ang? Assam Rifles ram te pawh vawiih chuanin khatiang khan he House ina 2002-ah a lo passed tawh a Dan kha. Chuvangchuan, khami base khan kan ti dawn a ni. Chuvangchuan, vawiih hian kan Minister te kan dem rawn luai luai lai hian vawiih niah hian kan vai hian kan demawm tlat a ni. Kei ngei paw’n ka duhsak zawng te chu ka va ziak leh ngawt zel mai a. Kha kha ni mawh kan phur tho. Hei ka hmaa mi te pawn chu tho chu a ni. Chuvangchuan, tangrual ila he Rationalization a hi introduce tak tak ila, Community empower pawh hi ti tak tak ila chuanin vawiih pawh hianin teachers indaihlo te leh vawiih nia norms anga kan kal theihna tur a hi a niin ka hria tih kha kan sawi duh ve deuh a ni. Higher & Technical hi chu sawilo mai ila, thiante sawi turah dah ila. Demand 21-na hi chu.

DEPUTY SPEAKER : Hun chu a tawp a, nimahsela khi minute 5 ala awm a. Pu zarah, ka pek belh ang che anga, sawi chawhma thak mai rawh.

Pu LALTHANSANGA : A lawmawm thin mange aw...Demand 30-na Disaster Management & Rehabilitation hi hei kan hria a, nachin pawh khan kan sawi nasa hle a. Chhiat kan tawhna chungchangah te, harsatna kan tawh zawng zawngah hian mi hi kan englo tur a ni a. 2009-2010 ah khanin khiti lai Keitum velte Sialsirah te pawh khan nasa takin thli rapthlak lutuk mai kha a rawn tleh a. Kan pawm tiat tiat dawn Hmawng pawh hi la khawp a na kha a ni a. Khamiah khanin engnge ni a lawmman kan hmuh dawn awm, rial a lo tla a, in zawng zawng a tihchhiat pawh khan Rs. 500 te, Rs. 750 te, Rs. 1000, Rs. 1500 te hi kan hmuh a ni. Kha kha Natural Calamity Fund atang khan, CCF atang ang te pawh hian pek theih dan a awm a. Tunah pheii chuanin khami kha an rawn revise a, 2012 ah hian a Dan thar a awm ta a. Tunah pawh hianin hmanni a bus han accident te pawh kha khatiang leimin a nih avang khan Rs. 1,50,000/- te kha pek theih kha a lo ni ta a. Chutiang tak chuan anni hi an pawimawh a, kan chhiatna zawng zawngah hian. Chutihlai chuanin Silpouline hi kan sawilo thei lova, kan Minister hianin sorkar hmasaah chuan pakhat te min pe a, tunah pawh hian min pe leh ngei turah ka ngai a, Demand kan sawi apiang hian min

present thin kha a ni a, a lawmawm hle mai a, a chungah pawh hianin lawmthu sawi kan ba nasa hle in ka hria a. A bikin keini thingtlang tan phei hi chuan nasa taka lawmthu sawi hi kan ba in ka hria a. Vawiinniah hian poly-tarpouline leh silpouline pangngai a awm a, poly-tarpouline hi thingtlangah chuan an duh vak lo, a handy lo lutuk a, a rit si a. Lovah buh khuh nan te, Hmarcha khuh nan te a hman tur chuan a harsa tlat mai a ni, Pu Dy.Speaker. Chuvang chuanin, a demand a zir hianin poly-tarpouline leh silpouline tepawh hi tender te hi invite ta sela a tha awm mang e. Tin, ISI mark tih ang chi pawh obtain ngei sela poly-tarpouline emaw, silpouline emaw pawh hi tih ngei ngaiin ka hria. A tender-ah engkim prescribe vek a ni chungah hetiang anga kan ti thin hi a pawh hle in ka hria a. Chutiange chu kan sawilang tel duh a, District tinah chuan kan dah na a, District tin bakah hian luikam hnaih deuhvah te hian awm thei se tih kha kan han ngen a ni a. Kha kha Demand No.30-naah chuanin tawite in kan sawi duh a.

Demand No.34-na, Animal Husbandry & Veterinary hi NLUP line Department-ah an awm ta a, an budget pawh a pung ta hle mai a Department tha lo lo kha Department thaah NLUP hian an siamchho ta a ni a, an vannei ta hle in ka hria a, Department tha inti ho ai pawh khanin vawiinniah chuan an mawm ta a ni mai a, mipui pawhin kan dawr alo ngai ta a. Hemi chungchangah pawh hianin Durtlang/Sihphir Bawng thi chungchang kan han sawi a, NLUP Bawng thi ho kha an han intel khawm a, an Bawng kha a lo thi hnem em em mai a, kha kha sorkar hian a recognize duh lova, epidemic disease anih ang khawpa sorkar hian action la tur niin ka hria a. Hemi laia heti zawnga a ring a ti khawng hi chu vote a hlauh hnem hle in ka hria. A bialtu tan phei chuan han tlin leh kha khitalai ramri kan sawifo ai pawh khan a pawh zawkin ka hria a, a hlauh hnem hian ka'n hre em em khawp mai a. Chuvang chuanin, sorkar hianin NLUP Bawng nilo pawh hi tanpui rawh se tih kha kan sawi tel duh a.

Sericulture-ah hian ka bialah khan hmanah Demonstrator te kan dah a, hma kan la ang an ti a, kan la nghak reng a ni tih kha Demand No.41-naah hian kan sawi duh a.

Tin, LAD-ah hian kan bialah hian..... tank pahnih a awm a, Biate leh N.Vanlaiphai a ni a, chutiange chuan V/C kan nei a, mahse V/C ang khan thuneihna tak takte, ram inpek emaw House-site han allot dan te hi a awmlo a ni, a chhan chu town anih tawh miao avang khan kan sawi tawh ang khan Civil SDO Chairman-na hnuai te kha a ngai ta a, chuvang chuan an function dan tur hi a buaithlak em em laite hi a awm ve a ni. Khatiangte kha engtingge tha zawkin a kal theih ang tihte kha kan sawi duh baw k a.

Tin, Social Welfare-ah hianin Tar chawmna kan ti thin a tunah tepawh khan K.Deposit-ah khan an la dah vak mai. Tar ho kan enkawl a, Naupangchhia atanga Tar, damdawi hmang sualte, khatiang zawng zawng kha an enkawl a Social Welfare hian. An Department hi a zahawmin a hlu a, a ropui a, Mizoram tan hianin chhenfakawm tak a ni. Mahse, chuti chungah an fund hi heti zawnga a kal a kal mai te, vawiinniah harsatna han tawh thinte hi Pu Deputy Speaker, sorkar hian rang deuh deuh hian sutkian sak sela, kan upa te tan pawha, kan chhungte leh kan hnaiwaite tan pawh a kan zahawmna leh kan hlutna a chawikang ngei ang tih kha kan sawitel duh a ni e, Pu Deputy Speaker, ka lawm e.

DEPUTY SPEAKER : Awle, dar 1:00 a ri a, kan chawhma hun a tawp a, kan chawl rih ang a. Chawhnu dar 2:00-ah kan thukhawm leh dawn nia.

2:00 P.M.

DEPUTY SPEAKER : Chawhma lamah khanin member 5-in an sawi tawh a. Tunah sawihona kan chhonzawm lehngal anga, tunge han sawi hmasa ang ? Awle, Pu Lal Thanzara ilo sawm ang.

Pu LAL THANZARA : Pu Deputy Speaker, ka lawm e. Hun a tam lo a, kan sawi tam hman lo anga, tin, hun lak tam vak loh ka tum sa hrim hrim a. A hmasain Demand no 30 na hi han sawi ka duha, zing lamah pawh kan han ngaihthlak ang khan Desaster Management leh Rehabilitation kaltlang hian vanduaina tawh chhungkua tamtak tanpui an niin tin, hetiang vanduaina lo thleng tur atana lo inrinlawkna tur tam tak, tangkai tak tak sorkarin a lei khawl a, chutiang chuan hman tangkai mek a ni tih te kan ngaihthla a, a lawmawm ka ti a. Chutih rual chuan Pu Deputy Speaker, ka'n sawi duha chu vanduaina thlen hma lo invenna tur atan hianin DM&R hianin a sum leh paite hi phalrai deuh theih dan hi awm sela atha in ka ringa. Entirnan, ka bial chhung, Chanmari atanga han kal chhoha Chaltlang lampang kawngpui han kal chhoh sawnin kawngpui chung lampangah lung tla maithei tamtak a awm a ni.

Tin, kawngpui hnuaiyah sawn lung a tla thina, a thlanga Chanmari West leh Edenthar inkal pawhna kawnga in engemaw zat a deng tawha, tunhnaiah pawh khan in pakhat a deng a, vanneihthlak takin mihringin na an tuar loa. A in pahnih a ni zawk ang chu, chutiang chuanin an bang te a deng chhia a. Tin, chumi hnuah hmanni deuh lawk khan lung a rawn lum leha, tichuan in pathum lai a deng chhe leha. Mihring vanneihna hi a sang khawp a, chumi tum pawh chuanin chhungkua a mu khum chungah lung lian tawh thlawk lutin a bulah a zu deng chiah a, chutiang chuan vanduaina sawti laiah sawn a thleng fo a. Chutihlai chuan sawlaia lung rawn lum thla mai tur te han kar sawn leh han seng fel dan tur sawlai vengchhung ami te pawh in tha vawi tamtak an thawh tawhin, vawi tamtak in pun khawm in lung tla mai tur ang te lak sawn hna te an lo thawh tawh thin a ni.

Tin, tunah mai hian Chaltlang kawngah pawh lung tum rawn tla mai tur tamtak a awm meka. Heng ang te pawh hi a rawn tlak thlak a, pawh a tawh hma hian a senghawina tur hi DM& R lampang hianin sum thehchhuah dan tur hi nei thei selangin tih hi kan rawt duha. Tin, demand no. 4-na, Law & Judicial chungchangah hianin tlem han sawi ka duha. Nia, nichinah member zahawm takin a sawi tak ang khan High Court-ah te Judge Mizo ngei nei thei turin sorkarin hma a la mek niin ka hria a, a lawmawm ka ti a. Chutihrual chuan Pu Chakraborty-a ni 30.10.2010 a pension ta kha sorkar-in kum 2 atan Principal Adviser atan a ruai nawn leha, order chu tidanglamin kum 1 atan an ti tawi leha, a hnuah thla 6 atan tih leh kha thla 1 vel chauh a awmta tih khan kan hriat angin zirlai inpun khawmin an nawr chhuak ta anih kha. Kha thil thleng kha a vanduaithlak ka ti a, Pu Chakraborty-a hianin kan sorkar hnathawk, Law Department a kan officer te hmun hi engmah an promotion tur a dal lova, chubakah Law Department a kan officer te hianin 'a ni thluak hi kan la mamawh a ni e'. an ti chungah khatiang incident rawn thleng te kha a vanduaithlak hle in ka hria a. Tin, amah kha hnam dang a lo nih vang kha nge ni kan zirlaite pawh khanin khatiang lak nawn leh thu a Sorkar lampang a tuan lo a, amah mimal chungah an tuan te kha a vanduai thlak hle in ka hria a, khatiang thil te kha he Sorkar chak tak hnuaiyah hian thleng tawh lo sela a duhawm hle in ka hria a ni.

Tin, Demand no. 20- naah hian tlem a zawng han sawi ka'n duh chu, tukin zing a kan ngaihthlak ang khan hemi NIT hmun tur chungchang ang te kha vawiin chanchinbu a kan hmuh chuan Thenzawl khaw mipui, NGO te leh VC te

pawh kan Sorkar lakah hian, a bik takin a bialtu MLA kan Chief Minister zahawm tak leh kan Education Minister chungah te an lungawi lo hle niin a lang a, mahse kan Education Minister-in a lo sawi tawh ang khan waviinah hian hemi hmun sawn chungchang hi kan Sorkar kut leh kan Chief Minister zahawm tak leh kan Minister zahawm tak te kut ani lo tih te hi he House kaltlang hian kan Minister hian chiang zawkin Mizo mipuite hriatah khan rawn puang nawn leh thei sela a tha ang em aw tih te kha ka ngaihtuah a. Tin, he Sorkar thar a lo pian hnuah hian Mizo zirlai ten phai lamah te, India ram khawpui zawkah te chauh awm tura kan ngaih institution thar engemawzat kan han neihbelh te hi lawmawm ka ti a, heng IIMC kan tih te, NIT kan tih kan sawi mek te leh Aizawl leh Lungleiah te chauh kan neih thin Polytechnic institution te District-tin a neih tura ruahmanna an kal mek te hi a lawmawm ka ti tak zet zet a. Heng kawngah hian he Department a kan hmalatu, kan hotute leh kan Official-te an fakawm hle in ka hria a ni.

Tin, Demand no.19-na, LAD-ah khan tlem han sawi ve ka duh chu, LAD hian mahni a insakna tur tlin zo ve lote tan Housing Loan an sem thin a, hei hi a lawmawm ka ti a. Amaherawh chu waviinah hian he loan atanga return tha tak an hmuh lai hian chenpakawm zawkin he an Housing Loan sem chhuah thin te hi, a amount te hi tihpun theih nisela, chutih rual chuan a dawngtu pawh kha duh leh titem zawk mai selangin, In han din na tham tak tak ni manglo deuh te hi dawn changte a awm thin in ka hria a. Hetiang lampang zawng nilo a helam kawngah hian hmalak theih a nih tawh chuan chutiang te chu rawtna ka'n siam duh a.

Tin, Demand no. 29-na, Social Welfare hmalakna hi lawmawm ka ti a. Kan ngaihthlak ang khan michhumchhia te, tar chaklo leh upa te leh khatiang ang enkawl tu niin chung ho tana chaw tha an sem thin te hi a ropui em em a ni. Chutih rual chuan kumin leh nikum atang te khan nge ni, hei tunlai nunah pawngsual tih te, kum tlinglo pawngsual tih te, mahni intihlum tih te leh khatiang thil rapthlak tak tak lo awm chho mek te, lo hluar chho mek te hi Sorkar ang pawhin ngaimawhna awm in kan Chief Minister zahawm tak pawn helam kawng a doletna tur te pawh Committee te hial a ko niin ka hria a. Helam kawngah te pawh hian anni Department hi nasa zawk a tha thawh turah ka ngai a, helam kawngah pawh hian hetiang ang naupang sawisak te, kum tlinglo pawngsual tih angreng te a lo nep zel theih na tur hian Committee ten an ruahmanna, an hmachhawp te thahnemngai zawk a bawhzui chhoh zel ni thei sela tha in ka ring a, chungte chu ka'n sawi duh a ni. Awle, Pu Deputy Speaker, midang in hun an ngah zawk nan kan titawp mai dawn ang a. Waviin ni a ka han dinchhuah a ka sawi duh leh ka han uar duh em em kan sawi nawn leh duh a chu DM&R hnuaiyah hianin vanduai mangkhawng lung han lum mai tur entirman tunah pawh khung Airport kawngah pawh PWD angin hmalak a ni tak na a, hengahte pawh hianin DM&R-te nena tangrual a nasa zawka hmalak theih nise tih kha kan ngen in a changtu Minister-te pawhin chulam zawng chuanin nakinah wind-up hunah thil awmdan rawn sawi chiang thei selangin tih kan rawt a ni.

Awle, Pu Deputy Speaker, heng kan hotu kan Minister zahawm tak tak te'na demand an rawn thehluh a hi lawm takin ka pawm in pass ngei turin kan ngen pui a ni e, ka lawm e.

*Speech not corrected.

Lt. Col. Z.S. ZUALA : Pu Deputy Speaker, ka lawm e. Keipawh tuna Pu Lal Thanzara kan member zahawm tak sawi, Disaster Management hi sawi hmasak ka duh a, Demand no. 30-na. Hmanni lawkah Tlangnuam-ah khianin lei a min a, kawng a hnawh vek a, a thlang a in bathroom sir a deng thla hlawk bawk a, tunah kawng khi la clear theih pawh a ni lova. Tin, khatiang bawk khanin hmun dangah pawh vanduinana kan bial chhungah sawn a awm fo mai a. Ngaizel phei saw kan hriat angin kumtin mai hianin lung tohlawt (over hung) saw a tla ziah mai a, a tlak pah khanin motor-te, in-te a deng chhe ziah bawk a. Hetah hianin Disaster Management hian engemaw fund-te an neih theih chuan, tuna an allotment hi a tam lo khawp mai a, hetiang ang laka invenna hi ngaihtuah a ngaiin ka hria. Tin, chu lo leh, Mission Veng to Kulikawn kalkawng 'khampei' kan tih chungte saw englai pawh a (ruah a sur nasat chuan) tla thei mai a ni a, a hlauhawm khawp mai a, vanduai mangkhawng a ni a. Tin, hmanni deuh lawk khan disaster team te'n min rawn en sak a Thakthing Veng kalkawng, UD&PA Office kalkawng chung saw min thei reng a ni bawk a. Tin, chu lo lehah chuan, World Bank kalkawng ITI zawnah khuan kawngchhak leh kawngthlang-ah khuan quarry an lai nasa mai a, khungte pawh khu mithiam hian en se, tih tawp chin an neihte pawh a tulin ka ring, kha kha kan Minister zahawm tak hnenah pawh hian kan sawi duh a. Tin, a Officer an rawn detail-te hi a changa biak hleihtheih loh in an awm a, keini kan lo mangang tawh si thin a, emergency a ni a, hengahte pawh hianin kan Officer incharge (Zonal Officer)-te hi mifel tak tak an awm rualin, contact theih loh hi an awm thin a, heng Officer-te hi alert deuh se, out of station-a an kal dawn chuan DC-ah emaw Addl. DC-ah emaw in report zel thei se, tichuanin Disaster Management-a eng emaw immediate requirement tih ang chi te kan mamawh hi min supply zung zung thei ang a. Hmanni lawk khanin karhnih vel liam taah khanin Tlawng-ah khuan kan bial chhung a mi tuih a tla a, chungahte chuanin DC lam atangin tanpuina tha tak kan hmu a, a lawmawm khawp mai, tin, Sairang leh Dinthar Veng YMA-te an tangkai khawp mai a, an tlawmngai a, vanneihthlak takin zan riak lovin ruang kan la chhuak thei a, YMA leh khawntlang chungah pawh lawmthu kan sawi a.

Tin, a dawt lehah chuanin Social Welfare Demand No. 29-na hi anni hi, kan nu leh pa te mi chanhaite zawk tana nu leh pa nih an tlin hle in ka hria. Old Aged Pension-te an pe a, tin, Assistance to NGO tih ang te. Old Aged Pension hi a la tu te upa lampangte an ni a, an nghakhlel thei thin khawp mai a, mahse, Central atanga grant a nih avang hian duh hun hunah a lak theih mai lova, hengte pawh hi eng emaw tia rang zawk a frequency tam deuh hlek zawk a grant hmuh dan te hi awm thei sela chu a lawmawm khawpin ka ring.

Tin, kan bial bik Aizawl South II Area-ah ITI-ah khuan Bal Bhavan, entiang chiah a sak tur nge phei chu ka hre lova, min han sak sak dawn niin a lang a. Hman deuh khan kan Minister zahawmtak leh a Officer-te leh khu lai veng hruaitu te nen a hmunte pawh kan en a, hmun tha tak a veng mi te pawhin an lo phal a, a lawmawm khawp mai a, hei hi thil thar a ni a, a lawmawm tak zet in ka hria. Tin, Anganwadi sakna tur a pawisa kan hmuh hi tam chu a tam khawp mai a, mahse, sak zawhna khawp a ni lo deuh va, hei hi tlem a zawng a tihpun dan chu awm thei se. an sa zo theilo va MLA fund bawkin a tuar leh thin a, a buaithlak chang a awm a, chuvangin Aganwadi sakna grant te hi tam zawk pek theih nise a lawmawm khawp ang.

Tin, L.A.D, Demand No.19-na, ka hma a mi sawi ang chiah bawk khan Housing Loan hi tun kumah hian mi 400 in an hmu dawn niin ka hria a, kan indaihlo theih

khawp mai a, hei hi a tam zawkin a an hmuh theih dan tur leh a amount tam zawk an hmuh thei dan tur te hi awm thei se, tin, hei hi mirethei zawk insakna nei silo, Inhmun tha tak nei si te tan a tang kai khawp mai a, hei hi nasa zawk in hma min laksak thei se a lawmawm khawp in ka ring.

Tin, Education hi tlem a zawng han sawi ve ka duh a, Education Department hi a lian a, Man Power hi an nei lian a, an tan pawh control a har tih chu kan hre vek mai a, an sawi tawh ang khan Thingtlang a awm ten Aizawl a insawn luh te kan duh a, keini Aizawl bialtu kan ni a, kan bialah hian Zirtirtu hi kan nei a, a strength hi a tha viau va, mahse a quality erawhchu ka hremiah lova, Zirtirtu an tam a Student tlemna te hi a awm nual a. Mahse hengte han chingfel tur leh han khai rual tur hian Inspection hi a awm ta lo tawp emaw tih tur a ni a, chuvangin School Inspector-te kha nei leh thei ila khai rual dan pawh hi a awm ka ring.

Tin, vanduaithlak tak in Technical entrance exam hi nikum hmasa te khan vawi hnih vawi thum tih that a ngai a, a tawpah phei chuanin senior officer upa tawh zawk te, pensioner-te min sort out sak turin kan ko ringawt kha a ni a, hetah hian uluk zawk a entrance exam te hi conduct nise. Hemi rual hian University hrang hrang atangin vacancy te kan Minister leh C.M. te thahnem ngaihna a zarah tam zawkte kan hmu thei zel te hi a lawmawm khawp mai.

Tin, A.H. & Vety hi hmanniah pawh zawhna a ka zawh tawh, kan bial chhung Salem-ah sawn Ran talhna hmun kan nei dawn a, an hmalaknaah kan lawm khawp mai a. Sericulture hi an lo sawi tawh ang khan NLUP-ah pawh hian hma nasa takin an la a, Sericulture hi a tha khawpin ka hria. Hei hi Market awmsa a ni a kan Minister zahawm tak leh staff ten hma nasa takin an la a, hma nasa leh zualin la zel se. Ar leh Bawng vulh te kan ti a, heng hi nasa taka kan tih chuan a market-te hi a harsa thei a. Mahse, Sericulture ah hi chuan market hi a harasa dawn lova, Department hian nasa zawk a hma an lak theih chuan a lawmawm khawp ang, kha kha ka sawi theih zawng a ni e, ka lawm e.

DEPUTY SPEAKER : Pu R.L.Pianmawia chumi dawtah chuan Pu Rinthanga kan ti ang a. Kan opposition lam te hi an va reh vang vang ve .

Pu R.L.PIANMAWIA : Pu Deputy Speaker, ka lawm e. Demand No. 30-na Disaster Management & Rehabilitation hi ka han sawi duh a. Hetah hian lawmthu sawi tur a tam hle in ka hria Silpoline leh Tarpoline mamawh tam bial kan nih avang hian, kan mamawh ang te min ngaihtuah sak thin a, lawmthu ka sawi duh a. Tin, D.C atang pawhin huan thlai leh chhiat tawh tan sum tam tak anni kaltlang hian kan dawng tawh a, a lawmawm hle in ka hria a. Hengah erawh hi chuan mamawh kan la neih te hi ka sawi duh a. D.M & R-ah hian mangang te tanpui tur hian hma an la nasa em em a, chutianga an lakna karah chuan keini bialah khian Tuiruang te, Tuivai te khi mi tlahlum an tam em em tawh mai a, a zawinna khi a hautak khawp mai a, a lui a lian tawh si a, mimal lawng engine nei hire thin a ni a, hire man a to duh ang reng khawp mai a. A hmanrua lam han in pek a tangkai vak si lo, lawngleng a tangkai taka ruang zawinna tih theih ni si dinhmunah kan ding a. Chuvang chuan lawng hire na tur hi tih dan kawng te min zawn sak se kan duh hle mai a, chu chu ka han sawi duh a. Tin, Silpouline leh Tarpoline te hi tun aia tam zawk min pek theih dan kawng a awm em tih ka han sawi duh a. Tin, kang thelhna, tuitla zawinna kan tih ang chi te hmanrua hman chawp theih ang chi te tal hi chu BDO ah emaw SDO ah emaw min dah sak ve thei lawm ni tih ka han sawi lang duh a.

Tin, Demand No. 34 ah hian Darlawn leh Ratu-ah te building thar tha tak min sak sak a, lawmawm kan ti hle a. Tin, Doctor tha tak te min pe a, kan lawm tak meuh meuh a. Rampum angah pawh ran talhna hmun tha pui pui an buatsaih a, hetiang anga hma nasa taka an rawn la hi lawmthu ka sawi duh tak meuh meuh a. Amaherawhchu kan la mamawh "hei hi kan la chakkhai tih ang deuh khan building sak belhna tur pawimawh tak tak kan la nei a ni tih erawh chu ka han sawi duh a. Rural Animal Health Centre Zohmun-ah dah tur leh Dispensary Sakawrdaiyah dah turin kan lo dil tawh thin a. Dispensary chu a harsa deuh mai thei a, Rural Animal Health Centre hi chu a harsa lo in ka hria a. A chhan chu thil inhmeuh lo deuh mai a awm tawh a, Aizawl khawpui leh Lunglei khawpuiah te hian Rural Animal Health Centre hi tunhma atanga lo dah kha a lo la awm teuh mai a, khang kha sawn chhuakin a hmingputu dik takah khan dah ta zung zung mai sela, a thawktute nen khan. Staff in daih loh tih kha a awm dawn miah loin ka hria a. Chutiang chuan hma lak dan min zawn sak se ka duh hle a. Tin, Ran hi Manipur ram atang khian a lo kal thla a, khilai kan dep Manipur ram a Vawk te phei khi chu a buhfai deuh vek zel a nia. Chuvang chuan Vawk buhfai ram chhunga a luh tam loh nan khan check gate hi New Vervekah dah tur pawhin kan duh tak meuh meuh a ni. Tin, langsar lo takin Deptt hian hmalakna an nei a, mipui tana tangkai deuh mirethei te tan, ar vulh tir an nei a, ar note an sem te hi kan awt ve khawp a kan mamawh bawk si a, kan awhna lampang ai mah khan kan mamawhna kha kan Minister hian min hriat sak se tih ka sawi duh a.

Tin, Demand 41-na Sericulture-ah hian Darlawn farm khi Deptt chuan tunhma in hmalakna nasa tak an lo nei tawh thin a, tun hnu erawh chuan a hriat chu an la hria a, MR pakhat an la dah a, chuvangin khi khi hmantlak zawka chei that leh dan min ngaihtuah sak se tha in ka hria. Tun hmam pangang khawiah khawi tam leh a ti tha pawl kan ni a. Tum khat a chi an sem kha a that loh avangin a thi vek a, kha vang khan mipui an beidawng a. Khatiang kha ani tawh lo tih entir tur pawh hian hmathar min lak sak se tih ka sawi duh a. Tin, tun tumah building sakna leh repair na, fencing leh approach road siamna tur sum dah thei a an han awm hi a lawmawm hle in ka hria a, lawmthu kan hrilh duh bawk a. Tichuan, hma a tul anga min lak sak thuai thuai turin kan ngen nghal duh bawk a ni.

Tin, Demand no-19 LAD hi thingtlangpa tak tak ngheng an nih avang hian an pawimawh in lawmthu sawina tur kan ngah hle a. Tunhma 12th Finance Commission atanga sum thingtlang VC-te kaltlang a khawtlang hmasawna hrang hrang kan thawh thin a te duh khawp lo deuh a kan awm hnuah 13th Finance Commission-in tam zawk ruahmana min neih sak a, thingtlang chengker te te thleng in hma nasa takin min laksak ta hi lawmawm hle in kan hria. Tin abik taka duhsakna pawh kan bialah Deptt. hian min pe a, kan lawm tak meuh meuh a. Tin, VC pawh almirah an sem thei vek te pawh hi a lawmawm hle in ka hria. Thil tih chhinchhiah tlak tak niin ka hria. Tin anni atang hian miretheite EWS atangin tamtak mi an tanpui sak a, an chungah lawmthu kan sawi tak meuh meuh a. Tin, kan minister hi minister awm tawh zawng zawngah a chhuanawmna kan tarlan duh a chu LAD hian tender 10000 man te, 15000 man te thingtlang khaw tin tan min buatsaih sak thin a, khang kha tender 5% below a chhan a ngai a. Aizawlah chhan a ngai a, bill la tur a lo kal leh a ngai a, khatiang khan sum tam tak cheng 10000 te sen a ngai a, sum hmuh hma hauh khan. Ani hunah erawh chuan tender tih buai ngailovin min tih sak ta a, sum tamtak min pekbelh ani tih ka sawi duh a, lawmthu ka sawi bawk a ni. Tin, kan la hmabak tamtak tun budget ah khan thingtlang lam hawi a sum dah kha nuai 10 chauh ani mai a, a thlaphan awm hle mai a, chuvang chuan thingtlangina kan mamawh, step pawimawh atana kan hmanna tur ang chi kha kan ti hleithei dawn lovin a lang a, chuvang chuan kan sorkar din chhan mirethei te lam hawi anih avang hian hemi kawngah hian kam mutthluk loh atul in ka hria. Chuvang chuan RE ah te hian no.1-a dah chi niin ka hria. Dah belh ngei chi niin ka hria. Tin, Assembly Consultative

Committee-in a lo rawt tawh ang khan VC lawmman te pawh hi tihsan leh dan a awm lawm ni tih ka sawilang tel duh ani.

Tin, LAD-ah hian depts pawn hma an la tha a, re-structuring an ti a, hei hi an ti puitling tep tawh niin ka hria a, depts-thawktute chawisanna leh ngaihsakna awm hi lawmawm ka ti a. Amaherawhchu, cheng 120000 vel sen belh leh na tur awma alan avangin Finance lam in an la ti thuanawp deuh niin a hria a, hei hi kaltlang tir dan hram awm se chu a duhawm hle in ka hria a. Chuvang chuan he thil hi kalpui zel atul tak meuhin ka hria. Tin, tar pension pawh 2500 lai in min tih pun sak tawh a, a hma a mamawh tak tak dil hlawhtling theilo te kha tih pun anih takah hian mi tamtak in an hmu hi alawmawm hle in ka hria. Tin, kum 80 chunglam te tan cheng 550 tar pension an pe thei te hi lawmawm hle in ka hria a, lawmthu sawina tur tamtak a awmin ka hria.

Tin, Demand No. 29 Social Welfare-ah hian Building min sak sak a, kan lawm a. Tin, Anganwadi building hi 14 min sak thar sak bawk a, a lawmawm hle in ka hria. Tin, IDfV an tihah hian sum tam tak kan bial khaw 15-te tan hian min ruahman sak a, Forest Department-te nen tangkawpin, hei hi kan bial tan chuan thil lawmawm tak leh chhuantlak tak ani a. Tin, Anganwadi Centre hawn belh theihna tur te min ruahman sak a, kan lawm tak meuh meuh ani. Tin, tunhma hun zawnga chungkhat a eizawngtu boralte, Tuivawl Constituency huam chung zawng zawng atana mi 10 kumkhat a an lo pek thin kha, tunah chuanin 20-te 30-te kan bial chung atangin min rawn tihsak tawh a, an chungah kan lawm tak meuh meuh ani. Tin, kan la mamawh thilah erawh chuan article 275 atanga tih thin Sorkar hmasa hun lai khan Darlawn khaw chungah internal road laih ani a. Cheng nuai 3 sanction ani a, mahse cheng nuai 3 ah hian an block hruaitu ten cheng nuai 1 an pawh avangin nuai 2 chauhin kan ti a, kan zo thei ta lo kha ani a. Chuvangin hei hi a tih zawm leh dan min ngaihtuah sak sela, tun Congress sorkar a Block hruaitute chuan cheng khat mah an pawt lo ang tih ka tiam duh bawk a. Tin, Nutrition Sub-godown hi Sakawrdaiah min dahsak a tul hle in ka hria a, a chhan chu Darlawn an rawn lak hian cheng tam tak an rawn sen belh a ngai a, chumi ngailo tur chuan hnai zawka an lak theihna turin Sub-godown min tihsak se tih kan dil duh a. Hei hun a tlem a, kan sawi zo hram ang a, Pu Deputy Speaker.

Demand No 4-na Law and Judicial ah hian lawmthu sawi tur hi chu ka hre thiam vak lova, amaherawhchu kan mamawh GRAM NAVOLAYA Court tih ani awm e. Kha kha session hmasa lamte khan ka zawt tawh a, hei hi Sakawrdaiah dahve tumna sawilan deuhte pawh kha awm lek lekin ka hria a, hei hi a tak ram ala changlo hrim hrim nge ni a, tih theih dan a awm lawm ni tih kan sawi duh a.

Tin, Education-ah hian Darlawn High School Headmaster chungchang kan thlen tawh a. A kal khat em em a, a kal loh chung a absent na a kha attendance registerah a lo kal khan a dah khat leh vek bawk si a, a kal tha ang reng viau bawk si a, register-ah chuan, chumi chungchang chu kan thlen tawh a, hei hi action lak a theih hlawlloh em ni, hetiangang a tih chingte pawh hi kan hrem ngamlo em mi tih ka rilru-ah a awm a. Tin, SCERT hian Sorkar High School-ah te Computer an pe a, Sorkar High School lo deuh huam thei tur hian programme siamdan an la thiam tho lawng maw? Sorkar High School lo kha kan la nei hlawm si a, tih ka sawi duh a.

Tin, Pu Deputy Speaker, khawngaih takin Demand No. 12-na Parliamentary Affairs hian an tih tur ni awm takah ka ngai a, MLA te hi mi thar te te te kan ni a, mi mawl te te te Budget chungchang te hi inzirtirna training min buatsaihsak thei lawm ni tih ka rawt duh

a. Tichuan, hemi atang hian tun aiin hma kan sawn zawk ang a, kan changkang zawk bawka ring ani.

Tichuan Education-ah hian lawmthu sawina tur tam tak a awm a, Reform Commission kan din a, tin, building thar tam tak min sak sak a, zirtirtu Hindi Teacher-te pawh min dah sak a. Amaherawhchu, Hindi Teacher te pawh min pe kim vek a. Kan hriatloh hlanin an sawn bo leh duak mai a, chu ai chuan bialchhung mite insawn dil mai mai lo tur min dahsak nghal tawp tawp thei mai lawm ni tih ka sawi duh a. Tin, zirtirtu indaihlohna hrim hrim pawh a nasa a, hei hi kan indaihloh fo na chhan thin a chu a bialchhung mite kan lak loh vang niin ka hria a. Darlawn Sub-Division huam chhunga zirtirtu lak tur anih chuan khami atan khan khami chhung amite khan dil mai sela, khamite khan insawn an dil an dil lo ang a, zirtirtu indaihlo tih hi thingtlang hian kan tuar kan tuar lo ang tih hi ka ring a. Chuvangin khawngaih taka hma min lak sak turin ka duh a. Tin, Education Directorate chungchang hi ka sawi duh a, Education Director-ah hian minghet an awm theih loh avang hian hna saw a kal hlei thei lova, mi thar an awm reng mai a, chuvang chuan a nghet deuh tur te pawh hi dah dan a awm lawm ni ? Thutchilh deuh thei tur, ta neih thei deuh tur tih hi kan sawi duh a. Tin, zirtirtu indaih lohna hi hmun hrang hranga attached-te hi zirtirtuah la let leh vek ila, zirtirtu indaih lohna hi chu kan sukiang thei mai lawmni ? tih kan sawi duh a. Chu chu hun min pekbelhna karah kan sawi thei hram a, ka lawm e.

DEPUTY SPEAKER : Pu Rinthanga kan ko dawn anga, kan koh hma a kan sawi duh chu hun a tlem si a kan member ten a point deuhah khan luh tum hram hram ula kual vak lo khan, tichuan hun in heh lo deuh in ka ring.

Pu K. LALRINTHANGA : Pu Deputy Speaker, ka lawm e. A hmasain Social Welfare Department hi han sawi hmasak ka duh a, Zirtirtu chungchang Education lampang kha a tawp lamah sawi tam deuhhleka ka duh a. Social Welfare Department Minister zahawm tak hmalakna in kan Bial Bilkhawthlirah hian CDPO hmun min han pe a, a lawmawm hle a, chumi rual chuan office te pawh min rawn pe zel a. Chumi kaltlang chuan hei Anganwadi Centre hmun hrang hrangah Serlui bialah kan neih thar phah ta a, chu chuan naupang enkawlina nasa takin min tanpui a, lawmawm ka ti tak zet zet a, kan tarlang hmasa duh a ni.

AH & Vety Department ah hian Bilkhawthlirah bawka Dispensary building thar hei kan Minister zahawm tak hian min rawn pe a, lawm awm ka ti hle a, Serlui bial khu Kolasib khawpui Bawngnhute a chawmtu an ni ve a. Kolasib a Bawngnhute tam ber khu Serlui bial atanga lut vek a ni a. Cachar lampang khuan, 'min rawn supply ve rawh u' an ti a, amaherawhchu, an zo lova, chutih rual chuan an mamawh em em chu Dispensary mai bakah Bilkhawthlirah Vety Doctor hi an mamawh hle a ni. Kan Minister hnenah ka sawi tawh a, Chief Minister hnenah pawh ka sawi tawh a. Staff indaihlohna bakah sum leh pai hartsatna avangin kan la hlawhtling thei lova. Amaherawhchu, tun hunah hian Vety Department hian Doctor an la dawn hnai ni awmin ka lo hria a. Post-te pawh kumtin an dil a, an sanction ve tawh nge ni tih pawh ka hrelowa, Doctor lak a nih chuan Serlui bialah a remchang lai ber Vairengte emaw Bilkhawthlirah emaw (Mizoramah chuan Bawng ngah ber bial kan niin ka ring) min dahsak ve sela tih Assembly kal tlang hianin kan dil duh a ni.

Tin, thil dang leh chu Local Administration hnuaiyah hian kan Minister hian tunhnuaiyah V/C hrang hrang 478 zet tan steel Almirah a pe hi a lawmawm ka ti a. Mizo te hi record vawn that nachang hre lo kan ni a. Lehkha kan hmu a, kan minute bu kawla te hruaitu tharten ten an dawng nge dawng lem lo te pawh kan ngaihtuah lova. Record vawn thatna atanah (Rural Development atangin V/C House te kan lo nei tawh bawka a). Chungah chuan

Steel Almirah record vawnthat na tur kan han nei thar ta hi a lawmawm ka ti a. Chubaka a thil tih that em em mai ka han sawi leh duh chu kum 1993 MLA inthlan a kan LAD Minister khan khawhrang hranga V/C te, a number in kawpkim awmho kha(a inkawpkim chuanin ruling party tanah advantage a sang em mai, sorkarna siam chungchangah tiin in kawpkim lo vekin a siam a) member thlan chhuahte party hrang hrangte a in zata awm kha chuan V/C form chungchangah harsatna a awm thei a. Ruling party member-te kha party dangte nen inzat a nih chuanin advantage an nei thin a. Kum 1998 MLA inthlan khan sorkar thar a rawn piang ta a. A thenah khan inkawpkimin an rawn siam leh ta teuh mai a. Chutah chuan ruling party tan advantage nasa takin a rawn siam leh ta a. Tin, tunah hian kan Minister hian Zoram mipuite tan ruahmanna thar a rawn siam leh a, a in kawpkim lo vekin a rawn siam leh ta hi a ropui ka ti a. Ruling party mi leh sa te tanah advantage awm bik lo tura a siam hi rorelna inthlak danglam, tunhna 2008 laia 'Mizoramah thil in change kan duh', kan tih kha a rawn thleng leh ta a, a tha zawngin, tih kha kan tarlang duh a.

Education Department-ah hianin sawi tul nia ka hriat chu kan member puite pawhin tam tak an sawi tawh a. Zirtirtu lak chungchang hi a ni. Sorkar hmasaah kha chuan SSA Teacher an lakah hian advertisement an call hi vawikhatmah ka hre lo a, midang chuan an lo hre mai thei a. Tun hunah hian advertisement call in lak a ni a. A bik takin Aizawl khawpui atanga rawn diltute hi lehkhathiamte an ni a, chutiang chuan kan Minister hian a thiam na na na (merit na na na) kha chu lak tul a ti a. Chung thiam te chu Aizawl khawpui milian fate lehkha zir thei deuh te an ni a. Post awmna kha thingtlang a ni lo thei si lova, zirtirtu indaihlohna an ni a. Thingtlangah min rawn post sak a, a then chuan an zawm a, a then chuan an zawm lova, zirtirtuah harsatna kan nei thin a ni. Kan hriat loh hlan (bialtu MLA kan nihna angte kan hriat ve awm tak te hi) hian hmundangah an lo awm leh daih mai thin a. Nichin khanin Tuirial bialtu MLA zahawm takin min hrilh a, a list mi pe a. Ka bialah pawh hei Education Art Instructor hi Vairengte atang te, Buhchang atangte, Phaisen atang te in Aizawl khawpui an lo attached reng mai a. Chutiang chu thil awmdan a ni a, khaw thenkhatah zirtirtu pakhat chauh neih te an ni a. Chutiang chuan Directorate leh Minister-ah te kan dil thin a, "Thingtlangah chuan dah tur kan hmu zo lova. Dah tur i hriat theih chuan kan lo pui dawn che nia" an ti a, dah tur maia kha kan hre mai thei bik si lova. Chutiang te anih avang chuan tihdan hi danglam a thain ka hria a. Aizawl khawpui atanga zirtirtu hna hmu, zawm leh si lote, va zawma zirtir leh si lote aiin thingtlang, anmahni khua a phur taka zirtir theitu te kha school naupang tan chuan an tangkai daih zawk ani. Thiam hlein zirtirtuah duh hle mah ila, an zirtir leh dawn si loh chuanin enge naupang tan an thatna tur. Chuvang chuan zirtirtu kan lak reng reng hianin a khaw mite hian nasa takin, tam takin advantage nei sela. Chutianga kan ti theilo anih pawhin Aizawl khawpui atangin emaw, hmun hnan atanga lehkhathiam deuh te thing tlanga kan dah tura te hian, lak annih dawnin chhungkuaah harsatna an nei lo tih hi chiang takin ziaa sela, medical certificate te pawh rawn keng sela. (Transfer an dilna ground-ah hianin damlohna chhuanlam atlangpuithuin a ni thin a.) Tin, kan chhungkua ka nu leh ka pa enkawl angai a tih te a ni a. Khatianga na na na kha chu Minister-te leh official ten an lo khawngaih a, thingtlangah zirtirtu nei lovin kan awm ta a ni. Khu North Hlimentah te khuan High School zirtirtu (Science teacher) an neih lohna a rei tawh a. Nu leh pa leh NGO ten, 'Hetiang chuanin kan faten an pass dawn chuang lo', tiin an fate school kal tir loh an tum a. A hminga a bialtu kan nihna angina, "lo ti lo hram teh u, khawngaih takin lo kal tir hram hram teh u" kan ti a, kan la inbengdai a ni. Amaherawhchu, tunhnaia kan hriat dan angin school thenkhatah sorkar hnathawkte an danga, chutiang ang chuan ngaihtuah an ni a, zirtirtu an pekte kan hre ta a. Khatiange anih kha chuan inbengdaih ve zel a kha a fel lo ve viau a ni. An tihtur ang angte kha han tive tawp maisela, Mizoram pum bengin a hria anga. Minister-te leh Official-te thinlungah pawh a lut ve deuh anga. Chutiang ang

chuan kan inbengdai lo ve zel mai dawn em maw ni chu aw! tih ngaihtuahna hi a awm a. Chung zawng zawng chu a lo thlenna chu zirtirtu lak hunah harsatna, kan tihdan process hi a dik loh vang niin ka hria a. Tiang te te te a nih avang khan zirtirtu kan lakah khan tihdan phung tha deuh kan siam chu a ngaiin ka hria, Pu Deputy Speaker, ka lawm e.

DEPUTY SPEAKER : Pu P.P.Thawla lo ko ang.

Pu P.P. THAWLA : Pu Deputy Speaker, ka lawm e. Demand 20 na - School Education atangin han tan ta ila. School Education hi politic lama ka luh hmain kum 15 bawr vel thangtharte siamchhuahna ram rawngbawl hna ka lo tan vena a nih avangin hemi Demand kan han sawichhuah hi chuan khang hun laia kan rualawh dan te leh sorkar kan beisei dan te rilruah a cham reng thin.

Pu Speaker, Mizoram pumah hianin thingtlang khua lama mi chengte hi an duhthlan emaw reng vanga cheng chu an ni hauh lo anga, mahse, khua rel avangin loh theih lohna avanga chengte an ni bawk anga. School Education lamah hianin khawpui lam ina hamthatna kan neih ang zawng zawngte hi thingtlang lam chuan an chang ve lova, khawpuiah chuan mi hausa te, mithiam ten sumdawn nan te pawh an hman te pawh a niang, school tha nih inelin, school tha tak tak te kan ngahin zirlai te pawh quality tha tak take pawh an chhuak bawk a. Chuvang chuanin sorkar chuanin khawpui lamah hi chuan Education lamah Sorkar anga ngaihsak vak loh pawh hian, mithiamte eizawna atan School hi nasa taka hmasawna a awm tho a. Chuvang chuan Sorkar ang chuan Thingtlang Sikul leh Education hi kan ngaihsak zel hi a pawimawh hle in ka hria. Saiha District lamah lut leh ta nghal mai ila, ka Bial chhungah hian Government High School 5-ah Headmaster an awm lova. Zirtirtu hi engzat chiah nge awm lo tih chu ka sawi lang lo mai ang a. Chutiang chu kan dinhmun a ni. Chakhangah te, Zawnglingah te, Serkawrah te, Tuipangah te, Tawngkawlawngah te Government High School kan nei a, Headmaster kan nei lo vek a. Hengte hi a hma lama indah sak theih hram ni sela. Kum 1991 a Provincialised School a thawktute Headmaster a promote tur an daih lo a nih chuan 1993 a Provincialised School a mi te pawh kha Headmaster-ah hian promote tawh mai ila, tichuan, Headmaster nei lo School-ah te hian kan in fill up theiin ka ring a. Chu chu ka rawn sawichhuak duh a.

Tin, Thingtlang lampang School Education a quality a lo that zawk theih nan hianin tuna kan kal dan hi District Education Officer lamah hian an hmingte pawh a danglam tawh bawk a. Kumtina School endik, Inspection lampangah hianin Sorkar duh dan a ni tawh lo teh reng nge ka hre lova, helam pangah hian a awm tlat tawh loh avangin Zirtirtute pawh hi an inthlahdah tawh hle-in ka hria a. Chuvangin, kan Sorkar hian School awm tawh, Zirtirtu thla tin hlawh kan pek, thawk tha mang lo te chungah action lak te hi taima ila. Zirtirtu tha mang lo te, School tha lo te hrem lamah pawh hian tan la ila. Chutiang chuan taima taka a Department-in hma an lak chuan Education hian hma a lo sawn ngeiin ka ring a. Chu chu ka han tarlang duh a ni. Hmanni-ah Saiha District chhunga School senior ber Government Higher Secondary School a zirlai naupang ten an rualawh luatah zirtirtu tha an neih loh avanga lungawilohna te lantir a, DEO Office kal tur te an dang a. Tin, chubakah D.C. Office tualah te an pungkawm a, Sorkar an beiseina zawng zawngte an lantir kha thil awm tak niin ka hria a. An demawm ka ti lova. Khatiang a nih avang khan kan Minister zahawm tak khan hmanni-ah tlem chu a tarlang tawh tho na-in, he House zahawm takah tunah hian ka'n sawinawn leh duh a. Ngaihsak ni hram hram sela, a lawmawm hle ang tih ka han sawilang duh a ni.

Demand No. 21-na Higher & Technical lamah hian kan District chhunga zirna sang ber kan neih College-ina building tha kan mamawh em em kha, tunah hian cheng tam tak a estimate niin sak mek a ni ta hi an zawh hunte a nghahhlelawm a. A lawmawm ka ti a, lawmthu ka han sawi a ni.

Demand No. 30-na Disaster Management & Rehabilitation Department ah hian a changtu Minister zahawm tak hi kan in hnaih bawk a, an chetphungte ka zawt thin a. Tan an la ve hle-in ka hria a. A lawmawm ka ti. Hei hi vanduaina leh chhiat tawk te tana tuamhlawmna tha ber leh kan thlamuanpui thin a ni a. Chuvang chuan, an tan lakna-ah lawmthu ka sawi a.

Tin, chu bakah silpauline thu kan ngaithla nual a, ka han sawilang ve duh a. An sem dan chungchangah opposition ho-te pawh hi mi an thliar lutuk bik lo a ni tih ka hre chhuakin ka hria a, lawmawm ka ti. Tin, Ruling lam chuan NLUP an sem chur chur bawk a, silpauline lam hi opposition lam hian lo sem ve deuh thei ila a tha-in ka hria. Chuvang chuan, a changtu Minister zahawm tak hian, opposition MLA ho hi kan sem chur chur ve atan silpauline hi min han duhsak deuh thei sela, kan lawm leh zual ang tih kha ka han tarlang duh a ni.

Demand No.19-na LAD han sawi leh ta i la. Thingtlangah ka Bial ka'n fang a. Tunhnaia thil thar duhawm tak mai chu V/C House tha tak tak mai hi, Nuai 14 vel-a an sak te emaw ni. Mawi bawk si, lian tha bawk si hi kan khua phu lo tak tak hian a ding fur niin ka hria a. Hei hi LAD lam hmalakna a ni tih ka hriat avangin lawmthu ka han sawi a. Khua a ti mawi viau a ni. He mi Department-ah hian economically weaker section ho tanpuina, hman a 1980 bawr vel laia Saiha D.C Office-a ka lo hmelhriat tan ve kha tun thleng hian a bo lo niawm tak a ni. LAD lamah hian hetiang scheme hian mi rethei, mi harsa zualte tanpuina anlo pe thin tih ka hria a, hei hi a lawmawm ka ti a. ` 2500 lo deuh hian a tihpun theih dan hi a awm tawh lawm ni? Hmana 1980 bawr vel laia 2500 chu tunah chuan 5000 bawr vel ni tawh sela. A tha dawn hlein ka hria, chu chu a pawimawh em em thu leh hemi hmanga, hemi department-in mi rethei harsa, tam tak alo tanpui thin naah hian lawmthu ka sawi a. Tar chawmna timai ila pension hlawh tihpun ani ta kha lawmawm ka ti a. Bialchhungah hian ka lo sawi uar loh lam tak alo ni thin a. Khaw thenkhatah chuan "Tar hlawh hi ka va dawng ve har ve" te anlo ti thin a. A zah pawh a zahthlak duh hle mai a. Hei hi Social Welfare Department ina an ti thin mai bakah District Council lam pawhin quota insemi anti thin hi a lawmawm ka ti. Mahse, hei hi Zoram sorkar leh District Council lamin quota hi kan tihpun theih mai anih loh avangin Central sorkar lamah min tihpun sak tura chak zawka nawr ni hram sela. Hei kan ram kan rethei sia, pitar/putar an tam sia, tute maw an lo dawn laia dawnglo bik Opposition supporter annih vang emaw ni, tam tak khatiangte tawngkam han hriat hian an duhsak awm a. Chuvangchuan, hemi atan hian quota alo tam zawk theih nan kan Minister zahawm takin tan min lo laksak thei sela tih kan tarlang duh a ni.

Housing Loan sem chungchangah hian aruk aral deuhin..... Opposition MLA te pawh hi thuneitute hnenah hei tal hi aw kan han tih te hi mi an theihngilh sak biklo tih kan hria a, lawmthu kan sawi a. Chuvangchuan, hemi department hi ka han fak duh a. Chutihlaiin, nikum lama an chan aiin kumin a an chan tur hi nuai 160 laiin an tihlem sak ani ta hi enge a chhan leh vang ka hre mai lova. Hei hi chu a pawi ka ti a, an rawngbawlina te a pawimawh a, a that thin tehlu nen a, a tlem tak mai hi thalo ka ti hle a ni.

Social Welfare Department-ah Demand 29-na ah sawikai leh ta mai ila. Hei pawh hi thingtlang mipui ten kan lo hmelhriat em em a ni a. Hemi atang hianin thingtlang

NGO hnenah P.A. Set tanpuina te, tin, chubakah MHIP te leh MCHP (Mara Chanopy) kan tih ang te, bungbel mamawh Thleng te, Dekchi te, Ketli te, No te an sem thin hi a tangkai khawp mai. Bialtute kan rethei hlawm sia, mahni sum leh hausakna nen chuan kan tihsak thei miah lova. Department atanga a thlawna kan lo dawn theih a, kan han pechhawng thei hi a petu nih pawh kan uang thei viau zel a ni. Chuvangchuan, hetiang lampanga tam zawk kan pek theih nan hemi department hian tan lo la deuh se tih ka duh a. Tin, pitar/putar te, bengngawng te tana hearing aid kan mamawh em em thin kha sorkar hmasa a kan Minister khan 2, 3 kha i mamawh em min tia, min pe thut mai a. Ka zinpui a, mamawh kha anlo tam khawp mai a. An mil leh mil loh pawh kan ngaihtuah tawh chuanglo min dil hmasa kha kan pe hmiah mai a, an tangkai pui em em a. Khatiang te kha tihpun theih hram dan awm sela a lawmawm hlein ka hria. Chu chu ka han tarlang duh ani e. Ka lawm e, Pu Deputy Speaker.

DEPUTY SPEAKER : Pu Nirupam Chakma ilo ko ang.

Pu NIRUPAM CHAKMA : Pu Deputy Speaker, hun min pek avangin ka lawm e. Hei Minister 3 Demand kan sawi a. Department a tam lutuk a, sawite pawh kan thiamlo ang tih kha a hlauhawm a ni. Pu Deputy Speaker, a hmasa ber a ka sawi duh chu School Education leh Higher & Technical Education sawikawp ila a tha ang a. Inthlan lai khan Congress party in manifesto ah kan dah, kan sorkar leh chuan Education Reform Commission kan din anga, Education hi changtlung zawkin kan kalpui ang tih kha ania. Inthlan manifesto a kan dah ang ngeiin kan sorkar veleh Education Reform Commission kan din a ni. Report pawh a thehlut tawh a. Sorkarin a pawm niin kan hria a. Tuna mipui interest a ni ngei ang. Eng chen nge kan kalpui tawh ? Engnge kan action lak tawh ? Mizoram mipui hian hriat an chak em em ang tih ka ring a ni. Chuvang chuan Minister zahawm takin kha Reform Commission kalpui dan hi wind-up naah engemaw chen a sawi theih chuan a lawmawm ngawt ang. Tin, hei Performance Budget a a lan ang khan page no. 341-ah hatiangin ziak a ni a 'atleast 6% of the State budget had to be set aside for Higher & Technical Education as per the recommendation of the Education Commission, 1964 and 1966 and national Education Policy of 1968'. Tuna policy siam ang kha chuan State budget atangin 6% Higher & Technical Education ringawtah pawh a ngai a ni tih kha a tarlang a ni a. Education Reform Implementation implement turin pawisa tam tak a ngai dawn tih chu hai rual loh ani tih a hriat theih a. Chuvang chuan Pu Deputy Speaker, engnge kan sorkar policy tuna kan kalpui dan hi Mizoram mipuiah puangzar se Minister zahawm takin a lawmawm ngawt ang. Tin, Education-ah sawi tam tak a awm a, recruitment chungchangah te, transfer & posting chungchangah te. Tin, pakhat ka sawiduh chu tuna kan Minister zahawm tak Pu Lalsawta, a performance kan en chuan tun thlengin Minister chak tak a ni, a achievement a takin a lang tlat. Education Reform Commission report te pawh a rang thei ang bera a awm theihna chhan pawh ama bawhzuina hmalakna a ni a. Tin, tuna NIT te, Polytechnic 4 awm tur te, kan sawi lang lova Polytechnic hi 4 kan nei dawn ani, District 4-ah khan. Chuvang chuan harsatna tam tak karah a achievement chu ropui tak a ni. Kan sorkar achievement hi ama achievement a ni a. Chuvang chuan zirtirtu khawiah emaw indaih lo emaw, kan duh zawng kan hmu lo emaw kha chu a awm ngei ang. MNF sorkarah pawh a awm tawh, PC sorkarah pawh a awm tawh. Amaherawhchu, education development hrim hrimah chuan kan sorkar hmalakna hi tun thlengin Congress sorkar hmasa te, MNF sorkar zawng zawngte ngaihtuah chuan a tha ber chu a ni. Minister-te pawhin sawisel a hlawh a, recruitment apiangah free and fair takin kalpui anih avangin keini Congress worker te pawh an lawm lo a, worker tam tak fate pawh mahni khua post pakhat pawh kan lut thei lova, MNF te midangte an lut a, party worker tan chuan na deuh a ni. Mahse chuti chungin policy kalpui anih avangin kan zawm lo thei si lova, kan duh chuan MNF pawh, PC pawh Congress pawh kan fate chu recruitment-ah chuan lut thei vek ila kan duh alawm. Amaherawh chu policy kalpui anih avangin kan duh emaw duhlo emaw, free &

fair policy kalpui anih avangin tam takah sawisel te pawh a hlawh a, a pawh khawp mai, hriatthiam pawh a ngai a. Amaherawhchu, Pu Deputy Speaker, nichina Member zahawm takte sawi ang khan Mizoram hmangaihna scale hrang hrangah a lang a ni. Education hi pakhatna a nia, Swami Vivekananda'n hetiangin a sawi a, " Service to man is service to God and it is the Religion in practice" Mizoram khawiah pawh kal se kan service tur a ni, chuvangin zirtirtu lak reng reng hian an thawk duh ngei ngei em, interview-ah a theih hram chuan kha kha, Interview Board-ah an hre tur a ni, they have to find out weather this boy is really interested to work in the education field, sawrkar hnathawh duh vang ringawt a zirtirtu dil hi a tam mai, chutiang mite chuan chakna pawh neilo anih avangin tlem a rural-ah posting pek chuan an kal duh tawh lo, that's why kindly pursue the policy, I would like to request especially the Officials who goes for recruitment to find out those boys and girls who are really interested to go to the rural areas or wherever they are posted, khawiah pawh kal duh, chak tak tak an awm a ni, chutiang chu tam tak an awm a ni, tu emaw recommend vanga lak ringawt ni lovin, khatiang policy chu kalpui lo sela, engemaw chen chu Education Reform Commission-ah pawh recruitment dan leh education qualification dan te, mahse harsatna tam tak, a bik takin, entirnan, Education Reform Commission-in Trained Teacher lak tur a tia tunah mai chuan kan tlin lo niin ka hria, engemaw relaxation pekloh chuan thingtlangah chuan Trained Teacher kan hmu lovang, lehlamah education train tur chuan facility tam tawh siam loh chuan kan tlin lo vang. Pu Speaker, tin, education hi balance a ngai, Reform Commission-in a sawi ang kha chu nakinah kan implement ang a, tunah pawh hetiangin kan ngaihtuah thei a, balance education, khawpuiah Education Institution tam tak a awm tawh, a pung zel a, area thenkhatah kan nei si lova, entirnan Chawngteah te pawh Science zirnate, Commerce zirnate kan nei miah lo, Secondary Level-ah pawh, kan mawmawh a ni, chuvangin Education Department atangin kan mawmawhte pawh min hrilhhriat sak sela.

Tin, Law College leh Kamala Nagar College hi ka sawi ziah a, kum li ka sawi tawh a, I've spoken four times including this," Mizoramah College pahnih chiah Deficit a awm a, a dang zawng chu Provincialised an ni tawh, chuvang chuan provincialised sela, Kamala Nagar College-ah sawrkarin min duhsak a, Chairman-ah pawh min dah a ni. Tin, Law college, anmahni pawhin an dil ngawi ngawih a, chuvang chuan provincialised law law ila, chuti anih chuan College zawng zawng kha Provincialised-ah an awm ang a, it is not required to keep only two College under deficit rule.

Pu Deputy Speaker, sawitur tam tak ka nei a, mahse hun kan nei lova, Disaster Management-ah Silpauline heti zat kan mamawh anih chuan, after two, ten, fifteen years engzat nge kan mamawh ang tih hi kan chhut ang ngai, chuvang chuan Disaster Management hian policy fel taka siamin, how to prevent.. possible disaster, cyclone te leh volcano te chu kan hrelawk theilo, mahse leimin te, kan in sak dante chu hre thei alawm, chuvang chuan Pu Dy.Speaker Disaster Management rate tur district hrang hrangah a rate pek dan te pawh, its not the same, chuvangin uniform rate a kaltheih dan a awm chuan a lawmawm ngawt ang.

Animal Husbandry-ah hian Rural Animal Health Center kan mamawh in ka hria a, NLUP kalpui a nih avangin, Pu Dy.Speaker, bawngthi chungchangah wawi khat mah ka la sawilo a, tunah kan sawi ang e. Mizoram in thil tullo kan buaipui kan buaipuia a diktawh lo, bawng chu enge a thih chhan kha zawnchhuah tur a nia, politics-ah lak tur a ni lo, the reason why these cows died, kha zawn tur a nia, a reason hre loin kan sawi mai mai a, ball angin kan pet kan peta a dik lo,hetiang thil awm hi nakin zel atan kan lesson kha ni sela. Tin, a tuartute NLUP a eizawwna pek a nih avangin sawrkarin tanpuina apek tur thu kha a sawi a, chuvangin lawmthu ka sawi a. Pu Speaker, LAD chungchangah Housing Loan hei aia tam zawk hi pek theih nise, tin, Social Welfare ah hian MSDP Scheme kan kalpui a, IAY te chu

ka bialah 710 min pe a ni. I think I may be the luckiest MLA, 710 minpe a 2nd Installment kan nghaka, kan beneficiaries te hian engtikah nge kan dawn theih dawn tih kha an hre chak em em a, tin, adang pawh min pek leh an tum niin kan hria a, chu chu engtin nge min kalpui dan tur te nakinah min react thei sela chu a lawmawm ngawt ang.

Law & Judicial-ah Pu Dy.Speaker Sub-Division Court kan neilo a, District Court bak. Sub – Division-ah tun hmian sub- divisional magistrate kan nei thin kha separation of judiciary from executive atangin sub-divisional level-ah court kan neilo a, hei pawh hi engtin nge kan nei thei dawn em tih kha Minister zahawmtakin nakinah min hrih thei sela. A tawp berah chuan Pu Dy. Speaker Education hi tlem te ka sawi nawn anga, Autonomous District Council ah Lai, Mara leh Chakma elementary level hi an kalpui a, SSA zirtirtu hi Aizawl atangin lak te chu an mahni hi pe mai sela lak mai tur a ni a, kan centralised a nih avangin problem eng emaw chu a awm a ni, chu chu Minister zahawmtakin min hriatpui sela. Tin, kha thingtlanga posting kal duhlo chungchang kha ka sawia, kan bialah te pawh eng emaw zat chu an awm, khawngaih takin, keimahni rawn lo chuan attach lo mai sela, transfer lo nimai sela kan duh khawp mai, ka lawm e.

*Speech not corrected.

DEPUTY SPEAKER : Pu K.Liantlinga ilo sawm ang.

Pu K. LIANTLINGA : Pu Dy.Speaker, ka lawm e. Hei waviinah Minister pathum Demand sawi a ngai dawn a, department 9/10 dawn lai aniang chu, minute 10 chhunga han sawi chu tihngaihna a awm lo a, amaherawhchu a point pawimawh lai te te hi chu min sawichhuah tir hram la thain ka hria, Pu Dy.Speaker.

School Education-ah hian han lut ta ila, school education chu budget Rs 578,20,90,000 a ni a, School Education-te, Higher & Technical Education te leh SCERT-te hi kawp chhoh deuh nghal vek mai a ngaiin ka hria a, performance budget-te pawh hi an rawn ti tha viauin ka hria a, Mizorama zirna In leh kan inzirchhuahna vek a nih avangin, tih pawh an ti thain ka hria a, an fakawmin ka hria a tih han sawi ta phawt ila. Ka bial chungchang han sawi ve ka'n duh deuh hlek a. Ka la sawi ngai lova, tun hi tum thum ka sawina tur a ni a, kum khat dan zelah ka sawi a, ka sawi ngai hli a ni leh nghal a. Ka bial chhungah sawn Republic Middle sikul sak that turin kum 2010 khan Minister zahawm takin commitment a siam tawh a. Mahse siam a nil ova, 2011-ah ka sawi leh a, chu chuan kan ti ang an ti a, waviin ni thlengin tih loh a ni a, a wavi thumna atan – sawlai saw naupang tan a harsa a, a retheihthlak em em a. Siamthatna turin estimate nuai nga vel a awm a ni tih chu kan hria a, mahse waviin ni thlengin tih a la ni lova. Hei hi min hriat sak se ka'n duh a.

Tin, pakhat lehah chuan, Aizawl South III hi a bialtu khan a sawi dawn emaw ka ti a. Sawlaih sawn Plus two school (Higher Secondary School) a awm ve miah lo mai a, Sialsuk tlangdungah sawn. Tunhma khawlar leh pawimawh te a ni a, hmalak theih dan a awm lawm ni? Tin, technical entrance exam chungchangah te khan harsatna kan han tawk a. MBSE-ten an han la a, harsatna kan tawk leh a. University-ah result dik lo a'n awm leh te pawh hi inen ngun a ngai awm mang e, tih te ka ngaihtuah a. Tin, zirtirtu lak chungchangah pawh hian 23 February, 2012-ah khan advertisement an chhuah a, primary school leh upper primary school tan. Hengte pawh hi corrigendum siamin 2 March, 2012-ah khan an siam a. Trained teacher ni lote tan pawh dil theih a ni ang an han ti leh a, thil tih danglam a'n awm leh kha a paw hlein ka hria a. Hei hian RTE leh Fundamental Right te supercede thei em ni? tihlai te pawh kha ngaihtuah tham a awmin ka hria a. Zirtirtu 231 an lakah hianin DIET train chhuak hi za zet an awm a, B Ed College-te pawh kan nei a. Heng atanga train chhuak hi la

mai se la, an awm lo anih chuan la lo mai se la. Tuna ka hmaa miin a rawn sawi ang khan, zirtirtu nih duh dik tak hi lak ni se la, kan education hi a tha vek ang. Ram changkang zawkah te chuan anmahni, an qualification bakah an subject duh an master leh a. Chubakah an duh, elementary nge secondary nge higher secondary nge tiin an train leh thlap a ni. Zirtirtu rau rauvah pawh hian elementary-a tui leh secondary-a tui te, higher secondary-a tui te an awm a ni. Zirtirtu nih hi tih mai mai a ni lova, hna zawwna mai leh eizawwna mai a ni lo. Ram siam tur leh naupang te atanga chher lian chhotu tur, an nem laia engkim an rilru leh an ngaituahna siamtu tur an nih avangin a tuimi tak tak an ngai. Chung chuan hlawh aiin an hna an ngai pawimawh. Vawiinah pawh hian hlawha kan buai tamna fo thin hi kan hnathawh tur kan tuina aiin sum kan ngaituah vang a ni. Chu chu a pawl em em a. Vawiinah hian henge hi kan Education Minister pawh hian min lo hriatpui se ka'n duh a.

Tin, Education-ah hian hlawh hmuh loh a awm fova. 2008 khan crore 24 vel Non-Plan-ah hianin surrender a awm niin ka hria a, ka hriatsual loh chuan Pu Deputy Speaker, 2010-ah hian crore 26 vel, 2011-ah hian 27/28 chho vel a awm a. Plan Fund atangin kan indaih lo em em si a, henge hi ngaituah chian a ngai a. Zirtirtute leh a thawktute hian an rilru tak tak an hman a ngaiin ka hria a. Tin, mi 2000 vel zet Non-Plan-a rin luh tur khan Cabinet pawh khan a pass tawh niin ka hria a, Pu Deputy Speaker, ka hriatsual loh chuan. Amaherawhchu, a hlawhchham ta a. Kha ang kha tih theih se a indaih vek tur a ni a. Tin, vawiinah hian budget hi cheng nuai 2,788.48-in a sang a, nikum aiin. Chuvang chuan, tlem chuan indaih chho deuh tawh turah ngai ila a thain ka hria.

Tin, ka zawhna pakhat, Finance Minister ka zawhnaah chuanin, 'Mizorama Deficit Mission School Association-ten Sixth Pay an beisei kha eng nge hmalak a nih?' ka ti a. Tunah hian Education Department-ah hian sum mamawh zat fel taka chhut chuak in Planning Department hnenah an sum mamawh ang chu thlen thuai turin thurawn pek an ni, tih ani a. Khang a hma a school deficit tawh 337 te harsatna tawhte leh tuna mi ang te hi a rang thei ang ber a an tih theih nan chak tak a hmalak kha a tha awm mange kan ti a. Kan rilru leh kan ngaituahna tak takte kan seng anih si loh chuan harsatna awm thei School Education bikah chuan kan sawi duh a.

Tin, Technical Education-ah hian a tlangpui chuan a tha a, semester system-tein an kal chhova. College enkawl chungchangah te pawh. Amaherawhchu, thil pakhat kan sawi duh a chu, Mizoram Polytechnic, Lunglei amiah sawnin zirtirtu a nghet, staff 20 chuang velah hian a nghet chu 4, 5 vel an awm a, pakhat phei chu leave in a la kal leh nghal a ni awm a. A bak chu contract vek an ni a, hna tak tak an thawk thei lo ani. Heng hi khawi khawiah nge an attach ka hre lova, a tu tu tenge an nih pawh ka hre chuang lova, job oriented-a kan zirnate pawh hi kan (institution) ngaituah a thain ka hria a. Chuti zawng chuan kan Minister hian a rilru minlo put sak sela a thain ka hria a. Tin, Aizawl a Women Polytechnic a thawkte leh 'contract' Instructor Lunglei lam amite hlawh a in anglo hi enge a chhan aw! ka tia. Lunglei lam ami te sawn Rs.13,500 an hlawh lain Aizawl lam a mi te hian Rs.14900 an hlawh niin ka hria, Pu Dy. Speaker. Hengah te hian in ngaituah chian chu an ngai hle in ka hria a ni. Chungte chu ka sawi duh te chu an ni a.

Tin, Demand 4-na Law & Judicial hi a pawimawh em em a, Mizoram a dan leh dun leh thil engkim kalphung ngaituahtute an ni a. Assembly kan thut dawn chuan business a awm a ngai a, Act amendment emaw, a thar emaw siam alo ngai a, tan la leh zual sela tih hi ka'n sawi duh a. A chhan chu thla 4 thla 5 thla 6, kum 1 dawn lai pending te a awm thin a. Mipuiin harsatna tam tak kan tawh phah te awmin ka hria a.

Social Welfare hi Pu Dy. Speaker, ka sawi duh chu Demand 29-na ah hian. An performance budget leh thildang a tha em em a, National Family Benefit Scheme kan tih leh Old Age Pension leh thildang kha chu sawi lo ila. A pawimawh ber chu heng tam tak hnathawk tur hian Central-ah pawh hmun 7, 8 vel laiah ministry atangin thil la chhuak an ni a. Director puitling, recruitment rule siam ani tawh a, kum 28 vel an neih loh kha tunah siam peih ani a. Ka zawhnaah chuan Director nghet recruitment rules ang hian dahngheh tumna a awm em? ka ti a. "Tumna a awm rih lo" tiin min chhang a. An Director hian in tunah hian kum 5 a pumhlum tawhin ka hria a, harsatna awm lovin MPSC te nen Social Welfare Secretary-te nen, Director te nen, a chinfel theih ang ang hi a rang thei ang berin chingfel sela. Recruitment rules kum 28 kan sual hnuah kum 2 an neih hnuah pawh tuna Director la dah ngheh theihloh hi a diklo in ka hria a, tan lak a pawimawh hlein ka hria.

Tin, Demand 19-naah hian ka sawi duh chu, hei EWS-ah te hian hna an thawk tha em em a. Tin, 12th Plan a lo awm leh turah te pawh khang EWS-ah te pawh khanin 25 lakhs ti mai ang, mi 500 vel tan, mirethei harsate tan ruahmannate a awm a. Kuminah chuan a awm dawn lova, Plan intan tirhna te anih avangin. 2012 leh 17 a awm tur ang chi te, an work proposal leh performance atangte a kan hriat atangte in a lawmawm hlein ka hria a. Tin, sawifiah ka duh chu Pu Dy. Speaker, hmanni a Minister ka zawhnaah khan hmun thenkhatah hriatfiah tawk lohna a awm niin ka hria a. 13th Finance Commission chungchangah khan, helai hi kan Minister hian min chhang fiah sela, ama tan pawh a tha ang a, tin, thingtlang lam unaute tan pawh a thain ka ring a. Performance grant, 13th Finance Commission atanga an pawisa hmuh a kha category hrang hrangah khan nuai 5 nuai 4 tih ten a tla a, kha kha 1st installment-ah khan engzatnge an pek, 2nd installment-ah engzatnge pek tur tih kha, thingtlang lam atanga anlo ngaihtuah khan nuai 5-te nuai 4-te kha an account a hmu nghal mai turin an in ngai a, khalaiah khan thil hriat fuh loh palh deuh hlek a awm a, han sawifiah sela, chu chu a fuhin ka ring a.

Tin, Housing Loan tlahniam hi a pawl hlein ka hria a, mipui thleng phak a ni a, a hma khan nuai 800 a awm a, tunah nuai 400 chauh mai an han dah ta hi thil pawl tak mai ani in ka hria a. Tin kan kal chho leh anga, Sericulture chung chang thuah pawh hian a tha viauin ka hria a, an performance budget atanga en in an thil thar tawh zawng zawng leh a hlawm khawm a nikum atanga an belhkhawm ang chiah tepawh khan a lawmawm a. Tin, seed chung chang thuah kumin atangin matric ton 8 vel thar an inbeisei te pawh alo langa, a lawmawm hlein ka hria.

Tin, ka'n sawileh duh chu Disaster Management thuah hian silpoulin lei ringawt mai kha thil diklo nihna lai a awm a, poli-tarpoulin emaw, hengah hian uluk taka en a ngai a, a board-te dinin heng kan tuidawn te, ruahtui luan liam dan tur, kan drain system-te hi fel taka tih a ngai a, kan septic tank-te pawh hi ruahtui tla hi a luanliam that theih chuan leimin leh thil chhia nasa hi a thleng lova, chungte chu Pu Dy. Speaker ka han sawi duh a.

Tin, a hnunng ber atan chuan AH & Vety hi hmanni khan kan sawi tawh a, sawi nawn leh kher pawh a ngai lova, kha kha uluk takin lo ngaihtuah se ka duh hle mai a. Disaster Management & Rehabilitation Deptt. hi a chang tho bawk a, AH & Vety nen khan han sawi kawp lawk ka duh a, compensation hi competent authority-ten an certify chuan rang taka pek theih tur ani a, AH & Vety lamin an tih tur ani. Tin, zangna dawmna timai ang, relief pekna chi lampang kha Disaster Management anih avang khan deptt. pakhat Minister-in a enkawl ve ve, Minister pakhatin deptt. pahnih a enkawl anih avangin harsa lo takin Sihphir lam ami te, Tanhril lam ami te, Sialsuk lam ami tepawh kha tanpui zung zung

theih ni sela a thain a rinawm a, kan sawi tawh ang khan cheng vaibelchhe 9.48 vel lai kumin budget-ah a awm si a.

Tin, a tawp ber tak takah nichina mi kha kanlut leh duh zawk a, Director puitling dah Social Welfare Deptt.-ah khan, a pawimawhna chu Jt. Director kha Director-ah an promote chuan a hnuai ami kha Jt. Director ah, a hnuai ami a rawn kal chho anga, mi tam tak lawmna a siam dawn ani. Tin, pawisa hman tur hi a pung em em chuang lova hlawh lak tawh sa khan a tlin deuh vek tawh ani a, engemaw lai chinah harsa nek nek a awm anih pawhin chinfel dan ngaihtuah a, thla 5 thla 6 chhung chuan chinfel theih niin ka hria a, khang recruitment thar an neihte pawh kha thahnem ngai takin helaiyah kan han sawi a, thahnem ngai takin kan Minister paw'n a nawr chhuah a ni a, vawiiinah hian a rang thei ang bera dah theih, tin, a kum pawhin a tlin tawh a, kumnga a pumhlum tawh a, khang kha kan sawi duh ani e, Pu Dy. Speaker, ka lawm e.

DEPUTY SPEAKER : Tunge sawi leh tur kha? Pu Lalhimpuia maw?

Pu JOSEPH LALHIMPUA : Pu Dy. Speaker ka lawm e. Hun reilote hman kan tum ang e. Demand NO. 20 na Education Deptt. chung chang tawi te sawi ka duh a, (1) naah chuan kan Minister zahawm tak hi principle nghet tak nei, dik na ngaina mi a ni a, Member zahawm tak sawi ang khan hna lak tam tak awm zingah rulling party te an rik laih tawh hi chuan, rulling party te duh zawng tam tak an tling lo ani tih na ani ve thei a, dik takin a ti pawh anih hmel a, chutiang mi, principle nei nghet mi ani a, Pu Dy. Speaker example tawi te tarlan ka duh chu nikum khan Tripura-ah ka zuk kal a, tuten emaw chanchinbu leh TV velah hian Pathian tak neilo ho si, an Chief Minister nupui pawh Rickshaw Bazaarah a kal a tih te, dikna an kenkawh zia an sawi thin a, Education Officer pakhat ka zawt a, engtingge SSA leh RMSA-ahte hian hna in lak ka ti a. Chutah chuan "interview kan kova, mark kan pe a, Directorate (capital) a kan thawn luh dawn hian Party Office-ah kan thawn a, annin an lo siam rem a, chutiang chuan Directorate-ah kan thawn thin a ni" a ti a. Chuvangin vawi hnih/khat rawngbawla chhuah a kan hmuh dan chanchinbua huai taka sawite hi a dik vek lo thei ang a, tih ka ngaihdanah a awm ani. Chvuingin kan Education Minister hi a fair-in a dik hle a ni tih kha pakhatnaah ka'n tarlang duh a.

Tin, transfer and posting chungchangah sawi tur ka nei ve a, consultative committee, kan Minister kaihhraina hnuaiyah pawh hian Transfer and Posting Rules-te siamin mumal takin kal nise tih kalpui mek a ni a, engchen nge kha thil kha a kal tawh? tih kha mipuite min hrilh sela ka duh a. Kohhranah te pawh hian Pastor posting-ah te pawh kum 3, kum 5, awmna tur post-te an siam a, harsatna a awm ngai lo niin ka hria a ni. Chutiang deuhva zirtirtu chungchanga kan kalpui theih hunah chuan kan awlsam ngawtin ka ring a ni.

Chutih lai mekin sawilan duh ka nei a, mahni bial chhungah Govt. High School Lunglei ami hi kum 1947-a din, Mizoram High School pahnihna a ni a, a upa tawh khawp mai a. Tunah hian zirlai 321 an awm a, section 8-ah an inthen a, Class 9 leh Class 10 an ni. Hindi zirtirtu 3 pek an ni a, chuta 2 chu attached-in hmun danga dah an ni, zirlai 321 Hindi teacher pakhatin zirtir chu superman power nei tan lo chuan tih theih a ni lo. Chutih mek lai chuan Science Teacher pakhat an neih chu kar hmasa mai khan transfer order a hmu niin ka hria a, section 8 nei an ni a, min rawn hrilh khan, 'hei chu kan hotute ka lo hrilh ang nge, lo chhuah lo phawt mai rawh u', ka ti a, kan hotute ka ngenna pawh nisela. Tin, Hindi teacher

pawh hi a ngai min pe lo anih pawhin hmundang ami tal min pek loh chuan, tunah hian class 10 chuan Hindi an zirtir lo tawp a ni. Chutiang anih chuan an thiamlo dawn a ni a, nakin lawkah Hindi zirtirtu hmanga hna lak hunah Govt. High School Lunglei zirlaite hi an hnufum hle dawn a ni. Chuvangin an eizawna nghet tur a ti sukuh thei bawk a ni. Ka bial chhung Rotlang East-ah MLA fund leh keimahni hlawh atang te pawhin zirtirtu pahnih hun engemaw chen atang khan kan ruai a, vanneihthlak tak maiin contract basis-a lak min pe a, kan lawm khawp mai a, kei niin kan vawksa leina kan thawh thinte kha thawh a lo ngai ta lova, amaherawhchu, kan hriat loh hlanin min lo laksak leh ta daih mai a, a buaithlak ang reng khawp mai, engpawhnisela ka'n sawi lan duh chu transfer and posting kal dan phung pangngai tak kan neih a ngaiin ka hria a, chu chu ka'n tarlang duh ani.

Tin, Pu Deputy Speaker, Higher Studies-ah thil pahnih tarlan ka duh a. Kum 1947 Lungleiah High School din a ni a. I remtihain hla phuah thiam Pu Liandala (L) chuan 'Chhimtlang High School' tih hla a phuah, chuta a chang 4-naah chuan "a laihawlah matric lo ni ve se, graduate lengte awm nualin, kan zoram hi hnam puitling ni thuai se high school zarah" tih a ni. High school kum 1947-a Mizoram puma 2-na Lunglei a an awm te kha, khatih laia kan mithiam hmasate khan an chhuang em em mai a ni, he hlate pawh hi kum engemawchen kan mithiam hmasaten chhun lamah chuan hla lar a an neih ani a, amaherawhchu, waviinah kan sorkar hmalaknain NIT te, IIT chungchang he House-ah ngei kan han khel ta a, kum 50 emaw awrh chauh a ni High School kan neih rampumah. Ha hipin kan sawia waviinah zirna sang zawk National leh International level-ah pawh kan zofate, kan thalaite eizawna nghet an neih theihna tur leh an inphochhuah ve theihna tur kan nei ta hi a lawmawm hlein ka hria a, hemi kawnga kan sorkar hmalakna te, Education Reform Commission hial dinin thil tam tak ruahman fel ani a, heng hmalakna te hi a lawmawm hlein ka hria a.

Chutihlain thil pahnih khat chauh kan sawilan duh a chu, College level-ah UGC hnuaiyah hian Scheme tam tak a awm a, internet atang tein kan hmu ve thin a. Chung zinga Scheme awlsam tak pakhat chu Girls Hostel tih hi a ni. UGC hnuaiyah awlsam taka Girls Hostel College-ina a neih theih laia DoNER-ah Project hran siam a, Girls Hostel lo dil fo te hi a tul lo ka ti a. Tin, a College awmdan leh a building sak theih dan tur remchang hre hmasa miah lova project kan theh lut fo hi chu waviinah hian harsatna tam tak kan neih phahin ka hria a, chu chu a tak pawhin Aizawl khawpuiah hian tam tak ka hmu a, UGC atanga awlsam angreng taka kan neih theih a kha Mizoramina development kan neih theihna tur NLCPR-a kan quota ei hek lo te khan UGC ami lo lak ni ta sela DoNER atanga kan pawisa hmuh turte kha development kawng dang atan te pawh kan dah theiin a rinawm a, engpawhnisela kan officer-te an tan deuhhleik a ngaiin ka hria a, chulai chu kan tarlang duh a.

Tin, Demand No. 29-na Welfare of the Society, Social Welfare chungchangah thil pahnih khat chauh han tarlan duh ka nei a, kan Minister zahawm tak hmalakna a chhuanawm hlein ka hria a. Tunhma khan Article 275-te hi kan hre ngai lo viauin ka hria a, rampum huapah hian tunah chuan hengte hian hmasawna tam tak min thlentulo alo ni ta a.

Tin, Pu Dy. Speaker, Labour & Employment tu chan lampang nge ni ka hre lova, tunlai khawvel chu competitive world ani tawh a, mi kan buai em em a ni, zinga tih tur hna neite, chhunah te, zanah te hna nei te kan ni tawh a, chuvangin

kan naupangte, kan fate, kan tu te enkawlina leh pitar putar kan enkawlina te hi hei a Scheme hrang hrangte an han tarlang a, a lawmawm hlein ka hria a, hei tanpuina pawisa an pek hi, nakin lawkah chuan enkawltu neilo chhungkaw harsa tak tak pawisa thawhkhawm-a 'Home-ah awm mai rawh' tih tur hi kan nei dawnin ka hria a, hemi kawngah hian hma kan lak nasat lehzual a ngai khawpin ka ring, chu chu kan Minister zahawm tak ka'n ngen duhna pawh nisela. Social Welfare Department chan a nilo maithei, vawiinah chuan kan fate, kan tute awmpui turin Mizo chiah pawh nilo rampawn amite kan ruai a, kan Chief Minister zahawm takin a sawi fo tawh angin kan pindan chahbi, kan safe kan khawih tir duh miah loh te khan kan rochan, kan fate kan enkawl tir ta a. An pi leh pu, nu leh pate nilengin hnathawkin an chhuak a, a enkawltute chu chutiang mi kan hriatchian loh mi, thlakhat a zali/zanga sanghnih/khat hlawhte an pianna leh an chhung leh khat kan hriat loh ten min enkawl sak ta a. Hemi kawngah hian ruahmanna fel fai tak kan neih loh chuan nakin hun zelah hian kan hnam nun mawi thanlen dante pawh hi a tibuai theiin ka ring a, kan hnam than dan tur hi, chu chu ka han sawi duh a. Tin, chu chuan child protection te, hei 2000 kumah Act kan nei a, 2006-ah kan amend tawh bawk a, heng kawng hrang hrangte pawh hi a huam telin ka ring a, chuvangin hemi kawngah hian hmalakna tlo zawk, nghet zawk te pawh tam tak a awmin ka ring a kan Minister zahawm tak hnenah hian ka'n ngen a.

Tin, Pu Dy. Speaker, Sericulture, Demand No. 41 chungchang tawite kan tarlang duh a. Hei, kan Minister zahawm tak hmalakna a chhuanawm hlein ka hria a, a bik takin kan bial lamah chuan Sericulture a eizawng hi an tam em em a ni. Kum 2008 kuma campaign kan neih laia Congress Party hruaitu engemaw zatin an sawi chu opposition mi kan ni a, inhlawhna kan nei ve thei ngai lova, khawtlang inhlawhnaah min telh ve ngai lova, chuvangin ramhnuaiyah Lo kan nei a, Sericulture, pangang khawiin bul kan tan a an ti a. Thingtheihmu te an phun a, chung avang chuan vawiinah Zobawk te, Rotlang leh Hnahthial cluster-te saw Sericulture-ah hian raw material pechhuak tam ber te zinga mi an ni a. Hei, kan Minister zahawm takin chumi kawngah hmasawna turin grainage centre te Zobawkah min din sak a, tunah hian min tihchangtlun sak zel niin ka hria a. Planning Commission atanga lo kalte nena kan inkawm ve naah chuan an sawi pakhat chu, Sericulture scheme hnuaiyah pangang khawi hian environment a tihthat zia te, lei a tihthat zia te, Thingtheihmu karah chuan nitina mamawh theih tur leh hralh sum tur Lakhuihthei te, Nuhnun te, (helamah hian Thingfanghma an ti a ni awm e) chutiang te chu an ching thin a. Chungte chuan a thlawhna tur sumte pawh a thawkchhuak thei e, an ti a. Tin, Vaipa ti mai ila, Delhi atanga lo kal a ni bawk a, a sawi chu "India ram hi han en ula Sari kaih, puan veng mi tam tak, a maktaduai tel an awm a ni. Heng ho an awm chhung hi chuan Silk puan hi a hralhna a huphurhawm loh va. Chuvangin a hralhna tur awm sa a ni a. Lo uar rawh u" a ti a. Chu chu a dik dawn hlein ka ring a. Kan Sericulture minister zahawm takin Sericulture than chhoh zelna atana hma min lak sakna hi a lawmawm hlein ka hria a. Tun atanga kum hnih kum thum hnuah chuan kha, Zawhnaah pawh, Pu Deputy Speaker, kan hmu a, ton tam tak pawh kan hralh chhuak tawh a nih kha. Tun atanga reiloteah chuan nasa zawkin kan hralh chhuak theiin ka ring a. Chumi chu kan Demand atanga ka ngaih pawimawh zual ka'n sawi theih a ni e, ka lawm e.

DEPUTY SPEAKER : Pu Zothangliana. Naupang deuh chu in speed a tha deuh a.

Pu H. ZOTHANGLIANA : Pu Deputy Speaker, ka lawm e. Ka hma ami ang kha chu ka nih ka ring lo. Eng pawh nise, theih tawp ka'n chhuah ang e. Demand No. 20 leh 21

kha sawi pawlh deuh mai a rem thovin ka hria a. Hemi chungchanga ka'n sawi hmasak duh chu kum dang ang lo taka kumin a kan Chief minister zahawm tak leh kan minister in ruahmanna fel fai tak nei a zirtirtute leh thawktu dang te daih zan, Budget ah kan Zirlai Pawl te pawhin an lo ngen ang tak a dah a ni ta hi a lawmawm ka ti a. Thingtlang lama zirtirtute pawhin phur zawk leh thatho zawk a an hna an thawh theih a beisei awmin ka hria a. Chutiang tur chuan an chungah beiseina kan nei a ni tih hi kan sawi duh a ni.

Education Department hi Mizoramah chuan inzarchhuak pharh tha ber department pakhat an niin ka hria a. An thawk tha a, chutih rualin hnawp pawh an ngah lo thei lo a ni. Chung zawng zawng karah chuan kan minister zahawm tak leh amah puibawmtu Parliamentary Secretary, Education Department-ten theihtawp chhuah a hma an lakna a zarah Mizoramah hian Zirna lamah hmasawna tam tak kan hmu mek zel a, hengte avang hian lawmthu ka sawi duh a. SSA leh RMSA Scheme hmang te in Zoram kiltin mai tak takah School tha min din sak in zirtirtu tam tak min pek belh a. Heng te hi a ropui ka ti. Chutih rualin duhthusam lo lai, helai hi chuti deuh nise, khati deuh nise tih tur tam tak hi chu a awm a. Ka bialah te pawh, entirman, han sawi tai la, Higher lamah chuan Lawngtlai College atangin lecturer tam tak, kan sorkar hnu hian lakchhuah an ni a. Session hmasa lamah khan ka sawi tawh a. Lakchhuah belh zel tawh loh nise tiin ngenna he House zahawm takah hian ka lo sawi ri a, chu chu kan minister zahawm takte pawhin min ngaih pawimawh der sak viau niin ka hria a, a lawmawm ka ti a. Chutiang chuan hma lamah pawh a la awm chhun chhun a te pawh hi eng vang mah a lakchhuah an nih tawh loh hi kan duh hle mai a. Kan duh satliah a ni lova, chu chu kan damna turin kan mamawh a ni tih hi ka'n sawi nawn hram duh a ni. Thil lawmawm deuh pakhat ka tih chu, kan biala khawpui ve ber pakhat, Sangau ah Higher Secondary School khawtlang lungualin an din a, nasa taka infuihin thawh lawm te an la khawm a, an kal ve tang tang a, zirlai pawh an nei tha khawp mai a, zirlai 100 chuang zet an nei a. Zirtirtu pawh an infawmkhawm tha viau a. Chu chu kan minister zahawm tak leh kan hotute hnenah kan thlen a. Permission min pe a, tunah hian Exam Centre nih ve law law kan duh e, tiin ngenna kan thlen leh mek a, hengte hi min tih hlawhtlin sak kan duhin kan mamawh hle a ni tih ka'n sawi duh a ni.

Demand No. 4-ah ka kai mai ang a, Law & Judicial chung changah hian. A separate a awm tan deuhte an nih avangin infrastructure lamah an phuisui lo khawp mai a. Lawngtlai ah te chuan kan Magistrate te pawh DC Office kilkhawr engngemaw laiah an inhnawh hram hram a ni. Chutiang karah chuan development of infrastructure facilities atana a hming chauh tala cheng nuai 52 vel emaw ni dah a lo ni ta hi lawmawm ka ti a. Lawngtlai lam te leh chhim kil lam deuhte saw ngaih pawimawh hmasak nih kan duh hle mai tih ka sawi duh a ni.

Demand No. 34 AH & Vety-ah hmalakna tur tha tak tak tarlan work programme-ah khan a awm a, kan sawi vek lovang a, chung zinga pawimawh tak mai chu Veterinary Poly-Clinic at Aizawl cheng nuai 483 chuang laia din turte hi a ni a, tunah hian chak taka kalpui mek niin ka hria a, a lawmawm ka ti khawp mai. Bualpui 'NG' leh Sangau-ah te Vety Quarters tha tak mai min sak saka hengte avang hian lawmthu ka sawi rualin a In a awm tawh bawka, a Inluah tu tur min pek hlan kan nghakhlel hle mai tih kha kan sawitel duh a ni.

Demand No. 30, Disaster Management & Rehabilitation hi Department lianpui an ni lem lova, thawktute an indaih lovin an thawkrim hle a ni tih kan hria a, chung karah chuan an hmalakna hrang hrangte kan han hriatphak ve chinah pawh an fakawm hle in ka hria a, vawiinah hian ka appreciation ka han sawilang ve duh a ni. Sangau-2 kan tih Sangau-II veng hlun ve ber maiah chuan kan khelmual thlang a

min vak mai a, rapthlak han tih tham khawp hian a min a. Chumi avang chuan In 5/6 lain an In leh lo te an chhuahsan a, helai hmun hi kan rilru tibuaitu lianpui mai a ni a. BDO leh D.C hote pawhin kan sawi thin a, tih ngaihna tak kan hre lova. Engpawh nisela, Disaster Management & Rehabilitation-a kan mithiamte hian a hmunah te kalin min han hmuhsak thei lawm ni? A tih ngaihna an hre deuh ang em aw tiin ngenna thu vawiinah hian remchangah ka han sawi ri duh a ni.

Demand No. 19, Local Administration Department hi Department pawimawh tak, Mizoram kiltin fanchhuaktu anih zia te kan hria a, kan V/C te enkawltu an ni a, kan Minister chak tak hian hneh takin a enkawl niin ka lo hria a, vawiin thlenga an kal danah hian hmasawna tam tak hmuh tur a awm a, Dan kan mamawh tepawh Minister thahnemngaihna avangin siam a ni a, tih that mek zel tepawh niin ka hria a, lawmawm ka ti a. Housing Loan kan duh em em, kan mamawh em em mai atana pawisa duhthala kan nei ta lova, a tlem thla ta deuh erawh hi chu a paw ka ti khawp mai a. Engpawh nisela a awmchhun ang anga te hi tangkai taka hman a ni ang tih erawh hi chu ka beisei. 13th Finance Commission atangin cheng nuai 2545 an beisei a, hemi hi hmuh tak tak theihna tur erawh chuan thawktute Officer ho te, kan mithiamte an tan hle a ngai ang tih ka han ring ve ringawt a, chutianga a tak taka an hmuh theihna tur chuan theitawp an chhuah a pawimawh awm mange aw tih thu ka'n sawi a ni.

Social Welfare Department-ah hian an hmalakna hrang hrangte fak tlak tak tak, fak loh hleih theih loh han tih mai tur a tam hle mai a, chung zingah chuan kan thian ten an sawi tawh bak pahnih/khat lek han tarlan ka duh chu persons with disabilities PWD (Equal Opportunities, Protection of Right and Full Participation) Act, 1995 hi a tak taka hmang turin theitawp an chhuah a, sorkar-in a tihtur ang angte pawh a tihsakin Notification tepawh chhuah a ni a, tan an la hle mai hi a lawmawm ka ti a. Pianphunga rualbanlo leh harsatna hrang hrang tawktu ten Sorkar hna-ah pawh 3% reservation hi a tak taka an hman tangkai theihna tura tun kan ministry-ina hma a la chho hi a lawmawm khawp mai. Anganwadi Training Centre, Lunglei-ah dah tura hmalak mek a ni a, tih hlawhtlin thuai thuai a nghahhlelh awm khawp mai. Scheme hrang hrang Article 275(1) hnuaiyah an ti hlawhtling mek zel a. Eklavya Model Residential School, Lunglei tih te, Eklavya Model Residential School at Serchhip tih te sanction an hmu tawhin hna an tan mek a, a lawmawm khawp mai. Thildang tam tak pawh sawi tur a awm a, "Multi-Sectoral Development Programme, Multi-Sectoral Development Plan Fund for Minority Concentration Districts", tih a ni duah a, a scheme hming taka hi, chu chu Mamit District leh Lawngtlai district-ah hmana kalpui mek a ni a, kan tangkaipui a, kan hlawk pui khawp maia. Lawmthu ka sawi duha, a bikin Lawngtlai West leh Pu Nirupama bial lamah mi tamtakin he scheme hi an chhawr tangkaia, he scheme a hi kan hriat tlan ve hrim hrim atana kan han sawi duha chu religious minority ho tana tih a ni a, amaherawhchu, a bial azawng chuan keia bial lamah chuan kan hmang tangkai lutuk lo nain a mamawh tute tana thil hlu leh ropui, thil tha anih avangin a lawmawm em em a ni tihte kha ka han sawi tel duh bawk a ni.

Hun tlem ka la neiin ka hria a, churang chuan demand no 20 leh 21 School Education chungchangah khan ka'n let lawk duh a, Pu Deputy Speaker, kan thiante pawhin an ngaihpawimawh em em inspection chungchanga hi tunhma pawh khan kan sawi tawh thina, vawiin thleng hian a tak taka ngaihpawimawh a la hlawh lo hi kan mu tan paw ka niin ka hria a, hei hi en that a, ngaihven thata, helamah hian tan kan lak thar a pawimawhin ka hria a. Hindi Teacher hmun hrang hrangah min dah sak teuh a, kan lawm em em a. Kan lawmna

thanghawk ri pawh ala reh hmam min hnuh kir bo sak zo leh deuh vek hi chu a mak ka ti a. Hetiang lo deuha tun hnuah hi chuan a kal theih hram hram dan hi a awm lawm ni tichung zelin kan Minister zahawm tak tak te Demand for Grants hi ka rawn thlawpa, ka rawn support a ni e. Pu Deputy Speaker, ka lawm e.

DEPUTY SPEAKER : Awle, i titha khawp mai, hun i hmang dik khawp mai . Pu John Siamkunga i lo ko ang.

Pu JOHN SIAMKUNGA : Pu Deputy Speaker, ka lawm e. Awle, tamtak han sawi chu ka tumlo turah ngai ila. A hmasa bera ka han sawi duha chu tuna kan budget kal mek kan han sawi zingah hian sorkarin ngaihpawimawh tak tak a dah zingah sorkar hnathawkte hlawh tur ngaihpawimawhin a dah hrawl hle a, hlawh la theilo an awm thin hi sorkar in hrehawm a tia, chumi anih avang chuan duhsak takin sorkar hnathawk te tan lian takin dah a ni a. Tin, chutih rualin kut hnathawktu, zoram mipui tam berte dinhmun chawikanna tur, an hmalakna tur hi department tinah hian a tlangpui thu in a line department bikah te hian kan hmu tam bika. Hei hian Zoram kut hnathawktu leh chawikan ngai te Zoram Economy tundin na tur a kawka, a lawmawm takzetin ka hria a.

Awle, Demand 20-na Education hi sawi a hlawha, tawite han sawive ka duha chu CCE hei kan tichhova, kan ti chho hi a hlawhtling nge tlinglo chu ka la hre mai lova. A hlawhtling chho turah ka ngai a, kan Minister te, kan Official-te an tang bawka. Mahse kan hriatring tura tha chu kan zirtirtute hi an tuia, tihtakzeta an thawha, training an neih that loh chuan CCE hian min pawt hniam anga, kan zirlai te pawl sang tak tak, thiam nei mang silo hi an awm teuh thei a ni. Tin, chubakah competitive-ah hian hei hian a kal dana hi thil tha tak ni mahse kan kalpui dan a that loh chuan Competitive exam-ah national level ani emaw State levelah hian kan tlahniam ngei ngei ang tih hi a rin theiha. Amaherawhchu uluk taka kalpui a ni a, a tha chho zel turah ngai ila,

Tin, hei School calendar te kan han tidanglam leh a, hetah hian mipui a bikin zirlai ten kan hlawkpui turah ngai ta ila, tin, transfer and posting kha chu a that dan ber, tuna kan neih rihah hi chuan a bialtu MLA-te min rawn thei hram hram sela, zirtirtu an dahkian tura ai dah leh zel tura kha kan sawi ho ang a, chutiang zel a kan tih chuan transfer and posting hi awmze neiin a kal deuh zawkin ka ring a. In rawna awm lo a in laksak tawp tawpna a awm avang hian CCE kan kalpui tawh si a, thingtlang school chu ngaihtuahawm tak a ni. School naupang 130 te zirtirtu 2 in an enkawlina hmunah chuan CCE hi effective tak tak hian a kal ang em aw tih te ka ngaihtuah a. Chuvangin zirtirtu indaih na tur chi a nih avang hian Rationalisation of Teachers hi Sorkarin a kalpui tur a hi a rang lam in ti thei sela, an student milin kal thei hram sela a tha khawpin ka hria a.

Tin, Higher and Education Demand no. 21 – na tawite han sawi ka duh chu, Hnahthial College saw tuna kan Sorkar hnuah hian Student-te kan lo ngah ve ta a. Tah sawn Geography department la ding lo chung sawn kan hotuten an din a, theih tawp an han chhuah a, student pawh an tam ta a, chumi a nih avang chuan a college pawh a lun ta a, a bul vel khua atangin rawn kal an tam ta a. College bus te pawh neih tawh ani a, helaiah hian kan Sorkar hian rilru min lo neih sak sela, saw saw chu Geography College lampang te a tih dan te a awm zawk mah mah em tih te ka ngaihtuah a. A nih loh pawhin tuna kan chhawr mek hei ka MLA Fund hmang hian thla tin sing 1 in ka chhawr ve a ni. Khang kha min hriatpuiin saw lai zirlai te hmakhua ngaih vang talin min ngaihtuah sak turin ka han ngen a.

Tin, Demand no. 19-na LAD hi, kan Minister hi a fel a, thingtlang lam hrut ani a, thingtlang khaw tam takah khian step te leh thil dang dang min siam sak a, a lawmawm hle a. Tin, chubakah kan Minister hi a fel a Housing Loan Board a han siam danah te hian inthliarna awm reng reng lovin Pu Dy.Speaker, i veilam ami te pawh hi Loan Board ah pawh hian member-ah a dah ve vek a ni. Chutiang chuan kan Minister hian a kalpui a, kan tangkai pui hle in ka hria a.

Tin, Social Welfare hi tlem han sawi ka duh a Demand no. 29-na hi. Hei hi mi mangang te tlukluhna hmun, Department ni ber in ka hria a. A chhan chu old age pension-ah te hian tuna an pek zawng zawng hi mi 26359 lai anni a. Kum 60 chin chunglam, BPL family an nih chuan cheng 250 in, tin, kum 80 chin chunglam a kha cheng 550 in an han ti a. A dik takin kan han hria a, mi an han tar hnu hi chuan lainattu leh khawngaihtu bik an awm loh chuan 'michuang' an ni mai a, an tu leh fate sum dehchhuahah khan thu lo tak tak hi an tam tawh a ni. Khang mi te tuamhlawm tu, an pocket money te tum tu an lo ni a. Tin, an tu leh fate kara inthlahrung em em lo a awmtir thei tute an ni a, an Department hi an fakawm a. Chubakah heng 'mi anglo' kan tih 'pianphunga rualbanlo te' tana Sorkara theihtawp chhuaha an nawr thin te, za a pathum talte hi chu chang ve se ti a an nawrna te hi a ropui ka ti a. Tin, chubakah thil hrang hrangah hian a tuamhlawm hna lampang hi an thawk a. Hei, kuminah pawh an budget-te kan en chuan vaibelchhe 4 laiin nikum lam aain a pung a, hengte pawh hi an lawmpuiawm hle in ka hria a.

Demand 30-na DM&R hi, hei hi man made disaster hi a tam berin ka hria a. Vawiinah hian silpauline kan sem a, theih tawp kan han chhuah a, amaherawhchu, thil a nih tur a lo nih tawh hnu a khuhna deuh mai a ni a. Theih nise chuan mihringte hianin keimahni harsatna tur hi kan siam lawk a tam ber a, vawiina "min" kan tih te, thihna buaih buaih lo thleng te, khua an chhiat hlek a a in chawp a min kan tih te pawh hi keimahni fimkhur loh vang deuh vek a ni. Khami a nih avang khan disaster hi keimahni siam a tam ber zawk avang khan 80% hi chu kan siamchawp a ni tlat a ni. Kan thla a muang hma, tlu mai thei tura pawh kha ngaihtuah phal lovin keimahnin mangkhawng hi kan kam thin niin a lang a, hei hi DM&R-a kan Minister changtu zahawm tak hian awareness lampang atangte leh tihdan kawng zawng thei se, engtiangin nge kan in prevent theih ang ti zawng a kha ka han genna ni sela.

Tin, AH&Vety, Demand 34 leh Sericulture, Demand no. 41-na hi sawi rual deuh ka duh a. Heng department pahnihte hi vawiinah kan sawi mekah chuan NLUP line department pahnih anni a. Kan sawi tawh ang khan Mizote hi kan dinhmun a lo tleu zo tawh a, rambuai atang khan thluak a eizawn mai loh chu tih theih neilo tam tak kan awm tawh a ni. Chumi anih avang chuan kan dinhmun siam a, ram economy siam tha tur chuan kan kut hnathawktu 70%, 80% vel bawr a hi chawikan phawt an ngai a ni. Chumi atan chuan vawiinah pawh AH&Vety. hian a thawh hlawk viau va, ka bialah khian bawng a thi ve reng reng lo, an thlang teuh si a, chung chu Old Ngharchhip leh New Ngharchhip-ahte hian a ni a. Society an in din chawp a, ti khian Bawngin an sa a, a tlar ve pet put a ni, hmuh a nuam khawp mai, an hlawhtling chho mek niin ka hria. Tin, chutiang bawkin South Lungleng-ahte pawh bawng an vulh a, an thi ve lova, anmahnin an lei mai a, khatieng khan a awm a, a lawmawm khawpin ka hria a, khi an hlawhtling chho zel a. Tin, chutiang

bawkin Ar vulhtute leh Vawk vulhtute pawh, vawk vulhah phei chuan Aithur-ah ka kal tumin Vawk hi a lo bawk dum khup mai a, kawmthlang lamah ka zuk dah khan, khung khu engnge ni hlawm a ka ti a, Vawk an ti a, a tam khawp mai. Chhungkua thenkhat phei chuan 10 neite, 18 neite, 20 chuang nei te kha an lo awm a, hmuhdawm tham an ni khatiang kha khilalah khian hmuh tur an lo awm a. Tin, Kel vulh lam pangte pawh a Farm neite an lo awm a, Farm-te ka tlawh a, an hlawhtling chho mek lai han hmuh chu thil hmuhdawm tak a ni.

Tin, Sericulture pawh hian Hnahthialah te hmun an nei a, saw sawn rahtha a chhuah mek zel a.

DEPUTY SPEAKER : Khi dar li (4) a ri a, han titawp dawn ta che aw.

Pu JOHN SIAMKUNGA : Pu Speaker Economi tithangtu leh tiphuisuitu a nih ka beisei, Pu Dy.Speaker ka lawm e.

DEPUTY SPEAKER : Aw le, khi dar li a ri a kan hun a tawp a, mahse, kan Demand-te kan la sawizo lova, vawinah kan passed a ngai miao mai si a, tunah chuan kan chawl lawk a nga.

Pu P.C. ZORAM SANGLIANA, MINISTER : Pu Dy.Speaker, khawngaihin Opposition lama kan hotute hian pathum velin an la sawilo niin kan hria a, tin, ruling lamah pawh sawi duh an awm mai thei a, tuna chawlo hian a sawi tur zawng hian sawi tlang ta sela, an sawi zawh khan chawllawk ila, chumi zawha kan luh leh chuan Minister hian wind up ta sela a fuh zawk lo maw? House-in a kan remtih tlan chuan hei hi a tih theih tho bawk a.

DEPUTY SPEAKER : Kan thingpui lum lam te kha an lo in ready vek tawh si a, tuna kan tihtlang kha chuan a dai zo dawn a nih chu, churang chuanin kan chawl lawk ang a, dar 4 1/2 (li leh a chanve) ah kan lut leh dawn nia.

4:30 P.M.

S P E A K E R : Sawihona kan chhonzawm ang a, tunge phar kha? Phar pawh kan awm tawh nange? Le Pu Ramhluna lo ko ang.

Pu C. RAMHLUNA : Speaker, ka lawm e, a hmasa berin kan sawi duh chu Demand No. 29-na Social Welfare Department hi kan sawi hmasa duh a, helalah hianin kan sawi hmasak ber duh chu performance budget hi a chianguang lo deuh, lumpsum-in a kal put put deuhin ka hria a. Tin, Work Programme pawh hi a Nil a, hriatthiam a har viau ani. Tin, an ni hi thingtlang lam pang bialtute tan a tangkai khawp mai a, kawng hrang hrangah min tanpui thin a, No-te, Thlengte, Ketli te, Tarpoulin te min pe thin a, kan lawm khawp mai, an chungah lawmthu kan sawi a. Tar chawmna tih te, handicapped ho tanpuina te an nei a, kan han sawite an ngaipawimawh thin a kan lawm hle a ni. Ka'n sawi duh chu Tribal Act an tih Forest Dwellers-ho tana ram pek chungchang thu kha. An ni hi Nodal Department an ni a, an pawimawh hle mai a, an ni hi 4 hectares per family a pek tur a kha engchenge an kalpui tak aw tih hi hriat a chakawm ve hrim hrim in ka hria a, kha kha kan Minister khan min hrih thei sela ka duh a.

Tin, a dang leha chuan Multi Sectoral Development Programme, hei hi Government of India programme kha ani a, kan sawi tak ang khan hei hi Religious Minority

chi ho tana tih deuh kha ani a. Ka bialah te, Pu Nirupama ti tawh mai ila, member zahawm tak bialah te pawh khian Budhist-ho an tam a. Tahsawn an operate kha a ni a, hetah hian thil pakhat kan sawi duh chu D.C-ah pawisa handover ani a, D.C khan committee a ko a, mahse District Council ho hian an chuh ta a, pawisa kha. Tichuan, District Council an hlan ta vek a, District Council ho khanin LADC-ah a bik takin han sawi ta ila. Hemi sum khan Rangva an lei ta vak a, tender pawh, quotation pawh ko lo khan Market atang khan an lei ta a. Tichuan an zuk pe thla ta a, 200 Km deuh thaw a hlaah khan, kha ai khan (Lawngtlai ami lei ai khan) khulai Vaseikai te pawh kha a lo awm ve tho bawk si a, phurh thui ngai miahlo kha ani a. A transportation charge pawh ngai tawhlo tur kha ni a, kha kha chiangkuang deuh hlek a Departmentin min chhuisak atan tha viauin ka hria a, engang rate in nge an lei a, engzatchiah hi nge an hman tihte pawh kha hriat a chakawm in ka hria a. Tin, quality a pawh kha engte nge anih tih kha hriat a chakawmin ka hria a. Tin, duhsak zawngte pawh kan nei ve a, Committee member kan nihve avang khan, khangho te pawh kha ngaihsak an hlawhlo hle a, khangte pawh kha min lo ensak mai mai atan a thain ka hria a, kan sawi duh a ni.

Tin, LAD Demand No.19-ah hian thian ten an sawi tawh ang khan, member zahawm tak tak ten an sawi tawh ang khan Housing Loan hi min duhsak ve thin a, quota te min pe ve a, Minister chungah lawmthu kan sawi laiin kuminah hianin nikuma 800 lakhs atanga 400 lakhs a an tlathla ta duai mai hi mipuite mamawh em em ani si a, hei hi a pawl ka ti khawp mai a, tih pun leh dante awm thei nise tihte rilruah a awm a. Tin, MLA te min duhsak chho leh zel se tihte rilruah a awm a, ka han ngen duh bawk ani. Tin, chubakah chuan Local Body Fund an nei a, he Local Body Fund hi V/C te kutah khan hlan ani a, kan report duh leh kan sawi duh chu District Council-ah sawn V/C Fund, Local Body Fund a kha engemaw zat hi 40% tih vel hi Party inchawmhlawm nan, enkawl nan an sawk thlain an pawt thla a. Chu chu Joint Director, LAD pawhin District Council CEM-te hnenah khan hriattir na a thawn a, lo “ti reng reng suh u hei hi a thiango e” ti khan. Chutichung pawh chuan an ti tho a, kha kha tunah hian ka han tarlang duh a, ti tawhlo turin hriattir theih nise a thain ka hria a. Tin, chubakah chuan Congress V/C-na ah te MNF party member pahnih khat awmve in an thawh na te pawh kha an thawhtir lo deuh hlek thin a, hriat pawh an hre manglo thin te a ni a, kha kha engemawtia rualkhai deuh hlek zawk a a thawhtlan dante awm thei se a thain ka hria a, chu chu kan sawi duh a ni.

Demand No. 41-na Sericulture-ah khan Mulberry nasa takin an ching a, lawmawm ka ti a. Hei hi Mizoram-ah a tha duh em em bawk a, chuvang chuan hei hi wawinah hian kan fak duh a, thil pakhat Assam in an chin thin Eri hi a tha em em a, quality tha chi an lei kha a ni a. Hengte pawh hi a enve theih lawm ni ka ti a.

Tin, Demand No. 34-ah hian AH & Vety-ah khan han sawi ve leh duh ka neih chu NLUP Bawng thi kha chu ka sawi tawh lo mai anga, kan sawi tam tawh a, khami a ka han sawi duh chu ka han kal ve mai mai a, ni 9.7.2012 khan hei Pu Chate-a te nen hian. NLUP nilo Bawng thi Sihphir ah khan 23 a awm a ni. Hengho hi ka ngaipawimawh ve riauva, kan han kal laia figure ka neih a ni a, khang ho kha engtin emaw ngaihtuah sak an va tul e, compensation emaw kan pek dawn le, a lei leh dan tur te ngaihtuah dan a awm thei em tih te kha ka rilruah a awm a. Tin, chubakah chuan an Bawng thih hma a Bawng vulhtu ten nikhata an sawr thin kha, tun hma chuan nikhat ah khan 1486 litres an sawr thei thin a, mahse Bawng an thih takah khan 993 litres in an sawr tlem ta, nikhatah khan 493 litres khan an sawr tlem ta tihna a nih chu, chuvang chuan hengte pawh hi compensate dan a awm thei lawm ni tih te ka rilruah a awm a. Tin, chubakah chuan an bawng damlo enkawl nan khan Rs.3,48,530/-(nuai thum leh singli lehsangriat leh zanga leh sawmthum) mi hrang hrang khan an seng tlat a ni, chuvang chuan hei ringawt pawh hi kha bawng kha thi lo in natna vei

lo nise an sen loh tur thil kha a ni a, chuvang chuan hei hi Pu Speaker, engemaw ti taka department hian alo hriat a, tanpui dante ngaihtuah sak theih a thain ka hria a. Tin, chubakah chuan Pu Speaker, ka han sawi leh duh chu ka bialchhungah Mampui Vety farm-ah khan, tunhma khan Artificial Incubator kha a tha lo kan tih kha a ni a, hei tunhma khan session hmasa atang khan “kan lo siamtha anga, kan lo en ang” tih kha a ni reng a, vawiin thlengin siamthat ala ni ta lo fo mai a, khawngaih takin heihi min lo ensak sela a tha lawmni ka ti a, chu chu tunah hian ka han sawi duh a ni.

Disaster Management chungchang thu ah hian han sawi duh ka neih chu Minister zahawm tak hian min khawngaih thin a, kan mamawhte min puhruk sak thin a, kan mamawh te min pe a, kan lawm hle a. Mahse thil pakhat silpoulin chungchang thu ah hian tun tumah hian Govt. Approved rate 717 anih laiin tunah hian 770 in an lei a ni a, tin, chubakah chuanin 27th June, 2012 ah khan ISI mark certified products hi an lei turah hian, quotation an kohnaah khan compulsory-ah khan an ngai ta lo tlat mai a, chubakah chuan hei hi helai local Producer ho manufacturer ho, duhsakna tur ni mahsela hei hi ISI mark tello alo nih takah hian a quality a kha a van tha ta awm lo e, engatinge certification awm thei lo tur kha, ava chianguang ta lo ve, tih te kha rilruah khan a awm a, chu chu vawiin ni ah hian kan sawi lang duh a ni.

Tin, Pu Speaker, Higher & Technical Education-ah khan thil pakhat kan sawi tel duh chu helaiah hian a hma a an sawi tak ang khan an budget hi Govt. of India-in a tih danah khan 6% of State budget kha Higher & Technical Education-ah khan dah tur ani e, tih anih laiin tunah hian anni hianin 0.22% a hi an chan ani chauh mai a, hei hi a tlem hle mai a, department pawimawh tak a ni si a, engtin emaw hei aia tam deuh hi a dah theih lawm ni tih hi ka rilru ah a awm a, nichinah khan kan sawi tawh a, Mizoram Scholarship Board hi a hranpa a Directorate a dah anih si chuan tuna an Secretary hi Director level a dah anih bawk si khan an mahni department a seniority a 87-na han dah daih maia kha thil dik a ni love, khatiang lo deuh khan a kal theih lawm ni ? Recruitment Rules te pawh a siam theih lawm ni ? tih te pawh kha ngaihdan kha a awm a, an department officer chhungah khan rilru in tih natna a awm ve thei tlat a ni, pakhatna atanga 87 na kha chu fel tak pawh nisela, a felna ringawt khanin Department thatna turin kawngro a su bik lo tih kha kan hriat atan a tha a. Tin, lekhatiam awmkhawm na a ni a, tute pawh dah ta se an thiam vek ang hetiang mai mai te hi chu Ph.D level tam atak an awm ani. Chuvang chuan kha kha lo en leh atan a tha in ka hria a ni.

Tin, Pu Speaker, Overseas scholarship-te pawh kha kum 2010 ah khan dan lo ang deuh hlek khan an han pe a, Government of India atang khan tlem khakna an dawng ta emawni, hei tunah hian kan state budget-ah hian a lang ta reng reng lo mai a. An manifesto-ah khan a lang bawk si, tunthlenga mahni State budgetah pawh lang theilo hi a va felfai lo deuh ve tih kha ka rilruah a awm a. Pu Speaker minute khat chauh i phal em? (Speaker: awle minute khat chauh chu) Ka lawm e, thil pakhat chauh kan sawi leh duh chu nichinah khan kan sawi chhuak tawhnaa State Project Director, SSA khanin February 23, 2012-ah khan post 270 atan khan advertisement, New Primary School Teacher atante, new Upper Primary School Teacher atante, Social Studies Teacher atante, Diet Teacher leh Health and Physical Instructor atan te khanin advertisement a siam a, chu chu 3.3.2012 ah khan corrigendum a siam a. A siamna chhan chu Diet a training kha a tirah chuan an ti compulsory a, mahse corrigendum an siamnaah khan an ti compulsory ta lova preferable ti hlirin an dah ta a. Khami based khan unqualified person kha an la ta teuh mai a. Qualified person hi mi 120 emaw vel chauh an la a, an lak zawng zawng hi zirtirtu 268 vel an ni a, 270 advertise lai khan. Science Teacher kha chu Diet Training kha a compulsory lo a. Hei hi RR a kan en khan

RR hi 203 a an siam kha a ni a an Gazzetted tawh bawk si a. Hemi hi siam remna a la awm bawk si lova. Chuvangin Diet a training lo kha an la ta teuh mai a. Dan lo anga zirtirtu lak hianin Department chhungah nasa takin thatlohna a thlen ang tih kha ka ring a, helai hi a siamthat leh theih lawmni tih vawiinah hian ka rawn sawi a ni e, Pu Speaker, hun min pek belh avangin ka lawm e.

Pu T.T. ZOTHANSANGA : Pu Speaker ka lawm e. Demand No. 19 na ah kan tan ang a, unstarred question no.17-na July 20-ah khanin Housing Loan chungchang kha ka zawt a. Hei tlem han sawi tel ka duh a, 2011-2012 chhung khan nuai 800 a ni a. Chuta tang chuan mi 808 hnenah Loan pek ani a. Champhai lam hi kan che chhe ang reng khawp mai a, helai hi han sawi chian deuh hlek ka duh a. Aizawl bial 40 tan hian 347 a ni a, bialkhatah 24.7 ang an ni. Lunglei bial 7 tan 147 a ni a, bialkhatin 21 chang ang an ni. Champhaiah bial 5 tan 48 ani a, bialkhatin 10 kan chang pha lo a ni. Chutiang chuan helaiah Constituency bial 3 nei tlukloh kan nei teuh mai a, Champhai bial hian. Hei hi kan sawi duh chhan chu khilamah In mamawh kan tam ve tho si a, a lehpekah chuan rual deuh hlek rawhse kan ti, tam bik pawh kan tumlo. Amaherawhchu, fair sela, rual deuh sela. A constituency ang hian han sem dawn sela 20 theuha chang thei tur kan nih laiin 9 chauh kan chang thei a khilam chuan, paw ka ti a, a lehpekah hei budget chu a hniam tawh tho nain kan tih leh hunah khanin a fair distribution awm thei hram sela tih kha kan sawi lang a ni.

Tin, Pu Speaker hei Law and Judicial Department-ah hian sawi duh ka nei a. Champhaiah khian tlemlai deuh atang khan High Court lam atanga thu hmuhna angina a site selection leh engemaw velah hma an lo la a, kan hriatpui tehchiam lo a ni. Tichuan, ram duhawm lo tak, tereuhte kha nuai 15 in an lo lei a. Han chulmam chi leh engemaw han englo chi a ni si lova, a ruka ral ang deuh hleka thil ti ang riau in kan hria a. Chuvang chuan khilaiah kan ti leh dawn a nih chuan a MLA bialtute pawhin ram zawn chungchangah nasa takin kan pui thei ang tih ka ring a, min rawn hriatpui se ka duh a. Hei Lunglei lamah sawn tha deuh mai an nei a, ram lei tur te pawh ka va fang vek tawh a, a zau tha khawp mai a, khatiang kha Champhaiah pawh awmve turah kan ngai a. Hetah Official a, anmahni capacity a lo han chho a, NGO tute emaw han be mai lovin keimahni hian engemawchen chu kan lo pui thei ang tih ka ring a. Kha kha min lo hriatpui thei ula ka duh bawk a.

Tin, Pu Speaker, Demand No. 34- na, Vety. chungchangah khan Champhaiah khian Aizawla MULCO kan neih hian CHAMUL kan din ve a. Hei tunhma khan Lungleiah sawn an lo chhiatpui tawh a, Champhai ami khi siamthat theih hun vanglai tak a ni. Doctor kan tlachham khawp mai a. Helai karah hian kan Vety, Minister pawhin min lo hriatpui se kan duh a. Tin, Champhai khi Vety lam sector thlang kan tam a, NLUP-ah. Doctor kan indaih lo lutuk a ni. Chu chu min lo hriatpui se, an indaih loh lutuk avang khian a ran damlo enpui ngai bawk, sem ngai bawk, an buai khawp mai a. Channel lam lo buai bawk nen an indaih lo zia kha min lo hriatpui se k'an duh bawk a ni.

Tin, Education chungchangah khan hei kan hotute hi kan en thin a, an thaw hi a sa ngun khawp hian ka ring a. Mizoram hi pawl hrang tam tak awmna ram a ni a. Hei ka'n ziak chhin a, Primary, Middle, High School, Higher, College private School thlengin Association hi kan tam khawp mai a ni. Tin, trained teacher te, untrain te, Graduate te, under Graduate te, Contract Teacher te, Operation Blackboard teacher tih te, Education Volunteers a average zawnga zirlai pawl, Constituency a zira lo ti e, Tin, a State pum huapin MSU te, MZP-te Education lamah hianin hlawh la ho hi an inzawmkhawm hnem lutuk a, hei hi an interest a hi ka'n ngaihtuah ka'n ngaihtuah a,

pressure group ang hian pawl hi chu siam ngai a ni a, Aims & Objective neiin, phai lamah te chuanin pawl mumal tak sumdawna leh cooperative society angte hian an lo ti thin a. Anni hi ka'n ngaihtuah ka'n ngaihtuah a, Aims & Objective leh khatiang ang kha an neih ka ring vak lova, an interest a hniam deuh bik vanga khatiang a inhawrkhawm ringawt mai ang kha an ni em aw! tih kan ngaihtuah a. Hei hi kan ram tan hian a tha lo awm mang e aw! tih kan ngaihtuah a, sorkara anrawn hnaih lai a piang hi an hlauhawm ringawt mai a ni. Chu chu kan Parliamentary leh kan Minister-te tan a luhai thlak khawpin ka ring a.

A dik tak chuan kan Education Department-ah hian kan hotute hian tan lak hi an tum khawp mai, Education Reforms te an han ti a, an theihna angah, an capacity a hma an lakna hi an fakawm thlawt a ni. Amaherawhchu, Zoram hi a kalsual ve laklawh tawh a, insawipui hnam kan ni si a. Kan insawipui kan insawipui a, a dik tak chuan tuna zirtirtu kan han neih chi ang pawh hi han enchiang ila, Mizorama school zawng zawngah hian han semdarh ila, tukina chanchinbua a rawn tarlan angte hian School tinah hian zirtirtu chu pali ang theuh chuan kan awm thei a ni. Aizawlah hian kan awm deuh tlurh mai a. kan thahnem angreng a, Motor tawng namnung thei khawp hi hmun tinah hian kan awm ringawt mai a ni. Hei hi a tha lo khawp mai a, thingtlang mi te khilalah kan reh vung vung a.

Hei kei chu a hminga MLA ka'n nih chhoh ve khanin ka bial chhung khi hlamchhiah bial a lo ni bawka, MLA fund atangin mi 18 chu ka ruai nghal tawp mai a ni. Tichuan, SSA atang te leh atul ang lam atangte leh Education volunteers atangte khan min han chhawk a, ti hian kan thlak kan thlak a, a tul ang chen chu kan thlak a, that khat chuan kan han tha tawh a. Amaherawhchu, chutih lai karah kan hriatpui lem loh hian an insawn leh pheuh pheuh a, an til leh teuh tawh mai a, a hrisel lo ka ti a. Nichina ka hmaa mite an sawi ang khan khilaha zawm duh dik tak mai khan rawn zawm sela emaw, a khua ami dik tak te kha dah ni ta se chuan heti khawp hian thingtlang mite hi Education chungchangah hian kan authawm hi a ring lovang tih ka ring a. Kan insawi sak kan insawi sak zela tikhan an sawn lo thei silova, hotute pressure a na a, khatiang chi kha, Zoram kalphung hi a tha lo laklawh a, chuvangin Education Reforms Commission te pawh hi han ti ila, nakinah keimahnin hmai hma set a kan dil te hi a dik chuan si loh chuan kan hotute hi kan dem a rem lovang tih kha kan sawi duh a.

Tin, Competition-in, Interview system in kan han ti a, advertisement te in, hei hi fair tak kan tih pawh hi a fair tawh loin ka hria. A then chu Delhi te, Shillong-ah te, hmun hrang hrangah lehkha thiam chungchuang takin an zir a, an hawng a, thingtlanga B.A. pass tawng tawng te, plus two pass ngawr ngawr te kan han compete ta mai a ni a, fair tak nisi khan fair lo riau kha an awm tawh a ni. Chuvang chuan thingtlang mi te tan hian sorkar hnaa zuan luh hi a harsa tawh lutuk a, tihngaihna a awm lo, Aizawl mi, nula leh tlangval, hetah Delhi lama Matric leh a hnuai lam atanga zir tawh tenena han in-competite tak tak hi chuanin thingtlang hote hi kan survive dawn lo reng reng. Helalah hianin ngaihdan enge maw thiam deuh te pawh a ngaiin ka ringa. Thingtlang mite kan khawngaih thlak kawp mai, tunah hian, a party in a lo duhsak hleihtheih pawh a lo ni tawh si lova. Tin, induhsak dawn pawhni ila a lo tha ber lem si lova. Khatiang karah khan kan hotuten principle neiin a thiam thiam kan thlang ang an ti bawka si a. Kha kha kan rilruah lo awm sela. Mizoram pum huap a kan competition thinah hian Aizawl mite i la ang u tih na deuh tho ah kan ngai tawh ani, Zokhua atang chuan.

Hei hmanni a unstarred question a arawn lannaah khanin Champhai venglai kha Higher tur ang deuh hlek khan a rawn lang a. Kha kha kan Education Minister zahawm tak hian min rawn sawi chian sak sela ka duh a. Hei waviin ni hi sawi tur a tam khawp mai a,

kan zirtirtute chung chang mawlh mai hi kan sawi leh ang a, Pu Speaker, sawi tur dang chu a tam viau na in. An mawhphurhna pawimawh zia hi kan hriat nawn fo a tulin ka hria. He kan ram a lo dinchhuahna turah te leh kan kal zelna turah te, tuna kan hun hman chhoh zel turah hian kan fate rilru duangtu an ni a. Kan fate hian kawng dik an zawh dawn nge dawnlo tih hi chu tuna zirtirtu kan neih atangte hian kan hre chho dawn ani. Chuvang chuan kan zirtirtute pawh hian in ngaihtuahna vawi khat dang, second thought han nei leh sela. Enge zirtirtu an nih chhan, he ram tan hian enge an tih theih ? Hemi an hlawh sang ringawt hetiang emaw ringawt buaipui lo hian hma tha takin an la thei ani. Zoram nuam siam tur hian an koah a innghat liau liau ani tih hi kan sawi duh a.

Hei kum 2003 te, kum 2008 te kan en chuan inthlan dawnah kan zirtirtu te sorkarin a vuak ngai khawp hi an awm ziah ani. Inthlan dawn Syndrome ka ti mai a. Inthlan dawn apiang hian harsatna hi a awm tup tup mai ani. Hei hi a hrisello ka ti a. Kan fate pawh tunah a dik chiah chuan keimahni zirtirtu lak na hnuaiiah hian zirtir turin sikul kan kal tir ngam tawhlo deuh thaw chu ani si a. Chuvang chuanin kan zirtirtu te hianin hei hi ka rawngbawlna tura Pathianin min dahna hmun ani. Helai hmun hi ka ram leh hnam ka hmangaihna hmun ani ti a, theihtawp kan chhuah a, a zirtirna lamah hian kan tan lehzual turin zirtirtute hi ka ngen duh ani. Chu chu hmun dangah chuan zirtirtute an nawrh hian an education system tichhe miahlovin badge dumte an bel a, engemaw sorkar a an lungawi lohna lantirna an tilang thin a. Keini ramah erawh chuan sikul chawlh zawngte, strike zawngte, engemaw picketing zawngin an ti thin a, hetiang hi a changkanglo ani, kan hmasawna kawng thui takah hian, kan fate kan buatsaihna turah hian kan zirtirtute hian ngaihtuahna thar nei sela, rilru thar puin kan fate hi han enkawl leh hram sela aw tih hi ka ngaihdan ani a. Tichuan kan demand hi ka rawn support e. Ka lawm e.

S P E A K E R : Le, a lawmawm e. Tunah tunge sawi leh dawn kan windup tir tawh mai dawn em ni ? Pu Chawngtinthanga a phar a, a dawtah Pu Lalduhoman a sawi ang . Tunah Pu Chawngtinthanga.

Pu CHAWNGTINTHANGA : Pu Speaker ka lawm e. Sawi loh tum kan ni deuh na a, engemaw kam hnih khat han sawi duh riau ka neih avangin ka lo dingchhuak ani a. A hmasa in Social Welfare Department, Demand 29-na kha. Hei hi Department ropui leh pawimawh tak ani a, tunhmate phei kha chuan Department hriat lar loh, naupang leh tar buaipui laih laih Department-ah khan kan hmu deuh mai thin niin ka hria. Amaherawhchu, Minister viak tha leh chak tak, a ngaihna hria in min han kaihhruai hnu chuan anihna angina alo par chhuak a. Education Department nen hian inhnai takin kan kal rial rial ani tih te a lo lang a. Tin, chubakan Juvenile Justice Care and Protection tihah te, Remand Home organized chungchangah te, Law & Judicial nen hian inhnai tein an kal a, Chuvang chuan he Department hi pian tirh atanga tar kun thlenga mihring khawsa chhote min umzuitu anih avangin Department dang zawng zawng tan pawh hian a pawimawh em em a. Tunah hian Forest Department pawh hi an tanpui a, Forest Village Development Scheme-ah pawh, Social Welfare Department atang ngei hian tanpuina Forest Department-in an sual chhuah sak ani tih kha kan hmu a. Tin, Education Department-in kan tihphak loh Hostel te, School-te pawh a tulah chuan min sak sak a, tunah hian an cover chho mek a. Heng zawng zawngah hian kan lawm em em a, kan Minster hnenah hian lawmthu ka sawi duh a. Tin, Fund pawh hi a pung tha a, theih tawpin hma la chho zel se ka duh a. Tin, kan hriat tur a chu Central atangin dan thar alo kal zel a, Zoramah hian Pre-Primary School hi nei leh ila tihna hi a lian em em ani. Keini a hruaitu te pawh hian a tha mai awm mang e tih ngaihtuahna kan nei a. Amaherawhchu, Central sorkarin a rawn duh danah chuan Primay School hma lampang, Informal Education hi chu State Sorkarin tul a tih angin a enkawl ang tih a ni a. A Nodal

Department atan Informal Education-ah hi chuan Social Welfare Department hi a awm tlat mai a ni. Anganwadi, tuna kan neih mek ahi. Chuvangin, Anganwadi ah hian nasa taka tan kan lak chhoh a, Primary School lut tlaka naupang kan buatsaih chhoh hi a pawimawh em em a. Social Welfare Minister leh Officer te ka han chah duh nghe nghe a ni.

Tin, Demand No. 19-na Local Administration hi ka han bih chiang a, ka rilru a su dawt a. Local Administration Department hi Thingtlang lampang min enkawltu bik ni-a kan ngaih avangin, Thingtlang mi chuan kan Department kan ti a. Step leh kawngte min siamsak thin kha tun tumah hian a awm thei dawn lo a nih chuan a va pawl tak dawn em kan ti a. Loan an pek thin chungchangah pawh hian pawisa hi a tlahniam nasa khawp mai a. Ka han enchiang a, work programme-ah te pawh hian LIC Housing tih te chu a'n awm ve a. Mahse, major head 2217 Urban Development head-ah hian minor works te, Parks & Recreation te leh Footpath tih te, Public utilities, Office buildings leh Beautification of parks tih te hi a awm thlauh mai a. Urban Fund kha Rural atan min hmansak theih loh chuan a va manganthlak dawn ve tih kha ka ngaihtuah a. Chuvangin, kan Minister chaktak hian he Budget sawirem a, thingtlang khua ten kan chhawr zel theih nan rawn siam rem thei se ka duh em em a. Ka han ngen bawk a. Tin, khatia thingtlang mamawhna kha hriain RE-ah chuan sawirem ngei ni se tih pawh ka duh bawk a ni.

Tin, Demand No. 34-na Animal Husbandry hi han sawi zawk ka duh a. NLUP Programme, Nodal Department a nih avangin a pung nasa a, a lawmawm a. Zoramah hian a thawh pawh hi an thawk tha a ni. Kan bawngnhute te pawh keimahniin kan inchawm chho mek a. Hengte hi an kutkawihah engemaw chen chu kan ngai lo thei lova. Amaherawhchu, tuna NLUP bawng chungchanga vanduinana kan tawh hi sawi a hlawh lutuk deuhhleik a. Tu te nge vanduai ti-a kan sawi chuan a dawngtute an vanduai a, a Department a hnathawktute an vanduai a, A Department Minister pawh a vanduai a, he Sorkar pawh hi a vanduai a ni. Thil tha tih kan tumna kawngah kan tum loh leh kan beisei reng reng lohin min rawn tlakbuak avangin vanduinana kan tawk a ni tih hi kan hriattlan a ngai em em in ka hria a. A dik emaw chu ka hre lova, mi thenkhat pheih chuan he vanduinana, Department leh Sorkar in a tawh mekah hian a diriam zawng lek lekin political chance an zawng emaw tih mai tura ngaihthlak theihin an sawi thin a. Engtingge kan Bible ah khan a sawi kha 'mi a vanduinana-a diriamtu chu anchhe dawngin a awm ang' tih kha a awm tlatin ka hria. Malsawm a awm hi kan duh a, chuvang chuan, Pathian thu nena inrem zawng pawh hian kal i tum teh ang u a. Zoram Kristian rama hruaitute kan nih hi maw le, mipui hruai turin min thlangchhuak si a tih kha ka rawn sawi leh duh bawk a ni.

Tin, a dawt lehah chuan tihian ka'n skip ang a, a vaiin ka cover zo dawnin ka hre lova. Higher & Technical Education-ah khan thil tam tak ka sawi lovang a. Kan Chief Minister zahawm tak leh kan Minister hian theihtawpin kan ramah hian thil tha pawh luh tumin an bei a. Education tha kan kawtkaiyah kan naupangte, kan tu leh fa te tana siam ve hi tumin an bei fat fat a ni. Chumi kawngah chuan a ram ina kan thawhchhuah sum in a daih si lova. Central sorkar atanga pawhchhuah theih ang angte an pawtchhuak zel ani tih hi Amaherawhchu, NIT chungchangah nichina kan member zahawm tak ten an sawi angin kan Chief Minister zahawm tak bial Thenzawl leh a chhehvel mipuite hi Chief minister leh Education Minister lakah an rilru a na a, an vui em em mai niin ka dawng a, ka dawng sual emaw ka hre lova. Dik tak chuan a tirte atang khan he thu hi a hre pha ve ka ni a. Central a Human Resources Development hian nasa takin min nawr a. A rang thei ang berin a hmun in neih loh pawhin Rented House-ah tal inti ngei ngei tur ani an ti a. Thil tha hi chan kan duh si lova, kan hnar phal si lova, Rented House-ah kan han tih tir a. A hmun tur atan pawh hian Mizorama laili lai ber Thenzawlah hian awm thei se kan duh ngawih ngawih, kan Chief

Minister hian a duh ngawih ngawih a, kan Education Minister pawh hian a duh ngawih ngawih a, chutiang tur chuan theih tawpin hma an la a ni. Kan Chief Minister leh Education Minister pawh Thenzawl thlengin leh a hmun tur enin keimah ngei hian ka va zui tawh nghe nghe a. Amaherawhchu, tlai khaw hnuah khulai Airport hnaiah khuan a thlawn a hmun nei thei tur anga an rawn sawi tak avangin (keimahni hnenah pawh direct a sawi lem lovin Human Resources Development hotute lokal hnenah te khan an lo sawi a, kan hriat lem lohin an lo pawt peng ni awm tak a ni.) Human Resources Development, Govt. of India in an duh dan chuan khulai Airport atanga hnaiteah khuan awm se an duh tlat si a, an tang tlat si a. Keini kan han tan ve theihna compensation hi a awm palh ang tih pawh kha awmlo turin an ti si a. Revenue Dept., thleng pawh in free land awm thei a an rawn tih avang leh a zau zawngah pawh khan kan duh tawh min pe thei lovang a kan tih kha, kan duh tawh min pe thei tur anga an in sawi zel avangin rilru na takin, awkai takin kan Chief Minister leh Education Minister hian an ngawihsan ta a ni. 'Nangnin in rin ang hian Lalpa hi a muang lo, nangmahni a duhsakna che u avangin muang angina a lang a ni zawk' tih ang deuh khan Zoram tana thil tha pawhchhuah a ngai si a. Chuvang chuan loh theih lohin hei hi an pawm ta a ni mai zawk e. Chuvangin, Thenzawl mipui leh a chhehvel mipuite rilru nat hma khan kan Chief Minister te, kan Education Minister te an rilru a lo na ngawih ngawih a ni, Zoram tana thil tha an pawhchhuahna tur kawngah hawisan a rem si lo. Thenzawl tan te leh hmundang tan pawh hian tunah thil tha leh hlu pawhchhuah tumin an dap zel ani tih hi kan sawiduh a ni e. Khang tawi te sawi khan heng demand hi ka support e, ka lawm e.

S P E A K E R : A lawmawm e. Ni e, a thudik tak chu keimahni chhulchhuak anih loh avang hian Aizawl khawpui hnaiah an fate education tur te leh damdawi lam facility te, facility engkim hi an duh thin avang hian khing Selesih-ah te pawh khian Central University kha an ngat hram hram a. Chutiang chuanin khawpui hnaiah hi an duh hram hram thin a. Amaherawhchu, kan ramah te pawh khing Chhingchhip-ah te pawh High School tha deuh mai, result tha deuh mai te/rawn chhuah thin te pawh kan nei thei tho a nia. Chuvang chuan kan beidawng mai tur a ni lo, kan ramah khawi hmunah pawh Institution tha tak hi a piang thei ani tih hi kan rilruah nghet se. Aizawl bul chauh a awm kan tum a, Aizawl-ah hostel hmun pawh awm lo, naupang intlarna pawh awm loah sikul kan din zel ringawt a, atmosphere engmah awm lo. Heng angte hi chu kan la sim ve mai ang kum 50 vel alo ral hunah chuan. London University ai chuan Oxford University te, Cambridge Universit- te a lar zawk daih, New-York University aiin Yale University chu a lar zawk daih, tunah Pu Lalduhoma.

Pu LALDUHOMA : Pu Speaker, Education Department atang hian ka han tan ang a. A Department hi kan ram a department hlun ber pawl zinga mi a niin thawktu te an tam a, association a pui pawh an tam a. A chang chuan harsatna te an tawh thin a, chungah chuan an welfare te kan thlir a ngai thin a. Heng association hrang hrangte hi a hminga hruaitute hian a hmusit zawng a kan sawi hi a dikan ka ring lova. Harsatna an nei anih chuan a ngaithlatu tur kan nih ka ring. Ka bial chhungah harsatna eng eng emaw kan nei ve a, chu chu ka han sawi ve duh a. Sairang Primary School-I ah hian zirtirtu kan nei tlem rei tawh hle a, nu leh pa ten sum thawkhawmin kum 5 chhung zirtirtu pakhat an ruai tawh a. Minister zahawm tak hian kan harsatna hi min han hriatpui thei se ka duh hle a.

Tin, zirtirtu transfer hi tu hnenah mah ka ziah sak ve ngai lova, mi pakhat erawhchu tunhnaiah hian ka ziah sak ve a, chu chu harsatna, damlohna avang a ni a. Amah hi hmeichhia a ni a, vawihnih lai chikawngah nau a pai tawh a, an zai a, hmunpuiah refer mek a ni a, natna dang tam takin a tlakbuak a. Kan Education Minister zahawmtak pawh hian a harsatna hriain amah hi Sairang a awm anih avangin Sairang High School a sawn turin a lo

ziah sak tawh a, kan Parliamentary Secretary zahawm tak pawhin a lo ziah sak tawh a. Chumi dungzui chuan kei pawhin Director hnenah ka ziah sak tawh a. Tin, Sairang High School atang khuan zirtirtu pahnih min sawn sak bawk si a, pakhat na na na chu min dahsak ve beiseiin ka han ziah sak ve a, tunthleng hian a result kan la hre lova. Hei hi a mimal thil hle na in humanitarian ground te pawh tlingin ka hria a, ka han sawi chhuak a, kan Minister hian min hriat sak se ka duh hle a ni.

Tin, hmanni lawk khan Zonuamah YMA-in Silver Jubilee an hmang a, chhun lamah kan Chief Minister zahawmtak hi khuallian a ni a, kei zan lamah ka ni thung a. Chuta kan Chief Minister-in thu a sawina hmun Primary School-II compound-ah ngei chuan Indoor Stadium tha tak siam turin Education Minister hnenah natakin ka lo recommend ange a ti a. Chief Minister-in nataka a recommend kha chu tlang turah kan ngai a, kut beng ri a ring hle mai a. Khu khu kan mamawh nasa mai a, a hmunhma-in a zir bawk a, khumi compound-ah khuan Indoor Stadium min dah sak theih chuan kan lawm hle a nga, kan Chief Minister-in min tawngkamkeu-na hi hlawhtling se kan duh hle a ni.

Tin, Mission School te revise pay vawin thlenga an la lak theih loh chungchang kha sawirik a ni tawh a. Hei hi ngai pawimawhin ka han sawi nawn veleh duh a. Tin, an sawi tawh hnu group 'C' recruitment rules kan en chuan Diet a training chhuak te an ni tur a ni tih a ni a. Hei hi SSA te leh RMS-ah te hian a applicable ve nge ve lo tih kha ka hre lem lova. Engpawh nise Diet a training chhuak tawh te a chuang zawkah an tan a, training ve lo zirtirtu a kan la zel anih chuan, kan institution pawimawh tak, hautak tak Diet hian pawimawhna a nei tlem hle dawn a ni. Chuvangin he Diet hrim hrim hi pawimawh a kan chei that leh hi a tulin ka hria a. Hemi chungchang hi min han khawih sak bawk se ka duh a.

Tin, VRS chungchang hi sawi loh theih loh a ni a, zirtirtu 193 lai kha kum 2010-ah retired tir an lo ni a. An retired zohlawl a, Central sawrkarin an qualification an rawn condone a ni tih thu a lo thleng leh si a, qualified a pawm an lo nih leh tak avang khan retired aia thawh zawm leh duh te pawh an lo awm a, an dil a, mahse tumah ngaihtlak sak an ni ta chuang lem lova. Chutiang chung chuan ERC te, working group te leh task force din chhoh zel te khan full salary leh full pension pek nise an ti chho vek a ni. Education Department pawh hian pawmpuiin Finance Department-ah hei hi an thlen a. Finance hian, he sum hi ADB atanga finance tur a ni a, hei hi full pension leh full salary in pe dawn a nih chuan a funding source dang a awm a ngai ang, an lo tih avangin harsatna an tawk ta niin a lang a. Kan Minister zahawm tak hian, kan sum dinhmun a zia deuh huna ngaihtuah ni rawh se, tiin note sheet-ah a lo zia ta a, tun hi kan thleng ta a ni. Kuminah hian Education Deptt. Budget a pung nasa hle tih kan hria a. Kan zia-awm ta deuh bawk a. Anni hi, an beisei ang ngein, an Right-te pawh niin a lang a, department pawhin a duh pui niin a lang a, tih hlawhtlin sak ni se tha hlein ka hria a, kha kha ka han sawi duh a.

Tin, Social Welfare-ah hian ka han kai ang a. Kan Minister zahawm tak hi dawr a nuam kan ti a. Kan bial chhungah pawh khu, balu la a ei zawngte kan tam a, Aizawl khawpui thlengin an zar kan zo a. Chung balu lakna tur kawngte a hnen atangin engemaw zat min theh chhuah a, a chungah hian kan lawm hle a ni, tih ka han sawi duh bawk a.

Tin, nikum leh kum hmasaah te kan NGO hnena Grant-in-aid kan sem dan hi a list ka han en a. Nikumah khan nuai 100 a awm a, thil dang danga pawh pen a nih hnu khan nuai 45 kha heng ho hnena lut tak chu a ni ta a. kuminah hian a pumpui-ah nuai 50 chauh dah a ni ta a, dekchi lei nan tih vela a han kal ral leh kha chuanin, NGO-te puihna tur tak hi chu a tlem hle-in ka ring a. Hei hi pawi ka ti a. Kan NGO-ho rau rau zingah hian, mawilo lamah

ngaih nilo sela, TNT, Zuangtui a mi Pu Sangthankima-te ang chite leh Bethel Tawngtai Camping Centre Chawnpui a mi angte hi, midangin lo haw lo sela, Pathian pawh hian a pawmpui leh zual deuh niin ka hria a, Social Welfare Department ni zawk awm takte pawh niin ka hria a. Spiritual Welfare thlengin an khawih a ni, kan hre theuh ang a. Nikumah khan hengte hian cheng khat mah an dawng lo a, a phu berte zinga mi niin an lang si a. International Level pawha Award hmu phak, Mother Teresa-te tluk dawn laia ka ngaihte an ni, Pu Speaker, heng mi te hi. Chuvang chuan hei hi lo hre tawh se, tih kha ka han sawi lang duh a.

Tin, tu chan nge ni ber ang aw, ka hre lova. Kan ramah hian mipa kan nep sawt ta lutuk a. Dawrkai han en ila hmeichhia deuh hlir, bazaarah ni se, hmeichhia deuh hlir an ni a, sate lah an sat chawrh chawrh tawh mai bawk a. Sorkar hna nise, hmeichhia hian an hmu duh em em bawk a. Tin, sikul naupang exam result en ila hmeichhia deuh hlir Topper an ni chho a. Mipa hi kan tlawm ta deuh lutuk a ni; kan tan ngaiin ka hria. Hei hi Social Welfare Deptt. chante pawh a ni ve thei dawn law maw ni le? Nge, Education Deptt. lam? Ka Chiang lova, hei hi kan Social problem tling dawn in ka hria. Mipate hian kan role kan play pha ta lo lutuk, kan thaibawih zo mai dawn heti chuanin. Chuvang chuan he lam kawngah hian sorkar hian rilru pu se thain ka hria a.

LAD-ah hian ka han kai leh ang a. Tuivamit-a High Mast min dah sak tur hi, 'dah sak tur' tih ringawt mai hian hun hi a rei ta lutuk a. A phunna tur hmunte pawh kan ruat thlap a ni a; a rei ta mah mah. Hei aia chak zawk hian min tihpuitlin sak se ka duh a.

Tin, Chawlhmunah khuan Basketball Court thar tha deuh mai kan nei a. Kumin Basketball Competitionah khan Chawlhmun Club-in Final kan thleng ve a, pahnihna kan ni phak ve a, kan lawm hle a. A court hi a tha kan nei lova. Khung kan chheh vel, kan bial amite reng reng pawh veng hla tak takah inkhel turin an kal thin a. Chawlhmunah a lo awm ta khu, khulai area a mi zawng zawngte kan lawm a ni. Khu khu tunah khuan a puitling tep tawh a. Centre pawimawhah kan la nei chho dawn a. Inkhelna hmunpui, Competition siamnate pawh a nih ka ring a. chumi atan chuan Sport Light kan mamawh hle dawn a, kan LAD Minister hi ka han dil a ni. Sport Light hi minrawn ngaih pawimawh sak turin ka ngen nghal a ni.

Tin, Pu Speaker, Housing Loan hi, hei hi corruption kan inzirtirna a tling tawhin ka hria a, tih fo tlak emaw ni dawn, ka ti hial a ni. Kei chu. Kan minister pawn a hriat ka ring, tunah Housing Loan hmu thar te pawh hianin LSC lem singhni velin an lei thluah thluah a, rulh hi an tumlo reng renga, a mamawh tak tak chu an awm, tam takin an rul dawn lo reng reng, rulh tum lo sa in LSC lem hi siamthiam an awm a, an zuara, an leia, hetiang hrim hrim hi chu a policy matter hi ngaihtuah that ngai niin ka hria a, mi dik tak te kan hrek tel dawn chu a ni tak nain, ti em em a, corruption open tak maia akal hi department hian a hrelo miahin ka ringlo a, ngaihtuah zui a thain ka hria a ni.

Tin, Vety-ah hian kan sawi leh sawi hnu, kan bawng natna hi vawiin niah hian Pu Speaker kan Minister zahawmtak hian, chhiatna dang kan tawha kan Minister concern-ten, tuma phut ngailoin heta statement an sawi ang hian a la sawi miah lo hi mak ka ti, disaster chi khat a ni ve a ni. A bawng thi zat leh damlo zat pawh hi kan hriat hi an hlau zawk emaw ni ka ti a. Cuba hotupa Fidel Castro damlo an zep deuh tlat ang te, North Korea Lalpa Kima damlo an zep deuh tlat ang te niin ka hria a, communist ho chin dan a nia hei hi, thalo deuh ania. Doctor te pawh hian an sawitha ngamlo deuh ni te hian ka hre tawh a, hei hi a diklo, kan attitude hi, chuvangin tissue biopsy te pawh laka, a chhak lawkah college kan nei reng a,

professor an awm renga, eng natna nge? Tunah hian FMD ngawt hi a nilo thei a ni, a natna hi. A tul a nih chuan phailamah kalpui rawh se, tuna a na mek pawh hi an in recover thei miah lo a ni. Chutiang chu a ni a, mimal bawng hi ka hriat danah chuan 76 a thi tawh a, ka bialah pawh 6 a thi tawh a ni. Chutiang chu a nih avangin heng te hi chu chiangtakin House hi min hrilh sela, kan phut leh kan sawi kan sawi ngailo hian, hetah hian statement min pe tawh tur a ni. Tin, tunah hian bawng la rawn thleng miahlo, tamtak 112 an hmel kan la hmuh miahloh kan ram leilung la rawn dek miahlo bawng 900 an lei tur zinga mi kha ala awm a, chu pawh chu aman za a sawmkua an pe vek tawh a ni. Khawiah emaw an la tla mai mai si a, ti em em a bawng supply-tute chungka kan ngilnei hi a mak ka ti, miten an bill tang an buaipui tehreng nen, an ni chu atang hmanlo pawh ani lo a, atang hmanlo hmanlo a ni. A ni lutuk lo hetiang te hi chu, chuvangchuan an ngilneih lutuk na hian awm a tinuam lo deuh lek lekin ka hria.

Tin, Sericulture-ah hian, khu Rangvamualah a hmunpui kan nei ve a, approach road khu englai mahin a tha ngailo a, khu khu cheng tam man pawh a nilo a, a thawktute khuan thahnem an ngai em em a, mi pawhin an chhawr a, hei hi min siamthat sak selang ka duh a. Tin, kan ramah hian MIRSAC in remote sensing hmangin mulberry chinna tur chin leh non-mulberry chinna tur chinte min endik sak tawh nite in ka hria a, hei hi kan par capita income te, kan GSDP te kan tih punna tura kawng pawimawh tak a nih avangin department pawimawh takah ngai ila, NLUP hnuaiyah pawh ti tha pawl an niin ka hria a, infrastructure component ah phei chuan a ti tha ber pawl an ni. Chuvangchuan ngawrh leh zuala hei hi rawn thawh chhoh a, tunah hian ram sq.km 9761 hi pangang vulh theihna kan nei niin alang a, chuvangchuan potential kan ngah a, theitawp rawn chhuah chhoh nise ka duh a.

A tawpna berah chuan Pu Speaker, DM & R hi a tawp kharnan kan hman anga, hei NREGS-ah hian chhiat rupna alo thlena, mahni hna thawk theilo a mipui kan buai hian NREGS hi hman theih tura siam alo ni ta a. Nikumah khan ka bial chu khaw eng emaw zat kar hnih chhung mahni hna thawk hman miah loin tuitla zawngin kan buai a ni. Buhfai quintal 10 ka leia mamawh zual kan zuk sem a, mahni hnathawk hmanlo NREGS hnuaiyah pawh inhlawh hmanlo khan khati chen kha khawtlang pumpui kha an buai ta a, chhuan an chham ta hlawm a ni. Khami kha tunah chuan NREGS hnuaiyah hian hlawh pek theih, inhlawh anga kaltir theih alo ni ta hi lawmawm ka ti a, amaherawhchu, kan V.C tam tak hian an la hre dawnlo a, hei hi mipuiyah puanzar theih nise ka duh a ni. Min ngaihtuah sak dawn niin ka hria a, lawmawm kan ti a, ka'n sawi nawn leh duh a.

A tawp hmawr bawk nan ka'n hman duh chu Martyr Family hi 2005-2009 ah khan chhungkua 2075 hnenah hian Rs. 15,000 theuh hi sorkar hian a lo pe tawh a. Tuna in register hi chhungkua 2,507 an ni a. Heng ho hi kan sorkar hmasa lakah khan an beidawng hle a, tunah chuan sorkar dinglai belin Bhavan chhakah office te pawh an nei a, an office luh man te pawh an harsa vak tawh lo ni awmin kan hria a, kan lawmpui. Amaherawhchu, khang chhawmdawl na la dawng ve lo ho kha pek an ni dawn em? An beisei hi tihhlawhtlin a ni dawn em? Tun sorkar lakah hian beiseina sang tak an nei a, term a ral tep tawh a, tihna hman erawh chu a la awm a. Heng mite hi an mamawh a genuine a nih chuan tihpuitlin sak a thain ka hria a, ka'n ngenpui bawka a ni e, ka lawm e.

S P E A K E R : Tunah tunge sawi leh ang? Dr. R. Lalthangliana. Ani hian a sawi leh ang a, a dawtah chuan Minister lam kan ko tawh dawn nia.

Dr. R. LALTHANGLIANA : Pu Speaker, ka lawm e. tawi tea sawi ka'n duh, Demand No. 30, DM & R-ah hian. Nimin piah lawk khan khulai Lengpui tuikhawthla bawr vel khu a chim leh e an tia. An hal niawm tak a ni a. Thil hlauhawm tak tak hi thleng tur hi a awm a

awm mai a, fimkhur a ngai khawp mai a. Tin, helaiah hian a sawi chi em, ka hre chiah lova, hetiang vanduaiana tawkte he House-a nimin maia kan ngaihthlakah te pawh khan kan pek dan phunga hi tlem chuan enfel deuh a tha awm amng e aw, ka ti deuhva. A then nuai khat, a then nuai khat leh singnga, khatiang bawr vel a kha, anni hi a petu an ni em, ka hre chiang chiah lova, an ni lo mai thei a. Engpawh ni se la, DM&R hnuaiah hian engemaw neuh neuh - singnih, singthum, singli, singnga, nuai thleng te pawha pek kha a awm niin ka hria a Subject Committee-ah te pawh khan. Kan Chairman ho khan kan han thlir a, rin aiin district hrang hrangah hian tih dan hi a inang lo nasa em em mai a. A thenah pheikha chuan a nuizathlak ang reng, cheng za emaw lek pek te kha a awm a, Pu Speaker. Hei hi enfel a thain ka ring a. A official te pawh kan Chairman hovin kan la sawipui chho zel turah kan ngai a.

Tin, ka'n sawi leh duh lawk chu, DC te district-ah an pawimawh khawp mai a hemi chungchangah hian. Helaiah a Directorate a lo awm a, khamite nen khan coordination hi an nei ngai mang lo niin a lang tlat mai a, a fello khawp mai a. Chuvang chuan, hei hi kan Minister pawhin min chhinchhiah sak se la. Coordination fel tak neia an kal loh chuan vuivaina thil tam tak a awm ang a, rual tlang lova thil sem a awm thei dawn a, ka'n tarlang lawk duh a ni.

Ka sawi vak lovang ka tia, silpouline chungchangah hian kam hnikkhat leka ka'n sawi duh chu silpouline te an tia, a thenin tarpouline te an ti bawk a. Kan government rate awmsa hi pakhat Rs. 717 a nih lai hian 'Hmingmawii Industry hian Rs. 770 hian a la supply reng mai a', tih hi a awm a. Hei hi engvanga sorkar rate awmsa hi palzut nge tih hi kan Minister-in min chhang se la a thain ka hria a. Tin, tunhnai June ni 28 kal ta maia quotation an chhuah khan thil mak deuh chu Pu Speaker, ISI mark certified product khatiang ang kha a ni tur a ni tih pawh kha a awm lem lo niawm tak a ni a. Kan uluk lo sawt deuh a ni tih kha kan Minister-in min hrilhfiah se tih kha ka'n tarlang duh a ni.

Demand No. 34, Bawng chungchangah hian ka la sawi ve miah lova. Ka veilama mi Pu Duha'n hmannah chipchiar takin a sawi tawh a, enquiry te lak tur niawm tak a ni a. Thil mak deuh chu, chanchinbuah te pawh khan a chhuak a, hmannah kan unstarred question chhannah a bikin Quality Dairy and Agro Sales te nena agreement kan han sign ni hi heta ka'n hmuh dan chuan ni 26 kumin April kha a ni a. Chutihlai chuan, hemi sign hma tarik 22 February thla hianin cheque 15 purchase order siamin issue niawm tak a ni a hei. Assembly-ah khan kan MLA zahawm takte zawhna chhannah khan a rawn lang a. 90% agreement sign hmaa cheque kan issue maia hi a fel lo angreng khawp mai a, a bawng thi leh thildanga chu kawng dang ni se la. Helai hi tunhnua chuan awm tawh lo se la tih kha a tha khawpin ka ring a, hreh tak chungin ka'n tarlang a ni.

Tin, tlem lai deuh khan kan MLA zahawm tak Pu B. Lalhelngliana, wawin kan zingah a awm lova damlohna avangin, amah pawh hian a han kawmin ka hria a. Khilayah thil mak deuh deuh a thleng a. An han tlawhna report-ah hianin, ka kal ve chiah lova, a mak khawp mai hei. NLUP bawng dawng chu koh lamah chuan duhthusam, a hnute a khawih sak turin patling pali panga inpunkhawm a ngai te an tia, a hnute an sawr sak chhun pawh ei tlak ani lote an tia, hmelma I neih chuan Jeep tawng tak pe rawh anti fiamthu ang vel kha kan ni, vawithum min kheng thal tawp tawp tawh, kawr kanpui dawn pawhin min kai khalh zung zung mai te an ti a. Tin hei bakah hian thil mak deuh chu Pu Lalanthanga Sihphir Vengthar, Biak in bul a miin NLUP bawng dawn chu a pum a zai hawng chhin a, a pumpuiah bucket khat dawn sarang inzial tup alo awm a, a hnute bu pawh an zai phel a, pan hnai hlir in alo khat tih te, engemaw kha a tam mai a, ka hmu ve chiah lova, kan MLA zahawm tak te han

kal in a, an kal na report a kha helaiiah hian a langa, engpawh nisela heng thil hi a deptt. pawn thleng se an duh tawh miah ka ring lova, hei hi kan fimkhur kha a pawimawh ani tih kha kan tarlang duh mai ani. Hetah law & Judicial-ah hian Pu Speaker, thil pakhat kan sawi duh lawk chu, nikum February thla khanin Mizoram Judicial Service post 32 ruak ni a advertise ani a, a last date of submission a kha 1.3.2011 ani a, written test kha July nikum ni 15,18, 19 khan neih vek tawh ani a, chuan August-ah result a chhuak a, interview hi October, 2011-ah mi 42 ten MPC in ko in an nei dawn a, mahse an neih dawn hma vawiin angah khan, cancel ani tih thu kha hriattir anni a. Tin, chu mai chu ni lovin post 5 tur atan tih ani leh si tih kha a ni a, an buai khawp mai a, hei vawiinni thleng hian chin fel lohin a awma a paw khawp in ka hria a, churang chuan hei hi kan Minister zahawm takin a dinhmun hi min hriattir thei sela a pawimawh hle in ka hria a ni. A dang leha chuan hei School Education lamah hian Pu Speaker han sawi leh duh ka neih chu kan budget allocation SCERT bik hi kan tarlang lawk duh a, nikum 2011-12 ah hian nuai 620 anih lain kumin 2012-13-ah hian nuai 498.34 chauh a ni, tahchuan nikum an phak loh na kha nuai 121.66 ani kan budget bu a a landan khan. Hei hi fello deuhin ka hre deuh a, a chhan chu hei kan Education Commission-in thil a rawn ruahman hnuah group of expert ten thil an comment leh recommendation te ka chhiar chhuak vek a, vawi hnih vawi thum kan en chhuak thin a, SCERT hian mawh hi a la nasa em em dawn mai a, tunhma a kan enkawl hun ai khan nasa takin an phur hi a rit a ni. Hnathawh tur tam tak an nei a, CCE Text book siam, ECCE activities, base learning ABL tih te, RTL in a phut angina tih tur tam tak te hi SCERT in an nei a ni, churang chuan an hna hi a hautak in ka hria a, kan thluak bawm Education-ah hi chuan an ni in ka hria a, chutih mek laia heti tak mai a, drastically a, an han tlahniam a hi a fello deuh in ka hria a, churang chuan haei hi tun dinhmunah tiang hian ni mahsela, revise-ah erawh chuan engemaw taka thil kan ngaihtuah sak loh chuan harsatna an tawk mai awm mange aw ka ti a ni. Tin, hei nichinah khan kan ngaihtua tawh a, kan, kan ti mai a, ... series training lo nei tawh te, Education a training lo nei tawh te, tunhnaiah lak anni meuh lo a ni tih vawiin chanchinbuah te a lang a, tin, an mahni pawhin PR an siam a, post 231-ah 9 chiah mai trained service an han la hi a fello hle in ka hria a, sorkar hmasaah khan SSA-ah chuan interview leh written test a awm lo in tih pawh kha a dik a ni, khatih hunlai khan RTI hi ala awmlo nen heng hi bulk an tan chauh a, engemaw ti taka formal taka informalise chuan harsatna nakinah in la tawk thei, regularize in han dil anga harsatna tam tak in la tawk thei tih avangin interview lo khati zawng khan kan kal ta a, amarawhchu village level-ah erawhchuan uluk taka a khaw mi te kan han lakna ang chiah te, tute nge tha tur tih ngaihtuahna hmangin RTI introduce alo ni a kum 2009 atangin hengah hian thil hi an duh uluk ta hle mai a, kan Education Reform Commission pawhin chu chu ngaipawi mawhin vawi tam tak a rawn reflect ani recommendation-ah hian. Helai hi uluk taka ngaihtuah a ngaiin ka hria a. Helai reports of the group of experts in a report naah phei chuan thil hi an ziang ang reng khawp mai a, "In future all appointments of teacher should be in strictly-in accordance with RR and in all caseshould be granted for making appointments on regular basis. However it become necessary to recruit untrained teachers it should be done purely on temporary basis for a very limited period" a ti tawp mai ani. Churangin heng hi kan siam chhuak a lawmawm em em mai a ni, amaherawhchu, political wing nen a kan kal pui loh chuan kan Educational reform Commission in a a thil siam chhuah te, group of expert in a a comment leh recommendation an neih hi a hlawhtling lovang tih ka hlau em em mai a ni. Dan tha tura kan duan chhuah mek lai hian kan fimkhur a ngai in ka hria a ni.

Tin, School Education-ah hian Director hi MSC tih ang reng a awm mek lai hian a nihna takah chuan promotion post ani tih hi kan hriatsak ve a ngai a ni. Sorkar chuan engpawh a ti thei mai thei, mahse, hei hi House hian kan hriat a,

tulin ka hria a kan tarlang lawk a ni. Tin, Mid-day meal hi kan kal mumal thei lo niin ka hria a, a pawl ka ti khawp mai. Nikumah khanin pawisa hi ruahmanna fel tak Govt. of India atang hian an PA bill-ah hian an rawn tarlang a, Primary School-ah ringawt pawh hian kan hmuh zat tur hi a tam viau mai a, a vai hian cheng nuai 1954.89 a ni a, kum kal ta khan. Mahse kan pe mumal thei lo khawp mai. Kuminah pawh hian ka hriat sual loh chuan tun thla kha allotment kan hmuh hnukung ber niin ka hria a, hei hi a pawimawh a, Supreme Court-in strict taka kalpui tura a duh ang hian kan kalpui a tul a ni. Tin, MBSE hi kan sawi vak lova, tunah academic officer hi pakhat chiah kan neiin ka hria a MBSE-ah hian pakhat Deputy Director-ah a kai a ni mai thei. Academic officer pakhat chauh kan neih chuan harsatna kan la tawh dawn a, hetah a chung ami te an pension anga, harsatna lian tak mai Department-in kan tuar dawnin ka hria a, churang chuan pathum tal hi tun dinhmunah academic officer kan neih vat a tul a ni.

Tin, Higher and Technical Education lama ka ngaihawh em em chu hei tunhnaiah in sorkar in vannei viau mai a, UGC a liberal a, direct-in tunah hian UGC in pawisa a rawn pe chiam chiam mai a, a lawmawm khawp mai a, amaherawhchu, state sorkara tute emaw khan kan hriatpui lova, hei a fel lo dawn tlat a ni, a sorkar ang incoordinate a, fel taka a kal loh chuan harsatna kan tawh ka hlauva, en that a tha khawpin ka hria a ni. Tin, Superintendent nghet tunah 3 kan nei a, tunhma a pakhat emaw nei ngar kha tlem chuan improvement chu a awm a, a lawmawm e. Tin, hei bakah hian kan bial lamah te pawh, kan bial lo lamah te pawh anih ka ring a, lecturer Astt Prof te an in daihlo em em mai a, Tunah post ruak 100 dawn an nei a, fill up hlei thei lovin wawin ni thleng hian an la awm a, a fello ka ti khawp mai a. Tin contract basis nge guest lecturer anga kan rawih ho hi Mizoram University lam chuanin an lawman ti mai ang, an rawn enhance san tawh a, 25000 ani vek tawh ani. Pachhunga University College angah te, Mizoram sorkar hnuaiah hian 25000 a la ni lovin ka hre deuh a, ka sawi sual em ka hre lova. Hei hi chu tih chhoh athat ka ring a. Kan SSA teacher te pawhin 25000 an hlauh laia guest lecturer te in wawin a 10000 an la hi chu a fello, zirtirtu tha kan nei in ka ring lova. Hei hi en fel thain ka hria a. Tin, college-ina campus an neilo deuh vek a. Pu Speaker, Hrangbana emaw Aizawl emaw T.Romana ani emaw a khawiah mah hian campus neilo hian building hi kan nei a, a hahtlak khawp mai a, helai hi education reform commission pawhin recommendation leh a hmuh danah pawh boruak tha a siam theilo ani a, hmu dik khawp pawhin ka hria. Churang chuan hetiang hawi zawng deuh hian kan hunlai pawh khan ngaihtuahna neih nisela kan ti thin a, kalpui chu a har khawp mai. Amaherawhchu, hla deuh pawh nisela, hmun tha hi pe mai ila sorkar hian, thain ka hria a, hetah hian principle fel tak neiin sorkar hi kan kal hi a tul awm mange ka ti a. Tin, wawin hian Pu Speaker, out of school children 4000-5000 Mizoramah kan la nei ani tih report atanga kan han hria te kha pawl ka ti a, engpawhnisela, kan la thang chho zel turah ngai ila.

Tin, Mizoram Polytechnic a hnathawk, world bank sum a contract a lak te, hun rei tak lo thawh tawh, Pu Speaker, tihngheh lova wawin thleng maia la awm a hi a fello khawpin ka hria a, en a thain ka hria. A tawp berah chuan Education hi department lian ber ani kan ti thin a, a dik a ni. Chutihruah chuan kawng lehlamah Education Reform Commission te lo awmin a expert te pawhin eng emaw ruahmanna leh recommendation te an rawn siam a hi kan sawi nawn leh duh a, Pu Speaker, pawimawh ka ti em em mai a. Heng hi ti mai mai lova tih tak tak na nen, political weight nena kan tih loh chuan leh a monitoring leh a kalphung

a pawh hi fel taka kan duan loh chuan kan ramah hian zirna tha hi kan nei theiin ka ring lova, chu chu ka sawi theih tawk ni mai rawh se, ka lawm e.

*Speech not corrected.

S P E A K E R : Awle, tunah chuan kha mi 20-in kan sawi tawh a, a then chu an sawi zova an bo daih a, a then chu an bo vang vang a, sawi an duh hunah an lo lut leh a, a then erawh chu tlawmngai takin sawi lem lo pawhin an thu ngar ngar a. Minister thenkhat te phei chu an Demand te a zo tawh chungin an thu ngar ngar mai a, mifel tak tak te, he House ngaina tak tak te leh ngaina vak lo te pawh kan awm ani maithei a ni.

Tichuan, tunah chuan kan Minister pathum te Demand kha zau takin kan sawi ta a, Minister-in rawn wind-up selangin, chutah chuan Pu Lalsawta lo ko hmasa ila, rawn wind-up in passed rawn dil nghal bawk sela, i lo sawm ang u.

Pu LALSAWTA, MINISTER : Pu Speaker, ka Demand pali phur takin Member zahawm tak tak, mi 20-ten min sawi sak a, ka lawm khawp mai. A sawitu apiang hian thahnemngai takin leh zirna hi ram hnuk ani tih hriain an sawi vek a. Nimin lam khan Pu Speaker, hun kha i ren viau a, mahse, kan member-te duhdan tlangpuiah hi chuanin an rawn sawi te sawi let ve hi chu an duhin ka hria a. Chutiang deuh hlek chuan kan ti anga, chumi pah chuan kan department-in a hmalak mek dan turte kha chu a sawi theih tho anga. (SPEAKER : A tul ho sawi hmaih kha chu a tha chuang lo, a tul ang kha chu Minister-ten in sawi thei tur a ni). Member-te ngaihpawimawh an ni a, helaiah tha sengin thahnemngai taka an rawn tih si han ngawih bosan kha chu kan tih tur niin ka hre lova ni.

Budget hrim hrim hi chu a general in han sawi ve dawn ta ila, 1972 U.T. kan nih khan, kum 40 liam ta ani a, chutah chuan Mizoram pum kan sorkar budget kha nuai sangkhat leh zasarih leh sawmkua pahnih (Rs.1792.00 lakhs) a ni a, chu chu department zawng zawngin an insem a ni. Vawiinah hian School Education Department ringawt budget pawh hi khami let sawmthum pahnih kha a lo ni tawh a ni. Pawisa hlutna a tlakhniam hrim hrim vang chu ni tho mahse kan budget hrim hrim hi a pung nasa em em a, State dange ngaihtuah chuan kan la tlem em em chungin kan budget hi a tha ve hle tawh ani tih kha kan sawi tel duh a.

Tin, Indian economy chungchang pawh hi sawi kai hlek thain ka hria a, a chhan chu, “Kan hlawh a pung a thil man a to zel tho si a,” han tih mai angah pawh hian khaihinna remchang tak atanga kan khaihin chuan vawiinah hian India mi nih hi, Pu Speaker, a lo nuam em em tawh a, khawvelah hian kan chapo ve thei tawh a ni. 1991 a Man Mohan Singha'n a India economy chhe tur an chhanchhuah atang khan kan han danglam chak zia chu mahni atangin han sawi ve ila. 1974 a Mizoram Civil Service a kan han luh khan ka hlawh hmasa ber hi ka chhinchhiah a Rs. 610/- a ni, khami let za kha khatih hunlaia Car tha ve tak lei theihna a ni. A let sawm kha 6,100/- a nia, a let za kha 61,000/- a ni, vawiinah hian MCS lut tir hian an hlawh let za nilovin let sawm hian Car an lei thei tawh a ni. Chuvang chuan kan economy hrim hrim hi India ram hi kan lo tha ve tawh a, Central-a kan sorkar mek Congress sorkar khu a tha a, tin, a hma a mi pawh kha hemi economic reform chungchang thuah chuan a tha em em a, khalai kha kan sawi tel ve hram duh a.

Tichuan, Law & Judicial atang hian kan tan anga. Member zahawm tak Pu Rinawma - Vetting chungchang a harsat dan hrethiam ber tu in a rawn sawi a, a lawmawm ka ti a. Vetting-ah hian pawnlam atanga lo thlir tute leh he House a awm te tan pawh, “Engtizia nge maw Law Department hian hetiang a ‘vet’ tlang theih chu le?” tih turin kan hun kal tawhah khan a awm zeuh zeuh a. Mahse, hmarchhakah pawh hianin Nagaland leh Arunachal leh keini tih mai loh hi chuanin Legislative Department hi an lo nei a, chung chuan Dan siam chungchang leh vetting chungchang te hi mawhpurtu bik an lo insiam a. Hei hi kan hria a, Pu Speaker, i officer te ngei te nen pawh kan sawiho a, anni pawh hian an ngaipawimawh em em a, Parliament lam te an zuk dawr thin tawh avangin. Chutah chuan keini pawh hian tih theih dan kawng hi engemawti zawng chuan a awm lawm maw nile kan ti a, mahsengin a pawimawh hmasa ber fo thin chu creation of post kha a ni a. Post kan neih theih a, khatieng officer fel tak tak te kan neih theih chuan vetting hi kan awlsam theih deuh kan beisei a ni. A chhan chu market atanga a thiam thiam thlan ringawt chi kha a ni lova. Law background tha tak nei, tin, L.LB pass apiang mai ai pawhin, waviinah chuan, mimal hming te pawh han sawi ta ila, Pu Romawia te ang, hetiang lo khawih lo khawih thin, an service chhung zawng a lo khawih thin ang kha chu an tangkai em em mai a ni. Chuvang chuan vetting hi tun aia kan la that chhoh leh theihna tur hian he Department hi chuan hma lak zel kan tum a. Mahse, tunah tak hi chuan kan pawisa dinhmun ten a phal loh avangin, a permit loh avang hian kan ti hlei thei lo a ni. Pawimawh kan ti a, mi mittlung taka vet te pawh kan chak a. Tin, pending hi a tam ve hrim hrim mai a. Khavang khanin department tin hian an rawn nawr vek baw a. Kan officer te hian mi hmais a an tawng nasa em em tih kha ka’n sawi hmasa duh baw a.

S P E A K E R : Finance minister a awm baw si lova, DP&AR changtu a awm baw si lova. House leader a awm baw si lova. Mahse han sawi zel tho rawh.

Pu LALSAWTA, MINISTER : Engpawhnise, sorkar ang pawhin keini pawhin kan thiam angin hma kan lo la zui zel ang a.

High Court chung chang hi a muang khawp mai tih hi kan hria a. Kan sorkar luh phat khan kan Chief minister zahawm tak hian a pawimawh zia hriain sawlaia PWD hovin an hman tur Rs. Nuai enggemaw zat an lo sen tawhna kha High Court in in nei dawn nia, min ti a. Kan lawm em em a. Mahse, a High Court lam hi an muang zawk ta tlat mai a. Anmahni lam an muan tlat si kha chuan kan beisei ang hian kan ti thei ta lova. Kan duh dan chuan sawlaiah sawn High Court han nei ila, kan chanchinbumi te pawh hian High Court atangin thu thar, thil pawimawh tak tak te han hriain kan zirlai te hlei hlei pawh hian English ngat maia conduct, mi inhial leh pleading, thuneitute an han dil ngar ngar mai tawngkam thiam nena an han bei chho vel te han thlir ve se kan duh a. Kan muang tih hi he House-ah hian a sawi loh theih loh a. Mahse keini lamah hian chuan kan ni chiah lo. Gauhati High Court hian min muan pui a ni.

Parliamentary Practice & Procedure chungchang sawi leh ila. Hei hi kan ngai pawimawh khawp mai a. Tunah hian keini lamin ti thei lo mah ila, Administrative Training Institute (ATI) kan tih te tal hian chuan ti dawn ta se, a tha hle in ka’n ring a. Hei hi rawtna te pawh kan la siam turah kan inngai a. Tin, kan member zahawm tak, Pu Hmingdailova Khiangtein Sport Council dissolve chung chang leh khalai chung chang a rawn sawi kha kan lo thlir hman miah lova. A hmain ka lo hre lawk baw lova. Tin, a legality chungchangte a nih kha chuan House a han sawi thiam hi a har a. A chhan chu Court ah te pawh a lo la chambang reng te a nih kha chuan subjudice te pawh a ni palh thei a. Eng pawh nise, hei, kan

lo chhinchhiah a. A tul angin kan lo enzui ang a. Amah nen pawh la inkawm turah ka inggai a. Tin, member zahawm tak, Pu Lalthansanga khan High Court judge atan hian Mizo te hi awm ve ngei se, Sons of the Soil hi tih chung chang te a'n sawi kha kan hria a.

Pu HMINGDAILOVA KHIANGTE : Pu Speaker, khami kha Court ah ka kal a, ka hneh leh a, tichuan Mizoram State Sport Council kha chu a hranin an inthlang leh a ni. A nung leh a ni. Tin, chubakah Section 48 a apply a. Kha kha Termination for good a nia. Kha termination kha suspend thinlunga terminate a nia. Chuvang chuan a wrong section kha a apply hrim hrim a ni. Tin, chubakah Executive Order he House zahawm takin a passed tawh Act kha a over rule thei dawn em ni? tih kha a ni bawk a ni. A hun lai khan passed tawh a ni, Act kha.

Pu LALSAWTA, MINISTER : Pu Speaker, a vanduaithlak hle mai. Amarawhchu, Court a an kal tawh khan chuan Court-a kal laklawh tawh hi chuan court zel hi a ni mai a, a sangber thleng khan kal a ngai tawh thin a, engpawhnisela kan hria a, kan chhinchhiah tawh a, House pawnlamah tepawh kan la sawiho leh turah ngai ila. Kan Mizo Ukil te hi tha tak tak an tam tawh a. Tin, senior ukil kan tih senior advocate tepawh hi kan nei ve nual tawh a. Chuvang chuan thlan leh turah chuan nichina kan Member zahawm tak Pu Lal Thanzara pawh khanin a rawn sawi tawh thova, Mizo ngei ka thlan kan duh a, Mizo han tih hian kan unaute rilru pawh kan lo tina palh thei a, Pu Thanga Vaiphei tepawh hi Mizo lo anga lo sawi palh a lo awm thin a, kan unau, kan Mizo diktak a ni a, Mizo hian Guwahati High Court Judge atan Mizo diktak kan nei ani tih kha kan sawive leh duh hrim hrim a ni.

Tin, Pu Chakraborty chungchang leh Extension of Service chungchangte, 'thlakhat lek si' han tih ang chungchangte kha. Thil thleng, liam tawh a ni a, amaherawhchu, service chungchangah hian he House-ah pawh hian ka han sawiri tho duh a ni. Tupawh mai hianin service tha taka han tuantlin a, han retired theih lawmawm piahlamah hian extension han tih hram hram leh deuh hi kan duh deuh vek mai a, a zo a vai-in. Helai hrim hrim hi chu Pu Speaker, kan rilru sukthlek tepawh hi a ni deuh ta emaw chu aw ka ti a. Tin, Pu Chakraborty chungchangah chuan ama mimal pawh khatianga exit lo deuh hlek tur kha chuan a phu chuan ka hria a, mahse thil liam tawh a ni a, history a ni tawh e.

Tin, Professional Charges hi a tam fu mai si a, tih kha Pu Lalthansanga khan a rawn sawi a. Hei hi keini tan chuan kan hmanrua ve ber a ni a, sorkar a awm a, sorkar hi mipui tana ding anih avangin tualthah chungchang a ni emaw, ruk ruk chungchang a ni emaw, criminal case ang chi reng rengah kha chuan sorkar hi mipui ai khan kan din a tul a, chuvangin Supreme Court thleng khuan Government Advocate kan nei a, chung chu thlatin hlawh pek ngai chi, Mizoramah pawh Advocate kan nei a, chu General hnuaiyah chuanin Advocate hlawh neia kan rawih engemaw zat an awm ni. Court hi kan thu a ni si lova, Separation of judiciary ah pheih chuan engmah hi sawi theih kan neih tawh loh avang khan kan thu inchuh a, mipuite aiawha misualte hrem an nih ngei theihna tur atana theihtawp chhuah tur khanin Professional Charges kan tih kha a ngai ta a. Kan sorkar ukil-te rawihna a ni tih kha min lo hriatsak mai sela.

Tin, Gram-Nayalaya chungchang hi harsatna pahnih kan nei a, pakhatnaah chuanin - Hemi hianin rules a neih a ngai a, a Rules hi sorkar tihtur chu nise karkhat chhung pawhin kan Officer te hian an ti maithei ang a, mahse High

Court in-a a frame tur kha a ni tlat mai a, an rawn tih mai baw k si loh avang hian kan muanchan phah ta khawp mai a. Tin, Gram-Nayalaya kan han tih hi thingtlangah justice kan pe dawn a ni, anmahni lokal hah ngai lovin, theihang tawkin an ti ang a, Circuit Court angin an kalkual ang a, motor leina tur tepawh a awm a, khatiang zel khan pakhatat cheng nuai 18 te min rawn buatsaih sak a. Khatiang han ti tur khan amah puitu leh, khami amah ngeia pawh rawihna tur atan khan post creation a ngai a, post creation hi kan la hlawhtling hlei thei lova, keimahni chhung nimahsela sorkarah Finance-ah te, DP & AR lamah te kan la tang hrih a ni tih kha kan sawiduh a.

Tin, Pu Lalthansanga sawi tho, Parliamentary Secretariat te khu a efficient em em mai a, “Chutiang/khatiang chuanin minute khat chhung lek pawhin induh min dil ula kan pe zar zar ang che u,” an tih ang kha nih ve hi kan duh a ni. Helai Assembly Secretariat mai nilo, keimahni a Law Department te pawh a niang. Mahse kan tlin hrih lova, kan tlin ang taw k hi chuan mi efficient te tluk ve thei nih kha chu kan duh khawp e, khatiang a rawn sawi thahnemngai tak maia a rawn sawi kha keini pawhin entawn kan lo tum zel ang e. Tin, member zahawm tak Pu Lal Thanzara khan Mizo High Court Judge tur kan nei dawn em? tih chungchang te leh P.Chakravorty chungchangte kha a rawn sawi thuak thuak a, kha kha sawi nawn ngai lovah ngai ta ilangin. Member zahawm tak Pu R.Lalpianmawia kha hemi Gramnayalaya kan buaipui thinna angah khan Sakawrdaiah te pawh hian min pe ve thei tawh dawn lawm ni a ti a, mahse, kan la tanna kan sawi tak ang kha anih kha, Pu Speaker.

Tin, kan member zahawm tak Pu Nirupam Chakma khan ‘Mizoram Law College leh Kamalanagar deficit a awm hemite hi chu provincialised theih tawh se a va tha tawh em, hei ka sawi fo mai a’ a tia, a sawi hi keini helaia House a kan rawn awm ve chinah pawh ka ngaithla fo tawha. A pawimawh a, hei hi chutianga ti thei tur chuan Cabinet-ah te pawh thlen turin kan buaipui ve meka, tin, helaia provincialisation of Mizoram Law College kan tih leh Kamalanagar Law College kan han tih ang chi a kha financially pawh hianin chuti tehchiam chuan a hautak phah lova, a tlangpui thu in deficit kan han tih ang chi ho hi chu an sen tur ang hi an lo seng deuh vek tawh a ni. Amaherawhchu, College bikah phei chuan UGC anga kal a ngaih avangin UGC hi an Scale te a sang a, an mahni pawh lecturer pawh inti tawh lovin Astt. Professor, Associate Professor, Professor te an lo inti tawh a. An hlawh hi a sang hrim hrim a, engpawhnise in hei hi chu ngaihtuah mek a ni a.

Tin, Pu Nirupaman Chakma in Sub-divisional Court te pawh hi min la rawn ngaihtuah sakse a ti a, chungte pawh chu a indawta, a tahtawl te a ngaihtuah chhoh zel kha ani a. Tin, nichina Gramnayalaya kan sawinaah khanin leh khami vetting chungchang an sawinaah khan LLB Satliah tih tawngkam kha kan hmang zauh palh a, satliah ka tihna nilovin, LLB zawng zawng tana zuk thiam mai theihloh a ni ve tho tih tumna a ni. Exeperience te han neiha Legislation chungchang, dan siam chungchang vela experience neihte a lo ngai ve a, tih kan sawina a ni a, khalai kha Pu Speaker, ‘Satliah’ tih tawngkam kha kalo hmang anih chuan ‘expunge’ ka dila. Min phal sak turin kan han ngen nghal baw k che a ni. Kan member zahawm tak, Pu K.Liantlinga khanin (SPEAKER : Kha kha chu i speech correction hunah khanin i rawn correct anga, i lo expunge mai anga, kha kha i sign hnan anga kan lo pawm mai ang.)

Awle, ka lawm e. Vetting chungchang thahnemngai takin a rawn sawi a, tuna kan sawi tak kha tuna kan dinhmun chu a ni a.

Tin, kan member zahawm tak, Pu H.Zothanglian, “Thiltih hi chu an tum a, an rilru pawh an pe nasa a, kan sorkar Education department enkawl tute hengte hianin tin, dan lampang enkawltute pawh hianin mahse ala phuisui zo lova ni’a tih khan kan dinhmun a saw Chiang hle in ka hria a, tum hi chu kan tum khawp mai a, Law lampangah te pawh hianin ka tum ve khawp mai a. Mahse kan la tlin ngang lova. Resources chungchangah te, mihring ngah tawk lohna te heng hi kan harsatna mek a ni a.

Tin, member zahawm tak Pu T.T.Zothansanga khan Champhaia Court building atan an lo lak tawha khi a fuh dawn emawni chu aw, tih ang deuh hlekin ngaihtuah nawn ngai deuh hlek awm tur khan an sawi a. Mahse, Department hianin keimahni pual mai hian thil ka tih loh chin a awm a, kan tih hleih theih loh chin Chief Secretary hova ram chungchangte tihfel ngai thin te a awm a. Chief Secretary hova an committee naah khan ram chungchang a an han buai tak deuhah khan khilam te an han dawr a, Deputy Commissioner-te an han dawr a. Tin, Deputy Commissioner-in khilai a NGO te an lo dawr naah khan tuna ram an tih hi a remchang ber awm a an ngaih, an lo acquire ber chu a ni. Chutiang chu a dinhmun ka hriattir theih dan chu ani a.

Pu T.T. ZOTHANSANGA : Pu Speaker, khami kha a te lutuk a tuna Judge kan han neih ang tur chi zawng zawng leng tur kha ani lo hrim hrim a. Tin, a ram a khi mi tam takin an slice out teuh tawh a. Khilai kha a documents a tal kha dil theih nisela, a te lutuk a, a hman tlak hlawl loh a nia. Khatiang kha chu 2nd thought min lo neih sak sela ka va duh ve.

Pu LALSAWTA, MINISTER : Pu Speaker, kan lo examine leh ang a, tih theih kan neih leh neih loh chu kan hre mai lo nain Member zahawm takin minrawn ngenna angin kan lo examine leh ang e.

Kan Member zahawm tak Dr. R. Lalthangliana’n hman deuh khan MJS (Mizoram Judicial Service Officers) 32 lakna tur kha advertise ani a, MPSC khan an la tawh dawn emaw ti a an lak dawn tepah khan anrawn englo leh mai si a a tih kha kan in mualpho a nih na chin hi a awm ve a, Law Department tan pawh hian. A chhan chu keini ngawt lo deuh hlek hian hna hi kan thawk a. Heng MJS Officers lak chungchang te, hengah zawng zawng hi chuan High Court nena tihho vek khu ani leh lawi si a, transfer leh khang zawng zawng kha High Court ani vek mai si a. Anni khan tha ber ni a ngaiin, MPSC-te biain an lo advertise khan keini Sorkar lampangah khan a pawisa (finance) lampang te, DP&AR lampangin an han examine khan 32 zet mai vawi khat a an han lak dawn khan tlin dawn in an in hre silova. Chutichuan, “Ngawi teh u hetiang chu a theih lova ni. In lo ti tawh a, in kal thui hle nain,” tiin an in titawp ta hrih niin ka hria a. Chu chu kan dinhmun ani a, han la sela Officer thar te pawh han neih kan chak em em a, Court indaih loh na tam tak han phuhruk tur te a nih kan lawm dawn lul nen a. Chutiang chu kan dinhmun ani a, Finance lampang atang te, DP&AR lam atang te khan a remchang ta lova. Ka’n kal zur zur ang e.

SCERT chungchang hi kan sawi tlem ang reng hle a. Nichinah khan kan Member zahawm tak Pu R. Lalthangliana khan arawn sawi a, anni hi kan thluak bawm anni a, a dik a. SCERT hi kan thluak bawm takzet anni a. Education ah chuan anni hian engkim an ruahman a, kan thluak takzet an nih avang hian keini pawhin kan ngai pawimawh a. Amaherawhchu, an Budget kha a lo kiam ta tlat mai tih lai kha chu Budget chungchang hi kan inti nasa tawh khawp a, keini ho hi.

Officer te pawh hei vang hian kan inkokhawm zing a, amaherawhchu, keimahniah hian a tawp si lova, a lo thu zawk Department dang te an lo awm si avang hian kan beisei ang diak diak hi a lo ni ta si lova. Tin, kan Member zahawm tak tak ten min hriatsak tho ang a, mahse han sawi ve tho chu tha in ka hria a. Education Department hnuaiyah hian SCERT hi Directorate in a awm a ni, kha kha min pawmsak timai ila min hriatthiam theih dan tur ani in ka ring a. Mahse, chuti chung chuan kan Demand for Grants ah te hian chuan a hranpa hian a list-ah te hian ala awm lova, School Education Department hnuaiyah hian ala awm a, en thiam pawh ala har khawp mai a, hetiang hian ala in chawhpawlh nuai mai a. A nihna takah chuan Directorate hrang te a lo nih ve tawh hi chuan hmun hran mahni pual te pawh nei ve tawh turah kan ngai a, Demand for Grants kan sawi lai hian ka han sawi chhuak ve hrim hrim a. Tin, anni chungchangah hian Pu R.L. Pianmawia, kan Member zahawm tak khan in Non - Govt. School ah te pawn min pe ve thei tawh dawn lawm ni Computer hi in sem in sem mai si a, an rualawt nasa si a, tih kha tunah hian hma kan la chho mek a. Heng in a a tum bera hi chu Computer tello hian chuan engmah hi a lo tih theih tawh lova, pen tel lova lehkha zirtir tum ang deuh chauh hi a lo ni tan der tawh mai a. Hei, kum reilote chhung hian Computer-a kan lo inngahna hi a lo nasa em em tawh mai a. Chuvangin, Computer hi kan zirlai zawng zawngte hian Secondary stage-ahte phei hian chuanin, High School-ahte phei hi chuanin thiam vek mai se kan duh a, a Sorkar lam phei hi chuan tlin ila High School kal chin reng reng tawh hi chu Computer emaw Laptop ang hial pawh an neih theih tur hi kan duh tawh a ni. Tun hma in lung lehkha kan hmang thin a, lung lehkha atangin lehkha puanah kan chhova, lehkha puan stage pawh hi a rei viau a ni, kum sawm tam a ni ta.

Tunah hi chuan Computer hi a pawimawh em em tawh a, Pu Piana kan member zahawm tak pawhin a rawn sawi kha theih ang tawk a tih chu kan tum a ni, zawi zawiin kan han hma chho zel dawn a ni.

Tin, SSA chungchang - SSA chungchang hi nimina Comptroller of Auditor General of India report-ah khan a rawn lang a, a vawikhat rawn lanna a niin ka hria a, SSA chungchang hi, kan Sorkar hnuah hian. Hmanah khan Higher & Technical chungchang hi vawikhat a rawn lang zeuh a, Officer hnenah ka endorse a, chutah chuan, “Heng hi ti teh u khai i hmanhmawh pui ang u,” kan in ti a. CAG report-ah khan a rawn lang nual a, khangte kha chu member-te’n in neih vek avangin mahni in lamahte in chhiar thei vek turah ka ngai a. SSA hi sawi a tam khawp mai a, sawi a tam hi a awm ve na lai hi a awm in ka hria, Pu Speaker. A chhan chu hei Officer pangngai-ah leh Department pangngai-ah hian chuan anmahni hna thiam bel tak tawh mai kum 10, kum 20 lo awm tawh te, hetiang hian an han enkawl chhova, keiniah hi chuan, SSA-ah hi chuanin pawisa hi tam deuh mai ni chung si hianin engemaw ti a kan pawhkhawm, khati zawng a thiam em em pawh ni lemlo te, mi tha leh mi rinawm leh hmantlak tur ni a kan hriat ang te kan han fawmkhawmte khan hna hi an thawk mawp mawp a ni ber a. Financial Regulations pawh hre lem lo te, Conduct Rules pawh hre lem lo te kha kan hnathawktu tam ber te hi an lo ni a. Amaherawhchu, anmahni inpekna leh taimakna, rinawmna nena an tih ve miau avang hian kan mualpho kan hlauh ang em em hi chuanin kan mualpho bik lova. Hengah hian sawi tur a tam khawp mai a, tunhma hun deuh khan chuan, “SSA ang te chu hna nghet lo te a lo ni bawk a ti hianin appoint mai mai ila” tih ang deuh khan a kal a, Sorkar pawhin a la thutak lova, mipuite pawhin an la thu tak vak lova. Mahse, hei kan la thutak chho tial tial a, a theih chinah te hi chuan merit-te

pawh hian ti ve ila, tin, ngawi reng a ti lo hian advertisement-te pawh ti ve ila te kan han ti chhova. Mahse, han tih takah hi chuanin mi a duhtui turin kan inzirtir kha a ni chho ta zel a, an duhtui chhova, keini ai aiin an duhtui chhova, a hma a lungawi tak ang reng si kha lungawi lovah kan in siam hnem ta mah mah zawk a.

Tin, kan Party hrim hrim hian Education siamthat leh tihdanglam ngai tam tak a awm a ni tih avangin, “Education Reforms Commission-te pawh hi kan buatsaih chho vang,” kan tih kha, khangte kha a lo nih chuan khami in a a ken tel a kha chu merit system-te hi a tla thei lo reng reng a ni. Merit system-te hi a laia lungphum a nih dawn avangin merit system kha a tel a ngai si a. SSA-ah tling rau rauvah pawh a thiam deuhthe hi chu mawle kan han tih ang chi te kha a tih loh theih lova. Chung avang chuan, a nihna takah chuan transitional period ang deuhvah hian kan awm a, hmanlai kha la ngai deuh rum rum bawk si, mahse, tunlai a taka kan chen chilh tawh bawk karah si hian keini a hminga mawhphurtute phei chu, Pu Chawnga nen phei hian chuan, party lam hian min ralsai nasa ve khawp mai a, keinin merit a han lak hram hramte kan lo tum a, tin, a lak pawh hi kan la viau va Pu Speaker, kan lak viaute hi a lo fuh loh chang te a awm a. Thiam deuh deuh mai kan han lak hian hna tha dang hi an hmu leh a, ti khan khaih lak in min siam a, an hna an zawm chauhva hna tha an lo hmu a, a then MCS ah an lut a, a then MPS ah, a then Accounts & Treasuries ah a thiam lak pawh hi a sim awm lek lek tawh mai a. Keini ho hi kan lungual tlanna ber hi chu Local Candidates hi a nih hi mawle, kan MLA-te nen hian in local candidates hi ti hmiah hmiah mai ilangin han ti ila a dan lampang kha thlir a ngai a, PRESTA kan tih ang te pawh kha ven thawn kha an lo ngai em em mai kha a lo ni a. Anni lo train chhuak tawh tih ang chi te kha. Chuvang chuan kan theih ang chinah hi chuan merit a tih hi kan han tum ve a, rawtna pawh hi tam thin mahse local candidates ang ngawr ngawr a kan tih hian he Ram zimte ah hian thil localize lutuka kan tih chuan, fiamthua, Tu veng nge i nih? tih a “Rahsi veng” an tih pawh a, “Aw kei chu Lunglawn ka ni, tlat mai a,” an tih thin fiamthu ang deuh a thil kan localize lutuk hi chuan tlem nakalaia kan han inthen darh lutuk tur leh veng ang zawng a in chhinchhiah lutuk tur a pawh kha a thalo ang tih kan hlau ve bawk a. Chuvang chuan kan phak ang tawkah chuan a tha thei ang ber kan tum ve a ni tih kha kan chhan theih dan tur tlangpui a ni a.

Tin, a attached teacher kan tih ho ang chi pawh kha, attached teacher kan tih ho hi a post nen an transfer daih ti a an rawn zual ko thin hi a ni a. A ni hranpa lo va, attached teacher ang tih ang chi kha chu engemaw tulna avang leh nichinah pawh Pu Lalduhoma'n a rawn sawi ang chi khaih lak tak tak han hmuh pawh a rilru khawih deuh mai, tunhma a kan hmel hriat ngailoh pawh nise, “Hei hi chu ka pui duh a ni,” han tih tur hi chu an awm ve zauh zauh a ni. Nitin, Zingtin interview thin kan ni a, chuvang chuan hengah hian tul chang a awm a, mahsela Pu Speaker, vawiinah hian statementah pawh ka sawi duh a, Zirtirtu tur a kan lak, an hmun hma kan siam fel, anmahni pawhin a duh tak a an dil, heng ang hi chu an zawm loh chuan kan ban hmak hmak tawh ang. A tul a ni, hei hi chu. Chutiang lo chuan kan lo kal thei tawh manglo a lo ni a. Tin, Rationalisation of Teacher chung chang hi sawi a hlawh hle a, he House ah hian hmun an luah tam ber a, mahse keini hian kan han tidawn a, engkim backround information zawng zawngte khawi School-ah nge Zirtirtu pakhat chauh a awm, khawiah nge Zero a awm, khawiah nge pahnih chauh a awm tiin engkim mi pakhat tan a phurh tham lawih khawp hian an rawn buatsaih a, kan han ngaihtuah a mahse, chutihlai chuan order a lo chhuak a, chu order-ah chuan High Level Official Committee an din a, chu High Level Committee chu under the chairmanship of C.S. kha a ni ta a, khatah kha chuan keini tan kha chuan, “Kan tih chian tur chi a ni tawh a ngem aw? Hei keini aia ti tha thei zawk tur in an ngai chu a ni chek a nga, anni hian han ti phawt mai rawh se,” tiin ngaihdan

kan nei deuh a. Amaherawhchu, kan bawhzui lohnaah erawh hi chuan Department hian mawh kan phur a, chak tak a bawhzui tur kan ni a, C.S te kha chu an Chairman a ni ringawt a, a department lamin a va nawr a va nawr a, i hman tawh em? Kan va tih te pawh a ngaih ve laiah khan kan lo failed a lo ni a, tunah hian han ti vak mai ilangin, information/statistics dik nen theih tawp i chhuah ang ti in , chutiang chuan hma kan la a ni.

Tin, kan member zahawmtak Pu Joseph Mahima rawn sawi kha “Kan rilru min hriat thiam pui a, kan dinhmun min hriatthiam pui a, fair tak in mahse party mite erawh zawng kan lawmlo a ni hi” a tih kha a dik ka ti a. Education chung chang hi Pu Speaker, ka rilru a lo awm reng leh ka mitthla a ka hmuh thin a chu naupangte hian, “Kan zir ve ang a, kan pass ve a nga, mahselangin thiamna hmang chuanglo, thiamna in awmzia a neih chuan lohna a nih a, hmehriat nei tha te, thil ti thei te, Party-a awm fuh te, chumite tan chauh a nih chuan engahnge maw lehkha hi kan zir kan zir ang le, engahnge maw taima taka kan zir ang le?” tih message hi kan pe ang tih kan hlau ngawih ngawih a, chu chuan Education Reform Commission engang pawh nei mah ila naupangte rilru-ah zir hi a sawt em ni, zir zir mah ila mi thiltithe te chauh ani lawm ni hna hmu thinte hi tihna ramah hian kan siam chhuak ang tih hi kan hlau em em a.

Pu LALDUHOMA : Pu Speaker, MPSC-ah pe vek se a fel a ni mai lawm.

Pu LALSAWTA, MINISTER : Tuna kan member zahawm tak rawn sawi kha a dik a ni, a tum pawh kan tum ani a, chhan chu VRS pawh kha anihna takah chuan VRS aiawh tur lak kha MPSC-in an tih tur kha a lo ni a, a scale atang khan. Mahse, keini khan kan lo tih laklawh tawh avangin kan ti mai ang e, kan ti ta a. Engpawhnise, merit system hi chu a tha, amaherawhchu, merit system anih avanga a thiam thiamin hna an zawm duh chuan loh a, mithiam tak, zirtirtu ni duh chuanglo ai hi chuan thiam vaklo pawh hi hlim leh phur taka zirtir thei anih chuan an la tha tho, an la tha zawk ani. Chuvang chuan helai hi engtingge lai kan tan ang tih tak mai hi thu harsa tak ani.

Pu K.LIANTLINGA : Pu Speaker, nichin khan ka sawi a, khalai kha. In relax lo ula trained teacher leh B.Ed-te khan ti mai sela. Tin, in hmuzolo anih pawhin nakinah an han train chhuak ang a, kha kha lak mai tur ania, in relax zel kha chuanin thiam deuhthe kha an rawn lut a, an chhuak leh mai a, hna dang an zawng leh a, hna zawn nan an hmang mai mai a. Khangang chi tam tak appoint-te hian tunah hian kan zirna hi a ti chhe reng ani.

S P E A K E R : Mahse khawpui bialtu-in in duh mai thei a, ramri dep bialtu chuanin kha kha an duh biklo mai thei a ni.

Pu LALSAWTA, MINISTER : Khalai kha justice lohna lai kha a awm a, an piankenah leh an lo thanchhuahnaah khanin an compete zo lo hrim hrim ve bawk ani. Chungte chu ngaihtuah vek mai ngai hi a nia, amaerawhchu merit system hi chu quality education kan siam dawn chuan a ngai tlat a. Amaherawhchu, hetah hian Pu Speaker, sawi ngai ve tlat hi a awm a. Lehkha thiam apiang leh grade sang apiang hi zirtirtu tha chu an lo nilo, hei hi a chiang ve tlat a, zirtir thiam hi an dang ve tlat mai ani. Mi hriatthiamt theih zawng taka naupang kaihuai thei hi an lo awm ve tlat mai a. Chuvang chuan a tehfung hi a harsa ngiang a niang, SCERT lama kan Officer te ang te pawh hianin an han sawi ve thin a, zirtirtu tha tur hian a mark sang sang leh a grade sang sang ngawt chu ani lo tih hi an hre ve tho. Mahse a thlanna dang hi a awm si lova, chu chu tuna kan dinhmun ve tho ani a, engpawhnise kan ram hi kan siam dawn anih chuanin education lo hi chuan tumah hian kan siam ka ring lova, chuvang chuan vawiinah hian sawiselna karah pawh theih tawp hian kan ti

ang. Thil famkimlo tak tak sawi tur tam tak awmna karah hian keini chuan a bul thut lai thiamna hmanga zirna hi siam hi kan duh a. Chuvang tak chuan Elementary stage ah leh Secondary stage-ah, pawl sawm thleng, hian kan zirnaibu te pawh hi Text Book te hi kan han revise chho mek a, hei hian kan sorkar chhung a awmze nei taka zirna rahbi min siam tur niin kan beisei bawk a ni, Pu Speaker.

Tin, Lunglei High School Hindi Teacher 2 sawnchhuah an nih chungchang kha kan lo en ang a, Science Teacher te pawh. Tin, kan member zahawm tak Pu Liantlinga khanin in relax leh thin a lawmle a tih kha thu dik ania. Kan relax leh thin a kha a tulna hi a awmve tih kan hriat a ngai a. Kan RR ah hian subject teacher ang zawng te hian kan lo ti lova, chung ang chu tunah pawh hianin kan amendment a tulin kan hria a. Science teacher leh Mathematics teacher te han lak dawn khan Science teacher M.Sc kan tihte B.Sc kan tihte ho hian training lam hi an lo ngaihtuahlo khawp mai a, an ni ho hian training zawngin an rilru an lo pe reng reng lova. Chuvang chuan an ni kan mamawh si khan chuan kha laia a trained tihlai kha kan zuk relax kha Pu Speaker ngaih lai hi a awm tlat ani, Science Teacher leh Mathematics Teacher lak dawnte kha chuan. Tin, Right of children to free and compulsory Education Act angah te phei hi chuan Middle School ah pawh Subject Teacher hi a duh daih tawh a ni. Science and Mathematics teacher an nei tawh tur a ni, tih te. Chuvang chuan kan inthlifim chho tial tial a, hengah hian kan phak lo emaw kan tih hi kan phak ve tial tial a ni, theih tawpin tan kan la chho ve zel e.

Tin, Zotlang East a mi tih chungchang ah khan amah MLA zahawm tak Pu Joseph Lalhimpuaia khan a sawi kha, a ni lo pawh kha waviin ni ah khan kan ngaithla in ka hria a, Pu K.S. Thanga te, midangte pawh khan, kan MLA te pawh hian an bialah hian MLA fund leh anmahni hlawn ngei atangin zirtirtu te pawh hi an lo ruai teuh mai a lo ni a. Hei hi sorkar tan chuan ngaihtlak a hrehawm rualin ngaihtlak a nawm chang te pawh a awm ve thova, kan tlin ngang loh dan hrethiam a, khatianga ti kha an ni a. Amaherawhchu, khatianga ni lo khan tihdan tur te awm se tiin vawinah te pawh kan sawikhawm chu ani deuh ber a. Chutianga zawng chuan insem zai dan te kan ngaihtuah ang a. Zirtirtu kawhmawh bawlte chu an tello in kan lo awm ve tawh mai ang e, tih te pawh kha kan kal dan tur chu a ni ve tawh hrim hrim a ni. Tin, Pu C. Ramhluna, kan member zahawmtakin, Language Teacher advertised ni tawh si a hnua 'preferable' tiha in rawn thlak leh taka hi tih kha, tunah preferable tiha kha, tuna PRESTA kan tih ho te lampang atang thu chhuak tho hi a ni a. Hetah hian thil ka sawi thui chuang lo anga. Tlem ka han sawi ve duh chu, zirtirtu kan lak hoah hian Zirtirtu 270 contract a kan lakah te, 193 VRS a kan lakah te hian engemaw zatah hian trained hi an tel teuh mai a ni. SSA a kan lakah pawh hian trained hi an tel teuh maia, RMSA a kan lakah pawh hian trained hi an tel teuh mai a ni, trained tel teuh kan lak zinga mi sawi si lova, kan lak loh zinga mi inhawrkhawm ina lak annih lohna an sawi zel hi chuan trained hrim hrim lak tur ang zawng te pawh khan a ngaih theih a, khatianga kha chu a picture kha chu a ni chiah bik lo a ni. Trained hi kan la teuh mai, kan la teuh tawh a ni. Chungcho chuan, "Hei hi ka trained pui a ni a," tiin an rawn sawi lemlo. Khalai kha member zahawmtak te hi chuan minlo hriatpui ve hrim hrim ula tha in ka hria a.

Pu C. RAMHLUNA : Nia ka hrethiam khawp maia harsatna i han sawi a, ka appreciate thova. Mahse ka han sawi leh duh lawk chu khami R.R ah khan in ti compulsory a, mahse Mathematics leh Science teacher erawh kha chu DIET kha in insist lem lova. Khang ang te khan in kal tho ti pawh kan hria a. Mahse, khami rual khan DIET a training chhuak tawh 100 vel zet mai kha hnawlin DIET training lo kha in la ta hlawn si laia kha nia ka han sawi lai a chu. Tin, chu bakah

Pu LALSAWTA, MINISTER : Ahma pawh khan a awm reng a, a hma ami kha kan la a, a dang kha an lo awm ve zel tho a.

Pu C. RAMHLUNA : Kha kha chu a ni tho a, kan hria a. Mahse, kha mi training ho 100 in hnawl a, training neilo si in la leh si ta kha, kha laia kha nia kan hriat thiamloh tak chu.

Pu LALSAWTA, MINISTER : Tin, training han sawi takah chuan, Teacher Eligibility Test (TET) kan ti a, hei hi state dang keini aia tuanfum zawka kan ngaih ten an tih tho takah hian, keini pawhin ti ve ila kan ti a. Mahse, TET kan tih te hi, an cleared hian Teacher hna kha an exam thei tihna chauh a ni. Eligibility kha ani ve mai a. IAS pawh Graduate chuan an exam thei, mahse Graduate zawng zawng kan IAS lo tih hi chu sawi ngai lo a ni a. Chuvang chuan, eligibility leh khami compulsory ang deuh hleka zuk ngaih hi chu tlem chuan a thelh ve deuh hlek a.

Engpawh nise, mi hi kan khawngaih a, ngaihtuah pawh tul kan ti a, a ngaituah theih dan ang angin kan ngaihtuah turah ka ngai a, kan lo en zui tho tho ang. An chungchang hi ngaihtuah tur pawimawh tak a ni. Tin, kan member zahawm tak Pu Rinawma khan School Education chungchangah, “Tunah hian khua a la thim mup thei a, eng kan pan chho a ni,” a tih khan kan dinhmun hi a tichiang viau in kan hria a. Pu Speaker, kan ram hi ngaihtuah ilangin engmah hi thawh chhuah kan nei fumfe lova, manufactured goods phei chu kan neilo a ni ber a. Hriau tak ngial pawh hi kan la siam lo a nia, nawhalh bawm khat pawh kan la siam lo a ni ber a. Hetiang karah hian kan rual ute atanga kan hmanraw ropui leh tha ber hi chu Education hi a ni hrim hrim. Education avanga dingchhuak hi an tam em em a, tin, a tih pawh kan in tihhmuh nasa a. Chuvang chuanin ‘demonstration effect’ kan tih ang chi kan hma amite hlawhtlinna avanga kan tih ve chiam pawh hi Mizoramah hian a hlawhtling a ni. Chuvang chuanin education hi kan man fuh a, hetah hian kan hlawhtlin chuanin kan ram hi a dingchhuak ngei ngei ang. Thil tharchhuah dang te hi chu a kal zel ang, Industry lamte, Agriculture te, Horticulture te kha chu a akal zel ang. Mahse, kan hmuh chian sa leh kan dinchhuahpui, kan hriat chian bal hi chu education a nih leh Mizote hi chutiang lamah chuan kan lo nep lo khawp mai tih hi a ni. Chuvang chuan education hi kan dinchhuahna tur a ni tih keini chuan kan ngai nghet tlat a. Tunah hian Elementary leh Secondary stage-ah Text Book revision kan nei a. Pu Speaker, helai hi kan member ten min hriatpui se kan duh hrim hrim a. India ramah ASER an ti a, Annual Status of Education Report an ti a. Chu chuanin Mizoram te pawh arawn survey a, nasa takin an rawn bei a. Chuta an hmuhchhuahah chuan kan lo hniam tawh khawp maia. Khawvel ram dangte nen an han tehkhin pawhin ram 74-ah hian a hnuaiber dawttu 73-na kan ni tawh a ni. Chuvang chuan pawl 5 hian pawl 2 a zirlai a thiam lo tih te hi an rawn hmuhchhuah takah chuan, “Text book hi revise rawh u, revise a hun a ni. In text book hi a chhah em em a, a tam em em a, thu a tam em em a. Mahse, a zira te an thiam chuang si lova. Chuvang chuan an thiam ngei ngei tur, thiamlo awm hleih theih loh khawpin hriatthiam awlsam leh hriatthiam nuam tur tein buatsaih rawh u,” an ti a, chungte avang tak chuan tunah hian revision kan ti a. Tin, Pu Speaker helaiah hian hun remchang deuh kan la ang a. Tunhma deuh khan kan member dangte nen in lungual takin Matric ahte mi career te pawh kan tichhe nasa alawm, Science leh mathematics te hi chu a pumpelh dan ngaihtuah kha kan thupui thin kha a nia. Mahse ziaktu pakhat chuan, “Kumthum chhunga ngaihdan hraw fe i paihthla emaw i tidanglam emaw a nih loh chuan i mar kha dek teh, a lo thi a ni mai thei a ni,” a ti a. Chutiang deuh hlek chuan School Education Minister ka nihna ang hian Science leh Mathematic pawimawhzia hi ka hmuchhuak thar nasa em em a, kan Officer te zarah. Chuvangin a harsa zawng nilo, hriatthiam nuam zawngin Science leh mathematics hi a nawlpui zawkina an zir deuh ham ham theihna tur zawng hian kalpui thain kan hria a. Chuvang chuan Elementary ah phei chuan pawlriat leh a hnuailamah te phei chuan Mizo

tawngin Science leh mathematics te hi zir ila. Hriatthiamna nen hian Science leh Mathematics te, English-te pawh hi hriatthiamna nena zir hi chuan kan thiam thei a ni, kan ti a.

English hi, “Engatinge kan rual u te, a tawng lampanga thiam vak lo siten an ziate a that em em a, rawn tlak an nih,” kan tih chuan an lo hrethiam tlat mai a lo ni a, an zir chin ang ang kha. Hmanlaiin baihvai takin zirtirtuin chemte an lek a, zirtirtuin, “Hei hi kinefe a nih hi kinefe, chemte tihna,” tiin an lo in zirtir ang khan hriatthiamna nena an beih tak tak chuan alo fei tlat mai hi a ni. Chuvangin hriatthiamna nen, hriatthiam nuam bawkw siin kan zir laite tunah hian text book kan han revise a, hei hi kan ram hnuk niin kan hria a. Member zawng zawng te pawhin min phur pui niin kan hria a. Chutiang chuan English-te pawh hi Mizo tawnga hriatthiamna atang hian, “Noun engeni? Adjective engeni?” tih anga hriatthiam nuam zawng taka min zirtir chhoh hian chuan kan sawtpui kan ring ani. Kan sawi zung zung anga, hming hi sawi nawn sawi nawn a ngai a, department wise a ka lo chhinchhiah avang hian. Pu Hmingdailova Khiangte in Directorate of School Education an indaih lo hle tih ka hmu thin, an harsatna te ka hriatthiam pui khawp mai a tih hi a lawmawm ka ti a. Mi Directorate ang lo tak hian kan function pek a, hei pawh hi siamthat kan tum a, mi Directorate-ah chuan District 8 atanga lehkhah kan hmuh leh mipuiina anmahni lehkhah thehluh hi a lo lut a. Keiniah chuan District 8 leh Sub-Division 19 atang hian direct-in a lut vek mai a ni. Lehkhah lut hrim hrim hi a tam a, chuvangin ACR bo tihte a, kan tawpna hi sawi tur tam tak a awm a, mahse a thawka te sawn an tlin ngang lova, a system a zawk hi i ti danglam ang u, te kan ti ta a ni.

Inspection chungchang hi chu kan sawi tawh thin a, hei pawh hi thildang vang a ni lova, tuna Sub Division 19-ah pawh khan 9 kha chu adhoc an ni a, Post creation chu kan ti hlei thei lova, Office Establishment ang tur pawh khanin pawisa harsat avangin kan ti hlei thei lo a ni. Sub-Division tina SDEO-te kha ‘in-charge’ angin an la kal a. Tin, an Office te pawh kha engemaw tia SSA atang te a lo buatsaih ve mai mai ang chi kha a la tam em em a ni. Inspection pawimawh zia hi chu kan hria a, tunah hian khatiang kan duh ang diak diak ni lo mahse, a Officer-te mawhpurhna danah tal hian Inspection hi ‘revive’ (tinung thar) leh ang khai kan ti a ni, chu chu tunah hian kan hmabak a ni.

Tin, a mimal ang te tea problem ang hi chu min hrethiam selangin, hei ka chhinchhiah vek thova, ka rawn sawi lo mai ang. Pu Lalrobiaka, kan member zahawm tak pawhin chutiang bawkw chuanin a rawn sawi a, School Education ah hian a sawi tam ber a, kan member zahawm tak Pu K.S. Thanga pawhin hei a bialah khaw 26 zet awm chungchangah Lunglengah te, Sateekah te, Thiakah te harsatna a tawh thu a sawi a. Hei hi amah tenen chinfel turah ka ngai a, he House-a sawi a nih bakah House pawn lamah chinfel hi kan tihtur a nih hrim hrim avangin chinfel turah ka ngai a.

Tin, Salary chungchang, kan indaih ve dawn tawh em ni tih sawina kha a lawmawm ka ti a. Hetah hian kan sawi belh deuhhlekk duh chu kan Chief Minister zahawm tak hi a tang nasa em em a, kan Finance Minister pawh ka hriat ve phak leh hriat ve lem loh pawhin helai hi chu an lo sawi dun tawh thin a ni tih ka hria a. Salary indaih lo a awm a nih tih chungchang thu pawh hi, tunah hian chuan indaih tur ang deuh hi chuan kan han awm ve a. Mahse kan indaih ta a, tiin kut chu kan la beng ngam lo a ni. A chhan chu hetiang chi ho reng reng hi chhut dan te a lo in anglo hret hret a, chhut dan lo inang lo hret kha mi za tam karah hian chuan kan lo indaih lohna kha nuai tam fe te a lo ni ve leh mai a. Mahse, Finance leh Planning lampangin min tihpui an tum em mai a, kan Chief Minister leh kan Finance Minister ten tan an khawh nasa a, kan lawm tluantlin theih zel kan beisei a ni.

Tin, kan member zahawm tak Pu Z.S. Zuala khan rationalization of teachers thu leh inspection pawimawh zia thu a rawn sawi kha a lawmawm a, nichina kan han sawi ang khan hei hi kan ti dawn a, inspection pawh hi tih ngei kan tum a ni tih kha kan sawi leh duh a. Tin, kan member zahawm tak Pu R.L.Pianmawia khan Darlawn High School chungchang thu te, tin, Hindi Teacher an neihloh chungchang te, local candidate lak hi a tha ber mai tih te, tin, kan Director mumal loh chungchang alo vei ve zia thu te kha keini tan chuan a lawmawm a, min tichak tu leh keimahni tan pawha hma han lak leh na tur atan kan tlawhchhan tha tak anih ka ringa, heng ang hi a problem ang te te hi chu vawiinah hian chuan chuti chuan kan ti ange, tiin kan chhang lo mai anga, kan thawhpuite vek in ni thova, kan member zahawm tak tak te kan la chingfel thei turah hian kan ngai a. Tin, kan member zahawm tak, Pu P.P.Thawlla khanin kan High School 5 ah sawn pakhatat mah Headmaster a awmlo a ti a. A zahthlak khawp mai a, a hreawm bawka. Headmaster chungchang hi Pu Speaker, inlo ral hriat tawh maithei a, a seniority atang hian kan tan a, Seniority atanga kan han tan hian headmaster nih duh, mahse depending upon the post a ni ta thin a. Sawtah emaw, khutah, khitah anih khan chuan an duhlova, an decline leh hmiah mai a.

Khatiangan anih avang khan hma hi kan sawn theilo em em mai a. Engtinge ni hetiang hi kan kal kan theih ang ? Heti ringawt maia Headmaster neilova kan awm reng zel hi a tha love kan tia, chumia kan sawina hnuhnung berah chuan DPR lamin an lo hriatthiam puina avangin panel list-ah hianin 50 zet mai hi dah tel nghal ila, an ni ho hi an decline pawha kal nghal thei tur khan inbuatsaih ve tawh ilangin tihte pawh kan han sawi a. Hetiang anih chuan High School Headmaster post awl deiduai mai, tuna Pu P.P.Thawlla biala High School Headmaster 5 zet mai awmlo te angte pawh kha tih khah theih kan inbeisei a, kan rawn enzui nghal ang e. Tin, DEO te pawh hian inspection kha chu ti se tih kha kan lo ngaihtuah mek a ni a. Kan problem min vei puia, a lawmawm khawp mai.

Pu Nirupam Chakma hian engemaw zat Education chungchangah a rawn sawi a, "Education Reforms Commission kha in siam a, a thawm pawh a na khawp mai" tih kha a rawn sawi a. Hetiang hian ka han chhang anga, kan thleng thui tawh khawp mai a, a hmasa berin cabinet in a 'principle'-in a pawm hnu khan Group of Experts-in an lo en leh a, tihhmasak tur te, tlema muang deuh turte, thenkhat te chu hmanhmawh lutuk ngai lo, khatiangan khan chi 3 in a rawn thliar thlap a, chumi Group of Experts-ina a rawn tih piah lamah chuan keimahni kan Secretary hovin pawisa mamawh tur zatte kan chhut chhuak a, Planning te, DoNER te, NEC-te nen te pawh kan han sawiho khan min hlimpui hle a. Mahse, a nihna tak takah hi chuan a State ber hi kan pachhiat hi chuanin Chuvang chuan a pawisa lam ang zawng hi chuan kan ti vak hleithei lova, mahsela system of study-ah erawh hi chuan kan theih ang kawng hrang hrang in committee hrang hrang, task force te siamin committee engemaw zat kan neia, chung chuan bawhzuiin recommendation an la rawn thehlut dawn a. Chu chu kan thlen chin a ni a.

Tin, kan thlen chin mek anih lai hian Right of Children to free and Compulsory Education Act ten min rawn chhilh chhova. Kan tum chiah mai kha alo ni chho zela, Continuous and comprehensive evaluation kan tih, CCE te a lo awm chho zela, heng hianin Quality Education chungchangah Education Reforms Commission-in a rawn ngaihpawimawh em em tho kha kan tih zel avangin heng hi ataka kan han tihchhoh hian Education Reforms Commission recommendations kan tih hlawhtlinna chhoh ve zelna chu anih hi kan ti a.

Tin, member zahawm taktana min hriatthiam pui kan duha chu education kan neih tantirhna hi kum 1894 vel atang khan ani tawh a. Missionary kan neih rual rual khan kan

nei chho deuh a ni maia. Dik vak loa kawng kan lo zawh te, kan phak tawk ang anga kawng kan lo zawh te, tin, thahnemngai taka kan lo tih te, a tha lai chhonzawm zel tur te, a tha lo lai han hleh ngai deuh te tam tak awm karah hian, Education Reforms Commission hian zankhat thil thu-ah hi chuanin thil hi a tidanglam dawn lo tih hi min lo pawmpui ka duh a. Zawi zawia kal bek bek chho tur a ni a. Thahnemngai tak tak tena hmanhmawh tak mai a ngaihtuahna min han hmanpui karah hian keini-ah chuan kan theihchin leh kan pen zau ang tawk min hriatthiampui loh kha chuan kan inpal tlu ang tih hi kan hlau em em mai a. Kan Education Reforms Commission hi kan ti tak tak a, Member pakhat khanin tih mai mai ang tur hi chuan a remlo ania tih kha a sawi a. Kan ti tak tak a. Tin, a rah pawh hi zawi zawi hi chuan kan seng chho a. Kan zirna-ah hian Pu Speaker, By-heart Learning kan tih hi kan paih a ngai a. Chu chu pawimawh tak niin kan hria a. Hriatthiamna, understanding leh comprehension tak tak nena zirna hi kan tih loh chuan kan tu leh fate hian an khingpui tur te leh an elpui tur te hi U.K. ami te, Bangalore ami te an ni tlat tawh mai a. Vawiin-ah pawh hian kan ram tana ngaihtuah ngai zet mai chu keini chuan State Entrance Examination, Technical Examination kan tih mai te kan lo ti ve a. Mahsela, India ram pum angah kha chuan anni chuan, “AIEEE ah acceptable level an nih a, bench mark an thlen ve a, chutiang a nih loh chuan nangmahni in thlang ngawt mah ula, kan pawm dawn reng reng lo che u,” an lo ti bur mai a. Chungtiang chung chuan kumin hi chuan kan Chief Minister thahnemngaihna azarah kan paltlang dawn niin kan hria. Nakumah chuan a theih miah tawh loh.

Pu Speaker, pawimawh deuh mai chu AIEEE a tling ve tur chuan Pawl 12 a an mark kha a pawimawh tlat mai. Khata mi kha 40% a luhna tur atan khan a tel tlat mai a ni. Khatiang a nih khan chuan, keini hi kan mark lo inpek dan thinah chuan mark hi kan ren a ni. Pu Speaker, Guwahati chhuak ho reng reng hi chu mark hi kan lo ren vek mai a. Mark ren a lo seilian kan ni a. Kan toppe ten 80 an pelh tawk lai hian, State dang ami te chuan 90 dawn lai lai an lo thleng a. Hmun thenkhatah phei chuan 100 hi an lo hmu fur mai a. Delhi University(DU) ah te phei chuan nikum leh tunkum khanin cut off mark-ah 100% an tih tlat mai kha. Chutiang khawp a nih lai chuan keini hian mahni nih nih in ti ve hrim hrim ang kan ti thei tawh lo. Kan elpui te kha Madrasi pa a ni emaw, Bangali pa a ni emaw, Delhi pa a ni emaw, khangte khanin an State Board-ah khanin 97, 99 te an hmuh si kha chuanin, keini in a 83, 84 vela kan insuk tir vaih kha chuanin kan tlinglo zel dawn te pawh a lo ni ang a. Chu chuan, Education hi pawthniamin, mark sang tak tak hi inpe ang u tih hi a kawng reng reng lo. Kan zirdanah hian a kalphung hi tidanglam ang, kan zawh hi an hriat a, an express dan hi chi hrang hrangin an express a, thenkhatin phek 1 ah an zia ang a, thenkhat in phek 2-ah an zia ang a. Mahse, an express dan atang hian mark hmu tur an ni. Mark 70 hmu tur an ni. Mark 90 hmu tur an ni tih kha thiamthei leh thiamtheilo inkar chu a awm ve tho ang. Chuvang chuan, vawiin-ah chuan khati zawnga kan inpuahchah loh chuan kan tlat dawn tlat a ni. Kan tu-te kan fa-te hian engmah hi an zir chhuak lovang tih hi kan hlau em em a ni.

Pu Speaker, ka serious khawp mai a. A chhan chu keini tan hian, keimahni Department kan sawi mawina ni mai lovin, kan Member zahawm tak tak ten kan Department kalhmang te, “A lo nih tak hi maw le, kan hriat lem loh hian heng thilte hi a lo awm a nih hi maw le,” min tihsak ve nan te leh Mizorama rorelna sang ber a kan Member ten min lo ngaihtlak a, an lo sawichhuah leh te hi keini sawi ngawt ai hian a darhzau tha dawn a. Chu chuan kan tum ram hi min thlenpui kan han ring baw a.

Kan Member zahawm tak Pu K.Liantlinga rawn sawi Republic Middle School chungchang pawh kha kan han examine ve thin a. Amaherawhchu, sawi leh sawi hnu, “Minor works in neih hi hlawh pawh in indaih si lova, hlawhah hmang phawt ang aw,” min tih sak daih mai a. Khatiang kha chuan kan tum angin kan ti hlei thei lova, mahse kan lo hria ang a.

A tih theih dan kawng kawng kan lo ngaihtuah ang a (interruption) (Pu Lalthansanga : Nichin khan ka zawh theihngihl daih mai a, hemi Pre-Matric Special Scholarship hi nikum pawh la tawh lo anni a. Kumin hi a thla chawhnu leh riau ta mai a, engnge ni hemi dinhmun hi min hrilh thei lawk em le). Helai hi Pu speaker, nichinah pawh khan han sawi tlang tur emaw ni chu aw ka ti deuh a. Mahse Scholarship Board hi Higher & Technical-ah a awm a Pre-Matric ho kha School Education-ah a awm a, Dept., hran daih kha anni a, a enkawltu Minister hi ka lo thuhmun hlauh avang zawk hian kan intlawhpawp a ni chauh zawk a. Tih lohah chuan in hre miah lova lo tlang zawk tur kha anni a. An pe lo a ni tih kan han hriat khan kan in kokhawm rum rum a, hei hi chu kan lo pe lo der mai a, “Engtin nge kan tih ang?” kan ti a, “Pek dan i ngaihtuah ang u, pe hram ilangin, nakumah pawh pe hram zel tawh ang u,” kan ti a. Finance leh Planning te kan han kawm a, anni pawhin “chutiang anih chuan an tam lo bawk a, tih hram dan i ngaihtuah ang u” an ti a, min tih sak dawn niin kan hria. Deficit Mission School hote Sixth Pay anga lak ve chungchang kha. Tunhma chuan sorkar hnathawkte rual khan hetiang hi an lo la ve mai thin a. Mahse tun tum kan Pay Implementation-ah khan khatiangin kan kal ta lova. Public Undertakings te, MBSE te pawh a hranpa a decision siam ngai an ni a. Hei hi tunah hian kan han muanpui hret a, mahsengin tih kan tum a. Kan hotupa ber kan Chief Minister te, kan Finance Minister te pawhin an ngai pawimawh em em a. Amaherawhchu, sum lama kan harsat hret avang hianin anni pawhin an hrethiam ang a, retrospective effect lovin prospective effect in tihdan i tum ang aw tiin tunah hian an la indawr chho mek a. Kan dept.-a tawp a ni mai lova, mahse hlawhtlin chu kan in beisei a ni.

Pu H.Zothangliana, Member zahawm takin Higher Secondary School Private, Sangau hei hi permission min pe tawh a, Exam Centre-te pawh kan la dil dawn a tih kha. Hengte hi chu merit-a en tur a ni a, induhsakna a tih mai chi a ni lova, a tul dan anga mipui tan public interest a ni em tih kha kan enna thin a ni a. Tin, kan hriat theuh angina tunhma zawng ai khan tleirawlte te'n exam tura mi mikhual han nih te hi hrehawm an ti a, kan hrethiam khawp a. Chuvang chuan heng hi chu MBSE lampangte entu tur anni a, kan lo hriatpui ang a hlawhtlin theih dan te pawh ngaihtuah a tha in ka hria. Tin, Inspection chungchang a pawimawh thu te, Hindi teacher kan han pe uk a, kan lak kir sak leh daih chungchang thu te, hengte hi chu kan chingfel thei mai a nga. Tin, Member zahawm tak Pu John Siamkungan hei salary te pawh in indaih ve ta a, a lawmawm hle mai a tih kha tuna kan sawi tak ang kha a ni e.

Tin, CCE chungchang kha a rawn sawi a. CCE hi SCERT lampang hian an buaipui nasa a, anni hi kan mithiam, kan thluak bawmte anni a. Anni hi chuan anih ang hian ni tawp mai se tih hi an duh dan a ni a. Tin, scientifically leh a kal hmangah pawh hian niawm tak a ni a. Mahse a mipui lamin kan la hriatthiam tlat loh avang leh, zirtirtute ngei pawhin a inthlahdah phah nan kan hman theih dawn avang leh naupangte pawn inthlahdah phah nan an hman theih mai kan hlauh tak avang hian a mipui lampang mil tawk a kal chang te pawh a awm a tul ve anih hi tiin kan ngaihndan loh deuh hlek angte pawhin kan kal a tul dawn in kan hria a. A chhan chu thil zir reng reng, kan thiam a kan hriatte hi kan exam avanga hria kan ni hranpa lova. Atua pawh hi in zawt ila, “Engtik atang khan nge i pa hming i hriat chiah?” ti ilangin sawi thei a bar kan awm lovang, mahse kan hre vek si. Chuvang chuan kan zir a, kan kal pel a, thiam hi chu kan lo thiam mai a lo ni a. Pahnih leh pahnih belh hi pali a ni tih hi engtik kumah nge i hriat, han tidawn ila, kan pass vang leh eng emaw avanga kan zu hriat kha ni lovin, kan zir zel lo tling khawm accumulation, khanin zawi zawiin a ti a lo ni. Tun atang kum nga, kum sawmah chuan, pawl 5, pawl 6& 7 vela kan han fail-tir thin kha chu emaw, pawl ngaia kan lo suktir thin kha kan lo va a em ve aw, kan ti ngei ngei ang tih kan ring a. A chhan chu he zirna kan tih CCE hi ram changkangten an hriata an tih thin tha

ber a ni a, chutiang chuan kan han ti dawn a, mahse mipui lam atanga kan hriat ang hre ve loa kan ngaihten an lak thiam ve loh chuan, “A keini chu inhnuk hniam tur zawk kan ni alawm, an hriat thiam dan ang tawkin kan la ti phawt ang a, zirtiri bawl kan nia alawm, titirtte kan la ni bawk a,” titen ngaih dan hi kan la nei deuh va, hei hi chu a hlawh chham lo vang, a hlawhchham kan ring miah lo, kan zirna hi a tikhawloh kan hlau lo va. Tin, Academic Session-te pawh nakum April atang chuan kan han tan chho dawn a. Hengte hi, “Keini kan sorkar tawh a, i ti danglam ve hrim hrim ang tih ang zawng a ni lo va, kan ram tana tha tur, zirlaite tana tha tur, tih mai theih ni si, tih theih loh thin hi sorkar kan tlawna lai tak a ni a. Chuvang chuan han tih theih mai ni si, han tih mai a, kan tih ni tur sia hi, “I ti mai ang u,” kan ti a ni. Hei hi consultative committee-ten kan han ruahman a. Tin, Pu TT. Zothansanga khan a sawi a, “Association an tam,” a tih khan, mi huat zawng tur anga sawi niin ka hre lova, “In tan chuan a buai thlak awm mang e, mahni ngaidan hrang hrang nei, mahni hma lam pang han buaipui tlut mai an ni si a,” tia a sawina mai niin ka hria a, huat tur zawng a awm ka hre lo va. Tin, amah hi a hre Chiang Bertu a ni a, a tangkai zia leh Association-tena Department min puih dan zawng zawngte chu, chuvangin, khati zawnga an lo ngaih miah loh ka duh a, ka ngen bawk a, anni pawhin, “Association-te kan khalh ngil che ua, kan kawhhmuh che u a, kan hriat lohte pawh minrawn hrilh thin che u,” an tih hi thu dik a ni tlat mai a. Anni hi chuan an zir nget nget mai a, an lo hria a, chung chuan sorkarte min lo khalh ngil thin a ni. Amaherawhchu, a Department enkawl na atang erawh hi chuan tam bawk si, duh inang bawk si loah hian chuan han hmerkhawm thiam hi chu a har khawp mai a, kha lai kha chu a hriat thiam avangin a han sawi mai niin ka hria a.

Tin, Aizawlah Zirtirtu an tam lutuk si, han tih ang zawngte hi thu dik a ni a, mahsengin, Aizawla kan khawl khawmho hi hmanah khan, “SSA lam atang khan han thlir teh u,” kan ti a, an han thlir khan kum 54 chung lam kha an tam em em mai a. Pakhatnaah chuan West Bengal-a Kolkata kan tih ang deuh hlek khuan, Mizoramah hian Aizawl hi a lo Aizawl ta lutuk tlat mai a, kan chhiat pui tur khawpin kan lo Aizawl tawh a lo ni reng mai a. Hei hianin kan ram thanna turah pawh harsatna min siam thei a, chuvang chuan Aizawl ringawt ang zawnga kan ngaihtuah avangin mi, damdawi tlan duh, hrisel loh vangin. Tin, “Ka pension tawh dawn a, mahni in ngei atanga pension ka duh,” an tih chuan, Aizawla kan khawl khawm zirtirtu tam takte hi zirtir hlei thei lo, kum lamah pawh upa, hriselna lamah pawh tlahniam, chung avang taka kan lo khawl khawm leh kan lo sawn luhte, ani ve tho mai a. Harsatna neih avanga Sikul pawh kal ngai tawh lo, mahsengin, sikula an beh ve, ve ve si loh chuan an chawbel a nih ve tlat avanga tih ngaihna dang awm lote kha an ni ve teuh mai a ni.

S P E A K E R : Khangho kha an la pension si lo vanduai thlak taka an thih hun kha chuan kum 70-te an cross chho fur zel si em ni?

Pu LALSAWTA, MINISTER : Kum dik lo hi ni e, Pu Speaker, tunah hian, “VRS ang zawng hian her rem theih dante a awm em?” tiin kan commissioner-ho kha lo exam teh u, zirtira tui tawh lem lo, sumdawna lamah emaw, politics lama tel duhte hi chuanin qualified hle mah se, zirtir lama tui tawh miah lo, rilru pawh pe miah lo an nih chuan an ni ang kha chu VRS te pawh hi phal sak mai ilangin, an aiah tha deuh deuh kan la leh dawn a, naupang deuh zawk te pawh kan la anga, chutiang zawng te pawh chuan min ngaihtuah pui thiam se, DP&AR lam te pawhin kan va duh va mawle, kan ti a, chuvang chuan VRS kan tih ang te pawh hi tunah a nazawnga an hriat thiam dan ang zawng nilo deuh hleka tih dan hi awmin kan hria, mahse hei hi keimahnia tawp a ni lo a, department dang te nena tih a nih avang khan.

Dr. R. LALTHANGLIANGA : Khawngaihtakin, a indaih lo tih zirtirtu chungchangah khanin hemi, nia kan hre vekin ka ringa, Tuipuiral zirlai pawl ho thil kha entirnan, hei a statistics han en hian single teacher, pakhatin in a enkawl school a 62 awm te, zirlai naupang 86 awmna te, 44 awmna te, khatiang ang 62 awmna te, 87, 86 khang em em laia kha chu khawngaihin hei vocation te a ni bawk a, tun chung hianin a bik takin kan request duh a ni. A bikin khi kan MLA zahawmtak Pu Thlenga bial lampang te hi niin ka hre deuh a, a lutuk deuha hi chu, hetah a nawlpui ngaihtuah lo khanin immediate action a kha lak theih nisela a tha khawpin ka hria a, khawngaihin kan ngen deuh a ni. Hetiang chi bik, single teacher deuh a kha.

*Speech not corrected.

Pu LALSAWTA, MINISTER : Kan lo ti ang e, an mahni pawh khanin lehkha te minrawn pe a, ti ngei tur pawhin min beisei ni pawhin ka hria a, kan lo ti anga, amaherawhchu thil hriatsual palh pakhat hi kan nei ve a, sawina remchang te pawh a ni bawk a. Right of children to free and compulsory education Act kan tih hian Schedule a nei a, chu Schedule ah chuan pupil - Teacher Ratio hi a rawn siam thlap mai a, chu a PTR siam thlapah chuan Primary ah hian class wise in naupang hi alo dah miah lo maia, naupang hi tlem mahse school-ah khan zirtirtu pahnih awm rawh se, 60 thleng hian pahnih awm rawh se. 61 – 90 ah hian 3 awm rawh se, 91 -120 ah hian 4 awm rawh se a ti hmiah mai a ni. Khang kha a nihna takah chuan hmun tamtakah hian kan pel ve bawk a, class wise-in class pakhat zelah class, I,II,III,IV ah khan zirtirtu pali plus headmaster te inpek kan tum a, kan lo tlin loh tawp leh keini aia State hausa te pawhin an tih miah loh kan lo ti reng mai kha alo ni a, kha lai kha min hriatsak ve chu thain ka hria a. Kha kha ‘as a matter of right’ anga an claim dawn chuan a theih loh. Schedule-ah khan khatiang khan PTR kha alo awm tlat mai a, Middle School-ah erawhchuan classwise-in kan ti anga, mahse class khatah hianin 40 aia tam hi chu awm suh se, a rawn ti a, chutiang deuh chuanin PTR rawn ruahhman dan kha ani ve a, khalai kha a sawi remchang em mai a kan sawi a ni. Tin, Tuipuiral lampang kha chu kan lo en anga, hma thei ang berin chinfel kan duh anga, amaherawhchu an nawr vang niloin, a tul avang ni se tha ka ti a, he ram hian engtin nge kan kal zel dawn tih ka ngaihtuah hian nichinah pawh khan kan member zahawmtak khan a arawn sawi a, sawrkar zahawm miahlo a kan siam hian a pawl ti tura chu keimahni, a mipui lam hi kan ni tlat mai a, sawrkar hi zahtlak lova kan chhuah hian kan hlawkpui dawn emaw kan ti a ni maithei a, kan hlawkpui thei miah lo, chuvangin kan in nawr danah hian heitang lo deuh zawnga in nawr hi tha ka ti a. Keini’n school hawn kan duh a, zirtirtute pek kan duh laia, school khara min nawr hi chu heti lo zawnga kal hram theih hi chu ni tawh se, tin, kan in auh eina tur pawh a ni. Mahse, khatiang lo zawng kha nise, school te hi chu naupang innocent tak tak mai ten khati zawnga politics an han hmu tur, an han hmelhriat tur leh khatiang zawnga an han thanlen pui tur kha keichu ka ngai ngamlo a ni. Tha ka tilo a ni, chuvangchuan khatianglo zawng khan tih theih tawh thin chu nise ka duh khawp mai , tih kha kan sawi duh a.

Tin, Pu Lal Thanzara, kan member zahawm tak khan NIT, Thenzawl chungchang kha chiang taka rawn sawi ni se a tha ang a rawn ti a. Hei hi kan ngai pawimawh khawp mai. Nichinah khan kan Member zahawm tak Pu Chawngtinthanga khan a sawi tawh a. Thenzawl chungchang hi a sawi ang kha a ni a, keini chuan kan rilru hi kan lo dah nghet thui tawh khawp a, thildang hi awm leh tur pawhin kan ngai lova. Amaherawhchu, kan hriat loh hian an lo ti an lo ti ve a. An lo tih an lo tih ve kha chuan anmahni kha MHRD (Ministry of Human Resource Development) officer lam pawh kha an lo tui ve si a, an kawhmuhte pawh niawmin kan hria a. An han kawhmuhte khan an tui ta em em a. Tichuan, Thenzawl kha a hmunah i va en ang kan ti a, kan han kal khan hla an ti a, darkar hnih chuang kal te a lo ngai

a. NIT hi kan ta a ni bawk si lova, kan ta chu ni se ngaihdante pawh kan sawi ve thei ang a, ngaihdan te kan siam thei tur a ni a. Mahse, kan ta a nih si loh avangin a neitu berin, “Helam hi kan duh zawk e, helam hi ching fel rawh u,” an rawn tih tak siah chuan hrehawm ti takin, Lengpui lam kan duhsak lo tihna ni miah chuang lovin Thenzawl kan ngaihtuah hi chuan an rilru tur leh vawiina thil thlen dan kan ngaihtuah hi chuan hrehawm kan ti a. Kan CM tak pawh hian hrehawm a tiin ka hria a. A chhan chu kan lo kal thui tawh em a, Pass te buatsaih turin DC, Serchhip te kan ti vek a, engkim hi a paper works te phei chu kan ti thui tawh khawp a ni. Mahse, a neitu ber, MHRD ber an hmin theih tlat si loh avangin kan ti hlei thei lo a ni. Hei hi Pu Speratek, min hriat sak ka duh.

Sawi tur hi ka inbuatsaih teuh mai a, kan sawi chuan zan dar 12 velah chuan ka sawi zo theiin ka ring a. Mahse, chu em em chu tha in ti lo deuhvin ka ring si a. A tlangpui leh kan Member-ten an sawi ang chi hova kha sawi loh theih loh kha a ni a, kan inhmuhkhawm chhan kha a ni ve bawk si a. Kan Member zahawm tak Dr. R. Lalthangliana khan MBSE-ah hian Academic Officer an lo awm mumal tawh lo tawp mai a, tih a sawi kha kan hria, kan alert ang reng viau reng a ni. Anni khi SCERT kan sawi ang thova mithiam bikte awmkhawma hnathawk an ni a. Tunah Chairman thar te kan nei kan ti tak nain a kutke turte kha Academic Officer-te an nih tlat avangin. Heng ang chi hi keinih chuan hma kan lak chhoh zar zar a ngai a ni.

Kan Member zahawm tak Pu PP Thawla khan Saiha College hi tunah sak a ni a, a lawmawm khawp mai a ti a, keini tan chuan a ngaihthlak a nuam khawp mai a. A hmunah te pawh kan va thlir ve tawh a. Tin, Member zahawm tak Pu Nirupam Chakma khan, “6% Budget tal te hi HTE atan awm tur a ni a, hengte hi Education Reform Commission khan a recommend dan kha a ni a, in ti thei lo a ni si a.” a ti a. Heng hi thil hrehawm tak chu a ni. Pawisa a awm lo tih tuah hum reng mai hi a ngaihtlatu tan pawh a ninawm a. Mahse thudik chu a ni si a. Education leh Health Department-te phei chu kan hriat theuh angin 1999 Central sorkar nena MOU an sign-ah an telh duah a, an vaiin an telh a. 2006-ah kha chuan anni hi chu a ngai tawh love, ‘post creation ban’ te anniah chuan a ngai tawh love tih kha a ni a. Mahse, kan sum neihin azir loh avangin a tih theih ngang si loh kha chuan hriatthiamna nena kal kha a ngai ve tlat mai a. Kan sum dinhmunin a zir loh vang a ni ber a. 6% ang te chuan han kal thei ila chuan tuna Polytechnic paruk kan sak chhoh mek te pawh hi kan zuam ve zek zek ang a. Mahse, vawiinah chuan paruk sakna hi min han pe ta tehreng pawh ni se engtin nge kan kalpui ang le?

Niminah kan Member zahawm tak Pu Lalduhoma’n ngaihnawm takin a sawi a, “Skill development hi a pawimawh a ni. Tunhmaa BA han nih ve hrim hrim tura zir te emaw han zir chho te emaw hi vawiinah chuan a remchang tawh lo. Skill development a ni.” tia ngaihnawm tak a kan rawn sawi ang chiah khan keini hian, Politechnic kan han nei tura te pawh hi a nihna tur ang taka miin a dinchhuahpui na tur leh eizawna mumal tak, ngialnghet tak an neih theihna tur atana buatsaih kan tum lai hian kan sum dinhmun hian harsatna chu min thlen ani. Tin, kan Polytechnic Lunglei ami Pu K.Liantlinga zawhna chungchang contract vek mai an nia, anni hote hi engtingge ni maw dawn le an ti a. Anni hi All India Council of Technical Education kan tih AICTE kan tihdan anga lak an ni a, Aizawlah pawh hian Women Politechnic-ah hian khatiang kha kan nei a, Tunah hian World Bank ho ina an lak kha a rawn zawt a, khang kha chu a file a kal mek a fel tawh thawkhat niin ka hria a. Mahse, World Bank ni lo zawka kum engemaw zat lo thawk tawh te kha hei pawh hi ti lehngal rawh u kan inti a. Amaherawhchu, kan sawi fo angin keimahni Department-a tawp mai lo anih avang hian, DP&AR lam tena min remtih ngai zel anih avang hian speed hi a chak hlei thei lova. Pu Speaker, an ni ang ho AICTE ang cho chi phei hi chu B Tech,

first class ngei ngei a nih angai a, khami lecturer tur khan. B Tech 1st Class lai ni si khan contract-in an awm ta reng mai a. Chutianga awm reng an nih avang hian a then te phei chu an beidawng a, hna tha zawk umin 9 lai hi an chhuak tawh a. Mahse, chutianga han um ve thei tawh lo, kum lamah pawh lo 'overaged' tawh vawiinah hian chinfel ngei ngei ngai hi kan nei ta a. Henghi chu kan chinfel hi a tul a, kan tum bawk a ni.

Pu Josepha'n Lunglei ina hla mawi taka Chhim Tlang High School tia, "Gratuante leng te lo awm nual ila," tih kha naupan laiin kan sa ve thin a, ropui kan tih ang hu ai chuan khang kha hla hlui a lo ni der tawh mai a, vawiinah chuan chhim lampang sawn zirna lamah hma an sawnin College pahnih lai te pawh lo neiin, Polytechnic te an lo nei a, khatiang khanin an dinhmun a lo sang ta em em mai a. Tin, Girls Hostel hi ... lian atang te hian kan lak le? V/C atangte pawhin awlsam taka lak theih a ni si a, tih te, tin, kan member zahawm tak pakhatina UGC-ina an englo chungchangah hian State Government hian an hriatpui lo lutuk a tih hi. CABE, Ministers Meeting Central Advisory Board of Education-ah khuan vawi khat ka sawi chhuak a, anlo ngaipawimawh khawp a, minute ah te an rawn reflect a, chhan pawh min rawn chhang a, UGC-in a pawisa hetia State Government min by-pass a hetia an tih hi a tha lo ani. Hetiang hi chuan State Govt. tan a hrilhhai thlak a ni tiin ka raise kha an rawn chhan naah chuan, "Kan tum danah chuan more autonomy ani zawk a. State Govt. tana engmah va inrawlh lo tura siam chhoh zel kan tum dan a nia, hei hi chu min lo hriatthiam pui mai rawh u," ti ang zawngin min chhang a. A sawi pawh min sawi hmuh miah lo, mahsengin keimahni mimalin tuna UGC Chaiman Prof. Ved Prakasha hi Mizoram Education Reforms member-a hnathawk a lo nih ve avang te pawh hianin Prof Ved Prakash hi keini hian a copy tal chu min pe rawh u, eng kan sawilo anih pawhin, "in and out" hi chu kan lo hre ve ang e kan ti a. Chutiang chuan Un-officially-in min ti vel mai mai zawk ani. An lo kal phungah hian UGC hi chuan State Government hi min bye-pass hneh hle ani.

Tin, kan member Pu John Siamkunga'n Hnahtial College chungchang te, heng atang ten a tha si a tih hi a mah pawhin thlatin cheng sing Lecturer tan a lo chhawr ani tih kha kan hria a, sum tam tak a ni a, kan member zahawm tak pek kha. Tunah hi chuan chuti chuan kan han ti a, engtinng e kan tih ang tih hi ka sawi thei hril hlova, hei hi examine ngai a ni a, han chhan mai te a chakawm rual hian ka chhang mai thei hril hlova, kan mamawh dan erawh kan hria a, siksawi hlek kan han tum hian Aizawl ami te hian an lo hlauva. Keini ngaihah chuan USA meuhah pawh Massachusetts Institute of Technology (MIT) an tih te chu hmun khata an dah kha chuan an ngaihah dan kha a ni mai a. Keini pawh hian Commerce zir tur chuan Lawngtlaiah kal vang vang ngai se, kan College-te hi anmahni nihna ang ang hian han specialize tir ila chuan kan rama zirna te hi a tha tur a nia. Mahse tun atanga rei lo teah hian zirna chauh hi kan ram din chhuahna tur a ni tih kan hriat chian leh zual hunah chuan vawiin a kan hmalakna te hi kan tihhlawhtlin ngei ka ring a ni. Pu Ramhluna khan 6% tho kha a rawn sawi a. Kha kha chu nichina ka chhanna atang khan min hriat sak mai sela. Tin, R. Rualthansanga a a senior na hetiang hi a nih si chuan a tih kha 87-na daih kha a ni a. Hei chauh ni lovin Principal zawng zawngte Director te pawh hi service mumal a buatsaih hi kan tum a ni. Tunah hian hma kan sawn chak theih lohna chhan a hi UGC dan thar hi 2010 ah alo chhuak ve chauh a, churang chuan kan tum angin kan ti chak thei lo a lo a ni. Prinpal pawhin principal ka nih ang hian ka thawhpui ten min hmuh pui theihna turin Mode of selection-ah hian ti thei tur hian tunah hian buatsaih kan tuma, tunah hian teaching line leh administrative line te pawh hi tih hran hlak te pawh hi kan tum a ni. Tin, overseas scholarship chungchang kha chu pawisa kan neih loh avangin tunah chuan kan dah thei rih hlova, mahse budget ah kha

chuan hmun kha lo luah ve hrih phawt mai se, kan ti a. Heng hi nikum hmasa khan kan in pe ham ham a, mahse tunah chuan kan in pe thei ta lova.

Tin, Lecturers indaih lohna chungchang hi nikum lam te phei kha chuan a hrehawm khawp mai a. Mahse Lecturers te kan in daih theihna tur hian kan thiam ang angin hma chu kan han la ve a, Guest Lectures te hlawh chungchanga MZP ten cheng singhnih leh sangnga an pe thei lawm ni an tih chungchang-ah pawh khan tunah hian file a che mek a ni. Tin, Aizawla kan College reng reng hi an vai hian hmun hma nei miah lovin an awm a, an tih hi chu anmahni tak hian hrehawm an ti tih kan hria a. Mahse kan tlin chin leh vawiina kan rah chin a lo ni tlat mai a, heng hmun hma nei tha lo ber ber a te hi seat an zawn tam ber berna college an la ni si a. Tin, duh han thlang tur hian hmun tha zawk kan la nei lova, han tih tak tak mai hleih theih loh niin kan hria a, tikhan member-ah chuan ka chhang kim niin ka hria, Provincialization chu kan ngaihtuah mek e.

S P E A K E R : Kan chhuah bo daih zel chuan chhana zawng zawng a hriat theih lo e, a thu ho in in hria e

Pu LALSAWTA, MINISTER : Kan hmalakna hi Pu Speaker, kan member zahawm tak te hian min hriatpui se chu kan duh khawp mai a, a hun hi a rei deuh dawn a, mahse, hei hmeichhe naupang pawngsual tih te, hmeichhe pawngsual tih te, heng angah te pawh hian SSA atang te pawh hian self defense a in zirtir dan te pawh hi kan lo buatsaih ve ani, programme mumal tak hi kan lo nei ve a, chutiang ang self defense an lo tihna tur atan chuan kan lo buaipui ve a nia.

Tin, Social Welfare deptt. te tih tur ni awm tak mai Children With Special Needs (CWSN) tih ang chi persons with special needs/disabilities kan tih ang chi te pawh hi an lo buaipui ve a. Tin, SSA Acamedy hrang hrang atang te hian phai ramah te kan thawn a, football te an zuk khel a, chutiang chuan thawkhat lai phei khan chuan Manchester United tih hming te pawh kha an sawi ri ve ani , khangah te khan kan tel ve dawn ani te an tia , chutiang ang khawp chuan SSA atang hian hma kan lo la a, football lamah te , chung chuan national level ah te medal 23 an lo la tawh a state level ah 197 zet mai, district level ah 35, hma hi kan la ve nasa a, kan bawngnhute in lampang aniang kan sawi ve hrih chu .

Tin, computer aided learning chungchang nachin a kan sawi ang khan computer tello hi chuan computer thiamlo hi chu mi a hi kan lo ni ti tih der tawh mai a, vawiin angah te pawh hian minrawn sms rawh tih te pawh hi tunhma mobile phone nei duh miahlo te pawh khan kan lo thlahlel viau tawh mai a, chuvang chuan computer aided learning kan tih te hi tunah chuan kan bei chho ve nasa a. Tin, in te hi kan sa nasa a, sikul te hi kan sa hnem a, tin, quarters te pawh high school lamah kan sa nasa a, Mizo kan ni a, hnam khat theuh kan ni a kan han ti tak na hian nula tan te hian zirtirtu nih a mi in hmelhriat ngai reng reng lova han thlen a inbual hunah pawh inbual tha ngam lova han awmte hi a hrehawm a, chuvang chuan lady quarter-te pawh kan buaitsaih a.

Tin, SCERT hi kan thluak bawm an ni a, anni hian hna hi an thawk nasa em em a. Tin, Pu Speaker, helaiyah hian han sawi te pawh hi a rem in ka hria, kan Minister puite leh kan Chief Minister-te leh MLA pui te kan sawi kepna te pawh ani anga. Chief guest-a kan tan a, kan kal zat te min lo chhinchhiah sak a, a lawmawm em em a, mahse, eng ang zawngin nge min chhinchhiah aw... a kalhmang hi aw? Fak tlakah min ngai nge a kal hnem a te hi enggemaw tia zuang phar mai maiah min lo ngai ang tih kha ngaihtuahna hi a awm deuh

hlekk a. Achhanchu hetiang a kan hotute kan CM te, keini te kan kal hian kan thawm leh depp thawmte chanchinbua a lo lan hian publicity te enggemaw chen kha a lo in zarpharh khan chuan a hlawk kan ti ani. A kal a kha kan chak ai chuan khami ina a rawn hrin chhuah kha a hlawk kan ti ani. Kha kha kan programme, entirnan Science Exhibition ani emaw Talent Search-a kan Chief Minister-te an han kal khan anmahni tih tih a an tih, tuman kan hriatpui lemloh tur kha chanchinbua te thlalak nen te a lo chhuah kha chuan “Ekhai, St. Paul’s High School zirtirtuten an tawiawm a, zirlaiten lawmman pathum lai an la ani” tih te an lo hriat khanin kan Scheme te leh kan hmalak na meka kha min lo hriatpui ve a. SCERT-ina hma min laksak dan tam tak kan ram tan a tangkai zia te kan sawi vek seng lovang a, amaherawhchu, a tawi zawnga sawi chuan kan thluak bawm anni a. Tin, ABL kan tih hi ABL kan ti a, (Activity Based Learning an tih hi) anni hian Chennai ah te an zuk zir a kan officer rualin. Zirnaah hianin tunhma a kan zir a an thiam hma lo chu class-ah te kan han in detained ang chi ai khan joyful learning kan tih, nuam ti tak maia naupang ten an han zira, an zir ani tih pawh hre lova an lo thiam teuh mai hi tunlai khawvel hian a duhdan ani ta a. Chuvang chuan ABL kan tih te hi tih ve kan tum a ni, naupang te te in a taka an khawih a, zirtirtu te nen pawh thian ang maia an inkawm a sikul te hi an thlakhlelh em em chuanin an zirnaah hianin awlsamna leh sikulte hi thian hmun a an zir chhuah na atan hian kan duh a.

Tin, Englishan tia, comics te chhiar sela, comics book a an thiante hlim tak maia ‘welcome’ an lo tih chuan an han chhiar ve pawh khan welcome tih hi chu inhauhna ani lo tawp mai tih te an lo hriat a, khati khanin comics book hmangte hian hma te hi an lo la thei a. Tin, an hmalaknaah te hian national talent search tih ang chi te, national means-cum-merit scholarship kan tih te, tin, inspiral word phei hi chu vawikhat ka va tel pui tawh a, tin, proficiency award.....kan tih te pawh hi a tha em em mai a. Vawiinah hian Pu Speaker, Mizote hian English kan ngaihnan hrim hrim leh vawiina a dinhmun kan dah dan hi kan thlak a ngai a ni. Kan thiam lo tih chu kan hria, English kan ni tlat lo alawm, Americans kan ni lo alawm. Mahse kan thiam loh ang ang hian zak miah lo, mahni insitna pawh awm miah lova English-te kan hman bawrh bawrh tawh hi kan ram tan hian a tha dawnin kan hria. College-ah te, University-ah te, High School-ah te, Higher Secondary-ah te, Primary, Middle thleng hian English te hi hmang bawrh bawrh ila, keimahni lamah hian inkiltawihna leh insitna awm miah lo hian kan fate, kan tute hian hmang bawrh bawrh se tih hi kan beisei dan a ni. Hindi-te pawh hi kei hi 1963,64 velah Hindi ka zir, ka pass pawl riat, mahse ka tawng thei lo, a awmzia pawh ka hre lo, ‘Imitating the English Gentleman’ tih Mahatma Gandhi chungchang kan chhiar a, a ngaihnawm khawp an ti, a ngaihnawm leh nawm loh kan hre lo, a zia kan chhinchhiah dan pawh kha kan mita photograph anga awm kha kan chhinchhiah a, khatiang khan kan zia mai mai a kan passed a ni. Mahse, vawiinah Hindi chu tawng nan kan hmang anga, “Tum kaha ja rahe ho”, “Hum ghar ja rahe ho” khatiang ang zawnga kan tih khan a tak tak hianin Hindi hi i zir tawh ang u. Kum 40 vel ang te khati zawnga han kal kha chu a rei lutuk tawh a ni, chuvang chuan vawiinah hi chuan a tak ram daia Hindi te hi chu kan thiam hi a hun tawh, chutichuan an hawrawp Devnagiri script te pawh kan zir ang, kan thiam ang, eizawn nan te pawh kan hmang ang.

Pu T.T. ZOTHANSANGA : Pu Speaker, zawhna pakhat kan zawt teh ang a, Unstarred Question-ah khanin High School list kha a rawn lang a, Champhai District hnuai Champhai Venglai High School kha Higher tur ang deuhhlekk khan a

rawn inziak a, kha kha min rawn sawifiah sak la ka duh a ni. Tin, Champhai GM High School-ah khianin Principal nghet kan nei lova, Government technology kan neih a kha zirtirtu kha min rawn lak thlak sak tawh si a, “a, in lo inrawih theih chuan lo ti mai mai rawh u,” min ti a, tichuan, kum khat chu hei fund-in kan han inruai ta mek a, tunah kan la inruai mek zel a, zirlai 40 vel kan nei si a, khalai kha engtingge min sawi rem sak dan in nei thei em aw ka ti, 40 vel zirlai kan nei ve si a, ka'n inrawlh ve lawk anih chu.

Pu LALSAWTA, MINISTER : Pu Speaker, Unstarred Question a kan chhanna kha kan hmu mai lova, engpawhnise kan lo tusual palh thei a, mahse a position a dik tak hi chu a awm sa hrim hrim a, chu ang tur chuan kan lo endik leh ange, kan member zahawm tak khan min lo hrethiam se.

Tin, “hun i la rei” min tia a dik khawp mai a, mahse, gopvernment technology chungchang kha vocational education ami anih ka ring a, pawl 11& 12 zirna anih ka ringa. Kha lai kha sikulte kha kan khar tawh a Kan tihsual palh a nih kha chuan min ngaidam se. High School, Higher Secondary kan lo tih avang khan mi rilru te pawh a ni lo zawngin kan lo ti puahchah palh thei a. Mahse, a position dik tak hi chu a awm sa hrim hrim ang a. Chu ang tur chuan Education ami a nih ka ring a. Pawl 11, 12 tihna a nih ka ring a. Kha lai kha School te kha kan khar tawh a. Thawk khat lai khan khar te kha an han phal lo deuh a. Eng pawh nise, ka tawp dawn hnai ang a. Mizoram Board of School Education chung chang pawh hi sawi tham a awm a. Anni hi exam conduct-tu, High School emaw Higher Secondary School a ni emaw tih ngawt palh a awl a. A ni miah lova. Anni hian kan ram tan hna tangkai tak an thawh te zingah hmanni a Technical seat exam na te pawh kha tun kum leh nikum te khan min tih sak a. Tha takin, mam takin min tih sak a. An chungah kan lawm hle a.

Tin, Pu Speaker, kan sawi loh theih loh chu, Education department te leh Law Department te hi ral atanga min hmuhnaah hian min lo hmu sual ve palh thei a. Kei a hrechiangtu hian anmahni te nen a kan inkawm a, an hnathawh dan hi kan hriat hi chuan hna hi chu an thawk a ni. Amaherawhchu, a lo hnawk thui tawh em em mai a. Heng avang hian chinfel mai theih loh te leh keimahni pawhin kan tihsual rawn belh ve, lo awm palh te hian hna hi min tichak thei lo a ni chauh zawk a. Tichuan, anni hian High School lampang Textbook Revision kha an ti mek a. An peih thuai kan beisei a. Tin, common Co-Curriculum on Science and Commerce hi an buaipui chho mek bawk a. Tin, Higher & Technical Education Department lampang hi a mimal zawhna atang khan tam tak hi kan lo sawi tawh avangin kan sawi lovang a. College engngemaw zat hi DoNER atang ten kan sa mek a. Law College-te pawh khutah Luangmualah kan sa chho mek a. Tin, Mizoram Scholarship Board chung chang pawh hi sawi chiah ila chuan ngaihnaawm in tih ka ring a. Ngaihnaawm tham tak mai sawi tur awm a ni a. Tin, Parliamentary Affairs Department chung changah pawh hian a te viau na in keini chuan tuna kan Session tur ang chi te hi kan subject a ni a. Heng ang chi te a mawhphurtu kan in ti ve a. Tin, MDC pension tawh te, MRC, Mizoram Regional Council pension tawh te leh an family te pension kan pek te, tin, Youth Parliament te hi, Parliament ang nunchan thalai zinga nunchan te kan ti ve zauh zauh a. Heng te pawh hi kan la tih chhunzawm zel tur a ni ang a.

Law & Judicial chung changah hian, Pu Speaker, Law Commission hi keini chuan kan party-in Manifesto-a kan neih ang khan tul kan ti a, kan din a. Law Commission kan han din tak hian kan hlawkpui dan hi ka hmu tawh a Law Commission hian waviina kan khel kan khel ang chite pawh hi a rawn hma chho zel a, hna tam tak a thawk tawh a, an thawh chak lehzualna tur ang hian keimahni hian, sorkar hian kan

thuam theilo a ni chauh zawk a, chu chu Law Commission chungchangah kan sawi duh a, kan hriat theuh angin helaia kan House Member zahawm tak Pu R. Lalrinawma hi Law Commission Chairman a ni a, sawlai New Secretariat Complex-ah sawn Office neiin an awm a ani. Tin, Court building hi hmunruk laiah kan sa a, henge pawh hi tunah hian kan sak zawh chuan kan luah ve thei ang a, Court chungchanga kan indaih lohna, kan harsatna hi court ah hian a tawp lova court hianin a thiltih a tak taka a han tihtur ang te hi Jail te alo mamawh a, Jail-ah kha chuan mihring an lo mamawh a, a inkaihhnawih tun zel a, mahse fual bik lova han awm ve hi chu kan tum ve a, kan ti ve hram hram zel a. Tin, Separation of Judiciary hi kan han nei chho ve ta a, mitam tak mi lehkhah thiam tak tak tepawh hian an la hrethiam lova, kan inrawlhna tura ngai a an case neih ang te pawh kan hnena rawn thlen tawp tepawh hi an la awm a. Mahsela, Pu Speaker, court rorelnaah hian sorkar hian tih theih kan nei miahlo. Keimah ngei te, ka fate leh ka nupui tepawh hian pawh an khawih chuan court in an chungah ro a rel mai dawn a ni. Governor a ni emaw, Chief Minister a ni emaw, Speaker zahawm tak pawh nise criminal thilah emaw court pawh an khawih chuan anni hian tuma mitmei veng lovin an hna hi an thawk mai dawn a ni, hei hi vawiina kan dinhmun a ni a. Tin, Mizoram Code kan tih hi volume 7-na thlengin kan buatsaih tawh a hei hi kan chhuang ve em em a, a architect bera chu tunah kan hnenah a awm tawh lova, a chawl tawh a, Pu P. Chakraborty, pension-in a chhuak tawh a.

Tin, kan Chief Minister chungchang hi, a hming hi sawilan ve loh theih loh anihna lai hi a awm thin a kil tinah hian.... chungchangah pawh hian state matching share a state dang zawng zawng pawh hianin 50/50 te an ni a, North East-a 75/25 kan nih te khan kan Chief Minister hian lehkhah a ziaak a, kha tih laia Law Minister kha a sawipui bawh a, ni hnih/khat lekah hian 90/10 ah hian a rawn chhova, hetiang hi sawi ve a tulin ka hria a, kan Chief Minister hi a titha em em a, keini tan chauh pawh ni lovin, kan thenawm state te tan pawh hian a titha a.

Tin, High Court kan neih saw hman tangkai thuai kan duh angin keimahni lamah thu engkim a tawp vek loh avangin kan la ti hlei thei lova, tin, Law department hian “engemaw in tih le”? in ti maithei a, mahse kan he sorkar hnungah hian kan ding tlat a ni tih hi Law chungchangah Supreme Court a ni emaw engkim legal matters-ah hian kan ding tlata, Supreme Court thlengin Advocate kan nei a, tin, keimahni rawihin A.G leh a thuihruaite kan nei bawh a. Government Advocates-te leh public procecutor-te hian he legal matters-ah hian sorkar hnungah nghet takin a dinga. Theihtawpin kan pui a ni.

Tin, Legislation chungchang, vetting chungchangte kha chu sawi ngailoah ngai ta ila, Chutichuan Pu Speaker, kan department Law Department te, Parliamentary Affairs Department te, School Education Department te, Highier and Technical Education te, SCERT te, henge hianin mipui hriatthiamloh zawng takin, a chhe zawng te in chanchinbuah te kan hming lo lang thin mahse, keiniyah chuan tihtur tul tak, he ram tana rawngbawlna tul tak neiin kan inhria a. Heng karah hian kan diau chuang lova, kan tim bawh hek lova. Kan thiltih, ‘zirna siamthat’ kan tih hi kan ram tam thil pawimawh ber nia kan hriat avangin kan chhonzawm zel anga. Tin, mipui chungah rorelna chungchangah Health Department-ina kan theihang tawka kan tih hi tul kan tia, miina an rilrua dik reng si diklo anga mi ngaih ringawt pawh hrehawm an tih ang chi te pawh hi Law Department chuan kan hriatthiampaia, chutah chuan keinina kan lo tih ve theiha chu kan Advocate-te, kan procecutors-te, kan A.G-te, Supreme Court lam thleng pawha kan aiawh tur, mipui aiawh tura kan rawih, kan dahte henge hmang hian hna kan thawk ve a. Tin, Highier and Technical lamah te pawh hian nimin

lamah te pawh kan ngaihthlak ang khan Skill development tello hi chuan he khawvelah hian a harsa ta a ni. Engtik emaw hunlai kha chuan miin matric an pass emaw B.A an pass emaw te chuan an phu tawk ang pawh hna lo hmu thin mahse vawiinah erawh chuan alo ni tawh lova, employment exchange-ah ringawt pawh mi sing tellin hming an ziak tawh a ni si a, chuang chuan skill development hi a pawimawh kan ti a. Hengah hian kan department veka tawp nilo mahse keini chuan kan theih ang tawka tih kan tum a, kan hmalak mekna hi Mizoram mipui hian min hriatthiam pui se kan duha, kan officer te pawh hian theihtawp an chhuah a, hah pawh an hah hle ani tih pawh ka hriatpui a.

Chutichuan, Pu Speaker, i remtihhain heng ka Department : Law & Judicial Department, Parliamentary Affairs Department, School Education Department, Higher & Education Department, Demand no.- 4, Demand no.-12, Demand no.-20, Demand no.- 21 na te, heng hi min pass pui thei turin ka rawn dil duh a, chutiang a rawn dil tur chuan a Amount hi ka rawn sawi leh den den ang a. Demand no.-4 Law & Judicial Department – Rs.18,73,70,000, Demand no.- 12 na Parliamentary Affairs Department - Rs.45,00,000, Demand no.-20 na School Education Department - Rs.578,20,90,000, Demand no.-21 na Higher & Technical Education Department – Rs.124,32,03,000, a vaia belhkhawm cheng Rs. 721,71,63,000 hi he House hian min pass pui turin ka rawn ngen a ni. Ka lawm e.

S P E A K E R : Awle, Minister-in a rawn wind – up in pass te a rawn dil bawk a. Kan buk ang a, Pu Lalsawta, Minister zahawmtak Demand no.4 na, Demand no.- 12-na, Demand no.20-na, Demand no.21-na a vaiin cheng vaibelchhe 721,71,63,000 hi pass remti ti apiangin ‘Remti’ ti rawh u. (Member : Remti) Remti lo kan awm chuan ‘Remti lo’ ti ula. Awm lo maw? Awle, Minister zahawmtak Pu Lalsawta Demand, Demand no.4-na Law & Judicial Department – Rs.18,73,70,000, Demand no.12-na, Parliamentary Affairs Department - Rs.45,00,000, Demand no.20-na, School Education Department – cheng Rs.578,20,90,000, Demand no.21-na Higher & Technical Education Department – cheng Rs.124,32,03,000, a vaiin cheng vaibelchhe 721,71,63,000 chu House-in lungrual takin a pass ta a ni.

Pu LALSAWTA, MINISTER : Pu Speaker, ka lawm e.

S P E A K E R : Ti khanin wind-up leh tuna kan han nuai liamah khan darkar 2 chiah kan hmang a ni.

Tunah chuan Pu Nihar Kanti Chakma, Minister zahawm tak sawm ila, rawn wind-up pahin pass rawn dil nghal sela.

Pu NIHAR KANTI, MINISTER : Pu Speaker, ka lawm e. Hun ka hmang rei lovang a, tawi thei ang berin sawi ka tum dawn a ni.

Pu Speaker, Member zahawm tak tak te ka Department chan te min sawi pui avangin a hmasain lawmthu ka sawi duh a ni. Disaster Management-ah mi 15 laiin min sawi pui a, a lawmawm ka ti khawp mai a. Constructing ang zawngin an sawi a, hei suggestion-te, thurawn-te kan chhinchhiah vek a, kan Official-te pawh Official gallery-a thute pawn an chhinchhiah vek a, theih tawpin tan lak kan tum dawn a ni.

Pu Speaker, a mal mal erawh chu hei a react theih lovang a. Member zahawm tak tak te'n an sawi ber chu silpauline chungchangte, lawmthu te leh an bial chhung a equipment mamawh te. Kan hnathawhna thenkhat chu hei lawmawm ka ti khawp mai a, kan hnathawhna ropuizia hi helai House-ah sawichhuak a, Minister nih angin lawmawm ka ti. A bik takin hei Pu Nirupam Chakma hi Disaster policy siam tur chungchang te leh silpauline chungchang te an sawi nual a. Engpawh nise, hemi zawng zawng chu kan chhinchhiah vek a, theihtawpin hma lak kan tum dawn a ni. Englai pawhin kan Officer-te pawn kan welcome a ni, mimal kan react erawh chuan hun a ngai tam dawn a nia.

A bik takin Pu C. Ramhluna'n quotation chungchang hi a sawi a, silpauline quotation chungchang hi an sawi a ni a, ISI a tello a tih kha Pu Speaker, hemi chungchang chu Law vet vangin Law-ah hian engmah a commend emaw a reaction emaw a ziah loh avangin ISI kan tel lo a ni. Chubakah chuan, he House zahawm takah ka sawifiah duh chu ISI tel loh vangin quality chhia hi supply a tum lo hrim hrim a ni.

Pu Speaker, engpawh nise, ka Department enkawl Disaster Management & Rehabilitation chungchang hian nikum leh kuminah Mizoram hmun hrang hrangah vanduaina In kang, tui lian, leimin, cyclone, rial te, accident hrang hrang vangin mi tam tak nunna te pawh an chan tawh a ni. Heng vanduaina tuartute chhungkua zawng zawngte hi Disaster Minister ka nihna ang in ka tuarpui a ni. Pu Speaker, kan hriat tawh angin July ni 21, 2012 zing dar 1 Keifang bul landslide quarry chim vangin Night bus hnawlin mi 18 laiin nunnate an chan a, mi 16 laiin hliam an tuar baw a, mithi chhungte hi ka tuarpui a, kan Minister zahawm takin helai statement a siam a, Chief Minister zahawmtakin mithi chhungte leh hliamna tuarte tan a pek tur a tih kha Disaster Management & Rehabilitation Department chuan rang takin kan bawhzui a, tunah hian cheque pawh sign fel vek a ni tawh a, tanpuina pawisa hi pekchhuah theih thuai kan beisei Pu Speaker, hei hi House zahawmtakah ka sawilang duh hrim hrim a ni.

Pu Speaker Disaster Department hi a pawimawh tulh tulh a, tunlai khawvela thil thleng hrang hrang hi Disaster chungchang a ni, chuvangin Pu Speaker helai House zahawmtaka ka Department hnathawh hi mipui hriat atan han sawi ka duh a. Disaster Management & Rehabilitation chuan kumtin chhiatna a thleng ve thin a, chumi chhiatna lo thleng thei laka kan in ven dan kawng lo zawnte, hei chhiatna lama buaipui ngai buaipuite leh vanduaina tuartute chhawmdawlina hi kan Department hian kan thawk thin a ni.

Kan hriat angin Pu Speaker, Mizoram hi tlang ram a nih avangin kumtin hi leimin hi a awm thin a ni, leimin vang a chhiatna hi Mizoramah chuan lar tak a ni, kan hriat theuh ang in Mizoramah chuan leimin vangin heng chhiatna thleng fo avangin nunna leh bungrua tam takin kan tuar thin a, leimin vanga chhiatna thleng tihbo a nih theih nan 'The Mizoram Landslide Mini Action Plan Project' kan siam a ni. National Disaster Management Authority hnenah pawh sum kan dil mek a, sum hmuh pawh kan beisei a ni. Mizoram hian cyclone vangin kan tur ve thin a, chuvangin National Cyclone Grid Mitigation Project chhunga min dah ve turin National Disaster Management Authority hnenah kan thehlut a ni a, anni pawn min ngai pawimawh a, 2nd phase a min dah turin kan beisei a ni. Pu Speaker, Central Sorkar Disaster Management Acts, 2005 a siam angin Chief Minister kaihruaina hnuaiah leh Chairman na hnuaiah State Disaster Management Authority pawh din a ni tawh a, chaktakin hma kan la mek a ni. Tin, District tin ah te, Block tin ah te, Village-ah pawh tha takin Committee kan din chho tawh a ni. June Ni 20, 2001 khan Chief

Minister khaihhruaina hnuaiiah meeting pawimawh tak, meeting hmasa ber kan nei a, agenda pawimawh tak te pawh pass a ni. Chungte chu nichinah Pu Nirupam Chakma khan a rawn sawi chhuak a. State Disaster Management Policy a tul zia leh, pahnihnaah Police Battalion tinah State Disaster Response Force din te, State Disaster Response Force training-na turah 5th IR Battalion hmunpui Sakawtuichhun chu chin fel a ni tawh a ni.

Pu Speaker, hemi hmunah hmanni lawkah mi 49 lai, 1st Battalion MAP leh 3rd Battalion MAP atangin National Disaster Response Force Gawahati-ah hruaiin training tha tak an pe a ni. Tin, United Nation Development hnuaiiah Mizoram chhunga DC office compound chhungah Emergency Operation Centre te siam vek a ni tawh a. Heng Emergency Operation Centre ah hian chhanchhuahna hmanrua engemaw zah dah a ni. Nichinah member zahawm tak tak ten chhanchhuahna hmanrua chungchang an sawi chhuak a. Bial tinah pawisa indaihlohna vangin dah thei a ni lova. Heng office-a thawk tur hian District Organiser 8 an sanctioned a ni. District pali, Aizawl, Lunglei, Saiha leh Serchhipah te tih fel a ni tawh a, district dangah pawh dah thuai theih kan in beisei a ni.

Pu Speaker, hei Aizawl khawpuiah Taxi Driver leh NGO te, June, 2011 khan Central YMA Hall-ah First Aid Training kan pe a ni. Taxi Driver te hi, kalkawnga accident a awm palhin hliam tuarte an tanpui thuai theih nan training pek an ni a, anni hi an pawimawh hle a ni. Motor tam vang kawng chep vanga motor accident-ah vanduinah tam tak kan tawh a ni.

Pu Speaker, kan department hian chhiat tawkte tan chhanchhuahna hmanrua leh damdawi engemaw zat kan lei a, hengte hi State Disaster Response Force training chhuak te, 1st leh 3rd Battalion MAP te hnenah February thla khan kan hlan a. Central YMA hnenah pawh hmanrua engemaw zat pek turin kan ngaihtuah mek a ni.

Tin, Pu Speaker, Ministry of Home Affairs, Gov't of India duan angin State tinah 'State Disaster Management Plan' hi kan buatsaih tur a ni. Chuvangin Mizoram sorkar pawhin hei hi din turin hma lak mek a ni a, he mi a tana thil pawimawhte chinfel theih kan in beisei a ni.

Tin, Pu Speaker, School naupangte hi chhiatna lo thleng tuar nasa ber an ni tih kan hria a. Chuvangin National Disaster Management Authority chuan chhiatna lo thlenga an him theih nan National School Safety Programme a duang chhuak a. Mizoram pawh district 2, Aizawl leh Serchhip-a school te thuam that mek an ni a. He programme-in a tum ber chu zirtirtu leh naupangte, chhiatna thleng thei lakah in ven dan tur te, training pek te kan ti a ni. Hmanni lawkah hei department lian takchuleh ni 12.4.2012 khan khan kan in buatsaih a ni. Thil lawmawm tak chu hei Chief Minister zahawmtak chu Chairman ani a, hetah Shri M. Shahshri Rati, Hon. Vice Chairman National Disaster Management Authority leh P.P. Shri Vastava, Hon. Member NEC leh National Disaster Management Authority Officer tam tak hemi meetingah hian an tel ani. He meeting ah hian Central Minister leh State Sorkarin Disaster Management an ngaihpawimawh zia a tilang ani, a lawmawm ka ti khawp maia. Hon. Vice Chairman N.D Menona hian department hrang hrang te chhiatna thleng thei te tihlem nan rawtna awm te pawh a a awm bawh a ni. Helaia hma min lak pui hi a lawmawm a ni. Pu Speaker, a tawp ber a ka sawi duh chu, Disaster hi tumah kan in dem thei lo a ni, amaherawhchu, kan fimkhur chuan kan ti tlem thei a ni. Pu Speaker, chu zawng chu Disaster chungchang a ka sawi duh chu a ni.

Pu Speaker, District dangah te pawh progamme buatsaih turin tan kan la mek a, a hmasa berah Aizawl leh Serchhip atangin hma kan la mek a ni. A tam ber chu Bawng thi chungchang hi a ni a, a paw ka ti khawp mai a, CM ten pawn statement an siam a, a paw ka ti khawp mai a, vanduin a liao liao a ni. Pu Speaker, hei kan department pawh an mangang khawp mai a, kan buai nasa khawp mai a. Hei hi chu kan kut piahlam thil a ni a, engemaw chenah hian rilru a hah ve thin a. Nitin chanchinbuah te , chanchin hrang hrangah te an chhuah ve thin a ni. Amaherawhchu, hemi thilah Assembly kaltlangin ka sawi duh chu vanduin a ni a. Vanduin a erawh chu kan kut piahlam thil a ni a. Engemaw chenah kan ngaihtuah thin a, Pathian hming tak tak in lo kal se, Bawng thi zawng zawng te chu ti dam se chu ka duh khawp mai a, Pu Speaker, chutiang deuh chu a ni a, thinlung takin kan khawngaih a, kan tuarpui baw a ni . Kan theih ang angin tanpui dante pawh kan ngaihtuah mek a. Department Official-te pawh theih ang ang khan tanpui turin kan dah reng a. NLUP Bawng a ni emaw, nilo emaw, a thite tanpui turin kawng chu kan dap mek a ni a. Chubakah chuan Pu Speaker, hemi chungchangah hian Enquiry committee-te pawh kan din tawh a.

*Speech not corrected.

S P E A K E R : Ngawirawh aw, i sawi lai khan maw NLUP Bawng kha a chu insure turin tih mek a ni a ti a, amaherawhchu, ranpui Bawng vulhtute an ni emaw, Se vulh tute an ni emaw, Motor neite pawh insure a ngai ta vek a, engemaw chhiat palhah heng ran insure chi hrim hrim hi NLUP Bawng kher lo pawh, heng lampangah hian kan mipuite hi awareness/alert zirtir a tha lo maw? An lo thih taka sorkar dem vak emaw, tute emaw dem vak lam ai khan ranpui kan vulh hi a risk a sang em em a, churang chuan ranpuite kha chu insure kha tuntumah chauh ni lovin Department hianin kha ang zawng khanin ranpui vulh hote hi chu insure ngei tura lo fuih emaw, a thenah pheih chuan “in tihral chuan kan inpuih theih loh hunte pawh a awm mai thei ani a” ti a tawngkam inthlah te pawh hi kan tih tur a ni lawng maw, le sawi zawm rawh le.

Pu NIHAR KANTI, MINISTER : Awle, hei kan ngaihtuah mek a ni a, chinfel ngei tur te pawh kan beisei a ni. Pu Speaker, ran natna chi hrang hrang enkawl naah kan department pawh nasa takin tan an la a. Hemi atang hian vaccine hmanga ran hri/natna vent e, ran damlo enkawl te theihtawpin tan kan la a ni, chak takin kan kalpui mek a ni. Ran natna enkawl leh a venna Central sorkar atangin Vety chuan hei Hospital 5 leh Dispensary 15 sak zawh a ni tawh a, Dispensary 15 sak mek a ni a, tin, Hospital 5 te pawh an chei mek a ni. Pu Speaker, hei Bird flu leh Swan flu te hi leng mai thei a nih avangin heng natna te hi kan State-ah a len loh nan theihtawpin kan Department hian hma kan la mek a, Ran chi sawm sample North East India Laboratory Guwahati-ah khan thawn a ni a. Heng bakah hian vaccine te, damdawi te, hmanrua chi hrang hrang ran enkawl na Hospital Dispensary leh Animal Health Centre-ah te pawh kan thawn thin a ni.

Le, Pu Speaker, ran vulhna lamah harsatna lian ber chu ran chaw a ni a, kan harsatna te hriain Department chuan theihtawpin hma kan la a. Ranchaw siamna hmun Animal feed farm Ramrikawn atang hian Ran chaw chi hrang hrang siam chhuah a ni a. Kum 2011 chhungin Ran chaw hetiang hi siamchhuah ani. Bawngchaw 3700 quintal, Vawkchaw 1180 quintal, Archaw 2240 quintal a siam chhuak a ni.

Pu Speaker, Department chuan fooder Thenzawlah ... kha tha tak a enkawl mek a, heng farm-te atang hian Ranchaw tha fooder hring thar chhuah a ni a, Ranchawte a hring leh dahro te hi heta tang hian hralh chhuah thin a ni. Tin, Department chuan

Central Scheme hmangin Grassland Development Scheme an kalpui a. District hrang hrangah he Scheme hmang hian Committee Fooder Cultivation kan ti mek a ni. Pu Speaker, hei thil lawmawm tak ka sawi duh chu, Sa tha leh thianghlim mipuiten kan ei theih nan Animal Husbandry and Veterinary Department chuan hma kan la mek a. Nichinah member zahawm tak Pu Col. Zualate'n an sawichhuak a. Hei Mualpui, Aizawlah leh Serchhip leh Lungleiah te pawh Rantalhna hmun.... hi an sak mek a ni. Le, Bawnghnute tharchhuahah Direct Development team-ah sum hman department chuan nasa takin hma kan la mek a, hmalakna pawimawh tak chu, hei ran kahrai artificial... a ni. Bawng.... Cement hi ramdang atanga lakluh anih pawhin a Bawng thatna liquid Nitrogen plant hi a ngai a. Liquid Nitrogen Plant thar pawh 2011 khan a siam a ni. Bawngek te hman tangkai anih theih nan Biogas Plant te pawh engemaw zat an siam a ni a, Biogas tur hian ran vulh te hi a tangkai hle a ni a, kumin 2011 chhung hian Bawng vulhtute hi Department chuan Biogas Unit 200 a siam chhuak a ni.

Pu Speaker, vawiina i sawi ang khan hei Life Insurance pawh he Department hian kan kalpui mek a, Scheme dangah hian Bawnghnute..... tan chi 1117 insure mek a ni tawh a ni. Claim-tu pawh 229 laiin an claim hi chu kan hrilhfiah vek tawh a ni. Rural backwarddevelopment scheme atanga ranvulh tanpuina Thingsul Tlangnuam, Aibawk leh Lungsen RD Block chhungah BPL chhungkua 270 hnenah pek a ni a. Serchhip RD Block hnuaiyah chhungkua 900 hnenah tanpuina hi pek turin chinfel vek tawh a ni. Pu Speaker, hei kan mirethei khaichhuahna, kan sorkar flagship programme NLUP pawh chak takin kan kalpui mek a, Department 8 zingah AH&Vety department thlangtu hi an tam em em a. Pu Speaker, bawng thihna avanga vanduinah hi thleng lo ta ang se chu Vety department hi NLUP hnuaiyah hlawhtling ber department a ni tur a ni a. Amaherawhchu, bawng thih avangin paw ka ti khawp mai a. Dairy thlangtute chu 949 an ni a, Pigerry 5349, Mithun 1856, Volla 1348, Layer 430, avaiin 9949 NLUP atangin beneficiary a ni a.

Pu Speaker, a tawp bera ka sawi duh chu hei kum 2012-2013 chhungah hian Animal Husbandary Department chuan hmalakna hrang hrang tihhmasawna leh tihchangtlunna tur chungte zingah chuan ran hriselna hi kan ngaipawimawh a ni. Chuvangin hemi atan hian Aizawl-ah veterinary poly clinic din kan tum mek a ni a. Veterinary Poly Clinic hi Referral Hospital ang thoin mihring enkawl a ni a. Tender-te pawh chhuah tawh a ni a, contractor-te pawh reiloteah chinfel turin kan beisei, kumkhat chhungin chinfel tum a ni a. Tin, Champhaiah Rural Animal Shelter House sak tum mek a ni a. Tanhril-ah layer farm siam turin hma kan la mek baw a. Training-cum-conference hall sak tum a ni a. Hmun hrang hrangah bio-vest unit 300 siam tum a ni baw a ni a. Pu Speaker, heng bakah hian hmasawna hrang hrang kan ruahman a ni. Awle, Pu Speaker, chung zawng chu Vety department tan ni mai se. A tawp berah chuan

*Speech not corrected.

Pu C. RAMHLUNA : Pu Speaker, khawngaih takin ka vei em em a, kan vei theuh a, bawng thi kha sawi pawh a hrehawm tawh a. Mahse thil pakhat ka rilrua awm han zawh ka duh a. Bawng natna hi eng nge maw a natna ber le, tih kha. FMD te an ti a, thenkhatte kha chuan hemi Saphihrikin a seh vanga inkaichhawn te an ti a. Kha kha a blood sample-a kha khutah Guwahati-ah kan thawn an ti a, vawiin thleng khan a chhanna kha an la hmu lo em ni ? Eng ang chiah nge ? Doctor pakhat ka zawh kha chuan Rinoderpest-te kha a ni mai awm mange aw, tih te kha a sawi a. A natna tak kha an hriat si loh kha chuanin, a enkawl dan pawh an thiam dawn lo tihna a ni ta a. Kha kha a chianna chu vawiin thleng khan an la thi zel tihna a ni ta a. Khami a nih chuan chianguang deuhhleka a natna kha hriat thuai thuai a, enkawl dan pawh kha hriat chhuah thuai thuai a va

tha awm e. Khami zawng khan Minister zahawm tak hian engtinng e hma a lak aw! Tuntum bawng natna hi engnge ni ta ber tih kha min hriattir thei em ?

Pu NIHAR KANTI, MINISTER : Pu Speaker, a natna chu FMD tih finfiah a ni a. Foot and Mouth Disease hi India ramah hian nuaibo a la ni lova. A bik takin kumtin March – June hian an vei thin a, vaccine hmangin an enkawl thin a. Kan Sorkar pawhin tha takin tan a la mek a ni.

Pu Speaker, a tawp berah Sericulture Department hi Member zahawm tak tak pali laiin constructive zawngin an sawi a, a lawmawm ka ti khawp mai a. Ka Department hmasawnnate min hmuhpui a, a lawmawm ka ti khawp mai. Tin, Hrangturzo Bialtu zahawm tak han sawi kha Circle Demonstrator kha chu dah nghal a ni. Pu Speaker, Sericulture Department hi kum 1985 khan Directorate hrangin a indang a. A indang atangin zawi zawiin hma a sawn zel a. Tunah chuan chhungkua 2000 zetin Sericulture hi eizawnnan an hmang a ni. Duh angin sum indaihlo mahsela, harsatna tam tak karah Department chuan farmer-te hamthatna turin hma kan la mek a ni. Kan Sorkar pawhin tunhma aia nasa zawkin he Department hi an enkawl a. NLUP Programme hlawhtling tak nei turin Sorkarin Farmer leh Department tan thil tamtak min tihsak a, kan lawm em em a ni. Hnathawhna tur sum tam zawk, kan mamawh tawk min pe thei se, tun aia chak zawkin kal kan tum dawn a ni.

Pu Speaker, tawitein lawmthute pawh sawi ta ila. Tunah hian Department hnuaiah thawktu staff 287 an awm mek a. District Sericulture post 4 siam thar niin, post te pawh fill up vek tawh a ni. Sericulture Extension Officer 40 lai hi Gazetted Officer status-ah min dah sak a ni a. Technical post hrang hrang 30 lai hnawhkhat min phalsak bawk a, a lawmawm em em a ni. Kum 2011 chhungin chhungkua 1900 in thingtheihmu an phun a. Farmer 1200 leh in service mi 30 te hnenah training pek a ni. Pangang chinnan Nuai 6...68 DFL hi siamchhuah a ni a, cocoon 82.50 metric ton tharchhuah a ni bawk a, Eurosilks te 14.39 metric ton te pawh a siamchhuak bawk a ni. Pu Speaker, kum 2011 leh 2015 chhung hian NLUP Infrastructure hnuaiah nuai 150 kan hmu a. Hengah te hian hman a ni :- Construction of Grainage House, pangang chi siamna, Zemabawk; Construction of Rearing House; Construction of Training Hall, Zobawk; Construction of Cocoon Godown, Ruantlang leh Changpui; Fencing leh Approach road Zemabawk; Installment of Cold Storage, Zemabawk. Tunah hian Grainage House Zemabawk chu zawh fel ni tawhin Cold storage pawh dah theih a ni tep tawh a, chawlhkar hnih chhungin inbun fel kan beisei a ni. Pu Speaker, NLUP hnuaiah chhungkaw 826 hnenah pawisa 1st installment, 2nd installment, 3rd installment thlengin kan pe tawh a. Thil lawmawm pakhat chu official te report min pek dan chuan NLUP beneficiaries-ten May leh June thla chhungin Cocoon an tharchhuah zatte chu hetiang hi a ni – Aizawl district-ah 4.30 qtls., Lunglei district-ah 3.25 qtls., Saiha district-ah 0.50 qtls., Serchhip district-ah 1.20 qtls., Mamit district-ah 1.50 qtls., Kolasib district-ah 1.70 qtls., Champhai district-ah 1.75 qtls. hi an tharchhuah a ni a, a lawmawm ka ti khawp mai a. A vaia belhin 13.85 qtls. a ni a, per Kg chu Rs.810 a ni a, a pawisaa chhut dan chuan nuai 2 leh sing 4 sang 8 sawmhnih bawr vel a ni a, a lawmawm khawp mai a, tawi tea sawilan ka duh a ni.

Le, Pu Speaker, ka demand hrang hrang Demand No. 30 – Disaster Management & Rehabilitation Department Rs. 16,78,38,000/-; Demand No.34 – Animal Husbandry & Veterinary Department Rs. 119,52,35,000/-; Demand No.41 – Sericulture Department Rs. 24,46,55,000/-, a vaiin Rs. 160,77,28,000/- hi House zahawm takah hian min pass sak turin ka ngen a ni.

*Speech not corrected.

S P E A K E R : Awle, Minister-in a demand-te rawn wind-up in pass a rawn dil a. Kan tihdan pangngaiin kan buk ang a, Demand No. 30 na, Demand No.34-na, Demand No.41-na, a vaiin Rs. 160,77,28,000/- hi pass remti apiangin ‘remti’ ti rawh ule (Members : Remti) Remti lo kan awm chuan ‘remtilo’ ti ru le. Awle, Pu Nihar Kanti, Minister Demand No.30-na, Disaster Management & Rehabilitation-ah Rs.16,78,38,000, Demand No.34-ah Animal Husbandry & Veterinary-ah Rs.119,52,35,000, Demand No.41-na, Sericulture-ah Rs.24,46,55,000. A vaiin Rs.160,77,28,000 te chu House-in lungruual takin a pass ta a ni.

Pu NIHAR KANTI, MINISTER : Pu Speaker, ka lawm e.

S P E A K E R : Awle, Minister zahawmtak Pu P.C. Lalthanliana kan lo sawm leh ang a, a ni’n rawn wind up-in pass rawn dil nghal sela, ilo ko ang.

Pu P.C LALTHANLIANA, MINISTER : Pu Speaker, ka lawm e. Vawiin kan discussion, kan Demand-te kan sawihona boruak a nuam viauin ka hria a, min kaihhruaina atana i bible chang han chhiar te leh kan department chan han sawi te pawh hi a inrem khawp maia, naupangte chu an kalna tur awm kawngah te chuan zirtir ula, tih khan min han bultanpui a. School Education Department alo nia, keini lamah alo ni bawk a, Anganwadi atangin, lehlamah naupang duhzawng tak bawngnhute leh artui lampang enkawltu department te kan han sawi a, a nuam viauin ka hria a, member thu sawite kan department chan angah te ngaihthlak hrehawm khawpa han engemaw a awm lo a, a lawmawm tlang viau a. Engkimah lawmthu hril chung zelin tih kha kan awi tlang viau aniang chu, lawmthu sawi pah nen kan thil sawi reng reng bul kan tan tlanga, a lawmawm ka ti khawp a. Heng kan department enkawl ve te, kan chan LAD leh Social Welfare-ah te hian Pu Speaker, sum kan neih ang ang te, tun kum chho tur a ni emaw, kum kalta angah te a hlawhtlinna tam ber leh kan hnathawh a taka enkawltute chu kan department officer te, hnathawktute an ni a, vawiinah pawh hian he House kaltlang hian ka department chan a kan officer hrang hrangte leh hnathawktute, heng kan department enkawl te, mipui tana tangkai thei ang bera a awm theihna tura hnathawktute chungah he House kaltlang hian lawmthu ka’n sawi hmasa duh a ni.

Ka thusawi tum dan Pu Speaker ka thlak a, Anganwadi atanga tar pension kum sawmriat chin ka tan chuan a rei dawn khan ka hre leh deuh a, chuvangin Anganwadi atangin ka tan lo mai anga, ka inti tawi leh ang a, chuvangin a tawi thei ang bera tan ka tum anga, member-te zawhna pawh a mal te tein ka react lo anga, an zawhna inang tlangpui kha department wise atangin rawn sawi mai ka tum anga, thain ka hria a.

A hmasa bera ka sawi duh chu kan budget LAD ah te lo tlahniam deuh ta te leh khawilai bik engemaw a lo tlahniam ta te pawh kan tih thute kan sawi hlawm a, kan tlahniam viau a ni. Amaherawhchu Pu Speaker, kan Finance Minister zahawmtakin Budget a pharh niah khan kan kalphung te, department hrang hranga allocation an tih dan te, kan ram tana tha tur zawk te, hmana lo tlachham deuh te tuna ngaihsak an nih dante a sawi a, kan rilru hi a dam khawp a, Department hotute nena kan han sawiho pawhin. Fak hla siamtuin a lo sawi angin, ‘Channa emaw ka lo ti a, mahse hlawkna tur hlir a lo ni’ tih kha kan rilrua kan pawmdan a ni a. Chuvangin, kan budget kan department bika kan tlahniamna te pawh hi kan hloh hi hlepah kan la chhiar ngei tih hi ring chungin lungawi takin kan awm a ni tih kha ka sawi hmasa duh a ni.

Tichuan, Pu Speaker, a hmasain Social Welfare Department-ah ka’n lut duh a. Member zahawm takin a bikin Lawngtlaiah Multi-Sectoral Development Programme(MSDP)

hnuaiia kan hmalaknaah IAY mi 2,022 zet mai first installment kan pek tawh te, second installment engtik nge pek a nih dawn tih kha vanneithlak takin tunah hian sanction kan hmu ta a, Govt. of India atangin. Reilo teah a second installment hi mi sanghni chuangte hian an la thei turah kan ngai a, kan lawmpui khawp mai. Tin, IAY chungchangah a sem danah Member zahawm tak Pu C. Ramhluna'n District Level Committee-in District Council-ah a hlan a. Anni hian quotation pawh koh mumal awm lovin rangva hi an sem a. Silchar-a mi kher lei a ngai em ni? Heatah Vaseikaiah te, Longpuighat-ah te pawh a awm ve thova. Hengte hi eng angin nge an sem dan? A rate te, eng rangva quality nge a nih tih te a rawn sawi a. Nia, kan District Council hotute hian BRGF angah te pawh RD angah hian an programme tam takah hian District Council anga hlawhtlin an duh avanga lo monitor an duh thin a, chung ang chu Council-ah an hlan nual a ni, programme tam tak. Keiniah pawh Social Welfare Department-ah hian an rawn dil a, a lo hlawhtlin zawk theihna duh tlang theuh kan nih avangin District Level Committee, DC kaihhraina hnuaiiah anni pawhin committee angin an phal sak a. He rangva, IAY ami a sang tel an pek tur te hian a taka in leh lo an nei lovang tih an hlauhna avangin anmahnia monitor an duh a ni. Chu chu Committee pawhin a remtihpui a, sorkar lehkha pawh a awm thlap a. Chutianga District Council thuneitute kuta hlan chu a ni a. Tichuan, anni hian an kalphungah quotation an kova, rangva hi chi hrang hrang a awm a. Heta mi a tlawm zawk tih lai khan a rangva quality a zir a ni thei a. Rangvaah hian kg 20 te, kg 25 te, kg 30 te a awm a, a kg a zirin a rate hi awm a ni. Tichuan, a rangva tha thawkhat, tha ang reng tak kha kg 30 hi a ni tlangpui a. Chu chu an District Council hian quotation an koh meka rate, Rs. 3,000/- a supply-tu an nei a. chumi chuan he rangva hi a supply tel ta nghal a. Heng rangva dawng tur khua te, hla tak tak mai, a hming pawh hi ka hrethiam lo zawk a. Hmawngbuchhuah te, Zochawchhuah tih te, Tuidam tlang tih te, Hruitezawl tih te pawh hi, an khaw hmunah thlen vekin, a phurh man mimalah Rs. 300/- cut in an buaipui a ni.

Tha taka he programme hlawhtlin nana an duh avanga thil ti ve an ni tih kha kan report dawn dan a ni a. Tin, he project hi a hlawhtlin kan duh a. A tira kan Opposition MLA ang, Pu C. Ramhluna, kan member zahawm tak pawh hi member-ah a awmlo a ni. Amaherawhchu, awm rawh se, kan ti a kan dah a, ani pawh hi a committee ah a tel a ni. Amaherawhchu, IAY kha kan ngaihpawimawh zawng te kan pe ve lova, kei pawhin official-ah ka hrilh a, kan MLA te an ni a, a rawn sawi pawimawhte pawh in lo tihsak dawn nia, kei chuan sawitur ka nei lo kha lamah, ka ti a, an lo ngaihpawimawh lo palh ange, kei pawhin pawh ka ti a. A awm leh a nih chuan hengte hi kan ngaihpawimawh, kan tihtlan tur a ni tih hi ka han sawi duh a ni.

*Speech not corrected.

Pu NIRUPAM CHAKMA : Pu Speaker, kan bialah 710 min pe a, pakhat mah kha an select lo, district council te an ni.

*Speech not corrected.

Pu P.C LALTHANLIANA, MINISTER : Pu Speaker, Chawngte District Council erawh chuan ka hovin kan sem a, a pawisain kan pe a ni. Tin, Forest Dealer Act kan tih mai chhanchhuahna jubilee dar kan ti a, kan forest reserve chhunga a cheng tam te vawiina VC te school nei tawh te Forest Act 1990 a an awm theih tawh lohna te chhanchhuahna dan kan passed a, helaia kan member zahawm tak eng chen nge hmalak tawh a tih a kha theih ang chin chinah level tinah Committee din chhuah vek a ni tawh a, thil thar a ni a state dangin engtingge an tih en turin Tripura-ah te

pawh kan intir a ni. Tichuan heng thilte hi dan leh hrai a ni a, thil awmze nei a ni a, mipuite pawh hrilhfiah kan ngai a ni tih hi kan ngaihda a ni a. Awareness campaign te district hrang hrangah kan nei tawh a, facilitator pawh mi 3 sorkarin a la a, chungte chuan henge hi hnaah an nei a, dan hnuai he lai ram hi pi leh pu atanga kan lo awmna a ni a, ramri kan nei tur a ni ti a an claima an claimna chu lo ngaihtuah sak turin tunah coordination committee din a ni tawh a ni. Chutah chuan revenue aiawh te, Forest aiawh te, LAD aiawh te pawh state level-ah din fel tawh a ni. Hetih lai hian tumah Dan anga ram la pek an awm lova. Tual thahna Dan a awm a, mi'n tual a thah miau loh chuan tualhattu man ngawt kha a awm thei lova. Kha Dan hnuaihan khan min a claim phawt a ngai a, a claim-tu an awm chuan ngaihtuah chhunzawm tur ang kha a ni a, chutiang chu a awmdan a ni.

Tin, Pu Speaker, Tar pension chungchang kan sawi nual a. Tar pension hi tunhma lamin a inang loa lak thin a ni a. Tunah hian kan sorkarin kan pek theih ang chinah chuan State share leh Central share ang pawh inang khatin Rs. 250/- in kum 85 chin hnuai lam chu kan kalpui vek ta a, a lawmawm khawp a ni. Tin, tunah hian kum 80 chin chu Rs. 550/- pek tur an ni ta a. He kum 80 chin han survey a khatiang chin te han tih chhung kha hun a duh em em a. Chutih laiin Central hian mi 857 chia kum 80 chung lam tan minrawn pe a. Amaherawhchu, kan han tih khan kan tam nasa mai si a, a tawpah chuan minrawn pun belh ve tho a, anni pawhin, mi 2854 kha minrawn phal sak ta a. Chuti chung chuan kan Survey a Mizorama kum 80 chin hi kan pe zo thei lova. Saiha District tih lohah chuan kum 82 chin kha an leng a. Tichuan Saiha District-ah chuan kum 81chin an leng a, Kum 80 ni ve tho si, 'ka va dawng lo ve', tih palh te pawh kha a awm ve thei a. Amaherawhchu, kan hotuten theihtawp an chhuah pawhin 2854 bak hi chu beneficiary kan nei thei tlat lova, chu chu kan inpek dan a ni. Tin, an lawmman an lakna Dan hi regular taka lak theih nise tih hi, ni e, hei, a lawmawm khawp a, Pu Speaker, thla hnih thla thum te an la thin lova. Quarterly-in Central atangin sanction a kal thin a. Amaherawhchu, tunah hian Tar pension hi monthly in sanction, Govt. of India atangin kan hmu ta a, a lawmawm a, tunah hian March thla thleng hi pek an ni tawh a. Tin, Govt. of India atangin June thla thleng sanction kan nei fel tawh a ni. Amaherawhchu, kan state sorkarah a sanction han move chhung leh enggemaw hi a rei em em a. Tar pension list zawng zawng thla tin up to date hi an lo awm a, upto date nen Planning-ah, Finance-ah tihluh a, sanction move zel a ngai a, a bu a chhah duh em em a ni. Chuvangin, state level committee-ah pawh hei hi kan sawi tawh a, awlsam zawka Secretary atangte a sanction theih mai a, Planning leh Finance through lova hetiang lawman hi min kalpui chuan hei aiin kan regular thei lehzual ang payment hi kan ti a, sorkarin engtingge a tih dawn kan hre lova. Sanction move chhungte a rei deuh a, thlatin move theilo mahsela thlakhat danah hi chuan an hmu thei hrim hrim turah ka ngai a ni.

Tin, member thenkhatten Anganwadi sakna hi a sawitu Lt.Col. Z.S. Zuala kha a bialah te pawh ka zuk kal a, a fund-te pawhin a lo ti a. Mizoram chu kan vannei hle zawk a, Anganwadi hi 1890 kan nei a, hmanah meeting kan neihin Anganwadi sak loh an ngah zia leh sakna an dil nasa state dang minister ten, keini chu kan neih ang ang avaiin sakna min pe a, tunah hian kan sa vek ang a ni a. Amaherawhchu, norms a awm ve a, India ram pumah 1,75,000 hmun thenkhatah hi chuan a bik takin khawpuiah hian 1,75,000 chuan sak hi a har lampang a ni a. Tin, kan vannei lehzal a, Multi-Sector Development Programme hnuai atangte in nuai 100 chuving repair ngai te engemaw zat zoram pumah kan hotuten, Department dangten an repair bawk a, chutiang chuan kan han ti ve nawk nawk zel a ni tih kha ka sawi duh a.

Tin, Director dahngheh chungchang kan Member zahawmtakten an sawi a, R.R kan neih loh a, neih kan tul zia te atangin member-ten thahnem min ngaihpuia, a lawmawm em em a. Director R.R. hi kan han nei fel a, kan R.R-ah chuan Joint Director-ah kum 5 regular service a nei tur a ni, Director turin tih a ni a. Chu chu tunah hian kan la nei tling lova, kan Director charge lo la tawhtu, tuna mi ni lo hi a term hi kum 2 leh thla 10 leh ni 12 hi extend a ni a, extend chhunga Director R.R kan neih khan ani kha a regularize thei tawh si lova, a pension khan Jt.Director thovah a chhuah a ngai leh a, Jt.Directora a chhuah khan kha Jt.Director post kha a vacate chauh tihna a ni a, ni 1.3.2010 ah khan. Ni 28.8.2010 ah khan a pension khan a vacate chauh tihna a ni a. Tichuan tuna kan Jt.Director hi ni 1.3.2010 khan a Jt.Director nih hun kha alo ni ta chauh mai a. Chuvang chuan helaiah hian thil kal fuh lo deuh te a awm avangin

*Speech not corrected.

Pu K.LIANTLINGA : Pu Speaker, khalai kha a hmasa ami kha chu contract a awm tawh a ni lawm ni ? kum engemaw zat kha chu. Khatilai kha a count theih loh em ni a thu hrim hrimah. Tin, relaxation-te pawh hi a tih ve theih tho lawm ni tih kha ka zawt duh a.

Pu P.C.LALTHANLIANA, MINISTER : Pu Speaker, Jt.Director ina Director charge a lak dan kha officiating basis in terms of regulation 4 (c) of MPSC limitation of function of regulation 1994 a ni a, officiating in Director kha kan han nei a ni a. Ani kha kumkhat hnuah danah chuan regularize tur a ni, amaherawhchu, R.R khatih laia ala awm hman siloh avang khan khatih lai khan ala revise theih lohva. Tichuan R.R kan neih hnuah han tiha a pension tura an chhuak han tih tak takah chuan kha kha a hun awmdan alo ni a, technically-in Pu Speaker, chuvang chuan a kum thuah chuan tling anga la pawm theih a ni a, amaherawhchu tuna kan member zahawm takin a sawi ang khan kan department Social Welfare-ah hian promotion, stagnation te pawh a nasa em em a. Chuvang chuan tuna charge lo deuh hleka hetiang lo deuha officiating emaw condon a director puitling emaw te pawh hi ni thei ila, keini department chuan kan duhthusam a ni. DP&AR Minister te pawh heng thu hi kei lo pawhin tawngkain ka sawipui tawh a. Engpawhnise, a tul angin he thil hi hma kan la zel turah ka ngai a ni. Tin, member-ten hei GIA te leh NGO tanpuina tuna kan sum dinhmuna lo tlahniam ta pawh an tih thute an sawia, a lawmawm em em a. Hetah kan MLA zahawm tak, Pu Duha a awm ta lova, TNT te kha hlamchhiahah min ngai palh ang tih te kha ka'n hlau a. TNT te hi Kolasib ah te, Lungleiah te leh helai Aizawlah te an awm a, a changin Aizawl lam te kan pek chuan Kolasib lam te kan pe lova, Lunglei kan pek chuan Aizawl kan pe lova, chutiang deuh te chuan kan sem zai ve thin a, kan hlamchhiah lova kan theih ang chinah chuan kan pe ve deuh zel a ni tih kha ka'n sawi duh a. Tiang khan a tlangpuiin Member-ten kan han sawi, hriatchian kan duh deuh Social Welfare-ah chuan a niin ka hria a.

Tunah LAD-ah Pu Speaker, ka'n kal leh zawr zawr ang a. 13th Finance Commission atanga VC te hnena sum kan hmuh kan pek dan kha kan Member zahawm tak Pu Liantlinga khanin hriatsualte pawh awm thei niin ka hria a ti a, a lawmawm khawpin ka hria a. Hmanniah khan zawhna ka chhang a, a tuk chanchinbuah khan khata category hrang hranga kan sem dan kha pek an ni ti a chhanna angin a kal a, tlemin a hriat sual ve theih deuhin ka hria a, kei pawhin pawh ka ti khawp mai a, khalai ah khan an lo ngai sual angem aw ka ti a. Amaherawhchu, wawiih kan Member zahawm takin sawifiah lehzual pawh a tha e a ti a, arawn sawi hi ka'n sawifiah leh lawk ang a. Pu Speaker, hmannia ka sawi ang

khan a category a VC te an In tam dan a zira kan thenah hian category lamah hian nuai 5 heta Award a min rawn pek tur zat, 13th Finance Commission-in min rawn hrilh zat atanga kan sem a ni. Category I-ah hian nuai 5 kan han tih a kha tunah hian 1st installment-ah nuai 2 leh sing 8 kan pe. Nuai 5 hi an la hmu lo, 1st installment chauh min la pe a 13th Finance Commission hian, 1st installment-ah chu chu kan pek tawh a ni a. (Speaker : Chu chu hmannah pawh khan i sawi tawh thoin ka hria a.) Nia, kan hriat dan hi a lo pelh deuh hlek a ni maithei a. Tichuan category-II kan tih ho kha hei hi pek tura kan ruahman a kha 1st installment-ah Rs. 240000/- kan pe a, tunah hian an account a awm vek a ni. Tin, category-III kan tih nuai thum pek tur ho kha 1st-ah hian Rs. 180000/- kan pe a, tin, category-IV hi Rs. 260000/- pek tura kan ruahmanah Rs. 140000/- kan pe a 1st installment-ah, tin, category-V kan tih ho Rs. 180000/- pek tura ruahman kan tihte kha Rs. 83300/- kan pe a ni 1st installment-ah tih kha kan sawi khan a fiah maiin ka ring a. A bak kan ruahman ang kha chu 2nd installment-ah la tihchhoh leh tur ang a ni.

Tin, Lawngtlai lam bialtu zahawm takin heng 13th Finance Commission sumte hi sawlaiah party mi leh sa angte pawhin Council hnuaiah chuan an thawk a ni tiin a hriat thute leh tha a tih loh thute a rawn sawi a, hei hi thil theih loh leh thil thiang lo a ni. Amaherawhchu, VC-te'n an khawih a, a supervisor-ah tu emaw lo tang rawh nang hetah lo enkawl rawh aw helai hi Rs. 50000/- in lung kan rem dawn a, nangni ho hian lo enkawl rawh u chu an inti thei lo chu kan ti em em chuang lova, amaherawhchu, an hming chuan party ang chuan a thawh kha chu a thiang lo hrim hrim a, thil thalo a awm anih chuan khangte pawh kha a tul angin kan lo enzui dawn nia tih kha kan hrilh duh a ni.

Tin, VC lawmman tihpun te pawh hi a awm tih thu member-te'n kan sawi a. Pu Speaker, hei hi kan rawt tawh a Sorkar-ah a awm khawp a ni. Mizoram-ah hian MR atanga a lian ber thlengin kan hlawh hi a pung deuh vek tawh a, lawmman ang a nei la pung lo awmchhun chu VC deuh mai hi an ni tawhin ka hre nghe nghe a, a awm a, an phu em em a. Amaherawhchu, hemi kan rawt chhoh tum hian nichina member-ten an sawi tak ang khan member inkawpkim hian democracy hlutna a tibo thei a, paliah pahnih leh pahnih anih chuan ruling advantage a awm a hei hi a thalo a ni, tihbo a ngai a ni tia kan han siam khan member a za tel kha tihpun a lo ngai ta a, churang chuan a member tihpun lamah khan kan han kal ta phawt a, a hlawh lampang kha chu kan in drop sak leh ta rih a ni a. Engpawhnise, hun a lo kal zel anga V/C lawmman te pawh hi tihpun te hi chu tihmakmawh turah keini pawhin kan ngai a ni.

Tin, LAD hnuaiah economic weaker section te tanpuina tlem te te kan neih ve thin te in lo hlut thiam viau a, a tam tham loh tehluul nen kan lo hmang tangkai tlang anih ka ring a, a lawmawm ka ti a. Amaherawhchu, tunkum kan sum dinhmunte kan inhriatpui tlang a, a tirah phei chuan hemiah hian dah a lo ni lova, amaherawhchu, ka zin hlana plan a hi lo tih anih vang khan kan hotute nen kan sawiho leh a, tlem azawng chu dah leh theih dante pawh awm thei turah kan ngai a ni.

Tin, kan member zahawm tak leh bialtuin Hmuifang sawlai hmun bul vela mimal ram pek tam takte vantlang tan leh sorkar tan pawh a hnawk lawm ni, a thalo a ni hei hi tihte a rawn sawichhuak a. Nia sawlai Hmuifangah sawn keini LAD department-in park tourism bul chiaha sawn kan han nei a, hei hi V/C ten min han

pe a condition engkim siamin, chaldelh awmin, kutthlak loh chuan vantlang tana pek let leh tihte nen lam min han pe a. Keini department-in kan tum chu kan park-ah saw chuan Aizawl khawpui kan chep tawh zia te, krismas kumthar nikhuaa nu leh pa, chhungkua anga naupangte len khawthawnpuina pawh awm lova kan chep zia helai children park te pawh kan hmu thin a, chuvang chuan helai hian park nuam tak naupangte mai bakah nula tlangval, nu leh pa te thlenga hawi khawthawna siam hi tha kan ti a, chuvang chuan keinin kan neih chuan kan humhalh zo a nga, ramngaw leh a tha te vantlangin an neih chuan, tunah an sawi angin hmun tam tak phe chu mimal an pe a ni mai a, tiin khatiang ngaihtuahna nei khan min han pe a. Tunah hian kan sum neih ang angin kan chei a kan siam ve a, mahse, a kalna kawngte pawh a lo ngai a, Rest House angte pawh a lo ngai a, chung angah chuan Thing kih loh theih loh chinte pawh a awm ve a ni. Keini pawhin pawh thamloah kan ngai a, chutiang chuan ram min pe a, chuan mimal thenkhatte pawh sawlai sawn an awm a ni, hei hi a ngaimawhtuten an sawi a, kan Chief Minister-te pawhin a ngaimawh em em a, sawlai saw park a, park lo mimal ram anga awm tam takte pawh saw vantlang tan ti sawn awm reng thei sela, ti zawk thei ila a tha a ni tih a sawi a. Chuvang chuan sawlai ram neitute pawh saw enfiah an ni a, Department in a enfiah a, amaherawhchu, keini ngawtin kan tih theih dan hi a awm em? tih enfiah chungin Revenue Department-te nen te kan en ho ta a, mimal ram chu a lo ni deuh vek a.

Pu Speaker thil hi hriatthiam a har viau a, V.C. ten ram pek theihna an nei em ni? a han tih lain Revenue -ah ram han pass dawn ila, V.C. pass i nei em? an ti leh baw si a, chutiang chuanin thil hi dan leh dunah thil hi fel fai tawh a har a, keini Department ringawt hian kan cancell theih dan a awm em? tih te ngaihtuah a ngai a, join verification te pawh Revenue-te nen sawlai ram vel saw an va la tawh a, tunah hian hmalak mek zel a ni a, engangin nge sawlai a vantlang tana hnaw kan tih te saw kan inthen fai thei ang tih ka hrethiam mai lo va. Chamring thlengin chutih lai chuan a lehlam saw hmuifang ram a ni a, Hmuifang V/C mimal ram pe thintu tuna tling tawh lo sawn a lehlam ram saw a pe vak mai a ni mimalah. Chutah chuan thing pawh kih nasat a ni a, LAD pawh a petu chu a ni mai thei a. Chutah chuan thiak ho kha Sawrkarah an hek vak vak a, Thiak ho kha chuan an ramah khan in an sa lemlo thung a. Chutih rual chuan hun hmasa lam deuha lo sate kha chu an awm ve a, chuvang chuan khatih laiah khan hmannah khawtlang kal khawm khan khatiang V/C hmasain diklo taka a lo tih kha tunah sawn thing saw department pawh hian an beisei aia nasain kit deuhin an hria a, vantlang inkhawm kha an ko a ni. Chu chu wawiina ka rawn sawi chhuah chhan pawh kha a ni a, tlema dimdawi deuh an beiseina a nih chu, Minister hialah te pawh leh LAD Minister te pawh leh i hnente pawh an rawn thlenin ka hria. Khalai kan enkawl dan kha ram tichhe zawng thei ang bera an tih kha chuan a khawtlang kha chuan an duhlo pawh a ni lova, V/C hmasain thil a lo tih buarchuar kha, kha kha chu a pawh a ni tih erawh chu helai House-ah pawh hian ka sawi duh a. Chu chu a Thiak lam ramah kha chuan ram an nei anih pawhin tuman kut kan thlak loh ngaw saw, sawng ngaw phe zawng zawng pawh saw mimal ram chu a ni a. Amaherawhchu, kut an thlak lo a ni tih erawh kha chu ka'n sawi fiah pah duh a ni.

Awle, Pu Speaker, kan duh dan a inang tlangah ngai ila, a lawmawmin ka hria a, tin, kan member zahawm tak Pu Rinawma'n Sihphir ram chungchang vawi tam tak House-ah kan sawi tawh a, kan ngaihtuah ang e tih kha July session-ah a sawi a. Khilai ramri chungchang 15 Km starting point a hmangin sihphir ramri chu a ni ang tih a ni a. Hei hi 1987 MNF sorkar hmasa bera Village council a pek a ramri notificationa a lan dan kha a ni ta a, tah khan V/C engemaw zat an ti ta a, tichuan Sorkarin hma a la zui a, C.A te pawh vawi hnih vawi thum an kal tawh a. Tin, ramri buai anih chuan a khaw mal ringawt ang khan chinfel theih a ni lova, a ramri khaw dang nen sawiho a ngai a, tichuan, joint verification te

pawh VC mai bakah NGO te nen khilai ramri khi neih tawh a ni a. Tichuan starting point ah K.M 15 atanga tanin tih hi chu a diklo ngei a ni tih ngaihda a awm a. Chuvang chuan kha notification ramri 1987 ni 6 thla 10 ami pawh kha November 15, 2011 nikum khan notification chu cancelled a ni ta a. Amaherawhchu, Pu Speaker, a K.M. hi mile nise, KM ti lova mile a thlak hi a dikna chu a ni mai a, an tih rual khan a mel pawh chu lo ni ta sela, a khawilaiah hian nge Mel 15-na chu awm tur tih lai a kha kan buai ta a ni, zep thu a awm lo. Khalai Mel leh KM ringawt kha a buai lova.

Pu R. LALRINAWMA : Pu Speaker, a phunna lai a kha annina an buaipui a ngaiin ka hre lova, anmahni phun pawh a ni lova, BRTF in kawng hlat zawng tehna'n a an phun, tunhma a Mel tiha an lo teh thin Mel 15-ah an phun a, chumi chu starting point-ah an lo hmang mai a ni a, a Boundary description engmah danglam lo, a changtu Minister zahawm tak hian a hrechianga, Sihphir South a indan avangin South lam ramri siamah khan a ramri pumpui an ti a, North lam, Lungdai nen a an ramriah khan Km 15 tih a kha an ti sual ta a, Mel 15 tih thin a kha Km a an chhut tak vang mai khan Lungdai hian khalai diklo tanchhan khan km 15 chin rawn chuh si lovin Sethup Kawn chin khi an rawn chuh a. Chumi an chuhna chhan chu Sihphir khi Town area-a puan a lo nih dawn khan, Sihphir V/C te thu lo rawntu an awm a. In ram pumpui Town area a in rinluh chuan nakinah V/C te thuneihna ram, huan lo ram chungchangah te pawh an ti a, chuvang chuan Sethup kawn chin chiah chu Town area-ah an puan tir a. Welcome to Aizawl City tih a intar tak avangin a bak zawng kha an rawn chuh ta mai a ni. Chuvang chuan khilai Sakawrhmutuai Tlang te pawh khi kum hmasa tun V/C term hmasa lawk te pawn ram an inpe a, Lungdaiin pakhatmah sawisel theih an neilo, Revenue pawn periodic patta a pek vek a ni. Chuvang chuan km 15 an tih avang khan an rawn chuh buai a, Lungdai hian chuh theihna pakhatmah an neilo a ni tih kha, thil harsa a ni lo kan thil inchuh hi 'km' leh 'mile' tih kha a ni a, a phunna lai chu anmahni LAD phun pawh a ni lova, pioneer ho phun a ni a. Boundary description-ah Sakawrhmutuai tlangsang lai atanga chhukin tih a ni. Chu chu a chiang khawp mai tih kha ka'n sawifiah ve leh a nih chu.

*Speech not corrected.

Pu K.LIANTLINGA : Pu Speaker, ka'n sawi ve lawk, keipawh kha kha a dikin ka hria. A chhan chu mile (Mel) hi tunhma sap hunlai kha chuan hei Dak Inpui atanga teh a ni a, chuta tanga mile (Mel) 15 kha starting point-a an hman kha chuan a dik a ni. Amaherawhchu, km 15 tia an dah erawh kha chuan hetah a khaw tawntirh a ni daih a ni. Farlong 5 kha km 1 zel a ni a, Farlong 8 mile (Mel) khat a ni a, khatih lai khanin khami difference kha Sihphir khawpum khi a tling pha tlat a ni. Khalai kha ka'n sawifiah duh a

S P E A K E R : Tunah phei chuan Aizawl district leh Kolasib district a ni tawh a, district inramrina kha a khawih tawh a fimkhur a ngai khawp mai. Hnahtial ka bial lai khan 1978-ah khan Cherhlun leh Lungkawlh ramri kha an buai vak a, khitah Tiau lui lamah Buhchhun lui a awm a, heti lam a tlak lamah Tuiphai lui lamah khan Sairil lui a awm a, an Sairil lui tih leh Buhchhunlui tih kha a inang ta lo tlat mai a, an buai reng mai a ni. Chuvang chuan Tilbury Sap chalrem taka tlang remlai taka, hei hi Buhchhunlui, hei hi Sairil lui tih mai kha a chakawm angreng khawp. Khatiang khan a inang lo reng fo mai a, chuvang chuan Lungdai lam pawhin a ziak ngeiah hian hei hi km 15 a nia lawm a ti a, a tanchhan tlat tawh mai a, pakhat hetilam Aizawl District lam kha chuan mel 15 tihna a lawm a ti ta a. Kha kha chu sawifel deuhhlekk chu a tha khawp ang, mahse, rilru inhliam lo chiin.....

Pu K. LIANTLINGA : Pu Speaker, khalai kha District boundary a ni tawh a, chuvang chuan tihra a ngaihna em em chu tunlai chuan khi Neihbawih te khi kan hre vak

tawh lo anga, mi tamtakin Neihbawih khua te pawh khi a khawper a ni a, Neihbawih khua te pawh khi a han huam daih a ni. Khalai kha kei chuanin tunhma thil hlui atanga ka zuk hriatchian anih avang khanin helai tuna Pu Rinawma, a bialtuina a sawi ang kha a dik zawk ani tih kha kei chu ka hriat dan ani e.

Pu P.C. LALTHANLIANA, MINISTER : Pu Speaker, a lawmawm e, helaiah sawifel ngawt theih pawh anih lohna lai a awma, tin, han sawi ang khan District Boundary a nih avang khan G.A.D. te pawh rawn an ngai a, Kolasib District te leh Aizawl District te pawh tih kha a ni a. Tin, Pu Speaker, kum 24 a lo mu tawh a, a ziak avanga buai chu nise, buai daih tawh awm a ni a, tun tumah hian kan han buai ta chu a ni deuh ber chu a ni ta a. Engpawh nise.....(**Pu R.LALRINAWMA** : Pu Speaker, ka'n inrawlh leh lawk, kha kha kan sawi hmasak pawh khan Rom sipai tehkhin a ni a, Isua Krista a thih niminah ka hre ve chauh tih kha chulai tak chu a pawimawh a ni. A chhan chu 1987 a km tih chauh tunah engatinge a buai tih kha. Helai City Area Sihphir an puang, Sethup kawnah Welcome to Aizawl tih tar atang chiah khan an rawn chuh ngam a ni, chu chu a pawimawh khawp mai Pu Speaker)... (**SPEAKER** : Khalai thu dun kha intan vek chuan ka sawidan kha a tha ber) (**Pu R. LALRINAWMA** : Aizawl East-I bialtu, Sihphir bialtu leh Pu Hmingdailova Khiangte, Tuirial bialtu, Lungdai bialtu an thu dun a ni)

Pu P.C.LALTHANLIANA, MINISTER : Chuvang chuan Department pawhin tihfel a duh a. Amaherawhchu khaw inthenawm ramri in nei an ni a, chung angte chu a rualtlang te pawhin an en tlang a, la tifel thei turah inngai ila, thil hi a dik lohna hmuhchhuah a awl ang hian a siam that hi a awl mai lo tih hi a chiangin ka hria a.

Tin, Pu Speaker, Housing loan chungchangah a amount te han tihsan duhna te a lo awm a. Tun kan sawrkarah hian vawikhat kan tisang tawh a, tin, a tlem tham em em a. A hmian Rs.80,000 a lianah MIG ah a ni a, LIG ah Rs.50,000 a ni thin a. Kan han sawrkar hnu hian a lian zawk MIG hi Rs.1,25,000 ah kan san a, tichuan LIG hi Rs.85,000 ah kan san ta bawk a. A hmaa a lian ai pawhin tuna a te hi a lian ta zawk a ni a, chu chu kan lo tih tawh a ni a, tun mai a han san leh tur hi chuanin kan sum dinhmun amount-te han en hi chuanin thil tih chi a ni angem tih ngaihtuah a ngai a. Tin, a rules-te kan siamtha a, repair nan pawha min a hman theih nan tunlaiah a beitham e tiin repair nan te pawh hman theihin kan siam ta a ni.

Tin, Pu T.T. Zothansanga khan a District wise anga Housing Loan-te hi hleih nei deuha inpek niin a lang a, hei hi tun hnuah thleng tawh lo se te kha an ti a. Housing Loan chungchangah hian Pu Speaker, a District anga rual tlang lo taka thil tih hi a awm reng reng lova tih ka sawi duh a. District wise-in board hi siam a ni a, chutah chuan Aizawl District-ah hian member 20 dah a ni a. Tin, Lunglei District-ah member 13, tin, Champhai District-ah 8, Kolasib District-ah 8, Serchhip District-ah 8, Mamit District-ah 8, Saiha District-ah 8, Lawngtlai District-ah 9 a ni a. Heng Board member tlema Lawngtlai District an tam hlek te pawh hi engemaw special case mimal anga Board Member dah loh theih loh boruakte pawh a awm ve a. Chutiang chuan Board Member-ah hian District tin hi quota inangin 6 pek an ni a, tin, hemi bak Board a quota kan sawi bakah hian nichina kan MLA zahawm tak takten an sawi ang khan kan MLA tan te pawh quota engemaw zat reserve a ni a. Tin, a thawktu lam, Official lamah te pawh quota engemaw zat kan dah lo thei lova. Chuta quota nei ho zawng zawng chuan an pek lam hawi a zir khan a district-ah a lo pungin a lo pung lo ve thei a ni. (**Pu T.T. ZOTHANSANGA** : Pu Speaker, a Board member kha min tipung ve thei mai

lawm ni kan ti a ni. A chhan chu, a MLA Constituency level a kan teh khanin 20 theuha chang thei kan ni ta a. Tun dinhmunah chuan 10 in kan chang pha tlat lo mai a ni.)

Pu Speaker, Mamit District te pawh MLA 3 Constituency awmna a ni a, member kha an nei tam chuang hauh lova. Champhai hi an lian khawp a, tlem chuan district dang Kolasib emaw, Serchhip emaw ai chuan an lian a ni. Amaherawhchu, khalai engemaw inrualkhailo rilru pu a han tih em em kha a awm lo a ni tih min hriatsak kha ka duh a ni. Board member bakah quota nei engemaw zat kan awm ta a. MLA ho zawng zawngin kan insem ringawt pawh hi a za tel a lo ni a. Chung chu a kal dan kha a hriat theih tawh lova, chuvangin, district-ah khan a lo tamin a lo tlem thei a. Engpawhnise, tlema inrualkhai deuh te kha chu a tul angin kan tih leh hunah chuan kan ngaihtuah dawn nia.

*Speech not corrected.

S P E A K E R : A Board member lam ai mah khan, dilna kha in tichhuak a. A diltu kha a district zawnga in then khan an tam hlei viau thei lo maw? Chuvangin, diltu tam na na naah kha chuan a dawngtu tam tur anga ruahman kha chu a fel ve tho lo maw. Tunah entirnan, Pata kawh hrim hrim pawh an lo tlem viau mai thei a. Kha kha pe ta hnur mai ula, a dil zawng zawng khan an hmuh vek mai bakah, a dil lo thleng pawh khan a la chuang mai thei a sin.

Pu P.C. LALTHANLIANA, MINISTER : Pu Speaker, a pek lam thu hi Board system leh quota system a kal a ni a. Pek leh pek loh tur thleng thlengin relpui theih hi a ni lova. A petu lamten an duh anga an pek kha a ngai ve tlat mai a.

*Speech not corrected.

S P E A K E R : I rawn sawi dan ka lo hriat dan chuan Champhai ami Board member pawhin, Kolasib a Board member pawhin Aizawl lam mi an rawn pe ta sup sup mai a, Aizawl kha a dawngtu kha an lo tam ta hluai mai a. Mahse Pu Sangtea sawidan kalphungah kha chuan Champhai kha kan lian a, patta kawh pawh kan tam a diltu pawh kan tam a, Mamit te ai chuan kan lawk deuh dawn lawm ni a ti lam deuh khan a lang a.

Pu P.C.LALTHANLIANA, MINISTER : Pu Speaker, kan lo hria a nge. Tichuan, kan member zahawm tak Pu Duha khan Hi-Mast kan dah dawn nia Tuivamitah tihna a rei tawh a, a awm tawh lo naa ka'n chhang tho ang a. Tunlai chu a bial a fang khat deuh emaw ni aw ka ti a, ka report hriat danah chuan a foundation te an chhung a, an nghak char tawh an tih laiin ava reh rei ve a ti a. Chutiang chu kan report dawn dan a ni a, reiloteah a char anih chuan an phun chho mai turah ngai ila a tha awm e. Tin, Chawlhmun Spotlight dah a tih, hi Aizawl hi chu minor works –ah chuan LAD hi chuan puanthuah kan tel a kan chhuak a ni tawh Municipal Area-ah hi chuan. Hemi Street Light tih vel pawh hi kan chhuak dawn nge dawn lo tih ngaihtuah laite a nih avangin (Pu K.Liantlinga : Pu Duha kha a haw ringawt a ni lova, a u a damlo a, a serious deuh hlek a Champhai ami. Chuvang chuan an rawn ko a, a haw a ni) A lawmawm e.

Tin, Pu Speaker, Housing Loan a LSC hman chungchangah Pu Duha, kan member zahawm takin LSC diklo hmanga loan lakna tam tak awm thei a ni a, hei hi Housing Loan te pawh hi tiin a rawn sawi a. Ni e, Department angin helai hi strick taka kalpui kan tum a. Han luh hlim chhoh te khan, he LSC hi a dik ngei em tih Revenue-in a certified leh turin kan han ti a. Amaherawhchu, mi LSC alo siamtu tawhin hei hi a dik em, lo ennawn leh teh u kan han ti kha a ngaihtuah vak loh ve theih mai a. Chuvangin harsatna lek lek kan han tawh a, chutihlai chuan he LSC hi Kanan Venga awm a ni a, a dah kham tur hi, Kanan veng VCP in he In hmun hi a awm ngei a ni tih a certified tur a ni kan han ti tel leh a. Chutianga kan han

tih tawh kha chuan LSC dik lo hi awmlo tur hi a ni a, mahse an rawn certified thei vek tho a vawiin thlengin. A khawilai atang hian nge a dik lo kan ti a, siamthat kan ti hi a har viauin ka hria a, Department ang pawhin hei hi kan han ti a. Tin, tunah hi chuan guarantor-te pawh kan han ti awm ta a, LDC chin te kan han ti a, chu chuanin loan repayment pawh hi a titha chho deuh ve turah te pawh kan ngai a, chu chu Pu Speaker, kan member zahawm tak takten kan department chan angah te an ngaihawh zualte an han sawi tlangpui ka han sawi theih ni ta sela.

Kan Department chu Pu Speaker, kan hmalakna tlangpui te, kan tih thinte vawiinah hian inhrilh leh chuan ngailovin, a tlangpuiin department lo hlun tawh a ni a, LAD hianin field kan lai vak vak ngailo tih te hi chu an hre tlangpui a, chutiang chuan inhrilh hriat vak hi ngailo turah ngai ila, ka han titawp chho hnai thei mai dawn em aw ka han ti deuh a. Chutiang chuanin Pu Speaker, ka Demand vawiinah member-ten thahnemngai taka min sawihopuinate, min duhsakna te, thahnem min ngaihpuinateah lawmthu ka sawi a, tin, ka Demand heng Demand No.19-na Local Administration Department Rs.42,47,13,000, tin, Demand No – 29 Social Welfare Department Rs. 67,47,64,000, total Rs 109,94,77,000 te hi he House zahawmtak hian min Pass pui turin ka han ngen e.

*Speech not corrected.

S P E A K E R : Awle, Minister zahawmtak Pu P.C Lalthanliana'n rawn wind up in a Demand-te pass a rawn dil a, Demand No – 19 leh Demand No – 29, a vaiin Rs 109,94,77,000 te hi Pass remti apiangin 'remti' ti ru le. Remti lo kan awm chuan 'Remti lo' ti ru le, Awle, remtilo kan awm lo a. Pu P.C Lalthanliana, Minister zahawmtak Demand No.19-na, Local Administration Department-ah Rs 42,47,13,000, Demand No.29, Social Welfare Department Rs 67,47,64,000, a vaiin Rs 109,94,77,000 chu House-in lungrual takin a Pass ta a ni.

Pu P.C.LALTHANLIANA, MINISTER : Pu Speaker, ka lawm e.

S P E A K E R : Awle vawiin atana kan business chu kan zo ta a, kan chawl tawh anga, ni 28th – 29th July,`12 te hi holiday a ni a, ni 30th July,`12 Thawhtanni zing lam dar 10:30 ah kan thukhawm leh dawn nia.

Sitting adjourned at 9:05 P.M.